

1488

Therese Mary  
Joseph and Son

2(075)  
14-29

03 AUG 2009

ՀԻՎԱՐԱԿՈՒԹԻՒՆ Ա. Պ. ԵՆԶԵՆԵԱՆ ԵՒ ԲՈՒՄԻՆԻՍՏԱՆ



Գ. ԵՆԶԵՆԵԱՆ

ՊԱՏԿԵՐԱԶԱՐԴ ԵՒ ԲԱՐՏԻՍԱԿՈՐ

# ԿՐՕՆԻ ՈՒՍՈՒՄ

ԾԱՆՈԹԷՆ ԱՆԾԱՆՈԹԸ, ԹԱՆՁՐԱՑՆԱԼԷՆ ՀԱԻԱՏԱԼԻԲԸ,  
ԴԷՄՅԱՆԴԻՄԱՆԱԿԱՆ ՈՒՍՈՒՑՈՒՄ

ՈՒ  
ԱՍՏԻՃԱՆԱԿԱՆ ԶԱՐԳԱՅՈՒՄ

5696/1

ՄԻՋԻՆ ԳՐԱԳՐԱԿԱՆ ԿԵՆՏՐՈՆ

ՍՐԿԱՄԾԱՅ ՇՐՋԱՆ

Բ. ՏՊԱԳՐՈՒԹԻՒՆ

ԲԱՐՏԻՍՈՒԹՅՈՒ ՈՒ ԶՈՆԱԾԱՆ

Կ. ՊԱՏԱԿ



02 220

584-ԽԱ

աւանդել Հայ Բրիտանոնէաթիւնն եւ սիրելի ընծայելի  
իւ Մայրենի Եկեղեցին

«Լաւով Աստուած ուրեմնք քո, Բրիտանոն,  
Լուսաւորեցիր սուրբ զեկեղեցի,  
Պահեա՛ զսա՛ անշա՛րժ յախտանն»  
«Ուրախ լի՛ր, սուրբ Եկեղեցի,  
Պահե՛ր Բրիտանոն արքայն երկնից  
Այսօր պահեաց զՔեզ իսալիս իւրով  
Եւ զարգարեաց զամուրս քո  
Արանելի փառօք իւրովք»

ՇԵՐԻՆ

Կ. ՊՈՒԼԻՍ

ՏՊԱԳՐՈՒԹԻՒՆ Ե. ՄԱՏԵՆՈՍՅԱՆ

1909

08.05.2013

1488

220  
584-104

2 (075)  
10-29 48

2 146



ՏՊԱՐԱՆ, ՎԻՄԱԳՐԱՏՈՒՆ, ԿԱԶՄԱՏՈՒՆ ԵՒ ԹՂԹԱՎԱՎԱԲԱՆՈՅ

Յ. ՄԱՏԹԷՈՍԵԱՆ

Թիւ 27, Ֆիլեմաննրչար եօզոչու, Կ. Պոլիս

1896Ի ԱՀՈՆԵԼԻ ԿՈՏՈՐԱԾԻՆ

ՆԱՀԱՏԱԿՆԵՐՈՒՆ ԵՒ ԽՈՍՏՈՎԱՆՈՂՆԵՐՈՒՆ

ԱՐԳԱԳԻՐ ՆՈՒՆԻՐ

ԽԱԶԱԿԻՐ ՈՒ ԽԱԶԱԿՐՈՆ

Գ. ԽԱԶԱԿՆՑ

ՎԱԻՆԵՐԱՑՈՒԱԾ

ՊԱՏԿ. ԿԵԴՐ. ՎԱՐՉՈՒՅԵԱՆ ԿՐՈՆ. ԺՈՂՈՎԷՆ

 Յ Ա Ռ Ա Չ Ա Բ Ա Ն

Մ Ե Թ Ո Տ

Ն Պ Ա Տ Ա Կ

*Տե՛ս Տարական Դարերացի*

## Ձ Ե Կ Ո Յ Ց

«Կրօնի Ուսման Միջին Դասընթացք»ը հիմնովին բա-  
րեփոխուած ու նոխացած է: Միայն կէս մը կայ որուն  
վրայ կը հրաւիրենք կրօնուսույցներու ուսագրութիւնը:  
Ազգային եկեղեցական պատմութեան քանի մը դրուագ-  
ները հարկ էր աւելցնել այս Ազատագրուած Երջանին,  
բայց որովհետեւ անոնք Ազգային պատմութեան մեկ  
կարեւոր մասն ալ կը կազմեն, յարմարագոյն դասե-  
ցինք վերապահել զանոնք մեր Պատկերազարդ ու Բար-  
ճիսաւոր Հայոց Պատմութեան Միջին Դասընթացքին:

ԱՆԵԱՏԱՍԻՐՈՂԸ

## Կ Ր Օ Ն Ի Ո Ւ Ս Ո Ւ Մ

Մ Ի Ջ Ի Ն Դ Ա Ս Ը Ն Թ Ա Յ Ք

Ծ Բ Ա Գ Ծ Բ

Մ Շ Ա Կ Ո Ւ Ա Ծ Ն Ի Ի Թ Ե Ր Ո Ւ

1. Քրիստոնէական, 2. Մրբազան պատմ., 3. Եկեղեց. պատմ.  
(Շարքական 2 ժամ)

Ծ Ա Ն Օ Թ Ը Ն Ա Ն Ծ Ա Ն Օ Թ Ը, Թ Ա Ն Ջ Բ Ա Յ Յ Ա Լ Ը Ն Հ Ա Ւ Տ Ա Ս Լ Ի Թ Ը  
Դ Է Մ Յ Ա Ն Դ Ի Մ Ա Ն Ա Կ Ա Ն Ո Ւ Ս Ո Ւ Ց Ո Ւ Մ

Ո Ւ

Ա Ս Տ Ի Ճ Ա Ն Ա Կ Ա Ն Զ Ա Ր Դ Ս Յ Ո Ւ Մ

Մ Ա Ն Լ Ե Ն Վ Ա Ր Ժ Ա Կ Ա Ն Պ Ա Հ Ա Ն Ջ Բ

Ա. ԲՐԻՍՏՈՆԷՍԿԱՆ

1. Ա. ստուածպագեսութիւն. — Կարգը, Սահմանողը, Եղա-  
նակը, Աւելցուի, Հասարակաց ու Մասնաւոր Աստուածաբանութիւն,  
Կոչնակ, Զանգակ:

2. Ա. ստուածպագեսութեան ծէսեր. — Մրբազան գործողու-  
թիւններ, Նիւթական եկեղեցւոյ կազմակերպութիւն, Եկեղեցւոյ  
նախնականութիւն, Անթիւն ու Սպաններ, Զգեստներ ու Զարդեր,  
Աստուածաբանութեան Ս. Գիրքերը, Հասարակաց կարգ աղօթիցք,  
Ինն ժամ, Ս. Պատարագի Միակն բացատրութիւն, Ս. Պատարագի  
երգեր, Եկեղեցւոյ եօթը սրբարար խորհուրդները, Մրբազան արարու-  
ղութիւններ, Բարեպաշտական աւանդութիւններ:

3. Քրիստոնէական հաւատալիք. — Հաւատոյ Հանգանակի  
բացատրութիւն, Փռաք ի Բարձուն, Աղօթքներ:

4. Քրիստոնէական բարոյական. — Տան Պատուիրանի  
բացատրութիւն և Տարբ. Դասընթացքի նահապետներու, Առաջնե-  
րու բարոյականութեւնը Վերջապահել Քրիստոնէական կրօնի բարոյականի  
ընդհանուր սկզբունքը:

Բ. ԵԿԵՂԵՅԱԿԱՆ ՊԱՏՄՈՒԹԻՒՆ

1. Ուսիք, Պահիք օրեր. — Կերակուրի պահք, Եկեղեցւոյ պահք, Պահքի խումբեր, Մեծ պահքի կիրակիները, Կիրակի օր, Լուր օր, Նաւակատիք ու իր օրերը, Բարեկենդաններ, Մեռելոց օր:

2. Տօներ. — Անշարժ, Շարժական տօներ:

3. Տաղաւար. — Տարբ. Գաղղթացքի նիւթերն ընդլայնուած, Հինգ տաղաւարներ՝ պատմական տօնակարգ, Շարականք:

4. Տէրուցի միւս տօներ. — (Պատմ. տօնակարգ շար.), Խաչի տօներ (Պատմ. տօնակարգ շար.), Եկեղեցւոյ տօներ (Պատմ. տօնակարգ շար.), Ս. Աստուածածնի տօներ (Պատմ. տօնակարգ շար.):

5. Մրբոց տօներ. — Ա. Աւագ տօներ (Պատմ. տօն. շար.), Գաւիթ Մարգարէ, Ստեփանոս Նախավկայ, Որդիք Որտաման, Ս. Թադէոս ու Ս. Բարթողիմէոս, Ս. Գրիգոր Լուսաւորիչ: Բ. Ս. Լուսաւորչի հետ կապուած ազգային տօներ՝ Առաջաւորաց պահք, Ս. Հռիփսիմեանք ու Ս. Գայիանեանք, Շողակաթ, Տապանակ, Երկրորդ Մաղկազարդ, Ս. Լուսաւորչի որդիք ու թոռուք, Ս. Թարգմանչիք, Ղեւոնդեանք և Ս. Վարդանանք: Գ. Մրբոց միւս տօներ՝ Երկատասան Մարգարէք, Եօթանասուն երկու աշակերտք, Չորս Աւետարանիչներ, Հրեշտակապետք, Ս. Յակոբ Մծբնայ, Տիեզերական Ժողովներ — Նիկիոյ, Կ. Պոլսոյ, Եփեսոսի — Նախահարք ու Մարգարէք՝ Մեծ ու Փոքր:

Գ. ՄՐԲԱԶԱՆ ՊԱՏՄՈՒԹԻՒՆ

1. Տարբ. Գաղղթացի նահապետներու, Թագաւորներու թելադրութիւնները կրկնել իրենց բարոյականով:


2. Միջին Գաղղթացի մէջ յիշուած բառերու, կշիռներու, գրամներու բացատրութիւն, ժամանակագրական տախտակ, աշխարհագրական տեղերու ծանօթութիւն:



ԿՐՕՆԻ ՈՒՍՈՒՄ



Ա. ՔՐԻՍՏՈՆԵԱԿԱՆ



ՀԱՅ ԱՍՏՈՒԱԾՊԱՇՏՈՒԹԻՒՆ

Ա. ՆԱԽԱԳԻՏԵԼԻՔ

Աղօթք. — Աստուծոյ երկիրւածութեամբ դիմելն ու անոր հետ խօսիլը կը կոչուին Աղօթք:

1. Աղօթքով կը խնդրենք Աստուծմէ ինչ որ մեզի անհրաժեշտ է: 2. Աղօթքով շնորհակալութիւն կը յայտնենք անոր՝ իր ողորմութեան ու շնորհած բարիքներուն համար: 3. Աղօթքով կը փառաբանենք Աստուած իր կատարելութեանց համար:

Աղօթքի տեսակներ. — Այս պատճառաւ աղօթքները կ'ըլլան 1. Խնդրողական, 2. Գոհաբանական, 3. Փառաբանական:

Բայց եթէ մեր հոգւոյն բոլոր զգացումները միահաղոյն միացած ու խառնուած՝ արտայայտուին մեր աղօթքներու մէջ, աղօթքները կ'սկսին գոհաբանականով, յետոյ կ'անցնին փառաբանականի ու կը վերջանան մեր պէտքերուն համար խնդրուածով:

Աղօթելու եղանակ. — Աղօթած ատեննիս ուղիղ ու երկիրզածութեամբ կենալու ենք. եթէ պատկեր կայ, պատկերի առջև, և եթէ չկայ, երեսնիս դէպի արեւելք դարձնելով ու խաչակնքելով՝ ուշադրութեամբ ու ծանր պիտի ըսենք մեր աղօթքը: Վերջանալէ ետք դարձեալ կը խաչակնքենք երեսնիս ու երկրպագութիւն կ'ընենք:

Ասուածպաշտութիւն. — Աստուծոյ մեր մատուցած ծառայութիւնը կը կոչուի Ասուածպաշտութիւն:

Ասուածպաշտութեան կարգ. — Եկեղեցիներու մէջ հրապարակաւ կատարուած արարողութիւններն ու ծէսերը կը կազմեն Ասուածպաշտութեան կարգը:

Ասուածպաշտութեան սահմանողը. — Յիսուս Գրիստոս հիմնեց Աստուածպաշտութիւնն և առաքեալները սահմանեցին:

Իսկ մեր Հայ. եկեղեցւոյ Աստուածպաշտութեան կարգերն ու արարողութիւնները հիմնուեցան Ս. Թադէոս ու Ս. Բարթողիմէոս առաքեալներու ձեռքով: Ս. Գր. Լուսաւորիչ, Ս. Սահակ ու Ս. Մեսրոպ ճոխացուցին Աստուածպաշտութեան կարգերը, Գիււս կաթողիկոս, Ս. Յովհան Մանդակունի ու Ս. Ներսէս Ենոքիայի հայրապետները զարդարեցին զանազան երգերով ու ընթերցուածքներով:

Ասուածպաշտութեան սեսակներ. — Երկու տեսակ է Աստուածպաշտութիւնը՝ Մասնաւոր ու Հասարակաց:

Մասնաւոր Ասուածպաշտութիւն. — Յիսուս պատուիրեց. «Մտի՛ր սենեակդ ու ծածուկ աղօթէ՛.» Արդ՝ պարտաւոր ենք առանձին պաշտել Աստուած, մեր հոգին բանալով Անոր առջև, յայտնելով մեր պէտքերը, աղօթելով և կարգալով Անոր խօսքը:

Մասնաւոր = Առանձնական Ասուածպաշտութիւն կը կոչուին այն աղօթքն ու պաշտամունքը զոր կը կատարենք տունը՝ մեր ընտանիքին հետ, գերդաստանին

մէջ՝ վառ պահելու բարեպաշտութեան զգացումն և Աստուծոյ օրհնութիւնն ստանալու համար:

Հասարակաց Ասուածպաշտութիւն. — Մասնաւոր աղօթքէն զատ միաբանութեամբ Աստուծոյ պաշտօն մատուցանելու ենք եկեղեցիներու մէջ՝ հասարակաց բարօրութեան ու խաղաղութեան համար:

Հասարակաց Ասուածպաշտութիւն կը կոչուի այդպիսի աղօթք մը որ կը կատարուի հաւատացեալներու ներկայութեան ու նշանակուած պաշտօնեայներու ձեռքով:

Միաբանական = Հասարակաց Աստուածպաշտութիւնը գեղեցիկ միջոց մըն է հաւատքի մէջ յառաջդիմելու և հաւատացեալներու մէջ արժարժեղու և գորացրնելու բարեպաշտութեան ու մարդասիրութեան զգացումը:

Ասուածպաշտութեան եղանակ. — Աստուածպաշտութեան արտաքին նշաններն են խաչակնքել, ծերարդրել, որ խոնարհութեան նշան է, երկրպագել որ հպատակութեան նշան է Աստուծոյ առջև, և կարդալ, սաղմոսել, բարձրաձայն աղօթել:


Իսկ եթէ այս արարողութիւնները կապուած չեն մեր ներքին հոգեկան պաշտօնին հետ, այդ Աստուածպաշտութիւնը ճշմարիտ չէ, այլ ձեւական բան մը միայն: Հետեւապէս Աստուածպաշտութիւնը կատարուելու է խորին յարգանքով, ուշադրութեամբ, հաշտ սրտով, մարմնի մաքրութեամբ ու ջերմեռանդութեամբ:

Կոչնակ ու Զանգակ. — Հասարակաց Աստուածպաշտութիւնը հրաւիրելու համար՝ հին ատեն կար կոչնակ. ատիկա փայտէ կամ երկաթէ տախտակաձև գործիք մըն էր որուն վրայ թակ զարնելով՝ հաւատացեալներն եկեղեցի կը հրաւիրէին:

Կոչնակը կը յիշեցնէ մեզի Հրեշտակապետի փողն որ



աշխարհի կատարածին պիտի կանչէ բոլոր ողջերն ու մեռեալներն Աստուծոյ անեղ դատաստանի առջև :



Կոչնակ

Վերջերս կոչնակին յաջորդեց Զանգակը : Իւրաքանչիւր ժամերգութենէ , Ս. Պատարագէն առաջ ու յուղարկաւորութեան ատեն և այլն զանգակը կը զօղանջէ :

Ասուածպաշտութեան լեզուն . — Հայ. Եկեղեցւոյ Աստուածպաշտութիւնը կը կատարուի Հին հայերէն == Գրաբար լեզուով որով գրուած են մեր եկեղեցական բոլոր գրուածները : Աշխարհաբար == Նոր հայերէն լեզուով կատարել թոյլատրուած չէ :

Միայն Հայ Բողոքականներն աշխարհաբար լեզուով կը կատարեն իրենց Աստուածպաշտութիւնը ժողովարաններու մէջ :

Ասուածպաշտութեան ծեսեր . — Աստուածպաշտութեան արտաքին նշանները կը կոչուին ծես ու արարողութիւն :

Հայ. եկեղեցւոյ գլխաւոր ծէսերն են .

- Ա. Սրբազան գործողութիւններ
- Բ. Նիւթական եկեղեցւոյ կազմակերպութիւն
- Գ. Ս. խորհուրդներ կատարելու ծեսեր
- Դ. Հոգեւոր սովորութիւններ
- Ե. Քրիստոսի Ս. Խաչի , Սրբոց մատուցներու եւ պահներներու յարգութիւն
- Զ. Պահի ու Ծովապահութիւն
- Է. Տօներ

**Թեկադրութիւններ .** — Ի՞նչ է աղօթքը . — Աղօթքով ի՞նչեր կը խնդրենք Աստուծմէ . — Քանի՞ տեսակ աղօթք կայ . — Ի՞նչպէս է աղօթելու եղանակը . — Ի՞նչ է Աստուածպաշտութիւնը . — Ի՞նչ է Աստուածպաշտութեան կարգը . — Ո՞վ սահմանեց Աստուածպաշտութիւնը . — Որո՞նք սահմանեցին մեր եկեղեցւոյ Աստուածպաշտութիւնը . — Քանի՞ տեսակ է Աստուածպաշտութիւնը . — Ե՞րբ կ'ըլլայ Մանուար . — Ի՞նչու կը կատարենք . — Ո՞ր աղօթքը կը կոչուի Հասարակաց . — Ի՞նչ է կոչնակը , Զանգակը . — Կոչնակն ի՞նչ կը յիշեցնէ . — Ո՞րն է Աստուածպաշտութեան լեզուն . — Որո՞նք են Աստուածպաշտութեան արտաքին նշանները :



# ԱՍՏՈՒԱԾՊԱՇՏՈՒԹԵԱՆ ԾԷՍԵՐ



## Բ. ՍՐԲԱԶԱՆ ԳՈՐԾՈՂՈՒԹԻՒՆՆԵՐ

Աստուածպաշտութեան ատեն կը կատարուին հետեւեալ սրբազան գործողութիւնները :

1. Խաչակնքելով կը յիշենք խաչի վրայ մեր Փրկչին մահը մարդոց փրկութեան համար և կը խնդրենք Աստուծոյ ողորմութիւնը : Եկեղեցւոյ մեջ կը խաչակնքենք մեր անձը, քանի անգամ որ Յիսուս Քրիստոսի անունը կ'արտասանուի : Կը խաչակնքենք նաև առ հասարակ ո՛ր և է գործի ձեռնարկելէ առաջ :

Սապէս կը խաչակնքենք. աջ ձեռքի երեք մատները միացնելով՝ նախ կը դնենք մեր ձակտին վրայ, յետոյ կուրծքի, ապա ձախ ու աջ թեւերու մօտ, վերջն ալ մէջտեղը՝ կուրծքի վրայ :

2. Երկբայագելով ու գլուխ խոնարհեցնելով ցոյց կուտանք մեր ծառայութիւնն ու հեղութիւնն Աստուծոյ առջև և կը խոստովանինք թէ մեղաւոր ենք : Երկբայագութիւնը նշան է նաև թէ մենք կը մամնակցինք Աստուածպաշտական աղօթքներուն և խնդրուածքներուն :

3. Ծնրադրելով ցոյց կուտանք մեր անպայման խոնարհութիւնն Աստուծոյ առջև, ու հնազանդութիւն՝ Անոր կամքին : Կը ծնրադրենք վերաբերման ու Սրբասացութեան ատեն և ամեն անգամ որ «Աստուծոյ երկիրպագեսցուք» կ'ըսեն ասրիւաւզն ու քահանայն :

4. Խնկարկելով այսինքն խունկ ծխելով մեր յար-

գանքներն ու նուէրները կը մատուցանենք Աստուծոյ, քանի որ անձամբ չենք կրնար մօտենալ Անոր :

Խնկարկելով կը փափաքինք որ Աստուծոյ օրհնութիւնն իլնէ մարդոց վրայ, և իւրաքանչիւրին աղօթքը խունկի ծխի նման բարձրանայ դէպ ի Աստուած :

Խնկարկութիւնն երկու նշանակութիւն ունի. մէկը նշան է Աստուածպաշտութեան, միւսը՝ ջերմեռանդ աղօթքի :

Եկեղեցւոյ մէջ կը խնկարկենք, երբ ժամերգութեան սկիզբը :

1. «Տէ՛ր, զի բազում» կ'ըսեն :
2. Ս. Աւետարան կը կարդացուի,
3. «Օրհնութեան» շարականի սկիզբը, և «Հոգեգալըստեան» շարականին,
4. «Փա՛ռք ի բարձունս» երգելու ատեն,
5. «Լոյս զուարթ»ի երկրորդ մասի «Եկեալքս»ին,
6. «Ս. Աստուած» երգելու ատեն,
7. Ս. Պատարագի սպասը դնելու ատեն,
8. Վերաբերման, գլխաւոր երգերու և աղօթքներու ժամանակ,
9. Անդաստանի, տեառնագրութեան ատեն,

5. Օրհնել խաչով, աւետարանով ու սրբոց մատենքներով նշան է Տիրոջ օրհնութեան :


6. Թափօրի, Անդաստանի ատեն կը տեառնագրութիւն աշխարհիս չորս կողմերը : Ատիկա կը կատարուի Տէրունի հանդիսաւոր տօներուն, բոլոր աշխարհի վրայ Աստուծոյ օրհնութիւնը մաղթելով և նաև երաշտութեան ու մահտարածամի առաջքն առնելու բարեպաշտութեամբ :

7. Նախասօնակ. — Հայ. եկեղեցւոյ հաշուով այս իրիկունքնէ մինչև յաջորդ իրիկունն օրը սկսելուն համար՝ եկեղեցին Տէրունի ու նշանաւոր սրբոց խօնարարութեամբ :


Թեան նախընթաց իրիկունն առանձին տօն կը կատարէ՝ զգեստաւորուած ու եկեղեցական սպասներով: Այդ միջոցին կ'երգուի յաջորդ օրուան շարականներու մէկ մասը: Ատիկա կը կոչուի *Նախասօնակ*:

8. Հսկում. — Տէրունի մեծ տօներու նախընթաց գիշերը կը կատարուի յաջորդ օրուան ժամերգութեան մէկ մասը: Ատիկա կը կոչուի *Հսկում*, այսինքն *Արթնուրիւն*:

**Թեյադրութիւններ** — Ատուածայաշտութեան տանն ս'ը սըր-բազան գործողութիւնները կը կատարուին. — Խնչպէս կը խաչակընքենք. — Խնչ կը յիշենք. — Խնչ կը խնդրենք. — Ե՛րբ կը խաչակընքենք. — Երկրպագելով, խոնարհելով՝ Խնչ կը խոստովանինք. — Ենրադրելով՝ Խնչ ցոյց կուտանք. — Խնկարկելով՝ Խնչ կը մատուցանենք Ատուծոյ. — Խնչի՞ կը փափաքինք. — Խնչի՞ նշան է. — Ե՛րբ կը խնկարկենք եկեղեցւոյ մէջ — Ա. Խաչով օրհնել Խնչի՞ նշան է. — Խնչպէս կը տեսանագրուին աշխարհիս չորս կողմերը. — Հայ. եկեղեցւոյ հաշտով ե՛րբ կ'սկսի օրը. — Ե՛րբ կը կատարուի Նախասօնակը — Խնչե՛ր կ'երգուին. — Ե՛րբ կը կատարենք Հսկումը:



Կարողիկէ Ս. Էջմիածին, Արաբիկն ձեւ Հայ եկեղեցւոյ



Եկեղեցւոյ յասակադիծ

1. Մասթէոս — 2. Մարիոս — 3. Դոկաս — 4. Յովնանէս — 5. Պետրոս — 6. Անդրէաս — 7. Փիլիպպոս — 8. Գր. Լուսա օրիչ — 9. Բարթոլոմէոս — 10. Սիմոն Կանանացի — 11. Մատթիոս — 12. Թադէոս — 13. Յակոբ Արխեայ — 14. Թովմաս — 15. Յակոբ Դեբէոս — 16. Պղոս — 17. 18. 19. 20. Կաթողիկէն կրող չորս սիւները. — 21. Կողակ — 22. Աւագ Խորան — 23. Զախարիական խորան — 24. Բեմ — 25. Աջակողման պահարան — 26. Աւաղան — 27. Զախարիական պահարան — 28. Դաս — 29. Աւեան — 30. 31. Սիւներ — 32. Աջակողման գաւիթ — 33. Զախարիական գաւիթ — 34. Անգատակ — 35. Աւագ = Արեմո. դուռ — 36. Խորհրդանոց — 37. Աջակողման խորան

Փ. ՆԻԻԹԱԿԱՆ ԵԿԵՂԵՑՈՒՅ ԿԱԶՄԱԿԵՐՊՈՒԹԻՒՆ

ԱՍՏՈՒԱԾՊԱՇՏՈՒԹԵԱՆ ՏԵՂԸ = ԵԿԵՂԵՑԻ

Եկեղեցի. — Աստուածապաշտութեան գլխաւոր տեղը Եկեղեցին է որ կը կոչուի նաև Տաճար: Եկեղեցին կ'օրհնուի ու Ս. Միւռնոյ կ'օծուի եպիսկոպոսին ձեռքով: Եկեղեցւոյ մէջ կը կատարուին եկեղեցւոյ Ս. Խորհուրդներն ու սրբազորութիւնները: Եկեղեցիէն դուրս բացառիկ պարագայներու մէջ կարելի է կատարել Աստուածապաշտութեան քանի մը մասերն ու խորհուրդները:

Եկեղեցին հաւատացեալներու ժողովն է: Հաւատացեալները միաւորուած են մեկ հաւատքով և կը գտնուին մեկ հոգեւոր Հովուապետի հովանաւորութեան տակ:

Եկեղեցւոյ ձեւը. — Հայ եկեղեցին կը շինուի երկար ու քառանկիւն, մեծ մասամբ խաչաձև: Եկեղեցւոյ Խորանը կը գտնուի արեւելեան կողմը, որովհետև ինչպէս արեւելքէն կը ծագի արեւը, այնպէս ալ արեւելքէն պիտի ըլլայ Քրիստոսի Երկրորդ գալուստը:

Եկեղեցւոյ Մայր-դուռը կը շինուի արեւմտեան կողմը, որովհետև հեթանոսական խաւարէն կու գանք դէպի Աստուածային լոյսը:

Եկեղեցւոյ գլուխը չորս գլխաւոր սիւներու վրայ կը հաստատուի վեղարածն գմբէթը = Կարողիկէն որուն ծայրը կը փայլի Քրիստոսի Ս. Խաչը:

Եկեղեցին օծուելու ատեն կը նուիրուի ի պատիւ Տէրունի ս' և է տօնի կամ ս' և է սուրբի անունին:

Եկեղեցւոյ մասերը. — Եկեղեցին երեք մաս ունի, գաւիթ, ասեան, քեւ:

Գաւիթ. — Բուն եկեղեցւոյ արեւմտեան պատին կից կը գտնուի Գաւիթն իր աջ ու ձախ բաժանումներով: Հին ատեն գաւիթին մէջ կ'աղօթէին մեղաւոր ապաշխարողները: Գաւիթին վրայ կը գտնուի Վերնասունը:

Ասեան. — Ժողովրդին աղօթած տեղն Ասեան կը կոչուի:

Դաս. — Ատեանին առջեւի այն մասն որ կցուած է բեմին՝ կը կոչուի Դաս: Սովորաբար դասը քանի մը մաս բարձր է եկեղեցւոյ յատակէն, և աջ ու ձախ կողմերը վանդակապատ են: Դասը յատկացուած է միայն Աստուածապաշտութեան. հոս կը կենան հոգեւորականներն ու դպիրներն եւ կը կատարուի Ժամերգութիւնը դաս առ դաս, իսկ հանդիսաւոր տօներուն՝ Նախաստեան կը: Անդատանի ատեն Ժամերգութիւնը կը կատարուի աստեանին մէջտեղը:

Աջ կողմի գասը կը կոչուի Աջակողմեան = Վերի դաս ուր կը գրուի Քարոզչին կամ Առաջնորդին աթոռը և կամ Հայրապետական աթոռը: Եթէ ասոնք չըլլան, Աւագերեցը կը կենայ ասոնց աթոռի: Ասոնց ներկայութեան Աւագերեցը Չախակողմեան դասը՝ Վարի դասը կ'անցնի:

Աւագան. — Եթէ եկեղեցին կողմնակի տաճարներ չունի, աջակողմեան դասին պատին հիւսիսային արեւմտեան կողմը կը զետեղուի Միրսուքեան քարէ Աւագանը՝ հաւատացեալներու զաւակներն ու երախայները միրտելու համար: Եպիսկոպոսը կ'օրհնէ ու Ս. միւռնոյ կ'օծէ Աւագանը: Միրսուքեով Աւագանին մէջ՝ կը ծնինք Յաւիտենական կեանքին մէջ:

Բեմ. — Եկեղեցւոյ արեւելեան կողմը դասի առջեւ կը բարձրանայ եթին աստիճաններով Բեմը. ասոր վրայ կը կատարուին Ս. Պատարագի արարողութիւնները, հոգեւորականներու ձեռնադրութիւնը, Իւղա-

բերից աւետարանի ընթերցումը, նաև քարոզութիւնը: Բեմին վրայ կը բարձրանան միայն աստիճան ունեցող հոգեւորականները:

Սեղանը բեմին վրայ ամրացած է դէպ ի արեւելք վէժ քարի վրայ: Ասոր վրայ կը մատուցուի Ս. Պատարագը: Սեղանին կրնան մտնենալ միայն եկեղեցւոյ հոգեւոր պաշտօնեայնները: Սեղանը կ'ըլլայ քարէ, հաստատուն և Ս. Միւռնոյ կ'օծուի:

Սեղանը խորհրդանշան է Գողգոթա լեռան ուր խաչուեցաւ Քրիստոս և այն այրին՝ ուր թաղուեցաւ Անիկա:

Սեղանին վրայ մէջտեղը կը դրուին Ս. խաչ և Ս. աւետարան, Տէրունական պատկեր մը, Մասնատուփ և Ս. Միւռնոն և տաններկու մոմ:

Վարագոյքը բեմին վրայ կը կախուի մէկ կողմ. սեղանը կը ծածկուի վարագոյքով հետեւեալ պարագայներու մէջ:

1. Ս. Պատարագի սպասը դնելու ատեն,
2. «Տէր, ողորմեա» երգելու ատեն,
3. Երեք տիեզերական ժողովներուն տօներուն «Ո՛վ հրաշալի» շարականն երգելու ատեն,
4. «Դռնբայէք» ի կարգը կատարելու ատեն,
5. Քառասնօրեայ պահքի օրերուն,
6. «Ծրագալոյցի իրիկունները,
7. Աւագ Եջ. ապաշխարողներու կարգը կատարելու ատեն մինչև Ս. Պատարագի սկզբնաւորութիւնը:

Խաչկալ. — Աւագ խորանի սեղանի վրայ, պատկերէն վեր, Սեղանին ուղղութեամբ կը բարձրանայ Խաչկալն որ փայտէ՝ ոսկեգօծ շինուած է. գլուխը կը կանգնի խաչ մը. ասկէ է իր անունը:

Աւագ սեղանին աջ կողմը կը գտնուի Աջակողմեան խորանը, ձախ կողմն ալ կը գտնուի Ձախակողմեան խորանը: Ատոնց վրայ երբեմն Ս. Պատարագ կը մատուցուի:

Ընծայարան. — Սեղանին հիւս. պատին մէջ փորուած է խորշ մը որ կը կոչուի Ընծայարան = Խորհրդանոց: Հոս կը դրուի Ս. Պատարագի Սպասը՝ այսինքն Ելխարն ու Գինին և այս տեղէն կը վերաբերեն Ս. Պատարագի ատեն:

Ընծայարանը կը յիշեցնէ Հին ուխտի Առաջաւորութեան սեղանն ու այն այրն՝ ուր ծնաւ Քրիստոս:

Սարկաւագասուն = Սրբասուն = Աւանդասունը եկեղեցւոյ կից ձախակողմեան շէնք մըն է, կամ երբեմն ալ եկեղեցւոյ տակ յարկ մը ուր կը պահուին եկեղեցւոյ անօթներն ու զգեստները: Հոս կը զգեստաւորուին եկեղեցւոյ բոլոր պաշտօնեայններն Աստուածապաշտութեան կարգ կատարելու համար:

Թեւադրութիւններ. — Աստուածապաշտութեան գլխաւոր տեղն օրն է. — Ի՞նչ կ'ըլլայ եկեղեցին. — Ինչե՞ր կը կատարուին հոն. — եկեղեցիէն դուրս ե՞րբ կարելի է կատարել զանոնք. — Ամենքն ալ կարելի՞ է. — Ի՞նչ է եկեղեցին. — Հաւատացեալներն ինչո՞վ միացած են. — Ի՞նչ ձև ունի Հայոց եկեղեցին. — Խորանն օր կողմն է. — Մայր-գուռն օր կողմնէ. — Ինչո՞ւ. — Ո՞ւր կը գտնուի կաթողիկէն. — եկեղեցին ե՞րբ կը նուիրուի. — եկեղեցին քանի՞ մաս ունի. — Ո՞ւր է գաւիթը. — վերնատունը. — Ո՞ւր է Ատեննը. — Ի՞նչը. — Որո՞նք կը կենան դասը. — Քանի՞ գաս կոյ. — Ո՞ւր է Աւագանը. — եպիսկոպոսն ոււղղան ի՞նչ կ'ընէ. — Ինչո՞ւ կը միբաւորուի. — Ո՞ւր է Սեղանը. — Ի՞նչ նիւթ է. — Որո՞նք կրնան մտնենալ Սեղանին. — Ի՞նչ եղած է Սեղանը. — Ո՞ւր է Աջակողմեան խորանը. — Ձախակողմեան խորանը. — Ինչի՞նչ նուիրուած են. — Ո՞ւր կը գտնուի Ընծայարանը. — Ի՞նչ կը յիշեցնէ. — Ո՞ւր է Աւանդատունը. — Ի՞նչ բանի յատուկ է:

Գ. ԱՍՏՈՒԱԾՊԱՇՏՈՒԹԵԱՆ ՊԱՇՏՈՆԵԱՅՆԵՐԸ

ԵԿԵՂԵՑԻՈՅ ՆՈՒԻՐԱՊԵՏՈՒԹԻՒՆ

Նուիրապետութիւն. — Եկեղեցւոյ պաշտօնեայնե-  
րուն զանազան աստիճաններու դասակարգութիւնը կը  
կոչուի Նուիրապետութիւն:

Քրիստոս հաստատեց եկեղեցւոյ նուիրապետութիւնը,  
եբբ որ ընտրեց տաճանը եւ առաքեալներն իբրև իրեն  
մշտնջենաւոր հետեւողներ:

Սկզբան անոնք կը կատարէին ամէն պարսականու-  
թիւն Աստուածապաշտութեան ատեն, ինչպէս որ ու է  
եկեղեցւոյ մէջ գանձած մէկ քահանայն ինք ամէն բան  
կը կատարէ: Բայց երբոր հաւատացեալներու թիւն աճե-  
ցաւ, և առաքեալներն այլեւս չէին հասներ ամէնուն,  
անոնք եկեղեցւոյ կառավարութիւնը յանձնեցին առան-  
ձին ընտրուած անձերու որ ձեռնադրուելով սարկաւազ,  
երեց, եպիսկոպոս անունը կրեցին: Այսպէս մեր Առաջին  
լուսաւորիչները Հայ եկեղեցւոյ կառավարութեան գործը  
յանձնեցին իրենցմէ ձեռնադրուած եպիսկոպոսներուն և  
քահանայներուն:

Հայ եկեղեցւոյ նուիրապետութեան աստիճաններ են.

1. Հայրապետ, 2. Արքեպիսկոպոս, Եպիսկոպոս,
- Քորեպիսկոպոս, 3. Ծայրագոյն Վարդապետ, Վարդա-  
պետ, 4. Քահանայ, 5. Սարկաւազ, Կիսասարկաւազ,
6. Դպիր, 7. Չափակալ, Երդմեցուցիչ, Դռնապան:

1. Հայրապետ. — Հայ. եկեղեցւոյ Ծայրագոյն  
պետը, տէրն ու կարողիկոսն է Հայրապետը. անոր անունը  
կը յիշուի Հայոց բոլոր եկեղեցիներու մէջ. Անոր գերիշ-  
խանութեան կը հնազանդին բոլոր Հայ հոգեւորական-

ները: Հայրապետը կը կառավարէ Հայաստանեայց եկե-  
ղեցին, կը կարգարէ հոգեւոր գործերը, իր թեմերուն  
կը ձեռնարէ եպիսկոպոսները, կ'օրհնէ Ս. Միւռոնը,  
կը գումարէ Ազգ. եկեղեցական ընդհ. ժողով, կը որկի  
Կանոնական թղթեր, Կոնդակներ, կը վարձատրէ կամ  
կը պատժէ, կը բողոքարէ Կրօնական գիրքերու հրատա-  
րակութիւնը:

Օծոււ, Քօղ. — Հայոց Հայրապետը կ'ընտրուի ամ-  
բողջ ազգին կողմէ: Ս. Էջմիածնի տաճարին մէջ աստ-  
ուածադիր օրէնքները, Հայ եկեղեցւոյ դաւանութիւնն  
ու Հայրապետական կանոններն անխախտ պահել ու խ-  
տելէն ետք, կ'օծուի սասնեղիոս եպիսկոպոսներու ձեռ-  
նով: Ասոնք Ս. Միւռոնով կ'օծեն հայրապետին գագաթը  
ու վրան կը ձգեն Հայրապետական փոյն որ Ս. Գրիգոր  
Լուսաւորչէն սկսեալ կը գործածուի իբրև նշան Հայր-  
ապետութեան: Քօղը կը յիշեցնէ Իսրայելացւոյ ծայրա-  
գոյն առաջնորդ Մովսէս մարգարէին դէմքն Աստուծոյ  
հետ խօսելու ատեն լուսաւորիչն որու ո՛չ մէկը կրցաւ  
նայիլ: Հայրապետն իբրև ծայրագոյն պետ Հայ ժողո-  
վրդին՝ կուտայ Աստուծային պատգամները: Աթոռն  
է Ս. Էջմիածին:

Երկու սարկաւազներ Հայրապետական ոպիտակ ոս-  
կեթել քօղը Հայրապետի առջեւէն հանդէսներու ատեն  
կը տանին:

Ս. Էջմիածնի Հայրապետը կը կոչուի նաև Եպիս-  
կոպոսապետ, Ծայրագոյն Պատրիարք, Քահանայապետ ու  
Կարողիկոս ամենայն Հայոց: Տիտղոսն է Ն. Ս. Օծու-  
թիւն, Վեհաշնորհ Ս. Հայրապետ:

Ս. Էջմիածնի Հայրապետէն զատ կան երկու Մասնա-  
ւոր կարողիկոսներ ալ — Սալուստիոս Աղքատարի — որ եկար-  
կուած են Մայր-Աթոռ Ս. Էջմիածնի Ընդհանրական Կա-  
թողիկոսին իշխանութեան:

Պատրիարքներ. — Կան երկու պատրիարքներ՝ Երուսաղեմի ու Կ. Պոչոյ որոնք Արքեպիսկոպոսներ են միայն: Արքեպիսկոպոս, Եպիսկոպոս, Քորեպիսկոպոս. —

Յունարէն է եպիսկոպոս բառն որ կը նշանակէ տեսչ:

Եպիսկոպոսին պաշտօնն է վիճակին առաջնորդ ըլլալ, վարդապետ, քահանայ, սարկաւազ և այլն. պաշտօնեայնէր ձեռնադրել, եկեղեցի ու անօթնիւր օծել, հսկել իր հօտին հողերը ու կրթական գործերուն:

Եպիսկոպոսը կ'ընտրուի իր թեմի ժողովրդին ու հողերականներուն հաւանութեամբ և Ազգ. Կեդր. Վարչութեան վաւերացումէն ետք, կը ներկայացնեն Կաթողիկոսին ձեռնադրութեան համար:

Կաթողիկոսն ընտրուածը կը ձեռնադրէ Ս. Էջմիածնի Մայր տաճարին մէջ՝ անոր տալով հովուական դաւազան և դնելով անոր ձեռքի մատին եպիսկոպոսական մատանին՝ հովուական իշխանութեան նշան որ Թ. Գարէն սկսած է:

Եպիսկոպոս ձեռնադրելու իրաւասութիւնը կը պատկանի Ս. Էջմիածնի Ընդհանրական Կաթողիկոսին, բայց Սսի ու Աղթամարի Կաթողիկոսներն ալ կը ձեռնադրեն իրենց թեմին համար:

Արքեպիսկոպոսն ու Քորեպիսկոպոսն եպիսկոպոսին աստիճանն ունին, միայն առաջինն աւագութեան տիտղոսն է, իսկ վերջինը հին ատեն գոյութիւն ունէր և վարչական կոչում էր, զաւտակի մը հովիւն եր՝ եպիսկոպոսին իշխանութեան ենթարկեալ:

Հայրապետն Արքեպիսկոպոսութիւնը կուտայ Օրհնութեան կրկնակով:

Վարդապետ, Ծայրագոյն վարդապետ. — Քահանային ձեռնադրութիւնն ունի Վարդապետը, միայն քարոզչու իշխանութեանը անկէ կը տարբերի: Վարդապետը քահանայէն կ'որոշուի նաև իր գլուխը ծածկած վեղար-

րով որ Կրօնաւորութեան ու Ամբիժ կեանքի նշան է: Վարդապետին կոչումն է քարոզել եկեղեցւոյ մէջ Աստուծոյ խօսքը, օրէնքն ու հաւատքը:

Ծայրագոյն վարդապետ կը կոչուին անոնք որ վարդապետական ծայրագոյն իշխանութիւն ստացած են և կը կրեն Օձագրուի զաւագան՝ օրինակ Մովսէսի դաւազանին որ օձ դարձաւ: Ոչ-ծայրագոյն վարդապետներն ալ կը կրեն:

Քահանայ. — Երեց ալ կը կոչուի Քահանայն. եպիսկոպոսէն կ'օծուի Ս. միւռնոսով, կ'ընդունի Ս. Հոգւոյն շնորհը, որով կը դառնայ Ժողովուրդի հովիւ ու եկեղեցւոյ Ս. խորհուրդները կատարող:

Քահանայական կարգն եկեղեցւոյ եօթը խորհուրդներէն մէկն է որ կը կատարուի եկեղեցւոյ մէջ Ս. Պատարագի ատեն Սեղանի առջև, Բեմին վրայ, և ունի եօթն աստիճան— Դուկայանութիւն, Երջմեցոց ընթացիկ, Չափակաւորութիւն, Դպրութիւն, Կիսասարկաւորութիւն, Սարկաւորութիւն, Քահանայութիւն:

Քահանայացուն հաշիւանդան ըլլալու չէ, ունենալու է ուսում, հոգեւոր կոչում և հոգեւորական ըլլալու ձգտում:

Քահանայն ժողովրդէն կ'ընտրուի, ինչպէս բոլոր եկեղեցականներն ալ:

Քահանայն ամուսնացեալ ըլլայ, թէ կուսակրօն,



Հին անեսուրբան Քահանայ

ձեռնադրուելէ ետք, քառասուն օր կը փակուի իր խոցն որ Բրիտտոսի անապատն առանձնանալուն նշան է, աղօթքով ու ապաշխարութեամբ կը սորվի յաղթել իր պաշտօնին դժուարութեանց և կը մտնէ իր Առաքելական պաշտօնին մէջ:

Սարկաւազին պաշտօնն է սպասաւորել Ս. Պատարագին՝ այսինքն կարգալ Առեսարան, ըսել Հաւասֆի հսկանական և Ս. Խորհուրդին Ընծայարանէն վերաբերելով՝ մատուցանել ժամտար քահանային:

Սարկաւազը հին ատեն եպիսկոպոսի փոխանորդութեան պաշտօն ալ կը վարէր, ինչպէս Խաղ սարկաւազը Մեծն Ներսէսի հիմնած բազմաթիւ Բարեգործական հաստատութեանց վերատեսուչի պաշտօնը կը վարէր իբր անոր փոխանորդ:

Եպիսկոպոսը կը ձեռնադրէ Սարկաւազը Ս. Պատարագի ատեն՝ անոր ձախ ուսին վրայ ձգելով Ուրար որով կ'որոշուի եկեղեցւոյ միւս պաշտօնեայներէն: Ուրարը նշան է Բրիտտոսի լուծը կիսով չափ կրելուն:

Կիսասարկաւազն օգնական է Սարկաւազին, անոր պաշտօնն է զգեստաւորել ժամտար քահանայն, դասարկ Սկիներ Խորհրդանոց սակիչ ու սպասաւորել Ս. Պատարագին:

Եպիսկոպոսը կը ձեռնադրէ Կիսասարկաւազը՝ հագցնելով անոր հոգեւորական սքեմը, անոր ձախ բազուկին ձգելով Բագիրարս=Երկծայ ուրար որ կը նշանակէ թէ Բրիտտոսի լուծն ամբողջովին կրելու դեռ անկարող է, այլ անոր միայն մէկ մասը: Ձեռնադրելու ատեն ձեռքը կու տայ դատարկ Սկի՛, Մաղղմայ, Պատարագի զգեստն ու Խորհրդատետարը:

Եկեղեցւոյ միւս պաշտօնեայները. — Եկեղեցւոյ ջահերը վառելու, Նշխարք թխելու, Բաժակը պատրաստելու պաշտօնը կը կոչուի Զահրնկարդիւն որ քահա-

նայութեան Գ. աստիճանն է: Քահանայէն զատ այս աստիճանն ունեցող անձեր ալ կան որ սովորաբար Լուսարար = Տիրացու ալ կը կոչուին:

Երգմենցուցիչը Մկրտութեան ատեն կը կարգայ Հրաժարիւմը: Զահրնկարը կը կատարէ Երգմենցուցչութեան պաշտօնը:

Դպիրը կը կարգայ մարգարէներուն և առաքելաներուն գիրքը, կ'երգէ շարական, տաղ և իր աստիճանը կ'ստանայ եպիսկոպոսէն:

Դռնապանը ժամկոչ ալ կը կոչուի և իր աստիճանը կ'ստանայ եպիսկոպոսէն: Դռնապանը կը բանայ, կը փակէ եկեղեցւոյ դռները, կ'աւլէ, կը մաքրէ և այլն:

Թեկադրուիւններ. — Ի՞նչ է Նուիրապետութիւնը — Ո՞վ հաստատեց — Ե՞րբ հաստատուեցաւ — Ար՞նք են Նուիրապետութեան աստիճանները — Ո՞վ է Հայրապետը — Անոր անունն ի՞նչ կ'ըլլայ — Ա՞րք — Հայրապետին պաշտօնն ի՞նչ է — Ո՞վ կ'ընտրէ Հայրապետը — Օ՞ժուռն առջ ինչե՞ր կ'ուխտէ — Ո՞ւր — Ինչ՞ով կ'օծուի — Ինչ՞ով կ'օծուի — Ի՞նչ բանի նշան է Բօղը — Ո՞ր Հայրապետն ի՞նչ արեւոյտներ ունի — Ար՞նք են Մասնաւոր կաթողիկոսները — Անոնք որ՞նք իշխանութեան են ժարկուած են — Քանի՞ Պատրիարք կայ — Աստիճանու ի՞նչ են — Ի՞նչ կը նշանակէ Եպիսկոպոս — Ի՞նչ է պաշտօնը — Արքեպիսկոպոսն ու Քորեպիսկոպոսն ինչ՞ով կը տարբերին Եպիսկոպոսէն — Վարդապետն որ՞նք պէտք կը ձեռնադրուի — Ինչ՞ով կ'որոշուի Քահանայէն — Օ՞ճաղը և դաւաղան ի՞նչ կը նշանակէ — Քահանայն ի՞նչ կը կոչուի — Ի՞նչ է պաշտօնը — Ուրկէ՞ կ'ընտրուի — Ո՞վ կը ձեռնադրէ զայն — Ի՞նչ է Սարկաւազին պաշտօնը — Հին ատեն ուրիշ ի՞նչ պաշտօն ունէր — Կիսասարկաւազն ի՞նչ պաշտօն ունի — Ի՞նչպէս կը ձեռնադրուի — Ար՞նք են եկեղեցւոյ միւս պաշտօնեայները:



Ա. ՎԵՐՍՏԵՍՈՒԹԻՒՆ

Ամբողջացուցե՛ք հետեւեալները .

Աղօթք... — Կ'աղօթենք սուգեա... — Աստուած պաշտութիւն կը կոչուի... — Մասնաւոր Աստուած պաշտութիւնը կը կատարենք ... — Հասարակաց Աստուած պաշտութիւնը կը կատարենք... — Աստուած պաշտութեան արտաքին նշաններն են... — Աստուած պաշտութեան տան կը կատարենք սա՛ սրբազան գործողութիւնները... — Խաչակնքելով կը յիշենք... — Կը խաչակնքենք սուգեա... — Երկրպագութիւնը նշան է... — Կը ծնրագրենք... — ... տան : — Խնկարկելով կը փոփոգինք... — Եկեղեցւոյ մէջ կը խնկարկեն... — Թափօր կը կատարուի... — Անդատան... — Հոյ եկեղեցւոյ օրը կ'սկսի... — Նախատանկ կը կոչուի... — Հոյ եկեղեցւոյ ձեռն է... — Աստուած պաշտութիւնը կը կատարուի եկեղեցիէն դուրս... — Եկեղեցւոյ մասերն են... — Գաւիթին մէջ կ'աղօթէին... — Դասը յատկացուած է... — Աւաղանը կը դանուի... — Բեմը յատկացուած է... — Սեղանը... — Վարդապետը կը գոցուի... — Խաչկալը կը բարձրանայ... — Ընծայարան կը կոչուի... — Աւանդատուն... — Նաւիրայեաութիւն կը կոչուի... — Նաւիրայեաութեան աստիճաններն են... — Հայրապետին պաշտօնն է... — Հայրապետը կ'ընտրուի... — Կ'օծուի... — Կը կոչուի... — Հայոց երկու Մասնաւոր կաթողիկոսներն են... — Հայերն ունին երկու Պատրիարք... — Եպիսկոպոսին պաշտօնն է... — Եպիսկոպոսը կ'ընտրուի... — Կը վաւերացուի... — Կը ձեռնադրուի... — Արքեպիսկոպոսութիւնը կը արուի... — Վարդապետն ունի... — Ձեռնադրութեամբ միայն կը տարբերի... — Վարդապետին կոչումն է... — Ծայրագոյն վարդապետ կը կոչուի... — Քահանայն կ'ընտրուի... — Կ'օծուի... — Ունի... — Աստիճանները... — Ունենալու է... — Ձեռնադրութեան ետք... — Սարկաւաղին պաշտօնն է... — Հին տանն... — Կիսատարկաւաղն օգնական է... — Կը ձեռնադրուի... — Գպիթին պաշտօնն է...

Ե. ԱՍՏՈՒԱԾՊԱՇՏՈՒԹԵԱՆ ԱՆՕԹՆԵՐՆ ՈՒ ՍՊԱՍՆԵՐԸ

Աստուած պաշտութեան կարգը կատարելու համար անհրաժեշտ են սա՛ սրբազան անօթները :



Սկիի



Բաժակաման

Սկիին . — Արծաթէ կամ ոսկիէ սրբազան բաժակն է Սկիին ուր կը սրբադործուի Սպասի Գինին ու Հացը պատարագի միջոցաւ ու կը դառնայ Գրիստոսի ձգմարիա Մարմին ու Արիւն :

Սկիհը նշանակ է Յիսուսի Չարչարանքի բաժակին ու Խորհրդական ընթրիքի բաժակին :

Մաղզմայ . — Արծաթէ կամ ոսկիէ բոլորակ ափսէ կամ սկիհի ծածկոց է Մաղզմայն ուրուն վրայ կը դրուի Սպասի նշխարը :




Մերասուփ

Մաղզմայ կը նշանակէ Փրկչի Ծննդեան մատրն ու այն Գերեզմանն որու մէջ թաղուեցաւ անոր Ս. Մարմինը :

Մերասուփ . — Արծաթէ կամ ոսկիէ փոքրիկ տուփ մըն է որուն մէջ կը պահուի Ս. Խորհուրդի սրբազործուած մասը՝ հիւանդներու ճաշակ սալու համար :

Բաժակաման . — Արծաթէ անոթ մըն է որուն մէջ



Տապանակ Հին ուխտի


կը պատրաստուի Ս. Խորհուրդի գինին : Բաժակամանի գինին կը բերեն Սկիհի մէջ Ս. Պատարագէն առաջ :

Խնկանոց, Բուրվառ . — Հին առեն խունկ ծխելու համար կը գործածուէր Խնկանոց որ փոքր կրակարանի ձև ունէր առանց շղթայներու : Հիւմայ կը գործածուի Բուրվառ որուն շղթայներէն կախուած են մանր բոժոժներ :

Բուրվառը Հին ուխտէն առնուած է :

Տապանակ . — Արծաթէ արկղ մըն է Տապանակը, վրան չորս խաչերով ու զարդարուած մոմակալով : Տապանակը կը գործածուի խունկ և կնդրուկ պահելու համար : Տապանակն ալ Հին ուխտէն առնուած է :

Խաչվառ . — Չողարարձ ու խաչագլուխ գրոշակ մըն է Խաչվառն որուն վրայ նկարուած կ'ըլլան Խաչելութեան ու Ս. Աստուածածնի պատկերները : Խաչվառը կը տանին և



Բուրվառ



Խնկանոց




Խնկանոց

կեղեցական մեծ հանդէսներու առեն, ինչպէս Անդաստանի, Թափօրի կայլն :

Քոց. — Արծաթէ բոլորչի գործիք մըն է Քչոցը՝ եզերքները բոժոժներով զարդարուած ու երկու երեսներն ալ բարձրաքանդակ վեցթեւեան սերովբէներու պատկերներով: Քչոցն անցուած է երկայն ձողի վրայ ուրկէ կը բռնէ սարկաւազը և կը շարժէ Ս. Պատարագի ասան Ս. Խորհրդի վրայ:



Խաչվառ



Քոց



Քչոցը նշան է հրեշտակներու հովանաւորութեան, սերովբէներու սաւառներուն և Ս. Հոգւոյն իջնելուն Ս. Պատարագի նուէրներուն վրայ:

ՀԻՆ ՏՆՏԵՍՈՒԹԵԱՆ ԾԱՆՕՔ ՆՈՒԱԳԱՐԱՆՆԵՐ



Ա. Նուագարան աղիւով

Բ. Փչելու նուագարաններ



Գ. Հարնուելով՝ ձայն հանող նուագարաններ

1. Բնար, 2. Տախլ, 3. Տամաղիլ, 9. Եղջիւր, 11. Շեփոր, 13. Մրինգ, 14. Երկփող սրինգ, 15-16. Հովուական սրինգ, 17. Դափ, Թմբուկ, 18. Բոժոժ, 19. Չեւքի ու մասներու ծնծղայ եւ Թմբուկ, 20. Եռանկիւն, 21. Քչոց (հին):

Քչոցը կը շարժեն Ս. Պատարագի միջոցին :


«Ս. Աստուած» երգելու ատեն :

Ս. Խորհրդի վերաբերման :


«Սուրբ, Սուրբ»ի ատեն :

«Հոգի Աստուծոյ», «Հայր Մեր» և «Միայն Սուրբ»ի ատեն : Նաև եկեղեցական ուրիշ հանդէսներու ատեն, ինչպէս Ս. Միւռոնն ու Սրբոց մասունքներ վերաբերելու, Թափօրի, Խաչվերացի իրիկունը, «Այսօր դասք»ին, «Փառք ի բարձունս»ի ատեն ևն. :

Խաչ.— Խաչը նիւթական ձևը կամ պատկերն է Խաչափայտին որուն վրայ խաչուեցաւ Քրիստոս : Հայացի խաչը պարզ քառակուսի ձև ունի՝ յար և նման Յիսուսի Խաչափայտին :



Խաչի կերպեր



Չնծղայ

1. Խաչին նշանակութիւնը մեծ է Քրիստոնէական եկեղեցւոյ համար. կը գործածուի Աստուածպաշտութեան ատեն :

Իբրև երկրպագելի պատկեր որ կը յիշեցնէ Քրիստոսի փրկագործ անօրինութիւնը :

2. Խաչով կը տեսանազրկեն և կ'օրհնեն եկեղեցւոյ բոլոր խորհուրդներն ու արարողութիւնները :

3. Վերամբարձ կը տարուի եկեղեցական բոլոր նշանաւոր հանդէսներու և թափօրի ատեն :

4. Խաչն իբրև պատուական ու գերագոյն նշան հաւատքի, շուքի ու պատուի՝ կը գործածենք եկեղեցւոյ գմբէթներու և թագերու գլուխը և հաւատացեալները իրենց կուրծքէն կը կախեն իբրև քրիստոնէական զարդ :

Ս. Միւռոնով կ'օրհնուի ու կ'օծուի Խաչն իբրև երկրպագելի նշան :

Աղաւնի. — Արծաթէ կամ ոսկիէ անօթ մըն է



Միւռոնաման



Աղաւնի

Աղաւնին = Միւռոնաչիշն որ աղաւնոյ նմանութիւն ունի, և նշան է Ս. Հոգւոյն աղաւնակերպ իջման : Անոր մէջ կը պահուի Ս. Միւռոնը :

Զանազան սպասներ. — Ժամարար քահանայի՝

ձեռքերը լուալու համար՝ կը գործածեն Փարչ ու Կոնկ  
և ձեռքերը մաքրելու համար Ղենջակ՝ որ նշան է մաք-  
րութեան :

Ասոնցմէ զատ Աստուածպաշտութեան ատեն կը գոր-  
ծածուին .

Պատկեր՝ հաւատացեալներու սրտին վրայ տպաւո-  
րելու սրբացած անձերու առաքինի գործերը : Պատկեր-  
ներու վրայ տէրունական  
նշան մը կ'ըլլայ զոր  
կ'օծեն :



Ա.Շամակ Հին Ուխտի

Պատկերները պէտք է  
ըլլան Տերունի , Աս-  
տուածաւոր , Առաքելական  
ու Ազգ. սրբոց պատկեր-  
ները :

Պատկերները շատ ան-  
գամ կը դարդարենք զա-  
նազան դարդերով , անոնց  
առջև աշտանակով , մոմ  
ու կանթեղով իւր կը վա-  
ռենք ի պատիւ Ս. Եր-  
րորդութեան :

Ա.Շամակ՝ մեծ ու փոքր  
լուսաւորութեան ամար :

Կերոն = Իւլաբերից մոմ՝ աւետարան կարդալու  
եւ մեծ հանդէսներու ատեն : Մոմի գործածութիւնը Հին  
ուխտի ատենն ալ կար՝ լուսաւորելու , հանդէսի շուք ու  
պայծառութիւն տալու համար :

Վառած մոմը նշան է Քրիստոսի՝ Աշխարհի լոյս ըլ-  
լալուն , Աստուծոյ նկատմամբ մեր վառ ու բորբոքեալ  
սիրոյն և կ'արտայայտէ մեր հաւատքի լոյսը :

Մոմ վառելը սովորական է ամէն ատեն , բայց մա-

նաւանդ անհրաժեշտ է վառել Ս. Աւետարանը կարդա-  
լու և եկեղեցական ամէն հանդէսի ատեն :



Գրակալ Աւետարանի

Գրակալը փայտէ ծալածոյ գործիք մըն է որուն  
վրայ կը դրուին եկեղեցական գիրքերն Աստուածպաշ-  
տութեան ատեն :

Թեյաղարութիւններ. — Աստուածպաշտութեան կարգը կատա-  
րելու համար ո՞ր սրբաշան անթներն անհրաժեշտն են — Ի՞նչ է  
Սկիհը — Ինչի՞ նշանակ է — Ինչէ՞ շինուած է Մարզմայն — Վրան  
Ի՞նչ կը դրուի — Ինչի՞ նշանակ է — Սրբատաօ՞ւփը — Բաժակա-  
ման՞ըր — Ի՞նչի յատուկ է Բուրվառը — Ի՞նչ ձև ունի — Տապա-  
նակն ինչի՞ յատուկ է — Վրան ինչի՞ կանս — Ուրկէ՞ տառուած է :

— Ի՞նչ է խաչվառը — Ե՞րբ կը գործածեն: — Ինչի՞ յատուկ է: — Ի՞նչպէս շինուած է Քոջըր: — Ե՞րբ կը շարժենք: — Ինչի՞ նշան է: — Խաչն ինչի՞ նշան է: — Հայացի խաչն ի՞նչ ձև ունի: — Ե՞րբ կը գործածուի: — Ինչո՞վ նուիրական կը դառնայ: — Որո՞նց պատկերը կան եկեղեցւոյ մէջ: — Ինչո՞ւ: — Ինչո՞վ նուիրական կը դառնան: — Ինչի՞ կը գործածուի կերտնը: — Ինչի՞ նշանակ է վառած մոմը: — Ե՞րբ մոմ կը վառենք: — Ինչի՞ կը գործածուի Գրակալը: — Ո՞ր ա՛նթններն ու ապսոններն առնուած են Հին Ռեխտէն: — Ի՞նչ ձևական տարբերութիւն կայ անոնց միջև: — Ի՞նչ կը նշանակէ Հին Ռեխտ, Նոր Ռեխտ:

Ձ. ԱՍՏՈՒԱԾՊԱՇՏՈՒԹԵԱՆ ՋԳԵՍՏՆԵՐՆ ՈՒ ԶԱՐԳԵՐԸ

Առաքեալներն իրենց քարոզութեան ատեն, երբ եկեղեցւոյ խորհուրդները կը կատարէին, տարբեր զգեստներ կը հագնէին ժողովուրդէն որոշելու համար: Ուստի սովորութիւն եղաւ որ հոգեւորականներն Աստուածապաշտութեան ատեն գործածեն առանձին զգեստներ:

Հայ եկեղեցին ալ ընդունեց այդ սովորութիւնը, բայց տուաւ անոնց աւելի տոնային տարագ մը:

1. ԸՆԴՀԱՆՈՒՐ ԶԳԵՍՏՆԵՐ

Սփեւ. — Սարկաւագէն սկսեալ մինչև կաթողիկոսը սովորական հագուստին է Սփեւ = վերարկու, որով անոնք կը տարբերին աշխարհականներէ:

Վեղար. — Կուսակրօն հոգեւորականներն ամուսնացած կզերէն կը տարբերին վեղարով որուն գագաթը սրածայր է կաթողիկէի նման:

Փիլոն. — Սովորական ժամերգութեան ատեն կաթողիկոսէն սկսեալ մինչև քահանայն բոլոր հոգեւորա-

կանները կը կրեն Փիլոն որ սովորաբար սեր է: Վարդապետին ու եպիսկոպոսին փիլոնը կրնայ ըլլալ մակիշակագոյն:

Քաւազան. — Կուսակրօն հոգեւորականներու հովուական նշանն է Քաւազան որ երկու տեսակ կ'ըլլայ:

Ա. Երկգլխեան օձագարդ գաւազանը կը կրեն Կուսակրօն քահանաները — Վարդապետները, Ծ. Վարդապետները: Օձագլուխ գաւազանը կը յիշեցնէ Մովսէսի գաւազանն և այն ձողն որուն վրայ օձը բարձրացոյց անպատի մէջ Քրիստոսի Սաչին իբրև օրինակ:

Բ. Հովուական գաւազանը կը կոչուի նաև Հուսարոյիջի որ ունի հովուի ցուպի ձև, կոր գլխով. ասիկայ յատուկ է միայն կաթողիկոսի որ բոլոր ժողովրդին Հովուապետն է, բայց կը կրեն նաև եպիսկոպոսները:

Մատանի. — Հայրապետն իբրև հոգեւոր իշխանութեան նշան՝ մատանեմաք կը դնէ մատանի, իսկ եպիսկոպոսը՝ ձկոյթ մատը:


Հողաթափ. — Եկեղեցւոյ մէջ բոլոր հոգեւորականները կը հագնին հողաթափ որ նշան է այն պատուէրին



Վ. Երարկու

զոր Յիսուս տուաւ առաքեալներուն՝ ոսնակոխել թըշ-  
նամուտն բոլոր զօրութիւնը:

Քահանայն հողաթափը կը հանէ «Մի ոք յերախա-  
յից»ի ատեն:



Գաւազան  
Վարդապետական



Վեղար



Հողաթափ

2. ՍԱՐԿԱԻԱԳԻ, ԿԻՍԱՍԱՐԿԱԻԱԳԻ, ԴՊԻՐԻ ԶԳԵՍՏՆԵՐ

Դպիրը, Կիսասարկաւագն ու Սարկաւագն եկեղեց-  
ւոյ մէջ շապիկ կը հագնին: Շապիկը նշան է Սրբութեան  
ու Անարատութեան:

Կիսասարկաւագը նաև ձախ բազուկը կը կրէ Բագ-  
կուրար, Սարկաւագն այլ ձախ ուսին՝ Ուրար:

Ուրարը կը նշանակէ հրեշ-  
տակներու թևերը: Սարկա-  
ւագը կը կատարէ հրեշտակի  
սլաշտոն:

3. ՔԱՅԱՆԱՅԻ ԶԳԵՍՏՆԵՐ

Ս. Պատարագի ատեն քա-  
հանայն կը գործածէ հետև-  
եալ զգեստները:



Սաղաւարտ



Ուրար

Սաղաւարսն է Ահարոնեան խոյրն որ դիպակէ կամ կերպասէ ասեղնագործ եւ մարգարտայեռ ու արծաթա-



պատ գլխանոցն է գա-  
գաթը փոքրիկ խաչ մը  
կայ: Սաղաւարտին չորս  
կողմը նկարուած են տէ-  
րունական պատկերներ:

Հին ուխտի ատեն  
ալ կը գործածուէր Սա-  
ղաւարան որ Գրիստո-  
նէական եկեղեցւոյ մէջ  
կը նշանակէ Փրկչին  
կրած փուշէ պսակն  
ու վարչամակը, և կը  
գործածուի իբրև զրահ  
թշնամուոյն զօրութեան  
դէմ պատերազմելու:

Շապիկ. — Ահա-  
րոնի պատմութեանն օ-  
րինակն է Շապիկը .  
պիտի ըլլայ սպիտակ՝  
նշանակ Յիսուսի զե-  
րեզմանին վրայ նըս-  
տած հրեշտակին սպի-  
տակ հանդերձին և այն  
հանդերձին՝ որով Հե-  
րովդէս ծածկեց Յի-  
սուսը: Սպիտակու-  
թիւնը նշանակ է նաև  
Փրկչին անախտ Ծը-  
նընդեան ու անարատ  
կեանքին:

Փութաւն առջեւէն կը կախուի պարանոցէն վար մին-  
չևե կուրծքը և կը նշանակէ այն ծանր լուծը զոր քա-  
հանայն կ'առնէ իրեն վրայ: Նշան է խոնարհութեան,  
հեղութեան, արդարութեան, որով քահանան զարդա-  
րելու է իր սիրտը, նաև Յիսուսի հնազանդութեան՝ իր  
կենսագործ անօրինութիւնները կատարելու համար:

Գօսին լայն ժապաւէն մըն է. առջեւը, մէջտեղն  
ունի արծաթէ կամ ոսկիէ ակնայեռ ու մարգարտագարդ-  
գլուխ իբրև ճարմանդ: Հին ուխտի ատեն ալ կար գօ-  
տին: Նշանակ է հոգեւորական քաջութեան ու Յիսուսի  
ողջախոսութեան:

Ղեկնակ. — Քահանայն զօտոյն հետ կը կրէ նաև  
Ղեկնակ, օրինակ այն ղեկնակին՝  
որով Յիսուս սրբեց աշակերտներու  
ոտքերը: Քահանայն ղեկնակով կը  
սրբէ իր ձեռքերը:

Բազպան. — Քահանային շապի-  
կին թեզանիքը պատած կ'ըլլան թեւ-  
նոցներով որոնք Բազպան կը կոչուին:  
Բազպանը նշանակ է Յիսուսի ձեռքի  
կապանքներուն և բազկի զօրութեան՝  
թշնամուոյն դէմ պատերազմելու:

Վախաւ. — Քահանային ուսա-  
նոցն է որ կիսաբոլորակ կը պատէ  
քահանայի պարանոցը թիկունքի կողմէն: Սովորաբար  
ծալածոյ կամ ասեղնագործ կ'ըլլայ ոսկեհուռ անկուա-  
ծով: Վրան տասներկու առաքելներու պատկերներ  
ու մէջտեղը Յիսուսի պատկերը նկարուած են:

Վախան Ահարոնի վախախին օրինակն է, և նշան է  
մոլորեալ ոչխարին զոր Յիսուս ուսին վրայ կրեց: Նշա-  
նակ է նաև արդարութեան և կը յիշեցնէ Գրիստոսի  
խոստացած քաղցր լուծն ու թեթև բեռը:



Բազպան



Շուրջառ. — Փիլոնաձև, երկայն, անթև է Շուրջառն որ նախորտ ալ կը կոչուի: Կը զօրձածուի Ս. Պատարագի, Սրբազան խորհուրդներու, Նախատօնակի, Թաղման ու Ս. Աւետարան կարգալու ատեն:




Շուրջառ = Նախորտ

Շուրջառն իբրև հոգեւոր զրահ կը նշանակէ Յիսուսի անկար քղամիտն ու այն ծիրանին զոր Չարչարան-

քի օրը ձգեցին անոր վրայ: Նշանակ է նաև Հնորհալիութեանն ու յռումն ամեն առաքիլութեանց օրով զարդարուած էր Յիսուսի մարդկութիւնը:

4. ԵՊԻՍԿՈՊՈՍԱԿԱՆ ԶԳԵՍՆԵՐ

Եպիսկոպոսը քահանայի զգեստներէն զատ կը կրէ նաև Սաղաւարտի տեղ կոչր = Թագ, Արսախուրակներ, Եմիկորոն ու Գաւազան:



Վալիսա ու Արսախուրակներ

Խոյբն երկրեղկեան գլխարկ է անակուռ ու գոճա-  
բաղարդ: Հին ուխտի ատեն ալ կար, որ նշանակ է Հին  
ու Նոր Կտակարանի գիտութեան և այն իմաստութեան



Խոյբ

զոր եպիսկոպոսը պէտք է ունենայ:  
Արտախուրակներ Խոյբի հետեւէն  
կախուած կէս կանգուն երկայնութեամբ  
զարդարուն կապերն են: Հին ուխտի  
ատեն կար զոր Հրէից քահանայապետը  
կը կրէր սպարօշի ձեւով (ՏՄՈւ էջ 25,  
Հին Ուխտի քահանայն):

Նմիփորոնը լայն ու հինգ խաչով  
զարդարուած ուրարն է զոր եպիսկոպոսը  
կը կրէ Շուրջառին վրայ. ասիկա ուսերու  
վրայէն կը տարածուի կուրծքին ու մէջ-  
քին վրայ մինչև ստքերը:


Հովուական  
Պառագան

5. ՀԱՅՐԱՊԵՏԱԿԱՆ ԶԳԵՍՆԵՐ


Կաթողիկոսը բաց ի եպիսկոպոսական զգեստներէ  
կը գործածէ նաև Կոնկնո որ խաչաձեւ ու եռանկիւն  
զարդ է՝ մէկ ծայրէն գօտիէն կախուած իբրև հովուա-  
կան մախազ և նշանակ է  
Յիսուսի Ղենջակին ու  
բոցեղէն սրոյ:

Կոնքոն իբրև նշան  
գերագոյն յարգանքի կը  
տրուի նաև պատրիարք-  
ներու և արքեպիսկոպոս-  
ներու որոնց Ս. Հայրա-  
պետը կ'արտօնէ կրել:

Արծուեգորգ. — Ար-  
ծիւն իբրև բարձրաթռիչ



Նմիփորոն



Հրեական Լանջապանակ

առ. սրատես՝ եկեղեցական տեսութեամբ մաքուր և ուղիղ  
վարդապետութեան նշան կը համարուի: Հայրապետը

արծուի պէտք է նմանի իր կոչման ու հոգեւոր կեանքին մէջ: Արծուեգորգը կը ձգուի Հայրապետին ստրեբուն առջեւ:

Աստ. — Կաթողիկոսը Հայրապետարանէն դուրս կլլելու ատեն ձեռքը կը կրէ Հայրապետական Աստ=Յուպ, անոր առջեւէն ալ կը տանին խաչ ու գաւազան: Պատրիարքներն ու առաջնորդներն ալ փոխանորդաբար կը կրեն Աստ:

**Թեղադուրքիւններ.** — Աւուրեւելներն ե՞րբ տարբեր զգեստներ կը հագնէին. — Հայ եկեղեցին ընդունած է՞ սոյգ սովորութիւնը. — Որո՞նք են ընդհանուր զգեստները. — Որո՞նք կը կրեն Աբեմ. — Վեղարը՞. — Փիւնը՞. — Քանի՞ ատակ Գաւազան կայ. — Ո՞վ կը կրէ Օձազլուխը, Հովակիանը. — Որո՞նք կը կրեն Մասանի. — Հայրապետն ո՞ր մասը կը կրէ. — Եպիսկոպոսը. — Որո՞նք կը հագնին շապիկ. — Բազկուրածը. — Ուրարն ինչի՞ նշան է. — Որո՞նք են քահանային զգեստները. — Ի՞նչէ շինուած է Սաղաւարտը. — Ինչի՞ նշան է. — Ինչի՞ օրինակ է. — Եպիսկոսին ինչի՞ օրինակ է. — Ինչի՞ սպիտակ պիտի ըլլայ. — Ո՞ր կէ կը կախուի Փորուբաբը. — Ի՞նչի նշանակ է. — Գօտին ո՞ր կէ կը կախուի և ի՞նչի նշանակ է. — Վե՛նջմ կը. — Բողոզմը. — Վախան ի՞նչէ շինուած է. — Ո՞ր կէ կանցնեն. — Ի՞նչի օրինակ է. — Ի՞նչ նշան է. — Ի՞նչ ձեռնի Շուրջաւը. — Ե՞րբ կը գործածուի. — Ի՞նչի նշանակ է. — Որո՞նք են եպիսկոպոսական զգեստները. — Ի՞նչի նշանակ է իոյրը. — Արտախուրակն՞ էր. — Եմիփորանն ո՞ր կը կրէ. — Որո՞նք են Հայրապետական զգեստները. — Ի՞նչի նշանակ է Կանքեւը. Արծուեգորգը. — Աստն. — Որո՞նք առնուած են Հին Ուխտէն. — Որո՞նք Քրիստոնէութեան յատուկ են:



Աստ

Է. ԱՍՏՈՒԱԾՊԱՇՏՈՒԹԵԱՆ Ս. ԳԻՐՔԵՐԸ

Աստուածապաշտութիւնն ու եկեղեցական Սրբազան խորհուրդները կատարելու համար՝ կը գործածուին հետեւեալ գիրքերը.

1. Աւետարան, Գործք Առաքելոց և Թուղթք
2. Ժամագիրք
3. Շարական
4. Ծաչոց
5. Խորհրդատետար
6. Տաղարան
7. Տօնացոյց
8. Մաշտոց
9. Կանոնագիրք
10. Յայտնաւուրք
11. Նարեկ

Ս. Աւետարան. — Համօրէն քրիստոնեայ ժողովուրդներու ամէնէն սիրելի գիրքն է Աւետարանն որ կը պատմէ Յիսուս Քրիստոսի սնօրինութիւնները—Ծնունդը, Մկրտութիւնը, Քարոզութիւնը, Խաչելութիւնը, Մահը, Թաղումը, Յարութիւնն ու Համբարձումը, և կը սորվեցնէ այն ուղիղ բարոյականն որուն հիմն է Աստուծոյ ու ընկերոջ նկատմամբ Սէր:

Մատթէոս, Մարկոս, Դուկաս ու Յովհաննէս աւետարանիչները խմբագրեցին Ս. Աւետարանը:

Գործք Առաքելոց ու Առաքելական բողոքք կը պատմեն թէ ինչպէս հիմնուեցաւ Քրիստոնէական եկեղեցին և թէ ինչպէս Հոգին Սուրբ առաջնորդեց և օրհնեց Քրիստոսի առաջին հետեւողները:

Գործք Առաքելոց գիրքը կը պատմէ Բրիտոսի երկինք համբառնալէն մինչև Սուրբ Հոգւոյն գալուստը, նաև Պօղոսի դարձն ու կոչումն եւ անոր առաքելական եռանդը:

Առաքելական Թուղթք նամակի ձեւով գրուածքներ են զորոնք առաքելները գրած են նախնի հաւատացեալներուն՝ զանոնք յորդորելու, խրատելու եւն. և Ս. Աւետարանի յայտնած փրկութեան ճամբայն ցուցնելու:

Աւետարանի, Գործք Առաքելոցի, Առաքելական Թուղթերու և ամբողջ Աստուածաշնչի հայերէն թարգմանութիւնը կատարուեցաւ Ե. դարուն երանաշնորհ Ս. Սահակ ու Ս. Մեսրոպ թարգմանիչներու և իրենց աշակերտներու ձեռքով:

Ժամագիրք. — Օրուան ժամերուն վրայ Եկեղեցւոյ մէջ կատարուելի Հասարակաց Աստուածպաշտութեան վերաբերեալ աղօթքները, մաղթանքները, քարոզներն ու երգերը կը գտնուին Ժամագրքին մէջ:

Երանաշնորհ Թարգմանիչները գրած ու թարգմանած են զանոնք և Գիւտ, Յովնան Մանդակունի ու Ներսէս Շնորհալի հայրապետները կարգաւորած ու գրած են միւս մասերը:

Շարականը կը բովանդակէ Հայ Եկեղեցւոյ հոգեւոր երգերն որոնք կ'երգուին Հասարակաց Աստուածպաշտութեան ատեն:

Երբ դեռ Հայերէն գիր չէր գտնուած, հոգեւոր երգերը յոյն և ասորի լեզուներով էին, ինչպէս նաև ծէսերն ու արարողութիւնները: Իսկ Ե. դարուն, գիրը գտնուելէն ետք, թարգմանիչները, յետագայ հոգեւոր ու հոգեւուազ վարդապետները յորինեցին շարականները:

Շարականները չորս կարգի բաժնուած են. Տերունական, Մրթոց, Ապաշխարութեան = Պահոց ու Հանգրտեան:

Այս չորս կարգ շարականները կ'երգուին սա՛ ու թ՛ ձայն եղանակներով.

- Առաջին ձայն = ա՛ձ.
- Երկրորդ ձայն = գ՛ձ.
- Առաջին կողմ = ալ.
- Վառ ձայն = զլ.
- Երկրորդ ձայն = բ՛ձ.
- Չորրորդ ձայն = դ՛ձ.
- Աւագ կողմ = բլ.
- Վերջ ձայն = դլ.

Ասոնցմէ զառ երկու ձայն ծանր եղանակներ կան, 1. Ստեղի, 2. քանի մը Չարսուղի = դարձուած ձայնով շարականներ:

- Շարականներն ունին սա՛ տեսակները.
- Օրհնութիւն = Ս.
- Մանկունք = Մկ.
- Հարց = Հ.
- Ճաշու = Ճշ.
- Մեծացուցէ = Մ.
- Համբարձի = Հձ.
- Ողորմա = Ո.
- Ստեղի = Ստ.
- Տէր յերկնից = Տ.

Ճաշոց. — Հին ու Նոր կտակարաններու քաղուածոյ գիրքն է Ճաշոցը — իւրաքանչիւր օրուան համաչ ըստ պատշաճի դասաւորուած — Հասարակաց Աստուածպաշտութեան ատեն կարդացուելու նպատակաւ:

Ճաշոցի մէջ առնուած են նաև մեր նշանաւոր հայրերու և վարդապետներու հոգեւորալի աղօթքներն որոնք կը կարդացուին նշանաւոր ամիսներուն:

Խորհրդասեռ. — Պատարազաւսոյց ալ կը կոչուի Խորհրդասեռը: Ժամարայն այդ գիրքէն կը կարդայ ծածուկ ու ձայնով՝ նշանակուած յատուկ աղօթքները Ս. Պատարազի արարողութեան ատեն:

Խորհրդատետրը ժամարայն աջ կողմը կը դրուի Սեղանին վրայ Ս. Պատարազի ժամուն:

Ս. Յակոբոս Տեառնեղբայրը գրած է մեր Խորհրդատետրը, յետոյ լրացուցին ու ձօնացուցին Ս. Գրիգոր Լուսաւորիչ, Ս. Յովնան Ոսկերչական, Ս. Սահակ, Ս. Մեսրոպ, Ս. Յովնան Մանդակունի ու Ս. Գրիգոր Նարեկացի:

Տաղարան.— Գիրք մընէ Տաղարանն որ կը պարունակէ Ս. Պատարագի մեղեդիները, երգերը, բարոյները զորս կ'երգեն սարկաւարգներն ու դպիրները:

Զանազան վարդապետներ գրած են Տաղարանին մասերը:

Տօնացոյց.— Հրահանգի գիրք մընէ Տօնացոյցն որ ցոյց կուտայ Հայ եկեղեցւոյ տօները, այդ տօներուն երգուելու շարականները, երգերը, սաղմոսները, ընթերցուածներն և առհասարակ ամէն տեսակ հանդիսակատարութիւնները:

Տօնացոյցին հետեւողութեամբ կը պատրաստուի բուն Օրացոյցը: Ս. Սահակ ու Ս. Մեսրոպ յօրինեցին Տօնացոյցը, յետոյ կարգի գրին մեր նախնի հայրապետները: Սխեռն կարողիկոս Երեւանցի վերջնականապէս կարգաւորեց Տօնացոյցը:

Մառնոց.— Ծիսարան ալ կը կոչուի Մառնոցն որուն մէջ գրուած են Հայ եկեղեցւոյ Աստուածապաշտութեան Ս. Խորհուրդներն ու հոգեւոր ծէսեր կատարելու բոլոր պաշտամունքը, կարգերն ու կանոնները:

Ս. Մեսրոպ Ե. դարուն Ծիսարանը Հայերէնի թարգմանեց ու կարգաւորեց որ իր անունով կոչուեցաւ Մառնոց: Յետոյ մեր նախնի Ս. Հարք ճոխացուցին Ծիսարանը՝ զանազան աղօթքներ յօրինելով:

Երեք Մաշտոց կայ. Ձեռաց Մաշտոց, Մայր Մաշտոց ու Հայր Մաշտոց: Ձեռաց Մաշտոցը Մայր Մաշտոցէ քաղուածքն է: Իսկ Հայր Մաշտոցը կը պարունակէ թագաւոր ու հայրապետ օծելու ծէսերն ու աղօթքները:

Կանոնագիրքի մէջ հաւաքուած են Առաքելական ու երեք ժողովներու՝ Նիկիոյ, Եփեսոսի ու Կ. Պոլսոյ կանոնները, ինչպէս նաև Հայ. եկեղեցւոյ եկեղեցական ժողովներու կանոնները՝ որոնք սահմանուած են եկեղեցւոյ կառավարութեան ու բարեկարգութեան համար:

Յայսմաւուրէք կը պատմէ Փրկչին փրկագործ տնօրինութիւնները, Աստուածահաճոյ սուրբերու նախանձելի ու օրինակելի վարքն ու բարքը, եւ սուրբ վկայներուն կարագիրը:

Յայսմաւուրք կը նշանակէ « Այս օրուան տօն կամ ընթերցում »:

Յայսմաւուրք կը կարգան ամէն երեկոյ Հասարակաց աղօթքը սկսելէն առաջ: Այդ սովորութիւնը շատ հին է. Առաքելական դարերուն հաւատացեալները կը պատմէին սրբոց գործերն որ լսողները հետեւին անոնց արիական գործերուն ու առաքինի կեանքին:

Գրիգոր Վկայասէր թարգմանած է մեր Յայսմաւուրքը յոյն ու ասորի լեզուներէ. այնուհետեւ մեր եկեղեցական հայրերը լրացուցին ու զտեցին:

Նարեկ.— Ս. Գրիգոր Նարեկացւոյն հոգեբուխ աղօթագիրքն է Նարեկին որ կը պարունակէ Փառատրական ու Գոհաբանական աղօթքներ, Զղջման, Խոստովանութեան, Ապաշխարութեան, Բժշկութեան, ու այլ և այլ բարի խնդրուածքներու կատարման վերաբերեալ պաղատանքներ որոնք կը կարդացուին Ս. եկեղեցւոյ մէջ:

Թեկադուրիքներ.— Որոնք են Աստուածաշտութեան Ս. Գիրքերը.— Աւետարանն ինչ կը պատմուի, ինչ կը սովորեցնուի— Որոնք գրեցին Աւետարանը.— Գործք առաքելոցը.— Որոնք թարգմանեցին Ս. Գիրքը.— Ժամագրքն ինչէ՞ր կը պարունակէ.— Որոնք գրեցին.— Քանի՞ կարգի կը բաժնուին.— Ետեւանքը.— Ճաշոցն ինչէ՞ր կը պարունակէ.— Խորհրդատուարը.— Որոնք գրեցին.— Բահանայն ե՞րբ կը կարդայ.— Տաղարանն ինչէ՞ր կը պարունակէ.— Տօնացոյցն ինչէ՞ր կը պարունակէ.— Որոնք կարգաւորեցին.— Մաշտոցն ինչէ՞ր կը պարունակէ.— Քանի՞ տեսակ Մաշտոց կայ.— Որոնք գրեցին ու ճոխացուցին.— Ինչ՞ու կը կոչուի Մաշտոց.— Ի՞նչ կը պարունակէ Կանոնագիրքը.— Որոնք գրեցին.— Յայսմաւուրքը.— Ի՞նչ կը նշանակէ.— Ո՞վ թարգմանեց.— Նարեկն ինչէ՞ր կը պարունակէ.— Ո՞վ գրած է:

Ը. ՀԱՍԱՐԱԿԱՅ ԿԱՐԳ ԱՂՕԹԻՑ

Շարժումն իւրաքանչիւր օրը կը կարդացուի Հասարակաց կարգ աղօթիցը = Կանոնակաւ ժամերգութիւնը:

Կանոնական ժամերգութիւնը գրուած է ժամագիրքին մէջ:

Ինն ժամ. — Հայ եկեղեցին սահմանած է օրական ինն անգամ Հասարակաց աղօթք՝ օրինակ ինն դաս հրեշտակներու որոնք անդադար Աստուած կը փառաբանեն: Ուստի ժամերգութիւնը բաժնուած է ինն մասի:

- Ա. Գիշերային ժամ
- Բ. Առաւօտեան ժամ
- Գ. Արեւագալի ժամ
- Դ. Երրորդ ժամ
- Ե. Վեցերորդ ժամ
- Զ. Իններորդ ժամ
- Է. Երեկոյեան ժամ
- Ը. Խաղաղաղական ժամ
- Թ. Հանգստեան ժամ

Հին ատեն Աստուածապաշտութեան ինն կարգը կը կատարուէր առանձին առանձին որոշուած ժամերուն, իսկ վերջին դարերուն միմիայն օրն երկու անգամ, առաջին վեցը՝ Ա.—Զ. ժամերը առաւօտեան, իսկ վերջին երեքը՝ Է.—Թ ժամերն իրիկունը: Կան վանքեր որ նաւանդ ձեւը պահած են:

Քառասնորդական պահոց լուր օրերը միայն կը կատարուին Արեւագալի և ճաշու ժամերգութիւնները:

Իւրաքանչիւր ժամու սկզբնաւորութիւնը կ'ըլլայ Տէրունական աղօթքով ու սաղմոսով:

Ա. Գ Ի Ե Ե Ր Ա Պ Ա Շ Տ Օ Ն

Գիշերային ժամը Գիշերապաշտօն ալ կը կոչուի: Գիշերային ժամու աղօթքը կ'ուղղենք Հօր Աստուծոյ և

նախամարդուն պատուիրազանցութեան խորհուրդն ունի: Ուստի մենք գիշերանց արթննալով՝ կը խոստովանինք մեր մեղքերը, համարձակութիւն կը խնդրենք Հօր Աստուծոյ առջև մեր բերանը բանալու և աղօթելու սապէս. «Տէր, եթէ զըթուես իմ բանաս, բերան իմ երգեսցէ զօրհնութիւնս քո:»

Այդ ժամերգութիւնը գիշերը կը կատարենք նաեւ այն պատճառաւ որ Քրիստոս գիշերը յարութիւն առաւ:

Բ. Ա Ռ Ա Ի Օ Տ Ե Ա Ն Ժ Ա Մ

Կը մատուցուի Որդւոյն Աստուծոյ, և Յիսուսի Յարութեան խորհուրդն ունի, որովհետև այդ ժամուն յարութիւն առաւ և երեւցաւ նախ իւղաբեր կիներուն, յետոյ աչալիբոսներուն և հետզհետէ ուրիշ շատերու, և զանոնք լցուց խնդութեամբ: Ուստի Առաւօտեան աղօթքի սկիզբն իբրև նշան ուրախութեան կ'ըսենք սա՛ սաղմոսը, «Լցաք առաւօտու ողորմութեամբ քով, ցնծացաք և ուրախ եղաք զամենայն աւուրս կենաց մերոց:» և կը վերջանայ «Արարչութեան» երգով:

Գ. Ա Ր Ե Ի Ա Գ Ա Լ

Արեւագալի աղօթքը կ'ուղղենք Ս. Հոգւոյն: Արեւագալ կը կոչուի Աստուածապաշտութեան այդ կարգը, որովհետև ժամերգութեան բոլոր երգերով, քարոզներով Ս. Հոգիէն կը խնդրենք ծագել Արդարութեան խմանալի Արեգակն որ է Յիսուս և լուսաւորել մեր հոգին խմանալի Արեգակով: Արեգակը մեր Փրկչին նմանութիւնն ունի որ Արեւելքէն ծագելով՝ կը լուսաւորէ մարդկութիւնը:

Արեւագալ կը կարդացուի Քառասնորդական պահքին, բացի շաբաթ օրէն: Ս. Ներսէս Շնորհալի հայրասպետը գրած է Արեւագալի հոգեհուազ երգերը:

Գ. ԵՐՐՈՐԴ ԺԱՄ

Երրորդ ժամը կը կոչուի նաև ճաշու. այս ժամուն աղօթքը կ'ուղղենք Ս. Հոգւոյն որ երբ Պենտեկոստէի օրերը լրացան, ինք Ս. Հոգին Գ. ժամուն իջաւ Վերնատունն առաքեալներու վրայ:

Ասկէ զատ այս ժամուն Ազամ ստեղծուեցաւ, Եւան խարուեցաւ, ասոնք Ս. Հոգւոյն շնորհքներէն զրկուեցան, և այս ժամուն Տէրը Խաչին բեւեռուեցաւ ու աւաղակը դրախտ տարաւ:

Ճաշու ժամը կ'սկսի «Օրհնեալ հոգիդ սուրբ՝ Աստուած» (երեք անգամ) փառաբանութեամբ և «Ողորմեա ինձ Աստուած» Սաղմոսէն ետք կ'երգուին Ս. Ներսէս Ենորհալոյն երգերը յաջորդաբար:

Մեծ պահքի օրերուն կ'աւելնան Մեծ փարոզներն ու աղօթքները զորս գրած է Ս. Յովհանն Մանդակունի, և «Յիշեա՛, Տէր, զպաշտօնեայս» քարոզը զոր գրած է Յովհաննէս սարկաւազ վարդապետը:

Երրորդը ժամուն կ'ըսենք «Ա. ողորմեա»ն:

Ե. ՎԵՅԵՐՐՈՐԴ ԺԱՄ

2. ժամու աղօթքը կ'ուղղենք Հօր Աստուծոյ՝ խնդրելով օգնականութիւն մեր տկար բնութեան: Նաև կը մատուցուի Աստուածորդւոյն որ այս ժամուն ճաշակեց Խաչին վրայ քացախով խառնուած լիզին:

2. ժամուն կ'ըսենք «Բ. ողորմեա»ն:

Զ. ԻՆՆԵՐՈՐԴ ԺԱՄ

Իններորդ ժամուն կ'աղօթենք Աստուածորդւոյն, որովհետև ինք այս ժամուն Խաչին վրայ իր հոգին աւանդեց Հօր Աստուծոյ ու Մեղքի մեռելութենէ կենդանացուց մեզ:

Իններորդ ժամուն կ'ըսենք «Վերջին Գ. ողորմեա»ն: Մեծ պահքին իններորդ ժամուն կը յաջորդէ Երեկոյեան ժամը:

Է. ԵՐԵԿՈՅԵԱՆ ԺԱՄ

Երեկոյեան ժամուն կ'աղօթենք Աստուածորդւոյն և աս անոր թաղման խորհուրդն ունի: Այդ ժամուն թաղուեցաւ Յիսուս:

Յայտնաւորքէն ետք կ'սկսի երեկոյեան ժամերգութիւնը «Ես առ Աստուած կարգացի» Սաղմոսով:

Ը. ԽԱՂԱՂԱԿԱՆ ԺԱՄ

Խաղաղական ժամը Գրիտոսոսի՝ դժոխք իջնելու խորհուրդն ունի: Այս ժամուն Յիսուս դժոխքի մէջ իրեն սպասողները ազատեց:

Այս ժամուն աղօթքը կը մատուցուի Որդւոյն Աստուծոյ:

Այս ժամուն երգերն են «Ենորհեա՛ մեզ, Տէր» որ առաջին անգամ երգուեցաւ Սեանայ վանքին մէջ, և «Նայեա՛ց սիրով» ու «Ի քէն հայցեմք» զորս երգեց Ս. Ենորհալի:

Այս ժամուն քարոզով ու աղօթքով կը խնդրենք որ Աստուած մեզ պահպանէ գիշերը:

Թ. ՀԱՆԳՍՏԵԱՆ ԺԱՄ

Հանգստեան ժամու Հասարակաց աղօթքը կը մատուցուի Հօր Աստուծոյ որ իր Միածնի աջով մեզ պահպանէ գիշերն ու ամէն ատեն:

Այս ժամերգութիւնը գիշերը քնանալէ առաջ կատարելուն՝ կը կոչուի Հանգստեան. կը կոչուի նաև Եկեացի, որովհետև կ'սկսի «Եկեացէ՛» սաղմոսով:

Շատ տեղ երեկոյեան ճաշէն ետք տան մէջ կը

մատուցանեն այս ժամերգութիւնն ու յետոյ կը ննջենս  
Օրինակելի բարեպաշտական սովորութիւն մը :

**Թեւադրութիւններ.** — Կանոնական ժամերգութիւնը = Հասարակաց կարգ աղօթիցն ո՞ւր գրուած է : — Հայ. Եկեղեցին Աղօթքի քանի՞ ժամ ունի : — Որո՞նք են : — Հին ատեն ի՞նչպէս կը կատարուէր : — Հիմա ի՞նչպէս : — Իւրաքանչիւր ժամ ի՞նչով կ'սկսի :  
Գիշերապաշտօնն որո՞ւն նուիրուած է : — Ի՞նչեր կ'աղօթենք : — Ինչո՞ւ գիշերը կը կատարուի : — Առաւօտեան ժամն որո՞ւն կը մատուցուի : — Ինչո՞ւ : — Աղօթքին սկիզբն ի՞նչ կ'ըսենք : — Ո՞վ գրած է Արարչականը : — Որո՞ւն կ'ուղղենք Արեւագայր : — Ի՞նչ կը խնդրենք : — Ե՞րբ կ'երգենք Արեւագայի երգը : — Ինչո՞ւ : — Երբոր ժամն ի՞նչ կը կոչուի : — Ի՞նչ կը խնդրենք : — Ի՞նչի նշանակ է : — Ի՞նչով կ'սկսի : — Ե՞րբ կը կարգացուի մեծ քարոզները : — Աղօթքները : — Ո՞վ գրած է : — Զ. ժամու աղօթքն որո՞ւն կ'ուղղենք : — Ի՞նչ կը խնդրենք : — Իննորորդ ժամուն որո՞ւն կ'աղօթենք : — Ի՞նչով կ'սկսի : — Հին ատեն ե՞րբ Մեսիցի կ'ըսէին : — Խաղաղական ժամն ինչի՞ խորհուրդն ունի : — Որո՞ւն կ'աղօթենք : — «Ենորջեա մեզ, Տէր» Անդամ ո՞ւր երգուեցաւ : — Հանդստեան ժամն որո՞ւն կ'աղօթենք : — Ի՞նչ կը կոչուի : — «Եկեցէն նաև ո՞ւր կրնաք կատարել : — Ո՞ր ժամերուն Հօր Աստուծոյ կ'աղօթենք : — Արդւոյն Աստճեոյ : — Ս. Հոգւոյն : —

**Բ. ՎԵՐԱՏԵՍՈՒԹԻՒՆ**

Ամբողջացուցեք հետեւեալները.

Աստուծապաշտութեան սրբազան անօթներն են... : — Աբեմբէ... : — Նշանակ է... : — Սքբատուիր... : — Բաժակամանը... : — Խնկանոցն Բուրլաւն կը տարբերի... : — Տաղանակը... : — Խաչվառ... : — Քշոցը... : — Նշան է... : — Քշոցը կը շարժեն... : — Հին սնտեսութեան աղերսով նուագարաններն են... : — Փշխու նուագարաններն են... : — Զարնուելով՝ ձայն տուող նուագներն են... : — Հին քշոցը կը տարբերի նորէն... : — Խաչը նիւթական ձևն է... : — Խաչով կը սեռանագրեն... : — Երկրպագելի նշան կը գառնայ... : — Աղաւնին... : — Պատկեր կը գործածենք... : — Մոմ... : — Մամբ նշան է... : — Գրակալը... : — Աբեմ կը հագնին... : — Վեղար կը դնեն... :

— Կղերականները Փիլին կը գործածեն... : — Սև է... : — Մանիշակադոյն է... : — Երկղլիեան օձազարդ գաւազան կը կրեն... : — Հովառական գաւազան... : — Հոջովաթի կը հագնին... : — Մասնի կը դնեն... : — Կը կրէ բազկուբար... : — Կը կրէ ուբար... : — Բասաշանային զգեստներն են... : — Սողաւարտն է... : — Կալիկն է... : — Փորուբարը նշանակ է... : — Գօտին է... : — Նշանակ է... : — Բազպանն է... : — Նշանակ է... : — Վալկան է... : — Նշանակ է... : — Ծուրջառն... : — Կը գործածուի... : — Նշանակ է... : — Եպիսոպոսական զգեստներն են... : — Խոյրն է... : — Նշանակ է... : — Արատիւրակներն են... : — Նմիփորանն է... : — Ասա կը կրեն... : — Կոնքեռը կը կրէ... : — Նշանակ է... : — Աւետարանը կը պատմէ... : — Խմբագրեցին... : — Գործք առաքելոցը կը պատմէ... : — Առաքելական թուղթերն են... : — Հին ու նոր կտակարանը Հայերէնի թարգմանեցին... : — Ժամագիրքը կը պարունակէ... : — Գրած ու թարգմանած են... : — Ծարականը կը բովանդակէ... : — Երբ դեռ հայերէն գիր չէր գտնուած... : — Ծարականները... : — ... Կարգ են — Կերգուին... : — ...եղանակներով : — Ծարականի ատակներն են... : — Զաշոցը... : — Կը բովանդակէ նաև... : — Խորհրդատետրն է... : — Գրած են... : — Տաղարանը... : — Տօնացոյցն է... : — Ասոր հետեւողութեամբ... : — Մաշտոցը... : — Կանոնագիրքը կը պարունակէ... : — Յայտնուելը կը պատմէ... : — ...Թարգմանած է : — Նարեկն է... : — Հայ. եկեղեցւոյ ինն ժամերն են... : — Գիշերապաշտօնը կը մատուցանենք... : — Առաւօտեան ժամը... : — Արեւագայր... : — Գ. ժամը... : — Ե. ժամուն կ'աղօթենք... : — Թ. ժամուն... : — Երեկոյեան ժամուն... : — Խաղաղական ժամն է... : — Հանդստեան ժամուն կ'աղօթենք... :

**Թ. Ս. ՊԱՏԱՐԱԳ**

Ս. Պատարագ. — Գրիստոսի Մարդեղութեան Խորհուրդն է Ս. Պատարագը, զոր ինք Գրիստոս սահմանեց Մասնութեան իրիկունը Վերնատան մէջ հաց առնելով՝ օրհնեց ու ըսաւ իր աշակերտներուն :  
«Առէք, կերէ՛ք, այս էմարմին իմ .



Եւ աննելով բաժակը՝ նոյնպէս օրհնեց ու ըսաւ :  
«Արբէ՛ք ի սմանէ, ամենեքեան, այս է արիւն իմ  
Նորոյ ուխտի : » Եւ աչակերաները մասնակից ընելով՝  
պատուիրեց. «Չայս արարէ՛ք առ իմոյ յիշատակի : »

Եւ այդ իսկական պատարագն է Իր անձը զոր յաջ-  
որդ օրն Ինք ինչին վրայ մատոյց Հօր Աստուծոյ՝ մար-  
դոց փրկութեան համար : Այնուհետեւ Քրիստոնեայ եկե-  
ղեցին սրբութեամբ կը կատարէ այդ վերկական աւանդը՝  
այսինքն Պատարագի Ս. Խորհուրդը կենդանիներու և  
ննջեցեալներու համար :

Պատարագի նիւթը. — Պատարագի համար մեր եկե-  
ղեցին ունի բազարը անխմոր հաց՝ Նշխար ու Անապակ  
անջուր գինի : Կատարողներն են քահանայն, վարդա-  
պետը, Եպիսկոպոսը, պատրիարքը, կաթողիկոսն որոնք  
միայն իշխանութիւն ունին պատարագել : Ասոնք պա-  
տարագ մատուցած օրը կը կոչուին ժամարար :

Ժամարարը Պատարագէն առաջ հսկումով ու աղօթ-  
քով կը մաքրուի մարմնով ու հոգեով, կը խոստովանի :  
Նոյնն ընելու են ամէն անոնք որ Ս. Հաղորդ կ'առնեն,  
այսինքն կը մատչին Ս. Խորհուրդին :

Տեղը. — Պատարագ կը մատուցուի եկեղեցին ու  
մատուռն ուր օծուած վէճ-քար կայ Սեղանի վրայ :

Պատարագի օրերը. — Ս. Պատարագ կը մատուցուի  
Տերունի օրերը, կիրակիները, սրբոց սօներուն, և շուր  
օրերուն իսկ, եթէ հաւատացեալ ժողովուրդը փափաքի :

Մեծ պահքին լուր օրերը, բացի շաբաթ ու կիրակի  
օրերէն ու Առաջաւորաց պահքի հինգ օրերէն, պատարագ  
չի մատուցուիր :

Ս. Ծննդեան նրագայոյցին ու Ս. Չակի նրագա-  
յոյցին կը մատուցուի Ս. Պատարագ ի պատիւ այդ երկու  
մեծահանդէս տօներուն :

Ձգեսաւորութիւն. — Ժամարարը կ'զգեստաւորուի

Աւանդատունը՝ Խորհրդատարին մէջ նշանակուած սաղ-  
մոսն ու աղօթքը կարդալով :

Ս. Պատարագի զգեստներուն ձեւն առնուած է  
Ահարոնեան քահանայական զգեստէն :

Երբ ժամարարը կ'զգեստաւորուի, դպիրները կ'երգեն  
«Խորհուրդ խորին» շարականը զոր գրած է ութը տունով  
Խաչատուր Վարդապետ Տարօնցի Ժ. Բ. դարուն : Է. — Ը.  
տուներուն մէջ բացատրած է քահանայական զգեստ-  
ներուն նշանակութիւնը, իսկ Թ. վերջին տունը «Թա-  
գաւոր երկնաւոր»ն առնուած է Ծաղկազարդի շարականէն :

Ձեւք լուալ. — Ժամարարը Բեմին առջեւ գալու  
ատեն, Ս. Սեղանին մերձեանալէն առաջ, «Լուացից սրբու-  
թեամբ զձեռս իմ» սաղմոսն ըսելով կը լուայ իր ձեռքերն՝  
ի նշան ներքին մաքրութեան :

Խոստովանութիւն. — Այնուհետեւ ժամարարը ժողով-  
ուրդին դառնալով՝ հրապարակաւ կը խնդրէ որ Աստուած  
իր մեղքերուն թողութիւն տայ : Ներկայ եկեղեցական-  
ներէն մէկն Աստուծոյ ողորմութիւնը կը խնդրէ՝ թողու-  
թիւն շնորհելու անոր մեղքերուն : Ժողովրդին կողմէ  
դպիր մը կը խնդրէ ժամարարէն որ յիչէ զիրենք Ս. Պա-  
տարագի ատեն : Ասկէ ետք կը բարձրանայ Բեմ «Մտից  
առաջի» սաղմոսով, և «Ի յարկիս Սրբութեան» աղօթքի  
ատեն կը քաշուի վարագոյրը :

Սպաս դնել. — Դպիրները մեղքի կ'երգեն, երբ  
քահանայն կ'ըսէ Գրիգոր Նարեկացոյ աղօթքն և Ընծ-  
այարանին առջեւ երթալով՝ նշխարը կը դնէ Մաղղմային  
վրայ և գինին խաչածե կը լեցնէ Սկիհի մէջ : Յետոյ  
Սկիհն ու Մաղղման քօղով ծածկելով՝ կը խաչակնքէ :

Երբ ժամարարն եպիսկոպոս է, վարագոյրը չքաշուած :  
Մեղեղիէն առաջ կ'երգին «Ընհրեալոյ» երգը :

Խնկարկել. — Վարագոյրը բացուելով՝ քահանայն  
կը խնկարկէ Ս. Սեղանին ու Ս. Սպասին, կիջնէ Բեմէն,

կը խնկարկէ ժողովրդին, յետոյ նորէն Բեմ կ'ելլէ: Այս արարողութիւնը նշանակ է Քրիստոսի աշխարհ գալով՝ Աւետարանական անուշահոտութիւնը մեր մէջ տարածուելուն:

Նրեհարեան երգ. — Փառաբանութեան ատեն որ կ'սկսի Պոռուխուսէ = «Ուշագիր եղէք» ու սարկաւազն Աւետարանը կը բարձրացնէ ու կը շրջաբերէ ի տես ժողովրդին:

Ընթերցուած. — Մարգարէական ու Առաքելական գիրքեր կարգաւ կը նշանակէ թէ մարգարէները գուշակելով ու առաքեալները քարոզելով՝ ծանուցին Քրիստոսի սնորհնութիւնները:

Ասկէ ետք կ'սկսի Քարոզը:

Աւետարան. — Ասոնցմէ ետք սարկաւազը կ'սկսի կարգաւ Աւետարանն որ Քրիստոսի սնորհնութեան գիրքն է իբրև լրումն օրէնքներու և մարգարէներու:

Դաւանութիւն. — Աւետարանէն ետք «Փառք քեզ, Տէր Աստուած»ին կը յաջորդէ Հաւատարմի որով մեր Քրիստոնէական հաւատքի ուղղփառ դաւանութիւնը կը յայտնենք:

Վերաբերում. — Երբ սարկաւազը կ'ըսէ «Մի ոք յերախայից»ը, կ'սկսի Խորհրդաւոր պատարագը: Սարկաւազը կ'ազդարարէ ժողովրդին որ եթէ մէջերնին չմկրտուածներ, թերահաւատներ ու չապաշխարողներ կան, չձօտենան Ս. Խորհրդին: Այս միջոցին պատարագիչը կ'առնէ ծառայի կերպարանք, այսինքն ժամարան եթէ եպիսկոպոս է, կը հանէ խօրը, եմփիորոնը, հողաթափները, որովհետև մինչև այդ ասան ժամարարը Քրիստոսի օրինակ էր, իսկ այդ միջոցին կը դառնայ Ս. Խորհրդին սպասաւոր:

Սրբասացութեան երգով կը կատարուի Ս. Ընծային վերաբերումը. առիկա Քրիստոս իր կամքով Խաչ բարձրանալով՝ մարդոց ընծայուելուն խորհուրդն ունի:

Հին ատեն այդ միջոցին բոլոր ժողովուրդը թափօրով հաց ու գինի կը բերէր ու կը դնէր Ընծայարան կոչուած սեղանին վրայ, իսկ մեր եկեղեցին ատոնց տեղ սահմանած է Սպասի հացն ու գինին:

Ողջոյն. — Սարկաւազն ողջոյն առնելով ժամարան կ'իջնէ ողջոյն կուտայ ժողովրդին: Ողջունի նշանակութիւնը սա է. Յիսուսի պատուէրին համեմատ անոնք որ կը փափաքին պատարագ մատուցանել տալ՝ հաշտուելու են իրարու հետ և սիրով ողջոյն տալու են իրարու:

Սրբագործութիւն. — Երբ դպիրները կը վերջացնեն «Սուրբ, Սուրբ, Սուրբ,» ժամարարը ձեռքը կ'առնէ Նշխարը, կը խաչակնքէ վրայէն և բարձրացնելով՝ կ'ըսէ «Առէք, կերէք»:

Նոյնպէս գինին օրհնելով՝ կը բարձրացնէ ու կ'ըսէ. «Արբէ՛ք ի սմանէ»: Սրբագործութիւնը կ'աւարտի, երբ ժամարարը կ'երկրպագէ Սեղանին և վեր բարձրացնելով ընծայները՝ կը խնդրէ որ Ս. Հոգին իջնէ անոնց վրայ և հայն ու գինին դառնան Քրիստոսի ճշնարիտ Մարմին ու Արիւն:

Յիսուսակութիւն. — Այնուհետև ժամարան ու սարկաւազները կ'սկսին յիշատակել կենդանի ու հանգուցեալ հաւատացեալներն ու անոնց հասարակօթիկ Աստուծոյ Ս. Պատարագի միջնորդութեամբ:

Սարկաւազները Սեղանի աջ կողմը երթալով՝ կը յիշատակեն մեր սուրբերն ու նշանաւոր հայրապետները՝ Ս. Թադէոս ու Ս. Բարթողիմէոս առաքեալները, Գր. Լուսաւորիչ, Արիստակէս, Վրթանէս, Յուսիկ, Գրիգորիս, Մեծն Ներսէս, Սահակ Պարթև, Դանիէլ, Խաչ եպիսկոպոս, Մեսրոպ վարդապետ, Գրիգոր Նարեկացի, Ներսէս Կլայեցի, Ներսէս Լամբրոնացի, Յովհան Որոտնեցի, Գրիգոր ու Մովսէս Տաթևացի և առ հասարակ հայոց հովիւներն ու հովուապետները:

Յետոյ կը յիշեն ուրիշ սուրբեր :

Իսկ Սեղանի ձախ կողմը գալով՝ գոհութիւն մատուցանելէ ետք, կը յիշատակեն Հայոց Հայրապետը, Երուսաղէմի ու Կ. Պոլսոյ Պատրիարքներն ու ամէն կենդանի հաւատացեալները :

Ճաշտկում. — Դպիրները «Հայր մեր»ը երգելէն ետք, սարկաւազը կը ձայնէ Պոռոսիտակե, և ժամարարը Ս. Խորհուրդը բարձրացնելով՝ կ'ըսէ «Իսարութիւն սրբոց» այսինքն՝ Յիսուս Քրիստոս ամենասուրբ սրբութեան մէջ է իր սուրբ մարմնով : Յետոյ կը գոհանայ երիցս ըսելով «Օրհնեալ Ս. Աստուած ճշմարիտ» (Հայր, Որդի, Հոգի) : Վարագոյրը քաշուելով՝ ժամարարը կը ճաշակէ Ս. Խորհուրդն ու դպիրները կ'երգեն «Տէր, ողորմեա» աղերսը զոր գրած է Սիմէոն կաթողիկոս : Յետոյ վարագոյրը կը բացուի ու արժանաւորները կը հաղորդուին Ս. Խորհուրդին և վարագոյրը նորէն կը փակուի :

Գոհութիւն. — Դպիրները «Լցաք ի բարութեանց քոց» երգելէն ետք, ժամարարը շնորհակալութեան աղօթքը կ'ըսէ ծածուկ ու սաղաւարտը դնելով (երբ քահանայ է) եղանակաւ կ'ըսէ «Որ օրհնես զայնոսիկ» նշանաւոր աղօթքն և կ'իջնէ Բեմէն որ կը նշանակէ Քրիստոսի միւս անգամ գալն աստուածային փառքով : Կը կարդայ Աւետարան և օրհնելով՝ կ'արձակէ ժողովուրդը :

Ս. Պ Ա Տ Ա Ր Ա Գ Ի Ե Ր Գ Ե Ր

«Մարմին տէրունական և արիւն փրկչական կայ առաջի, երկնային զօրութիւնքն յաներևոյթիս երգեն և ասեն անձանգիստ բարբառով՝ Սուրբ, Սուրբ, Սուրբ, Տէր զօրութեանց :»

Քարգ. — Տէրունական մարմինն ու փրկչական արիւնն առաջինիս դրուած են, երկնային զօրքերը = հրեշ-

տակներն աներևոյթ կերպով կ'երգեն ու կ'ըսեն շարունակ Սուրբ, Սուրբ, Սուրբ, Տէր զօրութեանց :

— «Քրիստոս ի մէջ մեր յայտնեցաւ — Որէնն Աստուած աստ բաղմեցաւ, — Խաղաղութեան ձայնն հնչեցաւ — Սուրբ ողջոյնի հրաման տուաւ : — Եկեղեցիս մի անձն եղև, — Համբոյրս յօդ լրման տուաւ : — Թշնամութիւնն հեռացաւ — Սէրն ընդհանուր սփռեցաւ : — Արդ, պաշտօնեայք, բարձեալ զձայն՝ — Տուք զօրհնութիւն ի մի բերան — Միասնական Աստուածութեան — Որում Սերովբէքն են սրբաբան :»

Քարգ. — Քրիստոս մեր մէջ յայտնեցաւ, Որէն Աստուածը հոս (Սեղանի վրայ) բազմեցաւ : Խաղաղութեան ձայն լսուեցաւ, սուրբ ողջունի հրաման արուեցաւ : Եկեղեցիս = բոլոր Քրիստոնեայ ժողովուրդը՝ մէկ սիրտ հոգի դարձաւ և այս ողջունի համբոյրը միութեան կապ արուեցաւ : Թշնամութիւնը հեռացաւ, Քրիստոսի սէրն ամէնուս մէջ սարածուեցաւ : Ուրեմն, ո՛վ պաշտօնեայնիս, ձայներնիդ բարձրացնելով՝ միաբերան օրհնութիւն տուէ՛ք Միասնական Աստուածութեան զոր կը փառաբանեն Սերովբէները :

— «Գոհանամք զքէն, Տէր, որ կերակրեցիր զմեզ յանմահական սեղանոյ քո՝ բաշխելով զմարմին և զարիւն ի փրկութիւն աշխարհի և կեանք անձանց մերոց :»

Քարգմ. — Շնորհակալ ենք քեզմէ, Տէր, որ մեզ կերակրեցիր քու անմահական սեղանէդ՝ բաշխելով մարմինդ ու արիւնդ աշխարհի փրկութեան ու մեր անձին կեանք ըլլալու համար :

— «Սուրբ, Սուրբ, Սուրբ՝ Տէր զօրութեանց, լի են երկինք և երկիր փառօք քո : Օրհնութիւն ի բարձունս, օրհնեալ որ եկիր և զալոցդ ևս անուամբ Տեառն : Ով սաննա՝ ի բարձունս :»

Քարգմ. — Սուրբ, Սուրբ, Սուրբ՝ Տէր զօրութեանց,

երկինքն ու երկիրը լի են քու փառքերովդ: Օրհնութիւն ըլլայ Բեզի բարձունքին մէջ, օրհնեալ ես որ եկար ու պիտի դաս Տիրոջ անունով:  
 Ուխտանա՛ բարձունքին մէջ:

**Թեկադուրիւններ.** — Ս. Պատարագն ինչո՞ խորհուրդ է: — Ո՞վ սահմանեց: — Ի՞նչպէս: — Ո՞րն է Իսկական Պատարագը: — Որո՞նք են Պատարագին նիւթերը: — Ո՞վ կը կատարէ: — Ե՞րբ կը մատուցուի Պատարագ: — Ս. Պատարագի զգեստներուն ձեւն թւո՞ղկէ աւուուած է: — Խորհուրդ Խորինն ե՞րբ կ'երգեն: — Այդ շարականին մէջ ի՞նչեր բացատրուած են: — Քահանայն ձեռքն ինչո՞ւ կը լուսոյ: — Ե՞րբ և ինչո՞ւ կը խոստովանի: — Ե՞րբ բեմ կը բարձրանայ: — Ե՞րբ սպասը կը գնէ: — Ե՞րբ կը խնկարկէ: — Պաշտօնակէի ատեն ի՞նչ կ'ընեն: — Ինչո՞ւ Մարգարէից ու Աւագից թուղթերը կը կարգան: — Աւետարանն ի՞նչ է: — Հաւատամքով ի՞նչ կը յայտնենք: — Ե՞րբ կ'սկսի Խորհրդաւոր պատարագը: — Քահանայն ի՞նչ փոփոխութիւն կը կրէ: — Հին ատեն վերաբերուին ի՞նչեր կը բերէին: — Ողջոյնն ի՞նչ կը նշանակէ: — Ե՞րբ կը սրբագործուի: — Սարկուադները Սեզանին աջ կողմն զորո՞ք կը յիշատակեն. ձախ կո՞ղմը: — Քահանայն ե՞րբ կը ճաշակէ Ս. Խորհուրդը: — Քահանայն ե՞րբ շնորհակալութեան աղօթքը կ'ըսէ ծածուկ: — Ե՞րբ կ'աւարտի Պատարագը:

Ժ. Ս. ԽՈՐՀՈՒՐԴՆԵՐ ԿԱՏԱՐԵԼՈՒ ԾԷՍԵՐ  
 ԽՈՐՀՐԴԱԿԱՆ ԱՐԱՐՈՂՈՒԹԻՒՆՆԵՐ

Ս. Եկեղեցւոյ խորհուրդները. — Մի, սուրբ, կաթողիկէ և առաքելական եկեղեցին ունի եօթը սրբարար խորհուրդ, 1. Մկրտութիւն, 2. Դրոշմ, 3. Ապաշխարութիւն, 4. Հաղորդութիւն, 5. Ամուսնութիւն, 6. Կարգ = Զեռնադրութիւն, 7. Այցելութիւն հիւանդաց, Աստուծոյ միջոցաւ Ս. Հոգւոյն անտեսանելի շնորհքները մեր հոգւոյն մէջ կը ներգործուին:

Խորհուրդներու էական մասերն են նիւթ ու ձեռ որ Խորհրդական արարողութիւն կը կոչուին:

1. Մ Կ Ր Տ ՈՒ Թ Ի Ւ Ն

Նախ քահանայն եկեղեցւոյ դաւիթը կը կատարէ երդմնեցնելու կարգը, կը դնէ նարօտը մկրտուողին գլուխը և կ'ըսէ «Հրաժարի՞մք»ը: — Նարօտը յաղթութեան նշան է: Կնքահայրը մկրտուողին բերնէն կ'ըսէ Հաւատք, Յոյս, Սէր: «Հաւատամք»էն ետքը կը կատարէ Աւագանի ջրի օրհնութիւնը Խաչով, Աւետարանով ու Ս. Միւռոնն թափելով, որպէս զի սրբուի ու նուիրական դառնայ: Քահանայն երեխայն երեք անգամ ջրին մէջ կը մխրձէ ամենասուրբ Երրորդութեան անունով ուրով երեսխայն կ'ազատուի սկզբնական մեղքերէն, հոգեւոր կեանքի մէջ կը վերածնի Սուրբ Հոգւով, կ'ըլլայ որդեգիր Երկնաւոր հօր ու անդամ Քրիստոնէական Եկեղեցւոյ: Երեք անգամ ընկղմելն օրինակ է Քրիստոսի երեքօրեայ թաղման: Կնքահօր ձեռքի մոմերը կը նշանակեն Քրիստոնէական հաւատքի լուսաւորութիւնը:

Երեխայն աւագանէն հանուելով՝ կը փաթթեն սպիտակ կիսաւի մէջ որ նշան է սկզբնական անմեղութեան: Երեխայն մկրտելով՝ Ազգային կամ Քրիստոնէական անունով մը կը կոչուի:

Մկրտութենէ քառասուն օր ետքը կանոնական սովորութիւն է որ մայրն երախայտով եկեղեցի կ'երթայ և հաղորդուելով շնորակալութիւն կուտայ Աստուծոյ:

2. Դ Ր Ո Շ Մ

Մկրտութենէ ետք քահանայն մկրտուածին բոլոր զգայարանքները կ'օժէ Ս. Միւռոնով որով ասիկա կ'ստանայ Ս. Հոգւոյն շնորհք: Դրոշումի խորհուրդէն անմիջապէս ետքը մկրտուա-

ծին Ս. Հաղորդութիւն կուտան որով անդամ կ'ըլլայ Քրիստոսի եկեղեցւոյն: Քահանայն եկեղեցական հանգէսով մկրտուածը կը տանի ու կը յանձնէ ծնողքին:

3. Ա Պ Ա Շ Խ Ա Ր Ո Ւ Յ Ի Ի Ն

Ապաշխարութեան խորհուրդը սա՛ է. Քրիստոնեայն մկրտութենէ ետք զիտակցարար գործած մեղքերը խոստովանելով քահանային առջև՝ թողութիւն կը խնդրէ:

Խոստովանելու համար ի նշան կատարեալ զղջման կը ծնրադրենք քահանային առջև և կ'ըսենք Մեղայ: Այս քահանայն կը կոչուի «խոստովանահայր», խոստովանողն ալ «խոստովանորդի»:

Խոստովանահայրը հարկ եղած խրատները տալէն ու չափով մը ապաշխարանք դնելէ ետք՝ արձակոււմ կը շնորհէ խոստովանորդւոյն:

Այն խոստովանահայրն որ խոստովանութիւնը կը յայտնէ ուրիշի մը՝ եկեղեցւոյ օրէնքով կը զրկուի քահանայութենէ:

4. Հ Ա Ղ Ո Ր Դ Ո Ւ Յ Ի Ի Ն

Ապաշխարելէ ետք կը հաղորդուինք Յիսուսի Մարմնով = նշխարով ու Արիւնով = զինիով, որով քառութիւն ու թողութիւն կ'ըլլայ մեր մեղքերուն և յաւիտենական կեանքի ժառանգորդ կ'ըլլանք:

Հաղորդութիւն կը նշանակէ «կցորդութիւն = Մասնակցութիւն»:

5. Պ Ս Ա Կ = Ա Մ Ո Ւ Ս Ն Ո Ւ Յ Ի Ի Ն

Պսակի խորհրդէն առաջ քահանայն կ'օրհնէ հարսին ու փեսին հանդերձները՝ հաշարն որ նախածնողքին սկզբնական զգեստին օրինակն է: Յետոյ եկեղեցի կերթան հարսնաւորներուն հետ և քահանայն նախապէս

խոստովանեցնելով փեսացուն ու հարսնացուն՝ կը հարցնէ թէ երկուքնին համաձայնած են այս ամուսնութեան, կը յիշեցնէ պսակի խորհուրդը և կը յորդորէ անբաժան ու սիրով ապրիլ իրարու հետ: Պսակը կ'օրհնէ աղօթքով: Պսակի ատեն փեսին ու հարսին գլուխը նարօտ կը դնէ, և անոնց կուտայ օրհնեալ գինիէն որ յիշատակ է Քրիստոսի այն հրաշքին որով Գալիլիոյ կանաքաղաքը հարսնիքի մէջ ջուրը գինւոյ փոխուեցաւ:

6. Կ Ա Ր Գ = Ձ Ե Ռ Ե Ա Դ Ր Ո Ւ Յ Ի Ի Ն

Կարգը = Ձեռնադրութիւնը Ս. Խորհուրդ մըն է զոր եպիսկոպոսը կուտայ Ընծայեալին՝ մատակարարելու եկեղեցւոյ փրկարար խորհուրդները, եկեղեցական պաշտամանց վերաբերեալ արարողութիւնները կատարելու և ժողովրդին քարոզելու Աւետարանը:

Եկեղեցւոյ միայն վերին վեց աստիճանները ձեռնադրութեամբ կը տրուին:

Ծիսական բացատրութիւնը տե՛ս «Աստուածպաշտութեան պաշտօնեայնները»:

7. Ա Յ Յ Ե Լ Ո Ւ Յ Ի Ի Ն Հ Ի Ի Ա Ն Դ Ա Յ

Հայ եկեղեցին հիւանդներու համար սահմանած է աղօթքներ՝ անոնց մեղաց թողութեան ու բժշկութեան համար: Քահանայն այս խորհուրդը կը կատարէ հիւանդին վրայ ձեռք դնելով Աստուծոյ անունով, բժշկութեան աւետարան կարդալով և Ս. խաչով ու Աւետարանով տեսառնագրելով: Երբ հարկ ըլլայ, քահանայն կը խոստովանցնէ ու կը հաղորդէ: Այս կը կոչուի թոշակ:

Այս խորհուրդը վերջին օծման փոխարէնն է մեր Հայաստանեայց Ս. եկեղեցւոյ մէջ:

**Թեղադուրսիւններ.** — Որո՞նք են Հայ եկեղեցւոյ եօթն սրբարար խորհուրդները — Ատոնց մեջօցաւ ի՞նչեր կը ներգործուին մեր մէջ, Քաջանայն ե՞րբ նարոտ կը դնէ մկրտուողին գլուխը — Ե՞րբ կը թափէ միւսանը : — Ի՞նչու : Քաջանայն քանի՞ անգամ կը մխրձէ մանուկն աւազանին մէջ : — Որո՞ւն անուանով : — Երախայն մկրտուելով ի՞նչ կ'ըլլայ : — Կնքահայրն ի՞նչ կ'ըսէ : — Որո՞ւ բերնէն : — Հին ատեն ի՞նչ սովորութիւն կար : — Կնքաճօր ձեռքի մոմն ինչի նշանակ է : — Քաջանայն ե՞րբ կը գրոշմէ, ինչո՞վ : — Ի՞նչու : — Մկրտուողին ե՞րբ Ս. Հաղորդ կուտան : — Ի՞նչու կ'ապաշխարենք : — Ո՞րուն առջև կը խոստովանինք : — Ո՞ր քահանայն կը զրկուի քահանայութենէ : — Ի՞նչու կը հաղորդուինք : — Պատկի ատեն ի՞նչ ծէսեր կը կատարուին : — Պատկն ինչո՞վ կ'օրհնուի : — Օրհնեալ գինին ինչի՞ նշանակ է : — Որո՞նք կը ձեռնադրուին : — Ի՞նչու կը ձեռնադրուին : — Հայ եկեղեցին ճիւղանքներուն համար ի՞նչեր սահմանած է : — Քաջանայն ճիւղանքին վրայ ի՞նչ կ'ընէ : — Մենք վերջին օծում ունի՞նք :

**ԺԱ. ՍՐԲԱԶԱՆ ԱՐԱՐՈՂՈՒԹԻՒՆՆԵՐ**

Հասարակաց աղօթքէն ու Ս. Խորհուրդներու ծէսերէն զատ Հայ եկեղեցին ունի սա՛ սրբազան արարողութիւնները :

**Միւռոնի Ս. Օրհնութիւն.** — Հայոց Կաթողիկոսները կը կատարեն Ս. Միւռոնի օրհնութիւնը՝ աղօթքով, օրհնութեամբ ու հոգեւոր երգերով : Ս. Միւռոնը կը կոչուի նաև Իւղանոյց որով կը կատարուին եկեղեցւանքն օծութիւններ :

Նորակառոյց եկեղեցւոյ օծում :

Խաչի ու պատկերի ելլն. օծում. — Մովսէս Աստուծոյ հրամանաւ օծեց տաճարին խորանն ու բոլոր սպասները : Քրիստոնէական եկեղեցին կ'օծէ, կ'օրհնէ ու նուիրական կը դարձնէ նորագործ խաչերը, նորանկար պատկերները, նաև օրհնելով կը սրբէ անօթները, զգեստները Միաբանի հրահանգներուն համաձայն :

Խաչահանգիս = Խաչալուայ. — Ինչպէս որ Հին ուխտի ատեն հրեշտակն իջնելով Պրոպագանդէ աւազանը՝ կը յուզէր ջուրը և կը բժշկուին միայն հոն գտնուած այն հիւանդներն որ առաջին անգամ ջուրը կը նետուէին, այսպէս ալ եկեղեցին ընդունած է ջրի օրհնութիւնն և առանձին կարգ սահմանած է : Քահանայն խաչով ու աւետարանով կ'օրհնէ ջուրն որով ջուրը կը սրբուի ու հաւատացեալները կը սրբուին :

**Յուրաբկաւորութիւն.** — Հայ եկեղեցին միւս եկեղեցիներուն նման ննջեցեալներու թաղումը կը կատարէ մեծ հանդէսով ու աղօթքով : Թաղման կարգն երեք տեսակ է. Տղայսարդ, Հասակաւորներու եւ եկեղեցականներու :

Բոլոր ննջեցեալները թաղելու համար՝ սա՛ ծէսերը կան — լուացում, պատնել սպիտակ կտաւով, մոմ վառել և խունկ ծխել, թաղման, Այգուց, Եօթնօրեայ, Քառասնից, Տարեկիցի կարգ, Գերեզմանօրհնէք : Եկեղեցականներու թաղման կարգն աւելի հանդիսաւորութեամբ կը կատարուի : Սոյն ծէսերէն զատ ննջեցեալ եկեղեցականը կ'զգեստաւորեն և կ'օծեն Ս. Միւռոնով :

Լուանալն ու խունկ ծխելը նշան են յարգանքի, Պատնելը նշան է անապականութեան :

Ամբիժք գիշերը կը կատարուի ննջեցեալին ներելի մեղքերու թողութեան համար :

Այգուց. — Եօթնօրեկից կարգերը Հին ուխտէն առնուած են : Քառասնիցը յիշատակ է Քրիստոսի քառասնօրեայ համբարձման :

Տարեկիցն ու Գերեզմանօրհնէքը կատարելով՝ կ'աւետանք ննջեցեալներու երկրորդ գալստեան յոյսը :

Յիւստակ մեռելոց. — Մեր բարեպաշտ նախնիք, ինչպէս հիմայ ալ, իրենց պարտաւորութիւն կը համարէին մեռելոցի օրերը գերեզմանտուն երթալով՝ օրհնել տալ

իրենց նախնեաց գերեզմանն և անոնց յիշատակը յարգել :  
Հինգ տաղաւարի յաջորդ օրը մեռելոց է . այդ օրը բոլոր ննջեցեալներուն համար եկեղեցին հոգեհանգիստ կը կատարէ :

Տնօրհներգ. — Ս. Ծննդեան ու Ս. Յարութեան տօներուն քահանայն Ս. Աւետարանով ու Ս. Խաչով կ'օրհնէ իր ծովսերուն տուները :

Կալօրհներգ, Հնձան օրհներգ. — Կալն ու հնձանը կ'օրհնեն, անոր համար որ կը մատակարարեն Ս. խորհրդին նուիրական ընծայները՝ հացն ու գինին : Քահանայն հին ատեն իր ապրուստին համար տամորդ կ'ստանար հնձանէն որ կը կոչուի պշոյի :

Մատաղ. — Տէրունի ու Սրբոց նշանաւոր սօներուն է յիշատակ մեր ննջեցեալներուն՝ մատաղ կ'ընենք, հոգեկացն աղքատներուն բաշխելու համար : Աղբ կ'օրհնենք՝ մատաղցու կենդանին սրբելու սկզբնական առէժքէն :

Թեւոյադուրիւհներգ. — Որո՞նք են սրբազան արարողութիւնները — Ս. Մեռածն ի՞նչ կ'ընեն, — Ո՞վ կ'օրհնէ, — Քրիստոնէական եկեղեցին իր ի՞նչերը կ'օժէ, — Խաչահանգիստն ի՞նչ օրինակ է, — Խնձով կ'օրհնեն, — Հին ուխտի ատեն ի՞նչ սովորութիւն կար, — Թաղման կարգը քանի՞ է, — Ի՞նչ ծէսեր կան, — Խնձի՞ նշան են լուսնայր, պատնիք, մոմը, Ամբիժքը, Այգուցը, Խօթնօրէքը, Քառասնորդը, — Ո՞ր սօները մեռելոց ունին, — Ի՞նչ կ'ընեն այդ օրը, — Տնօրհներգ ե՞րբ կը կատարեն, — Ո՞վ կ'օրհնէ, — Ի՞նչու կ'օրհնենք կալերը, հնձանները, — Ե՞րբ մատաղ կ'ընենք, — Խնձու կ'ընենք, — Ի՞նչը կ'օրհնենք, — Որո՞նք Հին ուխտէն Ձեցած են և որո՞նք յատուկ են Քրիստոնէութեան :

ԺԲ. ԲԱՐԵՊԱՇՏԱԿԱՆ ԱԻԱՆԻՈՒԹԻՒՆՆԵՐ

Մեր նախնեաց մեզի աւանդած սովորութիւնները կը կոչուին Բարեպաշտական աւանդութիւններ որոնք Աստուածապաշտութեան շերմեռանդութիւնն արծարծելու յայտարար նշաններն են :

Մասնաւոր. — Մաս կը բաժնուի անոնց որ Ս. Պատարագի չեն հաղորդուած՝ Ս. Սեղանէն անմաս լիթողու համար : Մասը կը պատրաստուի բաղարջ հացէ և մինչեւ Պատարագի վերջը կը պահուի սեղանին վրայ : Ժամուց, զանձանակ, պնակ. Կամաւոր նուէր մըն է ժամուցը զոր ժողովուրդը կուտայ ժամարար քահանային՝ յիշելու համար ննջեցեալներն ու կենդանիները Ս. Պատարագին :

Իտրայելացւոց ատեն կար Գանձանակը . հոս դրամական նուէր կը նետէին եկեղեցւոյ պէտքերուն և աղքատներուն ողորմութեան համար : Ասոր տեղ հիմայ Պնակ կը շրջաբերի :

Ասկէ զատ քահանայն զանձանակ կը շրջաբերէ՝ ժողովրդին կամաւոր նուէրն ստանալու համար :

Ձիթեցի բաժնել. — Ծաղկազարդի առտուան ժամերգութեան «Փառք ի բարձունս»ի ատեն ձիթեցի ոստեր կը բաժնեն ի յիշատակ Քրիստոսի Երուսաղէմ մտնելուն, երբ հրեայներն ընդ առաջ գացին անոր՝ ձիթեցւոյ ու արմաւենւոյ ճիւղերով :

Կարագ բաժնել. — Ոտնուային կարագ իւղ կը քսեն ի յիշատակ այն կնոջ որ իւղով օծեց Յիսուսի Գլուխը Սիմոն բորտոսի տունը :


Խաղող օրհներգ. — Մեր բարեպաշտ նախնիք իրենց այգիներուն խաղողի բերքէն իբրև երախայրիք կը նուրի-

րէին եկեղեցւոյ՝ զինւոյ բաժակը պատրաստելու համար։  
Եկեղեցին սահմանած է օրհնութեան աղօթքներ կատարել  
որ նուիրատու ժողովրդին այգիներն անվնաս պահպանու-  
նին ու արգասաւորուն։


Ուստի Վարդավառին կամ Ս. Աստուածածին,  
Ս. Պատարագի միջոցին Խաղողի օրհնութիւն կը կա-  
տարուի։

Ջուր սրսկել ու աղաւնի թռցնել. — Հայոց հեթա-  
նոսութեան ատեն սովորութիւն էր Վարդավառին ջուր  
սրսկել ու աղաւնի թռցնել։ Քրիստոնէութեան ատեն  
ջուր սրսկելը նկատուեցաւ յիշատակ ջրհեղեղի ու ա-  
ղաւնի թռցնելը՝ Նոյի տապանէն դուրս աղաւնի թռցը-  
նելուն։

**Թելադուրի ցներ.** — Որո՞նք են բարեպաշտական ուսանդու-  
թիւնները։ — Ինչի՞ նշան են։ — Միւսոն ի՞նչ է կը պատրաստուի։ —  
Որո՞նց կը բաշխուի։ — Ի՞նչ է ժամուցը։ — Ինչո՞ւ կուտայ։ — Ի՞նչ  
բայելացեաց ատեն ի՞նչ կար։ — Փահանայն ինչո՞ւ գանձանակ կը  
շրջաբերէ։ — Ո՞ւր կ'երթան ուխտի։ — Ինչո՞ւ։ — Ե՞րբ և ինչո՞ւ ոստ  
կը բաշխենք։ — Ե՞րբ կարագ կը բաժնեն։ — Ինչո՞ւ։ — Ե՞րբ կ'օրհնեն  
խաղողը։ — Ինչո՞ւ։ — Ե՞րբ կ'ըլլայ Հրավառութիւն։ — Ե՞րբ և ինչո՞ւ  
ջուր կը սրսկեն ու աղաւնի կը թռցնեն։ — Որո՞նք Հին ուխտէն  
մնացած են ու որո՞նք Հայ հեթանոսական կրօնքէ։ — Որո՞նք յատուկ  
են Քրիստոնէութեան։



### ՔՐԻՍՏՈՆԷԱԿԱՆ ՀԱՒԱՏԱԼԻՔ



ԺԳ. ՀԱՒԱՏՈՅ ՀԱՆԳԱՆԱԿ  
ՀԱՅ. ԱՌԱՔԵԼԱԿԱՆ Ս. ԵԿԵՂԵՅԻՈՅ



Ա. Հաւատամք ի մի Աստուած՝ ի Հայրն ամե-  
նակալ, յԱրարիչն երկնի եւ երկրի, երեւելեաց եւ ան-  
երեւութից։

Ասով կը դաւանինք թէ 1. Կայ մի Աստուած,  
անիկա ունի երեք անձ՝ ՀԱՅՐ, ՈՐԳԻ և Ս. ՀՈԳԻ։  
Եւ կ'ընդունինք Ս. Երրորդութիւն և մի Աստուածութիւն։  
2. Թէ Աստուած իր Որդւոյն ու Ս. Հոգւոյն հետ ոչինչ  
չէ ստեղծեց երկինքը, երկիրն ու բոլոր տեսանելի ու  
անտեսանելի բաները՝ արարածները։ 3. Թէ անիկա ամե-  
նակալ է և բոլոր արարածները կը կառավարէ ու կը  
պահպանէ իր իշխանութեան տակ։

Բ. Եւ ի մի Տէր Յիսուս Քրիստոս, յՈրդին Աս-  
տուծոյ, Ծնեալն յԱստուծոյ Հօրէ՝ Միածին, այսինքն  
յէութենէ Հօր։

Աստուած յԱստուծոյ, Լոյս ի լուսոյ, Աստուած  
ճշմարիտ յԱստուծոյ ճշմարտէ, Ծնունդ եւ ոչ արարած։  
Նոյն ինքն ի բնութենէ Հօր որով ամենայն ինչ եղև  
յերկինս եւ ի վերայ երկրի՝ երեւելիք եւ աներեւոյթք։



Ասով կը դաւանինք թէ 1. Սուրբ Երրորդութեան երկրորդ անձն է Յիսուս Քրիստոս: 2. Անիկա Միածին է, այսինքն չկայ ուրիշ մէկն Անոր նման: 3. Անիկա ծնած է Հօր Աստուծմէ յաւիտեանէն առաջ, ինչպէս լոյսը լոյսէն, այսինքն ինչպէս որ լուսոյ ճառագայթներն անընդհատ կերպով յառաջ կուգան արեգակէն, ու ստեղծուած չէ: 4. Անիկա իսկակից է Հօր Աստուծոյ հետ, ու ամէն ինչ Ասով եղած է:

Գ. Որ յաղագս մեր մարդկան եւ վասն մերոյ փրկութեան իջեալ ի յերկնից՝ մարմնացաւ, մարդացաւ, ծնաւ կատարելապէս ի Մարեմայ Սրբոյ Կուսէն Հոգովն Սրբով: Որով էառ զմարմին, զհոգի եւ զմիտ եւ զամենայն որ ինչ է ի մարդ՝ ճշմարտապէս եւ ոչ կարծեօք:

Ասով կը դաւանինք 1. Աստուծոյ որդին երկինքէն իջաւ, այսինքն երկրիս վրայ տեսանելի դարձաւ: 2. Անիկա մարմնացաւ, այսինքն մարդկային բնութիւն առաւ Ս. Կոյս Մարիամէն Ս. Հոգւով: 3. Անիկա կատարելապէս մարդ եղաւ, այսինքն՝ ոչ թէ միայն մարդկային մարմին առաւ, այլ և մարդկային հոգին ու միտքը, ու եղաւ ճշմարտապէս մարդ ու կատարեալ Աստուած:

Դ. Չարչարեալ, խաչեալ, թաղեալ:

Ասով կը դաւանինք 1. Աստուածորդին Յիսուս Քրիստոս չարչարուեցաւ, այսինքն ցաւ զգաց ու մարդկային բնութեամբ կրեց բոլոր տանջանքները: 2. Անիկա իր յօժար կամքով խաչի վրայ բարձրացաւ որ մեզ ազատէ յաւիտենական պատիժէն ու մեղքէն: 3. Անիկա մարմնով մեռաւ խաչի վրայ ու իբրև մարդ թաղուեցաւ:

Ե. Յերրորդ աւուր յարուցեալ:

Ասով կը դաւանինք թէ Աստուածորդին Յիսուս Քրիստոս մարդկային բնութեամբ մեռնելէն ետքը, երրորդ օրն Աստուծային զօրութեամբ կենդանացաւ՝ յարութիւն առաւ:

Զ. Ելեալ ի յերկինս նովին մարմնով՝ նստաւ ընդաջմէ Հօր:

Ասով կը դաւանինք 1. Աստուածորդին Յիսուս Քրիստոս մարդկային մարմնով Երկինք Համբարձաւ: 2. Անիկա նստաւ Հօր աջ կողմն ու ասով ցոյց տուաւ թէ Անիկա Հօր Աստուծոյ հետ հաւասար զօրութիւն և պատիւ ունի:

Է. Գալոց է նովին մարմնով եւ փառօք Հօր ի դատել զկենդանես եւ զմեռեալս Որոյ թագաւորութեան ոչ գոյ վախճան:

Ասով կը դաւանինք 1. Աստուածորդին Յիսուս Քրիստոս դարձեալ աշխարհ պիտի գայ Հօր փառքով: 2. Անիկա պիտի դատէ ողջ մնացածներն ու մեռեալները: 3. Անոր փառքի թագաւորութիւնը վերջ չունի:

Ը. Հաւատամք եւ ի սուրբ Հոգին՝ յԱնեղն եւ ի Կատարեալն՝ Որ խօսեցաւ յօրէնս եւ ի մարգարէս եւ յաւետարանս: Որ էջն ի Յորդանան՝ քարոզեաց յառաքեալսն եւ բնակեցաւ ի սուրբսն:

Ասով կը դաւանինք 1. Ս. Հոգին Ս. Երրորդութեան երրորդ անձն է: 2. Անիկա կառարեալ Աստուած է և իսկակից Հօր և Որդւոյն, և երկրպագելի Անոնց

հաւասար: 3. Ս. Հոգին խօսեցաւ օրէնքներու, մարգարէներու միջոցաւ: 4. Ս. Հոգին իջաւ Յորդանան Յիսուսի մկրտուած ատենը: 5. Ս. Հոգին Պենտեկոստէի օրը վերնատան մէջ պատմեց և քարոզեց առաքեալներուն Յիսուսի խօսքերը: 6. Ս. Հոգին կը բնակի սուրբերուն մէջ:

Թ. Հաւատամք ի մի միայն ընդհանրական եւ առաքելական Ս. Եկեղեցի:

Ասով կը դաւանինք 1. Յիսուս Քրիստոս իր հաստատած եկեղեցւոյն՝ հաւատացեալներուն հետ է միշտ ու անոր շնորհք կուտայ: 2. Այդ եկեղեցին Մի է, Սուրբ է, Ընդհանրական և Առաքելական կը կոչուի, որուն միակ գլուխն է ինք Յիսուս Քրիստոս:

Ժ. Ի մի մկրտութիւն, ապաշխարութիւն, ի քաւութիւն եւ ի թողութիւն մեղաց:

Ասով կը դաւանինք 1. Մարդ մկրտուելով՝ կ'ազատուի Սկզբնական մեղքէն ու արժանի կ'ըլլայ Ս. Հոգւոյն շնորհքն ընդունելու և կը դառնայ երկնաւոր Հօր որդեգիր: 2. Ծնմարիտ խոստովանութեամբ ու ապաշխարութեամբ՝ մարդ թողութիւն կ'ստանայ իր մեղքերուն:

ԺԱ. Ի յարութիւն մեռելոց:

Ասով կը դաւանինք. վերջին դատաստանին օրը Աստուծոյ հրամանաւ բոլոր մեռեալ մարդոց մարմինները պիտի կենդանանան, յարութիւն պիտի առնեն ու պիտի միանան իրենց հոգիներուն հետ, և այնուհետեւ պիտի ըլլան անապական ու անմահ: Իսկ անոնք որ ողջ են՝

մէկ ակնթարթի մէջ պիտի փոխուին ու պիտի դառնան անապական ու անմահ:

Մեռեալներու յարութեամբ բոլոր տիեզերք պիտի փոխուի նոր երկինք ու նոր երկիր պիտի ըլլայ:

Ի դատաստանն յաւիտենից հոգւոց եւ մարմնոց յարքայութիւնն երկնից եւ ի կեանսն յաւիտենականս:

Ասով կը դաւանինք. 1. Հոգիներն ու մարմինները պիտի դատուին Յիսուս Քրիստոսէ, և իւրաքանչիւրը պիտի ստանայ իր ըրածին փոխարէնը: 2. Մեռեալներու յարութենէն ետքը պիտի սկսի նոր յաւիտենական կեանքը: Այս կեանքն արդարներուն համար պիտի ըլլայ երանելի, իսկ մեղաւորներուն համար՝ տանջանք: Երանելի կեանք կը կոչուին ԴՐԱԽՏՆ ու Երկնի արքայութիւնը. իսկ տանջանքը՝ ԴժՈՒՍԻ:

Մինչև հոս է Հաւատամքը:

«Իսկ որք ասեն՝ էր երբեմն յորժամ ոչ էր Որդին, կամ էր երբեմն յորժամ ոչ էր Սուրբ Հոգին, կամ թէ յոչէից եղեն, կամ յայլմէ էութենէ ասեն լինել զՈրդին Աստուծոյ եւ կամ զՍուրբ Հոգին, եւ թէ փոփոխելիք են կամ այլայլելիք, զայնպիսիսն նզովէ կաթողիկէ եւ Առաքելական Ս. Եկեղեցի:

Ս. Գրիգոր Լուսաւորիչն ըսաւ

Իսկ մեք փառաւորեսցուք որ յառաջ քան զյաւիտեանս՝ երկիրպագանելով Սրբոյ Երրորդութեանն եւ

Միոյ Աստուածութեանն՝ Հօր եւ Որդւոյ եւ Հոգւոյն Սրբոյ: Այժմ՝ եւ միշտ եւ յաւիտեանս. ամէն:

**Թեղադրութիւններ.** — Ա. հաւատալիքով ի՞նչեր կը դառնինք: — Բ. ո՞վ: — Գ. ո՞վ: — Դ. ո՞վ: — Ե. ո՞վ: — Զ. ո՞վ: — Է. ո՞վ: — Ը. ո՞վ: Թ. ո՞վ: — Ժ. ո՞վ: — ԺԱ. ո՞վ: — ԺԲ. ո՞վ: — Ո՞րն է Հաւատալիքի յաւերժացումը: — Ո՞վ ըստ օրհանման քիչ փառաւորեցուք ըր:

ԺԳ. ՔՐԻՍՏՈՆԷԱԿԱՆ ԿՐԾՆԻ ՓԱՌԱԲԱՆՈՒԹԻՒՆԸ

Փ Ա Ռ Ք Ի Բ Ա Ր Ձ Ո Ւ Ն Ս

Փառք ի բարձունս Աստուծոյ, և յերկիր խաղաղութիւն, ի մարդիկ հաճութիւն: Եւ օրհնութիւն Բեզ ի բարձունս, օրհնեալ եւ Տէր Աստուած մեր, օրհնեմք զքեզ և զովեմք զքեզ, խոստովանիմք Տէր զքեզ, և երկրպագանեմք քեզ, փառաւորեմք զքեզ, գոհանամք: Տէր, զքէն վասն մեծի փառաց քոց: Տէր թագաւոր սուրբ երկնային, Աստուած և Հայր ամենակալ: Տէր և Որդի Հօր Միածին՝ Յիսուս Գրիստոս և Սուրբ Որդի: Տէր Աստուած՝ Գառն Աստուծոյ և Որդի Հօր որ առեր զմերս ի կուսէն: Ողորմեցար, բարձեր զմեզս աշխարհի, և արդ՛ ընկալ զաղաչանս մեր: Սուրբ որ նստիս ընդ աջմէ Հօր, ողորմեաց մեզ: Զի դու միայն Սուրբ, դու միայն Բարձրեալ եւ, դու միայն Տէր մեր Յիսուս Գրիստոս: Տէր և Հոգիդ Սուրբ որ ի փառս Աստուած ընդ Հօր. ամէն:

Եւ յամենայն ժամ օրհնեմք զքեզ, Տէր, և զովեմք զանուն սուրբ քո յաւիտեան և յաւիտեանս յաւիտենից:

Արժանի արա՛, Տէ՛ր, զօրս զայս խաղաղութեամբ, և առանց մեղաց պահեա՛լ զմեզ: Օրհնեա՛լ եւ Տէ՛ր Աստուած՝ հարցն մերոց, գովեա՛լ և փառաւորեա՛լ է անուն սուրբ քո յաւիտեանս. ամէն: Օրհնեա՛լ Տէ՛ր, ուսո՛ ինձ զարդարութիւնս քո (երեմ ակգաւ կրկնեկ): Տէ՛ր, ապաւէն կղեր մեր յազգէ յազգ: Ես աղաչեմ, Տէ՛ր, ողորմեա՛ ինձ և բժշկեա՛ զանձն իմ, ես մեղայ քեզ. ցո՛յց մեզ, Տէ՛ր, զողորմութիւնս քո և զկրկութիւնս քո սուր մեզ: Տէ՛ր ողորմութիւն քո յաւիտեան. զգործս ձեռաց քոց մի անտես առնէր: Տէ՛ր իմ, զքեզ ապաւէն ինձ արարի, ուսո՛ ինձ առնել զկամս քո, զի դու ես Աստուած իմ: Իքէն է, Տէ՛ր, աղբւր կենդանութեան և լուսով կրեաց քով տեսանեմք զլոյս: Ծագեա՛ զողորմութիւնս քո որք ճանաչեն զքեզ Տէ՛ր:

**ՄԱՂԹԱՆՔ.** — Փա՛ռք, պատիւ և երկրպագութիւն ի բարձունս Հօր և Որդւոյ և Հոգւոյ Սրբոյ, այժմ՝ և միշտ և յաւիտեանս յաւիտենից. ամէն:

**Թեղադրութիւններ.** — Հայ եկեղեցին այս «Փառք ի բարձունս» ի մէջ ի՞նչեր կը դառնանի և զորո՞նք կը փառաբանէ: — Ո՞վ երգեց առաջին սոնգամ Փառք ի բարձունս: — Հրեշտակներն երգին մինչև ո՞ր մասն երգեցին: — Միւս մասերն ի՞նչ խորհուրդ ունին, Յիսուսի ո՞ր տնօրինութիւնները կը փառաբանեն: — Ո՞ր մասն աղաչանք ու աղօթք է: — Ի՞նչեր կ'աղաչենք ու կ'աղօթենք: — «Լացին դիշերը ի՞նչպէս կ'երգենք «Փառք ի բարձունս»ը: — Ի՞նչ արարողութիւն կայ այդ միջոցին: — Բաց ի «Լացի գիշեր»էն «Փառք ի բարձունս»ը ի՞նչերու ընկերակցութեամբ կ'երգուի:

Գ. ՎԵՐԱՏԵՍՈՒԹԻՒՆ

Ամբողջացուցե՛ք հետեւեալները.

Ս. Պատարագը ... խորհուրդն է և սահմանեց... : Իսկական պատարագն է... : — Պատարագի նիւթերն են... : — Կը կատարեն Ս. Պատարագը ... : — Կը մատուցուի ... ուր որ ... : — Ս. Պատարագ չի մատուցուիր ... օրերը ... : — Ս. Պատարագի զգեստներն առնուած են... : — Խորհուրդ խորինը կը բացատրէ... : — Քահանայն ձեռքը կը լուայ ... և կը խոստովանի... : — Բեմ կը բարձրանայ. . . : — Սպասը կը դնէ... : — Կը խնկարկէ... : — Հուսատուքով կը յայտնենք... : — Խորհրդաւոր Ս. Պատարագը կ'սկսի... : Եւ կը սրբազործուի... : — Հին ատեն վերարեբուծին... : — Ողջոյն կը նշանակէ... : — Սեղանին աջ կողմը կը յիշատակուին... : — Չախ կողմը... : Քահանայն կը ճաշակէ Ս. խորհուրդը... : — Ենթահայլուծեան աղօթքը ... : — Ս. Պատարագը կ'ուարտի... : — Հայ եկեղեցւոյ եօթը սրբաբար խորհուրդներն են... : — Առոնց միջոցաւ կը նուիրագործուին... : Քահանայն նարօտ կը դնէ ... : Կը թափէ Ս. միւսոնը... : — Քահանայն ... երախայն... : — Կնքահայրը կ'ըսէ... : Հին սովորով իւրն էր... : Կնքահօր ձեռքի մեծերը... : — Քահանայն կը դրօշակէ... : — Մենք կը խոստովանինք... : — Քահանայն կը զրկուի քահանայութիւնէ... : — Կը հաղորդուինք ... : — Պսակն ատեն կը կատարուի ... : — Պսակը կ'օրհնուի... : — Կը ձեռնադրուին... : — Հայ եկեղեցին հիւանդներուն համար սահմանած է... : — Թոշակ կը կոչուի... : — Սըբազան արարողութիւններն են... : — Ս. միւսոնով ... : — Կ'օրհնէ... : — Քրիստոնէական եկեղեցին կ'օծէ... : Խաչահանգիստն օրինակ է... : Թողման կարգի ծէսերն են ... : — Մեռելացին ... : — Տնօրհնէք կը կատարեն ... : — Կ'օրհնենք... : — Մատաղ կ'ընենք... : — Հին ուխտէն մնացած են... : — Քրիստոնէութեան յատուկ են ... : — Բարեպաշտական տւանգութիւններն են... : — Միւսոնը կը պատրաստուի... : Կը բաշխուի ... : — Ուխտի կ'երթան ... : — Խաղողը կ'օրհնուի ... : — Հրավառութիւն կ'ըլլայ... : — Չուր կը սրկեն և աղանի կը թռցնեն... : — Հայ հեթանոսական կրօնքէն մնացած են... : — Յատուկ են Քրիստոնէութեան...

Ժ Ե. Ա Ղ Օ Թ Ք Ն Ե Ր

1. Ճ Ա Մ Է Ն Ա Ռ Ա Ջ

Աչք ամենեցուն ի Քեզ, Տէր, յուան եւ Դու տա զվերակուր նոցա ի ժամու. բնաս զձեռս Քո եւ լցուցանես զամենեսեան քաղցրութեամբ կամօք քովք :

2. Ճ Ա Մ Է Ն Ե Տ Ք

Տէր Յիսուս, լցաք ի բարութեանց քոց, տացուք գոհութիւն Տեառն Աստուծոյ մերոյ՝ Հօր եւ Որդւոյ եւ Հոգւոյն սրբոյ : Զլիութիւն սեղանոյս անհատ եւ աննուազ արասցէ Քրիստոս Աստուած մեր որ զմեզ կերակրեաց եւ լիացոյց : Նմա փառք յաւիտեանս. ամէն :

3. Ա Ռ Ա Ի Օ Տ Ե Ա Ն

Գոհանամք զքէն, Տէր Աստուած մեր, որ զարթուցեր զմեզ ի հանգստենէ քնոյ շնորհիւ ողորմութեան Քո : Զարթո՛ն զմիտս մեր արդարութեամբ առ Քեզ, Տէր Աստուած մեր, զի տեսցեն աչք Մեր զփրկութիւն Քո, եկեսցէ եւ բնակեցցի առ մեզ Աստուածութիւն Քո եւ ողորմութիւն Քո հովանի եւ պահապան լիցի ի վերայ պաշտօնէից Քոց : Եւ զմեզ՝ զծառայս Քո արժանի արա ի տուէ եւ ի զիշերի՝ եւ յամենայն ժամու միշտ խորհել ի սէր պատուիրանաց Քոց եւ զոհանալով՝ փա-

ուսուրել զՀայր եւ զՈրդի եւ զՍուրբ Հոգիդ այժմ եւ միշտ եւ յաւիտեանս յաւիտենից. ամէն:

4. ԵՐԵԿՈՅԵԱՆ

Տէր Աստուած մեր, Դու պահեա զմեզ խաղաղ-  
ութեամբ ի գիշերիս յայսմիկ եւ յամենայն ժամանակի.  
ընդ սուրբ երկիւղ Քո բեւեռեալ պահեան զմիտ եւ  
զխորհուրդ մեր, որպէս զի յամենայն ժամ Քեւ պահ-  
պանեալ լիցուք յորոգայթից թշնամւոյն եւ Քեզ հան-  
ցուք զօրհնութիւն եւ զփառս Հօր եւ Որդւոյ եւ Հոգ-  
ւոյն Սրբոյ այժմ եւ միշտ եւ յաւիտեանս յաւիտենից.  
Ամէն:



ՔՐԻՍՏՈՆԷԱԿԱՆ ԿՐՕՆՔԻ ԲԱՐՈՅԱԿԱՆԸ




ՏԱՍՆ ՊԱՏՈՒԻՐԱՆՔ




1. Ես եմ Տէր Աստուած քո, մի՛ եղիցինք քեզ այլ  
աստուածք բաց յինչն:

Այս պատուիրանով Աստուած կը հրամայէ մեզի որ  
զԱյն միայն ճանչնանք ճշմարիտ Աստուած. հաւատամք  
Իրեն, յոյս դնենք Իրեն վրայ, սիրենք, երկիրպագենք  
ու աղօթենք: — Կ'արգելէ ուրիշ աստուածներ ունենալ  
և զանոնք պաշտել Աստուծոյ պէս:

 Հրեշտակներն ու սուրբերը յարգելով՝ չենք  
մեղանչեր այս պատուէրին դէմ, որովհետեւ մեր սյդ-  
պատիւն ու յարգանքը կը վերաբերին անոնց Աստուած-  
ային շնորհին ու զօրութեանն որոնց միջոցաւ անոնք  
ճառայած են Աստուծոյ ու կատարած են բարի գործեր:

2. Մի՛ արասցես դու քեզ կուռս ամենայն նման-  
ութեան, մի՛ երկրպագանիցես նոցա եւ մի՛ պաշտես-  
ցես զնոսա:

Այս պատուիրանով Աստուած կը հրամայէ մեզի որ  
մենք ո՛ր և է առարկայ կուռք չչինենք ու անոր Աստ-  
ուածային պատիւ չընծայենք, այսինքն չպաշտենք,  
յոյս չդնենք անոր վրայ, ինչպէս Աստուծոյ վրայ:

 Այս պատուիրանին դէմ չենք մեղանչեր Ս.  
Պատկեր գործածելով: Ս. Պատկերի գործածութիւնը

կոապաշտութիւնն չէ, որովհետեւ մինք զանոնք չենք պաշտեր Աստուծոյ պէս, այլ միայն կը յարգենք, ա՛ն ալ ոչ թէ ձեռագործ պատկերը, այլ անոր վրայ նկարուած անձը: Նկարուած տէրունական պատկերներու մէջ Աստուծոյ կ'երկրպագենք, իսկ սուրբերու պատկերներու մէջ կը յարգենք անոնց աստուածահաճոյ սրբութիւնը:

Ս. Պատկեր գործածելով՝ նպատակնիս է յիշել Աստուծոյ և իր սուրբերուն գործերն որ անոնցմէ օրինակ առնենք:

3. Մի՛ առնուցու զանուն Աստուծոյ քո ի վերայ սնոտեաց:

Աստուած այս պատուիրանով կը հրամայէ մեզի որ մենք իր անունն առնենք բերաննիս իբրև սրբութիւն, յարգենք այն ամենքն ինչ որ Անոր նուիրուած է, ինչպէս Ս. տաճարներ, մատուռներ, պատկերներ ու եկեղեցական սպասներ:

Աստուած կը պատուիրէ որ մեր աղօթքներու և խօսակցութեան ատեն երկիւղածութեամբ յիշենք և արտասանենք իր անունը: Ի զուր երդում չընենք իր անունով, իսկ եթէ երդում ըրած ենք, հաստատ պահենք մեր երդումը:

Քահանային ներկայութեան, Ս. Խաչի ու Ս. Աւետարանի առջև արտասանած խոստումն երդում կը կոչուի:

4. Յիշեա՛ սրբել զօր շաբաթու, զվեց օր գործիցես եւ արասցես զամենայն գործս քո, իսկ զեօթներորդ օրն՝ շաբաթ նուիրեա՛ Տեառն քում:

Այս պատուիրանով Աստուած կը հրամայէ մեզի որ շաբաթ օրը (քրիստոնեայններուն համար կիրակին), նոյնպէս և ուրիշ տօներ նուիրուինք սուրբ գործերու: Աստուած

կը պատուիրէ 6 օր աշխատիլ ու գործել մարմնաւոր գործեր, իսկ կիրակին ու սօնի օրեր հանգչիլ ու կատարել Աստուծոյ հաճելի գործեր:

Աստուծոյ հաճելի գործերն են. 1. եկեղեցի երթալ, 2. ներկայ ըլլալ Աստուածպաշտութեան, աղօթել, կարգալ Ս. Գիրքը, սորվիլ Աստուծոյ օրէնքները, 3. մեր ազգայիններուն բարիք ընել, այսինքն աղքատներուն ողորմութիւն տալ իբրև պարաք, հիւանդներուն այցելել, որբերուն խնամք տանիլ, օգնել խեղճերուն ևն:

Բայց ներելի է կիրակի օր անասուններու կեր ու ջուր տալ, հրդեհէ ու հեղեղէ մարդիկ ազատել ու հիւանդները հոգալ:

5. Պատուեա՛ զհայր քո եւ զմայր, զի բարի լինիցի քեզ եւ երկայնակեաց լիցիս ի վերայ երկրի:

Այս պատուիրանով Աստուած կը հրամայէ մեզի որ մենք պատուենք մեր ծնողքն իբրև երախտագիտութեան նշան՝ միշտ յարգանքով վարուինք, անոնց ուրախութիւն ու մխիթարութիւն պատճառենք, անոնց օգնենք հիւանդութեան, ծերութեան, կարօտութեան ատեն, աղօթենք անոնց համար, մտիկ ընենք ու կատարենք անոնց բարի խրատները:

Աստուած այս պատուիրանով կը հրամայէ որ յարգենք այն մարդիկն որ մեզի համար երկրորդ ծնողք են, ինչպէս դաստիարակները, ազգին համար գործողներն ու նահատակներն:

Աստուած այս պատուիրանը կատարողին կուտայ երկար կեանք ու բախտաւորութիւն:

6. Մի՛ սպաններ:

Աստուած այս պատուէրով կը հրամայէ մեզի նիւ-

Թական ու բարոյական մնաս չընել թէ՛ մեր անձին ու թէ՛ ուրիշ անձի, և մարդասպանութիւն չընել :

Ուրիշին կը մնասենք ծեծով, կռիւով, վէճով, խիստ վարմունքով, ռիսակալութեամբ, ատելութեամբ, նախանձով, քարկուծեամբ և խօսքով վիրաւորելով :

7. Մի շնար :

Աստուած այս պատուէրով կը հրամայէ մեզի որ մենք մաքուր ըլլանք, չար մտածումներ չընենք, հեռանանք գէշ խօսակցութիւններէ, չար երգերէ ու պիղծ գործերէ :

8. Մի գողանար :

Աստուած այս պատուէրով կը հրամայէ մեզի որ մենք չխլենք, չյափշտակենք, չպահենք ուրիշին ունեցածները, չարատաւորենք ուրիշին բարի անունը, գտած բաներնիս չպահենք, առեւտուրի մէջ չխաբենք, մշակներու, ծառայներու վարձքը չկտրենք, մեր պարտքը վճարենք ու մեզի պահ տրուած աւանդը վերադարձնենք :

9. Մի սուտ վկայեր զընկերէ քու մմէ :

Աստուած այս պատուէրով կ'արգիլէ մեզ որ սուտ վկայութիւն չընենք դատարանին ու հասարակութեան առջև, այլ ըլլանք ճշմարտախօս : Կ'արգիլէ զրպարտել բամբասել, ուրիշի խօսածը կամ գրածը խնդաթիւրել : Կ'արգիլէ նաև մատնել, մնասել, արժանաւորն անուանարկել ու անարժանները գովել :

10. Մի ցանկար տան ընկերի քո, մի ամենայնի որ ինչ նորա իցէ :

Ասով կը պատուիրէ որ մենք չար աչք, չար ցանկու-

թիւն չունենանք մեր ընկերոջ ունեցածին վրայ : Չնախանձինք անոր բախտաւորութեան, յաջողութեան, յառաջդիմութեան ու առ հասարակ անոր ներքին ու արտաքին յատկութեանց վրայ, չարաչար չգործածենք անոր բարեմտութիւնն ու ընկերական հաւատարմութիւնը, այլ ունենանք սրտի սրբութիւն ու գոհ ըլլանք մեր ունեցածով :

Թեկադուրսիւններ. — Ա. պատուիրանով Աստուած մեզի ինչե՞ր հրամայած է : — Բ. ո՞վ : — Գ. ո՞վ : — Դ. ո՞վ : — Ե. ո՞վ : — Չ. ո՞վ : — Է. ո՞վ : — Ը. ո՞վ : — Թ. ո՞վ : — Ժ. ո՞վ : — Իրո՞ք են Աստուծոյ հաճելի գործերը : — Կիրակի օր ինչե՞ր ընել ներելի է : — Երբ չենք մեղանչեր Ձ. ին գէ՞մ :



# Բ. ԵԿԵՂԵՑԱԿԱՆ ՊԱՏՄՈՒԹԻՒՆ

## Ա. ՈՒՏԻՔ ՈՒ ՊԱՀՔ ՕՐԵՐ

Ուտիք օրեր. — Այն օրերն որոնց համար պահեցողութեան հրաման չկայ և կարելի է ուտել ինչ որ ուզենք՝ կը կոչուին Ուտիք օրեր: Մեր եկեղեցւոյ ամէնէն հին սովորութիւնն էր Տէրունի տօներն ուտիք օրուան բերել. ուտի երբեմն տօնը կիրակիի փոխուած է և երբեմն ալ Տէրունի տօնին պատճառաւ պահքը խափանուած է: Այսպէս Յարութեան յիսուն օրերուն և Ծննդեան ութ օրերուն պահքը խափանուած է:

Կերակուրներու պահք. — «Պահք» բառին ճիշտ իմաստն է զգուշանալ, ինքզինք բանէ մը զրկել, ժուժկալել: Հին Կտակարանի ու Աւետարանի մէջ «Պահք» կը նշանակէ պարզապէս կերակուրէ զգուշանալ, չուտել այսինքն ծոմ պահել: Բայց յետոյ թեթեւ կերակուրներով անանիլը սկսաւ «Պահք» կոչուիլ, և պահքն եղաւ կերակուրներու տեսակին վրայ հիմնուած ժուժկալութիւն մը: Առաջ միայն բանջարեղէնները ներուեցան, յետոյ ընդդէնները, վերջապէս բուսականներէ քամուած նիւթը, ինչպէս ձէթ:

Մեր եկեղեցին հիմայ «պահք»ին սահման դրած է բուսական արտադրութիւնները, միակ ու բացառիկ յաւելուած ընդունելով մեղրն որ կենդանական կիթ մըն է: Ուրիշ եկեղեցիներու մէջ սկսած են ներածել կթեղէն-

ներ, կաթնեղէններ ու ձկնեղէններ որ մեր մէջ Նաւակասիի կոչուած՝ կէս պահքին միայն կը ներուին:

Եկեղեցւոյ պահք. — Մեր մէջ Եկեղեցւոյ պահք մըն ալ կայ որ է Տէրունական ու սրբոց տօն չկատարել, արարողութեանց մէջ միայն ապաշխարութեան կարգ կատարել: Ընդհանրապէս իւրաքանչիւր եօթնեկի Դշ. ու Ուր. օրերն Եկեղեցւոյ պահքի յատկացուած են:

Պահքի խումբեր. — Ժամանակի տեւողութեան տեսակէտով պահքերն երեք խումբի կը վերածուին, Ա. Օրապահք. Բ. Շաբաթապահք, Գ. Մեծ պահք:

1. Օրապահք. — Շաբթուան Դշ., Ուր. օրերը կը կոչուին Օրապահք. Ասոնք ամէնէն հին ու ամէնէն որոշ պահքի օրերն են: Հրեայներն ալ ծոմ կը պահէին շաբաթն երկու անգամ, Բշ. ու Եշ.: առաջին դարերու մէջ Բշ. ին փոխեցին Դշ. ի, որովհետեւ այդ օրը Տէրը զուշակեց ու յայտնեց իր Չարչարանքի խորհուրդը, և Եշ. ին Ուր. ի, զի Տէրն ինչ որ ըսաւ Դշ. օր իր Չարչարանքին համար՝ Ուր. օր կատարուեցաւ:

2. Շաբաթապահք. — Մեր եկեղեցւոյ յատուկ սովորութիւն է շաբաթ մը ամբողջ պահք պահել: Լատինք օրական պահքեր ունին, Յոյները մեզմէ աւելի մեծ պահքեր ունին, իսկ մեր մէջ Ներսէս Բ. Բագրեւանդացի կաթողիկոսին կարգադրութեամբ Մեծ պահքէն դուրս եղող պահքերը շաբաթներու վերածուեցան և 12 շաբաթներ սահմանուեցան 12 ամիսներու համար:

Տաղաւարի պահքեր. — Տասներկու շաբաթապահքերէն հինգը սահմանուեցան սա՛ հինգ տաղաւարներու կամ մեծ Տէրունի տօներուն ի պատիւ. — «Ծննդեան պահք», «Ս. Յարութեան պահք» որ է Աւագ շաբաթ, «Վարդավառի պահք», «Աստուածածնի պահք» ու «Խաչի պահք»:

Եղանակի պահքեր. — Չորսն ալ եղանակներու պահք



են, 1 Գարևանաւոսի պահք, այսինքն Մեծ պահոց Բ. շաբաթը: 2. Ամառնաւոսի՝ այսինքն Եղիական պահիք: 3. Աշնանաւոսի Պահի՝ Վարագայ Խաչի պահիք: 4. Զմեռնաւոսի պահի՝ Ս. Յակոբայ պահի:

Միւս երեք շաբաթապահները. — Մնացեալ երեք պահքերն են 1. Առաջաւորաց պահի զոր Ս. Գրիգոր Լուսաւորիչ հաստատեց: Ժողովուրդն այս պահքը կ'անուանէ «Ս. Սարգսի պահք»: 2. Յիսնակաց պահի՝ Ծննդեան պահքին Ա. շաբաթը: 3. Ս. Լուսաւորչի պահի:

3. Մեծ Պահի. — Եկեղեցւոյ օրինադրած պահքերուն ամէնէն երկայնն է Մեծ Պահին որ կը տեւէ Բուն Բարեկենդանի Բշ. օրէն մինչև Առաջ շաբաթ, 48 օր:

Այս պահքին 40 օրերը՝ այսինքն «Բուն Բարեկենդան» ի յաջորդ Բշ.էն մինչև «Ղազարու Յարութեան» նախընթաց Ուր. օրը կը կոչուի Բուն Քառասնորդական: Քառասնորդական պահքը Քրիստոսի քառասնորեայ ծոմապահութեան հետեւողութիւնն է:

Իսկ Առաջ շաբաթը «Մեծ պահք»ին յարակից մասն է ու «Յարութեան շաբաթապահք»ը կը կազմէ:

Երբ Մեծ պահոց մէջ հանդիպին Տեառնընդառաջի ու Աւետման ամերը, եկեղեցական պարզութեանց համար Մեծ պահոց բոլոր հրահանգները կը զատեն, վարագոյրը կը բացուի, բաց պատարագ կը մատուցուի, բայց կերակուրի պահքը չի լուծուիր:

Մեծ պահի յատկանիշներն են վարագոյրին փակ մնալն որով ժողովուրդն իբրև ապաշխարող կը նկատուի, գոց պատարագն և Արեւագալի, ճաշու և Խաղաղականի յատուկ երգերն որոնք կերպով մը Ս. Պատարագի հանդիսութեան տեղը բռնած կ'ըլլան:

Աղուհացի. — Եկեղեցւոյ մէջ Մեծ պահոց բուն անունն Աղուհացից է, ինչպէս նաև Աղուհաց և Աղց ընդ Այս վերջինը Շարականի մէջ կը գործածուի որ կը նշա-

նակէ «Մեծ պահքի մէջ մի ըսեր»: Աղուհացք ըսուած է, զի այդ օրերուն մէջ միայն աղուհաց ուտելու էր ամէնէն հին սովորութեան համեմատ: Շատ տեղեր Մեծ պահքին աղուհաց կ'ուտեն:

Աղուհացը խոնրդանշան է խաղաղութեան: առատութեան ու հպատակութեան: Արեւելեան սովորութեամբ ժողովրդին կողմէ անոնք իշխաններու և թագաւորներու կը մատուցուին ափսէի մէջ, երբ ասոնք այցելեն ու եքքաղաք կամ գիւղ իրենց իշխանութեան մէջ:

Ծով. — Եկեղեցւոյ նախնական սովորութեան մէջ «Պահք» կոչուածը կերակուր չուտելն էր, հետեւաբար կ'իմացուէր ինչ որ հիմայ մենք կ'իմանանք ծով բառով, իսկ երբ բոլորովին անօթի մնալ չկրցողներուն ներուեցաւ թեթեւ ու չկշտացնող բանջարեղէն ուտել՝ առանց պահեցողութիւնն աւրուած սեպելու, պահի բառին իմաստը սեփականուեցաւ մտեղէն ու կենդանական կերակուրներէ զուշանալ՝ բուսեղէններով բաւականալուն, և ծով բառը գործածուեցաւ իբր առանց ուտելու պահեցողութիւնը:

Եկեղեցւոյ մէջ պահքէն զատ ծոմ ալ կը պահուի Առաջաւորաց հինգ օրերուն Մեծ պահքի իւրաքանչիւր եօթնեկին առաջին հինգ օրերուն և մինչև ճաշու ժամ. իսկ մնացեալ բոլոր պահքերը ծոմ չունին: Ս. Հաղորդութենէ առաջ ծոմ պահելու է:

Ծովի օրերը Ս. Պատարագ չի մատուցուիր:

Միջինի. — Մեծ պահքի կէսն որ կը հանդիպի ճիշդ 24րդ. օրը Դշ. կը կոչուի Միջինի: Այդ օրը Մեծ պահոց ճոխ սեղաններ տեղի կ'ունենան կամ արտաքոյ կարգի բաներ մը կ'եփեն, գոնէ հրասիկ կը խաչեն:

Մեծ պահի կիրակիները նուիրուած են մէյմէկ յիւստակի:

1. Բուն բարեկենդանը = Առաջին կիրակին յիշա-

սակ է Դրասխին, այսինքն մարդկային կեանքի ամէնէն երջանիկ ու ամէնէն կատարեալ մէկ վիճակին որուն մէջ ապրեցան Ադամ ու Եւա :

2. Արսաբանս կիրակին = Բ. կիրակին, այսինքն նախածնողքին արտաքսումն այդ երջանիկ կեանքի գրախտէն ու մարդոց հիմակուան քրտինքի ու աշխատութեան կեանքի սկզբնաւորութիւնը :

3. Անառակի կիրակին = Գ. կիրակի Անառակ որդւոյ ծանօթ առակին տրուած է խորհրդաւորութիւն մը :

4. Տնեստի կիրակին = Դ. կիրակի՝ Մարդկային շուկայի կեանքին իրողութիւնները բացատրելով՝ եկեղեցին կը սորվեցնէ թէ ինչպէս ապրելու է :

5. Դասաւորի կիրակին = Ե. կիրակին կը յիշատակուի Դատաւորի առակը :

6. Գարսեան կիրակին. Մեր եկեղեցին «Գալուստ» անունով կը տօնէ Քրիստոսի սա՛ տնօրինութիւնները, 1. Քառասորեայ գաղութի տաճարն : 2. Գաղութի յերուսաղէմ, 3. Գաղութի յարաւան, Աւագ շաբաթ, 4. Գաղութի փոխուիւն = Յինանց կիրակամտի իրիկունները, 5. Գաղութի փոխուիւն = Ս. Աստուածածին : 6. Գարսեան կիրակին :

Այս յուրաքանչիւր Գալստեան Ս. Աստուածը կ'երգենք « Որ եկիր և գալոց ես, ողորմեա՛ մեզ » :

Շարակաները.

Անառակին. — « Ընդ անառակին որդւոյ գոչեմք առ Հայրը զթած. մեզաք յերկինս և առաջի քոյ, քաւիչ յանցանաց : Եւ ընդ առաջ սիրով, գրկեա՛ համբուրիւ. մաքրեա՛ զմեզ ի մեղաց մերոց » :

Տնեստին. — « Որ արարեր զօրութեամբ զիմանալեացն աշխարհ՝ վերին և ի նմա հաստատեցեր տնտես ի պէտս հրեղինաց. օրհնեմք զանհասանելի զօրութիւնդ » :

Դասաւորին. — « Դատաւոր արդարութեան հաստա-

տեցեր ի մեզ զմիտս մեր՝ դատել զհոգի և զմարմին արգարապէս դատմամբ ըստ օրինաց քոց, Քրիստոս » :

Դրասխան. — « Որ զխորհուրդ քո գալստեանդ յառաջագոյն գուշակեցեր մարգարէիւքն Իսրայէլի, զոր ընտրեցեր յետ Մովսիսի, որք խօսեցան հոգւով սրբով բազմապատիկ օրինակօք : Տո՛ւր մեզ, Փրկիչ, զողորմութիւն և զմեղաց զթողութիւն » :

Յիսնակը. — Յիսուն օրերու միջոց մընէ որ կը յառաջէ Ս. Ծննդեան տօնն և որ երբեմն Մեծ պահքի պէս ամբողջովին պահք էր, բայց հիմայ սովորական Դշ. և Ուր. էն զատ երեք շաբաթապահքերու վերածուած է : Ա. շաբաթը՝ Յիսնակաց պահք, Բ.ը՝ Չմեռնաւորսի = Ս. Յակոբայ պահք, Գ.ը՝ Ս. Ծննդեան պահք : Յունուար 6էն ետեւ համբելով՝ յիսուն օրեր Նոյ. 18 ին կը յանգին, անոր մերձակայ կիրակին ալ կ'ըլլայ Յիսնակաց բարեկեանդան որ կրնայ հանդիպիլ Նոյեմբեր 15էն մինչև Նոյ. 21 :

Ս. Յակոբայ պահք. — Այդ անունը կը տրուի Յիսնակաց Գ. եօթնեակին հանդիպող շաբաթապահքին : Չորս եղանակներէն՝ Չմեռնամուտին, և միայն նոյն եօթնեակին շաբաթ օրը Ս. Յակոբ Մծբնայ հայրապետին տօնը ըլլալուն՝ պատահաբար այդ անունն առած է :

Եղիական պահք. — Հայ եկեղեցւոյ կատարած շաբաթապահքերէն չորսը տօնական հանդիսաւորութիւն չունին, պարզապէս եղանակներու պահքեր են : Ասոնցմէ մէկն է Եղիական պահքը = Ամրան պահք : Եղանակներու պահքերը կը տեւեն Բշ. — Ուր. և Ծբ. օր նաւակատիք չունին, որովհետեւ տէրունի չեն :

Եղիական պահք կոչուած է պահքին յաջորդ կիրակին Եղիա մարգարէի վերացման յիշատակը կատարուելուն համար, և բնաւ պահքը յարաբերութիւն չունի Եղիա Մարգարէին հետ :

**ԹԵՂԱՊՐՈՒՅԻՆՆԵՐ.** — Ո՞ր օրերն ուտիք են — Ի՞նչ սովորութիւն կայ — Ե՞րբ պահք չի պահուիր — Ի՞նչ կը նշանակէ պահք — Ի՞նչ փոփոխութիւն կրեց — Եկեղեցին ճիմայ ի՞նչպէս կը սահմանէ պահքը : — Ո՞րն է եկեղեցւոյ պահքը : — Պահքի քանի՞ խուճի կայ — Ո՞րնք են օրագահքը — Շարաթապահքը — Ո՞րնք են Տաղաւարի պահքերը : — Եղանակին պահքը — Ո՞րն է ամենէն Մեծ պահքը — Ե՞րբ կ'սկսի և ե՞րբ կը վերջանայ : — Մեծ պահքին մէջ ե՞րբ վարագործ կը բացուի — Ո՞րնք են Մեծ պահքի յատկանշիչները — Ի՞նչ է Ծովը : — Ե՞րբ ծով կը պահեն — Ծովի օրեր պատարազ կը մտաուցե՞ն : Ի՞նչ կը նշանակէ Աղուհացք : — Ինչի՞ խորհրդանշանն է : — Ո՞ր պահքն Աղուհացք կը կոչուի — Ի՞նչ կը նշանակէ Միջինք : — Ը՞նչ օրն է : — Մեծ պահքի կիրակիներն ի՞նչի նուիրած են : — Ա. ը. Բ. ը. Գ. ը. Դ. ը. Ե. ը. Չ. ը. — Ո՞րն է Իւրաքանչիւրին շարականք : — Ի՞նչ կը նշանակէ Յիսնակ : — Ո՞րն է Ս. Յակոբայ պահքը : — Եղիական պահքը — Ինչո՞ւ այսպէս կոչուած են :

**Բ. ՆԱԼԱԿԱՏԻՔ. ԲԱՐԵԿԵՆՒԱՆ**

Նաւակասիք անունն իր բառական իմաստով կը նշանակէ «նոր շինել», «նոր կերտել» : Ընդհանուր սովորութիւն եղած է որ նոր կերտուած ու նոր աւարտած շէնքի մը բայուրը հանդիսաւորապէս կատարուի և այս առումով նորաշէն տաճարի, տան և այլն բացման ու նուիրագործութեան հանդէսը կոչուեցաւ Նաւակասիք : Ասոր համեմատ նորաշէն եկեղեցւոյ Նաւակասիք կը կատարուի և միայն Նաւակասիքի տարեդարձի հանդէսն ալ «Նաւակասիք» կը կոչուի :

Նաւակասիքի օրեր. — Մեր եկեղեցին Նաւակասիքները յարմարագոյն կերպով սկսաւ կատարել կամ յիշատակել մեծահանդէս տօներու նախընթաց օրերը, շաբաթապահքէն վերջ. մտեղէնի արգելքն ամուր պահեց, ձկնեղէնի ու կաթնեղէնի գործածութիւնը ներեց :

Այս պարագայէն առնելով՝ մեղմացեալ պահքի կերակուրներն ալ «Նաւակասիք» կոչուեցան :

Նաւակասիքն իբրև առանձին տօն նշանակուած է իրավերացի տօնին նախընթաց օրն որ է Երուսաղէմի Ս. Յարութեան մեծ տաճարին Հեղինէ դշխոյին ձեռքով շինուելէն ետք նուիրագործելուն և օծուելուն նաև իրավերագործին տարեդարձն որ բոլոր Բրիտանիայի թեմի կարեւոր յիշատակ մ'ըլլալով՝ հաստատուն տօն ունեցաւ :

Նաւակասիքի օրեր են նաև հինգ տաղաւարներու նախընթաց շաբաթ օրերը :

Նաւակասիքի կերակուր. — Նաւակասիքի օրերուն միայն ներելի է գործածել կարկեղէն ու ձկնեղէն կերակուր Բարեկենդան. — Շարաթապահքերը յառաջող վերջին ուտիք օրը կը կոչուի Բարեկենդան :

- Բարեկենդաններն են 1. Առաջաւորաց բարեկենդան :
  - 2. Եղիական պահեց բարեկենդան :
  - 3. Լուսաւորչի բարեկենդան :
  - 4. Վարդավառի բարեկենդան :
  - 5. Սասնաձածնի բարեկենդան :
  - 6. Խաչի բարեկենդան :
  - 7. Վարագայք Ս. Կեորգի բարեկենդան :
  - 8. Յիսնակաց բարեկենդան :
  - 9. Ս. Յակոբայ բարեկենդան :
  - 10. Ծննդեան բարեկենդան :
- Ամենքը կիրակի օր կը հանդիպին, բացի Ծննդեան բարեկենդանէն :

Բուն բարեկենդան. — Բարեկենդաններու գլխաւորն է Բուն Բարեկենդանն որուն կը յաջորդէ Մեծ Պահքը : Այդ օրուան ուրախութիւնն ուրիշ բարեկենդաններէ մեծ ըլլալուն՝ այս բարեկենդանը կոչուեցաւ Մեծ Բարեկենդան :

Եկեղեցին ալ նոյն եօթնեակին մէջ աւելի նշանաւոր տօներ՝ Հայոց սուրբերը դրած է :

Արեղաթող. — Նոյն իսկ վանքերու արեղաթողներն ալ իրենց խտտակեցութիւնը կը թուլցնեն Մեծ բարեկենդանին ասկէ ծագած է այս օրուան «Արեղաթող» անունը :

Բուն Բարեկենդանին կիրակիի խորհուրդը. — Մեծ Պահքի ապաշխարութեան եկեղեցական երգերը կ'սկսին ու վարագոյրը կը փակուի շաբաթ իրիկունը, կիրակի օրն եկեղեց. պահք կ'սկսի. բայց ոչ կերակուրի պահք, որովհետեւ Բուն Բարեկենդանի կիրակիի խորհուրդը Նախահայերուն՝ Աղամի ու Եւայի Դրախտին երջանիկ կեանքի յիշատակութիւնն է :

Բակլախորան. — Մեծ Պահոց առաջին օրն՝ այսինքն Բուն բարեկենդանի յաջորդող երկուշաբթին կը կոչուի Բակլախորան : Այսպէս կը կոչուի, որովհետեւ մինչև հիմայ վանքերու մէջ նախընթաց կիրակի իրիկունը, վերջին ուտիքի ընթրիքէն ետք, հանդէսով բակլայ կը պարպեն մեծ կաթսայի մը մէջ, Բշ. օրը կը խորովեն ու զայն աղքատներու կը բաշխեն : Բակլախորան կը նշանակէ բակլայ ուտել :

Մեռելոց օր — Հայ եկեղեցւոյ մէջ ննջեցեալներուն համար յատուկ յիշատակութիւն ու աղօթք կ'ըլլան հինգ սաղաւարներու Բ. օրերն որոնք «Հրամայեալ հանգստեան տօն» ալ եղած են՝ հաւատացեալներուն դիւրութիւն ընծայելու, իրենց մեռեալներուն այցելելու և անոնց համար աղօթելու :

Մեռելոց օր է նաև Բուն բարեկենդանի նախընթաց վերջին ուտիք՝ Եչ. Ս. վարդանաց զօրավարաց օրը :

Տարւոյն մէջ ամէն պահքի ուրբաթներն ալ ննջեցեալներուն յիշատակ կ'ըլլայ «Հանգստեան հարց» ըսելով :

Թեւաղութիւններ. — Ի՞նչ կը նշանակէ Նաւակատիք. — Ո՞ր հանդէսը Նաւակատիք կը կոչուի : — Ո՞րոնք են Նաւակատիքի օրերը : — Նաւակատիքի կերակուրները : — Ի՞նչ կը նշանակէ Բարեկենդան. — Քանի՞ բարեկենդան կայ : — Ո՞րն է գլխաւորը : — Ո՞րն է Արեղաթողը : — Ի՞նչ է Բուն բարեկենդանին խորհուրդը : — Ի՞նչ կը նշանակէ Բակլախորան : — Ի՞նչ է Մեռելոց օրը : — Ո՞րոնք են Մեռելոցները : — Ուրիշ օր մը կ'սոյ :

Գ. ՏՕՆԻ ՕՐԵՐ

Տօն. — Եկեղեցին Տէրունի տօները սահմանած է այն նպատակաւ որ յիշենք այն անձերն որ Քրիստոնէական հաւատքի հիմը կը կազմեն, և մարդ կեանքի հոգերուն մէջ բարոյական մխիթարութիւն մը ունենայ և Աստուծոյ շնորհակալութիւն մատուցանէ Անոր մեզի տուած բարութեանց համար : Սուրբերու տարեգարձները սահմանուած են յաւերժացնելու առաքինի մարդոց յիշատակը, որպէս զի աշխատինք անոնց կեանքի օրինակին նմանիլ :

Տօներն երկու տեսակ են, Տերունական ու Սրբոց : Տերունի տօներ. — Քրիստոսի անօրինութիւնք կը կոչուին Տերունի տօներ, ինչպէս Աւետում, Աստուածայայտութիւն, Անուանակոչութիւն, Տեառնընդառաջ, Ծաղկազարդ, Չատիկ, Համբարձում, Հոգեգալուստ, Այլակերպութիւն, Ս. Խաչի, Ս. Աստուածածին, նաև եկեղեցւոյ տօները .

Սրբոց յիշատակներ. — Քրիստոնէական եկեղեցւոյ որ Նոր ուխտի ալ կը կոչուի՝ սուրբերուն տարեգածը կը կոչուի «Սուրբերու յիշատակ» :

Հայ եկեղեցին կը յիշատակէ նաև Հին ուխտի նահապետներն ու մարգարէներն որոնք իրենց առաքինի գործերով Քրիստոսի անօրինութեանց ակնարկեցին ու զանոնք գուշակեցին :

Կիրակի օր ու Լուր օր. — Եկեղեցւոյ համար Տէրունի տօները բոլորովին կիրակի են, այսինքն այդ օրերը սուրբ են և կը կոչուին Օր Արգոյ = գործի օր չեն : — Մարտիրոսաց տօները բոլորովին կիրակի չեն, ասոնց շատ քիչ մասը Կիրակիի եղած է :

Այն օրերն որ կիրակի չեն՝ Լուր օր կ'ըսուին եկեղեցական բացատրութեամբ: — Կիրակի շաբթուան առաջին օրն է, ինն միաշաբաթն որ Քրիստոսի Յարութեան օրն ըլլալուն՝ Կիրակի = Տերունի անունն առաւ և բոլոր Քրիստոնէութեան համար հրամայեալ հանգստեան ու Աստուածային պաշտման նուիրուած օրն եղաւ:

Հայ եկեղեցին ի սկզբանէ անտի նախադասեց ու է Տէրունի մեծ տօն կատարել կիրակի օր և շաբթուան մէջ ուրիշ հանգստեան օր չունենալ: Միայն վերջին դարերուն մէջ հետզհետէ շաբթուան լուր օրերուն մէջ ալ հրամայեալ հանգստեան օրեր սկսան աւելնալ: Ասոնք այնչափ կիրակիի հետ նոյնացած են որ ժողովուրդը մինչև հիմայ այդ օրերուն համար կը գործածէ «կիրակի բռնեղ» բացատրութիւնը: Այսպիսի օրեր որ Հրամայեալ տօն ալ կը կոչուին՝ Օրացոյցի մէջ խաչանիշ կը նշանակուին:

Եթէ շաբթուան օրերէն մէկը կիրակիի նման Տէրունական դառնայ, Լուր օր ըլլալէ կը դադրի: Իսկ եթէ Տէրունի տօն մը շաբթուան մէջ հանդիպելով՝ տօնական հանգամանք չունենայ, ասիկա լուր օր ըլլալէ չի դադրիր և կը կոչուի Տերունի ի յուր:

Լուր օրը գործի օր է, գործէ դադրելու հրաման չկայ, կամ հրամայեալ տօն չէ:

Շաբթուան օրերուն նուիրականութիւնը. — Մեր եկեղեցին շաբթուան իւրաքանչիւր օրուան առանձին նուիրականութիւն տուած է, Ա. Ներսէս Շնորհալի այս օրերուն մէջմէկ շարական-երգ նուիրած է. Բողոքականները միայն կիրակի օրը նուիրական կը համարին:

1. Կիրակին նուիրուած է Ա. Յարութեան ու Արարչութեան Ա. օրուան: Աստուած Ա. օրը ստեղծեց լոյսը: Այս օրուան երգն է Նորաստեղծեալ:

2. Երկուշաբթի օրը լիշատակ է Հրեշտակներու և Արարչութեան Բ. օրուան: Այս օրուան երգն է Արարչական:

Աստուած Բ. օրը ստեղծեց տեսանելի երկինքը՝ Հաստատութիւնը:

3. Գշ. օրը՝ մարգարէներու, Ա. Յովհաննու ու Արարչութեան Գ. օրուան: Աստուած Գ. օրը ջուրը հողէն զտեց և հրամայեց հողին որ արտադրէ բոյսերը: Այս օրուանն է Էսկան:

4. Դշ. օրը՝ Կուսի Աւետման ու Արարչութեան Դ. օրուան: Աստուած Դ. օրը ստեղծեց արևը, լուսինն ու աստղերը: Այս օրուան երգն է Խաւարն ակոյ:

5. Եշ. օրը՝ Առաքեալներու և Արարչութեան Ե. օրուան: Աստուած Ե. օրը ստեղծեց թռչուններն ու ձկները: Այս օրուան երգն է Ճառագայթեալ:

6. Ուրբաթ օրը՝ Քրիստոսի թաղման, Արարչութեան Զ. օրուան: Աստուած ստեղծեց Զ. օրը չորքոտանի կենդանիները, սողուններն ու մարդը: Այս օրուան երգն է Չհանդուրծեալ:

7. Շաբաթ օրը՝ որ է եօթներորդ օրը, բան մը չստեղծեց, այլ հանգստացաւ: Ասոր համար այդ օրը կը կոչուի Շաբաթ որ «հանգիստ» կը նշանակէ: Աստուած օրհնեց ու սրբեց այդ օրն որ գործէ դադրինք և միայն Աստուծոյ ծառայենք: Այս օրուան երգն է Տերն յե՛ս Ասեղծման:

Անշարժ տօներ ու շարժական տօներ: — Տօնացոյցի հաշիւներով Տէրունի քանի մը տօներու հաստատուն օրերու ամսաթիւեր որոշուած են. ասոնք են Անշարժ տօները:

Միւս տօներն որ որոշուած հաստատուն օր ու ամսաթիւ չունին՝ կը կոչուին Շարժուն = Շարժական տօներ:

Շարժական տօները Զատիկի կապուած են, այսինքն Զատիկը քանի օրերու մէջ ետ և առաջ որ շարժի կամ տեղափոխուի, շարժական տօներն ալ Զատիէն առաջ կամ ետքը կը շարժին և կամ կը տեղափոխուին:

ԱՆՇԱՐԺ ՏՕՆԵՐ

1. Յունուար 5, ձրագալոյց Ծննդեան և Ասուածայայնուրեան Քրիստոսի:

2. Յունուար 6, Ծնունդ և Ասուածայայնուրիւն Քրիստոսի:

3. Յունուար 7, 8, 9, 10, 11, 12 օրեր Ծննդեան ու Ասուածայայնուրեան:

4. Յունուար 13, Անուանակոչուրիւն Քրիստոսի:

5. Փետրուար 14, Տեառնընդառաջ:

6. Ապրիլ 7, Աւետում Ս. Ասուածածնի:

7. Սեպտ. 8, Ծնունդ Ս. Ասուածածնի:

8. Նոյեմբեր, 21 Ընծայումն Ս. Ասուածածնի ի սահման:

9. Դեկտեմբեր 9, Յղութիւն Ս. Ասուածածնի:

Տեսակ մը անշարժ խուճբ կարելի է համարել նաև Վերափոխումը, իսպի՛ solենն ու Յիսակաց բարեկենդակը: Անշարժ են, զի տօնելու համար՝ յատուկ տօներ ունին, շարժական են, զի այդ յատուկ օրերն ամէն տարի նոյն ճշդութեամբ իրենց տարեդարձը չեն ունենար:

Ս. Աստուածածնի Վերափոխումն անշարժ կերպով Օգոստոս 15ին պէտք է տօնուի, բայց որովհետև յատկապէս կիրակի պէտք է ըլլայ տօնի օրը, և Օգոստոս 15ը կարելի չէ որ ամէն տարի կիրակի հանդիպի, Օգոստոս 15էն կամ երեք օր առաջ կամ ետքը կը շարժի, Օգոստոս 12-18 օրերու միջոցին, և այդ 7 օրերուն մէջ հանդիպող կիրակին կը տօնուի:

Ս. Խաչի Վերացման տօնի բուն օրն է Սեպտեմբեր 14, բայց որովհետև կիրակի օր պէտք է տօնուի, միևնոյն կերպով Սեպտ. 14 էն կամ երեք օր առաջ կամ երեք օր ետքը, այսինքն Սեպտ. 11-17 եօթն օրերու մէջ հանդիպող կիրակին կը տօնուի:

Յիսակաց բարեկենդանի օրն ալ Նոյեմբեր 18ը որոշուած է, որովհետև Նոյեմբեր 18էն մինչև Յունուար 6 ճիշդ յիսուն օր—Յիսակ է: Բայց որովհետև Յիսակը շաբաթապահք ունի և իր բարեկենդանն անպատճառ կիրակի պիտի ըլլայ, դարձեալ Նոյեմբեր 18էն կամ երեք օր առաջ կամ երեք օր ետքը, այսինքն Նոյեմբեր 15-21, եօթն օրերու մէջ հանդիպող կիրակին բարեկենդան կ'ըլլայ:

Տօներու օրը. — Տօները, ըլլա՛յ Տէրունի, ըլլայ Մարտիրոսաց, ընդհանրապէս կը տօնուին ուտիք օրեր:

Բայց կան տօներ որ պահոց օրերու մէջ ալ կը կատարուին: Պահոց օրերու մէջ տօնուածները հետեւեալներն են:

1. Ս. Բարսեղ հայրապետ՝ Ս. Ծննդեան պահոց շաբաթ օրը:

2. Յովնան Մարգարէ ու Նինուէացոց յիշատակը՝ Առաջաւորաց Ուր. օրը:

3. Մեծ պահոց բոլոր շաբթիները սրբոց նուիրուած են:

4. Ամբողջ Աւագ շաբաթը տնօրինական յիշատակներու նուիրուած է: Աւագ Եջ. կիրակի է:

5. Ս. Հոգւոյն գալստեան յիշատակին նուիրուած է Եղիսակն կոչուած պահոց օրերը:

6. Լուսաւորչի պահքին Բշ. Գշ. Եջ. Ծբ. օրերը նմանապէս սուրբերու յիշատակին յատկացուած են:

7. Ս. Յակոբայ պահքը նմանապէս:

Տաղաւար. — Այն հինգ մեծ տօներն որ շաբաթապահք, նաւակատիք, մեռելոց և քանի մը օր շարունակութիւն ունին, ինչպէս Ծննունդը, Զատիկը, Այլակերպութիւնը, Վերաբերումը, Խաչվերացը կը կոչուին Տաղաւար: Ոմանք կը կարծեն թէ ինչպէս որ Հին ուխտի մէջ մեծահանդէս տօնախմբութիւն մըն էր Տաղաւարահարքը, նոյն են Քրիստոնէութեան համար այդ տօները:

Այս տօներուն տաղաւարներ կը հաստատեն և տօնավաճառի նման հանդէսներ կը կազմակերպեն: Ասկէ է իր «Տաղաւար» անունը:

**Թեկադուրիւններ** — Ի՞նչ կը նշանակէ տօն. — Եկեղեցին ինչ<sup>օ</sup>ու սահմանած է. — Որո՞նք կը կոչուին Տէրունի տօն. — Տօներն ի՞նչ են. — Կիրակին ի՞նչ կը կոչուի — Որո՞նք են լուր օրերը — Քանի՞ տեսակ տօն կայ — Որո՞նք են անշարժ տօները — Որո՞նք նաև տեսակ մը անշարժ տօներ են — Տօնի օրերն ի՞նչ են — Ուսի՞ք թէ պահք — Ո՞ր տօները պահքի օրեր կը հանդիպին — Ո՞ր տօները Տաղաւար կը կոչուին — Ի՞նչ կը նշանակէ Տաղաւար — Որո՞նք են հրամայեալ հանգստեան օրերը — Ի՞նչ կը նշանակէ կերակի բռնելը — Ո՞ր օրն է — Ո՞րն է «Տէրունի ի լուր» — Եօթնեկին օրերն ինչի՞նչ նուիրուած են — Բ՛շ. — Գ՛շ. — Դ՛շ. — Ե՛շ. — Ուր ը՞. — Շր. — Բողոքականներն այս նուիրակները իւրեն ունի՞ն:

Գ. ՏԵՐՈՒՆԻ ՏՕՆԵՐ

ՏՆՈՒՆԴ Ս. ԱՍՏՈՒԱԾԱԾՆԻ

Հրէաստանի Նազարէթ քաղքին մէջ կ'ապրէին այր և կին՝ Յովակիմ ու Աննա. երկուքն ալ բարեպաշտ էին. Յովակիմ Դաւթի ցեղէն էր ու Աննա Ղուեայ ցեղէն: Ասոնք զաւակ չունէին, այս բանը շատ կը տրտմեցնէր զանոնք. ուստի անոնք իրենց աղօթքին մէջ կը խնդրէին Աստուծոյ որ զաւակ մը տայ իրենց, և ուխտ ըրին որ եթէ Աստուած կատարէ իրենց խնդիրը, զայն Աստուծոյ ընծայեն: Աստուած լսեց անոնց աղօթքն ու տուաւ անոնց աղջիկ մը. զայն անուանեցին Մարիամ:

Մարիամու ծնունդը կը տօնենք Սեպտ. Յին ո՞ր օր ալ հանդիպի: Այդ տօնը ԺԳ. դարուն մեր մէջ մտաւ:

ԱՂՕՔ Ս. ԱՍՏՈՒԱԾԱԾՆԻ

Անկանիւք առաջի քո, Ս. Աստուածածին.

Եւ աղաչեմք զԱնարատ զկոյսդ,

Բարեխօսեա՛ վասն անձանց մերոց.

Եւ աղաչեա զՄիածին Որդիդ՝

Փրկել զմեզ ի փորձութենէ

Եւ յամենայն վտանգից մերոց:

Թարգմ. — Առջեւդ կ'իյնանք, Ս. Աստուածածին, ու կ'աղաչենք Անարատ կոյսիդ: Բարեխօսէ մեզի համար և խնդրէ՛ քու Միածին Որդիէ՛դ որ մեզ փորձանքներէ ու ամէն տեսակ վտանգներէ ազատէ:

Այս աղօթքին նշանակութիւնը. — Այս աղօթքին մէջ Ս. Կոյս Մարիամը կ'անուանենք, 1. Աստուածածին, որովհետև ան ծնաւ Յիսուան որ էր Աստուած ու մարդ: 2. Անարատ, որովհետև անկա սուրբ ու արդար է: 3. Ս. Աստուածածնի բարեխօսութիւնը կը խնդրենք իր Միածին որդւոյն քով որ փրկէ մեզ ամէն տեսակ փորձանքներէ ու մեր վրայ գալիք վտանգներէ: 4. Միածին կ'անուանենք Յիսուսը, որովհետև Աստուած Անկի գոս որդի չունէր ըստ եռքեան, ինչպիսի որ Ս. Կոյս Մարիամն ալ ուրիշ որդի չունէր ըստ մարդկութեան:

ԸՆԾԱՅՈՒՄՆ Ս. ԱՍՏՈՒԱԾԱԾՆԻ

Երբ Ս. Կոյսն Մարիամն երեք տարեկան եղաւ, ծնողքը զայն տարին Երուսաղէմ՝ Աստուծոյ ընծայելու համար, որպէս զի հոն նուիրուած այրիներու և կոյսերու հսկողութեան ներքև Աստուածպաշտութեան մէջ զարգանայ ու ծառայէ տաճարին: Քահանայապետը զայն ընդունեց ու օրհնեց: Մարիամ մեծցաւ ու պարապեցաւ աղօթքի, Ս. Գիրք կարդալու ու ձեռագործի:

Այս Ընծայման = Նուիրման տօնը կը կատարենք հաստատապէս Նոյեմբեր 21ին, որ օր ալ հանդիպի:

Այդ տօնը հազիւ երեք դարէ ի վեր մեր մէջ մուտ գտած է:

ԱԻԵՏՈՒՄ = ԱԻԵՏԵԱՅ ՏՕՆ

Ս. Կոյս Մարիամը դեռ տաճարին մէջ էր, երբ անոր ծնողքը վախճանեցաւ: Անիկա որը մնաց: Երբ անիկա 4 տարեկան եղաւ, անոր դաստիարակներն ուղեցին զայն ամուսնացնել: Բայց անիկա ըսաւ թէ ուխտած է Աստուծոյ միշտ կոյս մնալ: Այն ատեն քահանայները Ս. Կոյսը յանձնեցին իր ազգականներէն ձերբունի Յովսէփին որուն յայտնեցին նաև Ս. Կոյս Մարիամին ուխտը: Ծերունի Յովսէփի հիւսն էր ու կը բնակէր Գալիլիոյ Նազարէթ քաղաքը: Ս. Մարիամ անոր տունը գնաց և հոն բնակեցաւ:

Օր մը, երբ Ս. Կոյսը կ'աղօթէր, Գարբիէլ Հրեշտակապետն անոր երեւցաւ ու ըսաւ. «Ուրախացիր, Մարիամ, Տէրը քեզի հետ է, կիներուն մէջ դուն օրհնուած ես: Ս. հոգին պիտի գայ քու վրադ ու Բարձեալ Աստուծոյ զօրութիւնը հովանի պիտի ըլլայ քեզի: Դուն որդի մը պիտի ունենաս ու զայն պիտի անուանես Յիսուս: Ան մեծ պիտի ըլլայ և պիտի կոչուի որդի Բարձեալին: Աստուած Անոր պիտի տայ Դաւթի թագաւորութիւնն որ վերջ պիտի չունենայ:» Ս. Կոյս Մարիամը խոնարհութեամբ պատասխանեց. «Թո՛ղ այնպէս ըլլայ»: Կրեշտակը հեռացաւ:

Աւետեաց տօնն անոր յիշատակն է: Երբ Աստուածայայտնութեան տօնը բնաւ բաժանում չէր կրած, տօնին ճրագալոյցի օրը յատկապէս Աւետման նուիրուած էր: Աստուածայայտնութեան տօնին Գ. օրուան շարականը յատկապէս Աւետման յիշատակը կը պահպանէ: Աւետումը

կատարուեցաւ Դշ. օր և ամէն Դշ. օր Տիրամօր Աւետման և Քրիստոսի մարդեղութեան նուիրուած է:

Աւետման տօնը կը հանդիպի միշտ Ապրիլ 7ին: Յոյններն ու Լատինները Քրիստոսի Ծնունդը Դեկտ. 25ին դրած ըլլալով՝ Աւետումը Մարտ 25ին կը կատարեն, Յղութենէն Ծնունդը 276 օրուան միջոց մը կը դնեն, մինչ մեր եկեղեցին Ապրիլ 7էն Յունուար 6 կը հաշուէ 275 օր:

ՄՆՈՒՆԴ ՔՐԻՍՏՈՍԻ

Հռոմայեցոց Օգոստոս կայսրն ուղեց աշխարհազիր = մարդահամար ընել: Անիկա հրամայեց որ իւրաքանչիւր հրեայ երթայ իր հայրենի քաղաքը: Յովսէփ ու Ս. Կոյս Մարիամ Դաւթի ցեղէն էին ու գացին Նազարէթէն Բեթղեհէմ: Անոնք քաղաքին մէջ իջնելու տեղ չգտան ու բնակեցան մսուրի մը մէջ ուր հովիւները կը պահէին իրենց ոչխարները ցուրտ ու անձրևային եղանակներուն: Այդ մսուրին մէջ գիշերը տասնևեօթ տարեկան Ս. Կոյս Մարիամ ծնաւ իր Միլածիկ Որդիկ Յիսուսը: Անիկա փաթթեց Յիսուսը խանձարուրով ու դրաւ Մսուրին մէջ:

Այդ գիշեր Բեթղեհէմցի հովիւները բաց դաշտի մէջ կը պահէին իրենց ոչխարները: Տիրոջ հրեշտակն անոնց երեւցաւ ու ըսաւ. «Մի՛ վախնա՛ք, ես ձեզ կ'աւետեմ մեծ ուրախութիւն մը. — Դաւթի քաղաքին մէջ ձեզի համար ծնաւ Փրկիչը: Դուք պիտի գտնէք մանուկը խանձարուրով փաթթուած ու մսուրի մէջ դրուած:» Այդ միջոցին յանկարծ շատ հրեշտակներ երեւցան երկնքի մէջ ու սկսան երգել «Փառք ի բարձունս Աստուծոյ, և երկիր խաղաղութիւն, ի մարդիկ հաճութիւն»: Երբ հրեշտակներն երկինք վերացան, հովիւները գացին ու



հրեշտակին ըսածին պէս գտան Մանուկը: Երկրպագութիւն ըրին ու ետ դարձան:

Այս տօնն որ կը կատարուի Յունուար 6ին՝ կը կոչուի Ծնունդ, նաև Տօն Աստուածայայտնութեան: Մեր Հայաստանեայց եկեղեցին զայն միասին կը տօնէ Քրիստոսի Մկրտութեան հետ, նախնական եկեղեցւոյ համեմատ: Տօնն ունի իր Ութօրէքն իբրև Մեծ տօն ու Ճրագալոյց ալ իբրև նախապատրաստական օր:

Յոյններն ու Լատինները կը տօնեն Դեկտ. 25ին:

Նորածին մանուկն իր Ծննդեան Ը. օրը կոչուեցաւ Յիսուս: Այդ տօնը կը կոչուի «Տօն Անուանակոչութեան» որ միշտ Յունուար 13ին կը հանդիպի ու հրամայեալ տօն է:

### Ծննդեան Շարականք.

«Սորհուրդ մեծ և սքանչելի որ յայսմ աւուր յայտնեցաւ: Հովիւքն երգեն ընդ հրեշտակս, տան աւետիս աշխարհի:

«Քրիստոս ծնաւ և յայտնեցաւ»:

**Ռեկադրուրիւններ.** Որո՞նք են Նաղարէթի բարեպաշտները — Ո՞ր ցեղէն էին: — Զաւակ ունե՞ին: — Ի՞նչ ըրին: — Աստուած Ի՞նչ ըրաւ: — Նորածնին սնունդն ի՞նչ դրին: — Ե՞րբ կը տօնենք Ս. Աստուածածնի ծնունդը: — Ի՞նչպէս կ'աղօթենք Ս. Աստուածածնի: — Ի՞նչ է նշանակութիւնն այս աղօթքին: — Գարբէլ հրեշտակապետն ե՞րբ և որ՞ն աւետեց: — Ի՞նչ աւետեց: — Հայերն ե՞րբ կը կատարեն: — Յոյներն ու Լատիններն ե՞րբ: — Ծննդեան օր օրստան շարականն Աւետման նուիրուած է: — Ինչ՞ո՞ւ:



Հասկացուց Օգոստոս կայսրն ի՞նչ ընել ուզեց: — Որո՞նք գացին Բեթղեհէմ և ինչ՞ո՞ւ: — Ո՞րը խնայ: — Հոն գիշերն ո՞վ ծնաւ: — Հովիւներն ի՞նչ կ'ընեն այն միջոցին: — Տիրոջը հրեշտակն ի՞նչ աւետեց: — Հովիւներն ի՞նչ ըրին: — Այդ տօնն ի՞նչ կը կոչուի: — Մենք ե՞րբ կը կատարենք: — Ուրիշ եկեղեցիներ ե՞րբ: — Քանի՞ երթող օրն է Անուանակոչութիւնը: — Ո՞րն է Ծննդեան շարականը:

### Տ Ե Ա Ռ Ե Ը Ն Դ Ա Ռ Ա Ջ

Հրեայները Մովսէս մարգարէին օրէնքով իրենց աբու անդրանիկ զաւակները ծնունդէն քառասուն օր ետքը կը տանէին Երուսաղէմի տաճարն ու Տիրոջը կը ներկայացնէին:

Օրինական զոհը կը մատուցուէր ու կը սրբուէր սղաբեր մայրը. նորածինն ալ օրհնել կու տար քահանային: Միւս կողմէ ուրիշ օրէնք մը կը հրամայէր որ անդրանիկներն ընծայուին՝ տաճարին ծառայելու համար. իսկ երբ Ղեւեայ ցեղն ամբողջովին տաճարի ծառայութեան հրաւիրուեցաւ, ծնողք պարտաւոր մնացին իրենց անդրանիկներուն համար փրկանք մը տալ ի նպաստ Ղեւտացւոց ու անդրանիկին ազատել: Հարուստներն արջառ, իսկ աղքատները զոյգ մը տատրակ կուտային իբրև փրկանք: Այդ երկու օրէնքի կատարումն էր զոր ըրաւ Մարիամ Աստուածածին Քրիստոսի Ծննդեան քառասունը լրանալուն:

Երբ Յիսուս քառասուն օրուան եղաւ, Մարիամ Ս. կոյսն ու Յովսէփը զայն տարին Երուսաղէմի տաճար: Անոնք իրենց հետ բերին զոյգ մը ազաւնի: Այդ միջոցին Երուսաղէմի մէջ կար ծերունի արդար մարդ մը Սիմէոն անունով: Սուրբ Հոգին յայտնած էր անոր որ անիկա չպիտի մեռնէր մինչև որ Քրիստոսը չտեսնէր: Երբ Մանուկը տաճար բերին, Սիմէոնը Ս. Հոգւով իմացաւ, զուրս ելաւ, եկաւ Մանկան առաջ, զայն գիրկն առաւ, փառք տուաւ Աստուծոյ ու ըսաւ. «Տէ՛ր, հիմայ քու խօսքիդ համեմատ արձակէ՛ քու ծառայդ, որովհետև այքերս տեսան Փրկիչը զոր ժողովրդին համար պատրաստեցիր»:

Յովսէփ ու Մարիամ կը զարմանային այս խօսքերուն վրայ: Տաճարին մէջ կար Աննա անունով կին մը:

Աննա մարգարէուհի էր. առիկայ Աստուած կը փառաբանէր ու ամէնուն կ'ըսէր թէ այս մանուկը խոստացուած Փրկիչն է :

Այս տօնն որ կը կոչուի Տեառնընդառաջ՝ կը կատարուի Փետր. 14ին :

Տեառնընդառաջը կը կոչուի նաև Գաշուս ֆառասօրեայ ի սանարև : Ուրիշ եկեղեցիներ Տիրամօր անունէն անուելով՝ այդ տօնը ներկայացում կամ Սրբութիւն Ա. Կուսիև կը կոչեն :

Այդ տօնը կը կոչուի ժողովրդեան լեզուով Տերևսաւ : Հին հայերը Տերնասաի տօնին օրը յատկացուցած էին ի պատիւ Միհր Աստուածածին : Բրիտանացիներէն ասան այդ տօնը Տեառնընդառաջի փոխուեցաւ :

### Տաղ Տեառնընդառաջի

«Բրիտոս փառաց թագաւոր, — Այսօր եկեալ յընծայումն — Կատարելով նա զօրէնս — Բառասնօրեայ գալստեամբ : Զոր մարգարէն Եսայի — Յառաջագոյն գուշակեաց Երուսաղէմ քաղաքին — Սիմէոնի ծերունւոյն :»

Թարգմ. — «Փառաց թագաւոր Բրիտոսը կատարելով օրէնքը՝ եկաւ տաճար, ընծայուեցաւ քառասնօրեայ հասակին մէջ : Եսայի մարգարէն զայն արդէն գուշակեց Երուսաղէմ քաղաքին՝ Սիմէոն ծերունւոյն :»

### Ք Ր Ի Ս Տ Ո Ս Ի Մ Կ Ր Տ Ո Ի Թ Ի Ի Ն Ը

Յորդանան գետի ափին մօտ կը բնակէր մարգարէ մը Յովհաննէս անունով : Յովհաննէս կը քարոզէր ժողովրդին ու կ'ըսէր. «Ապաշխարեցէ՛ք, մօտեցած է Երկնքի — Բրիտոսի արքայութիւնը : Անոր քով կը հաւաքուէին ամէն կողմէ մարդիկ. իրենց մեղքերը կը խոստովանէին : Յովհաննէս զանոնք կը մկրտէր Յորդանանու մէջ :

Երբ Յիսուս երեսուն տարեկան եղաւ, նազարէթէն

եկաւ Յովհաննէսի քով մկրտուելու : Յովհաննէս հրաժարեցաւ զայն մկրտելէ ու ըսաւ. «Ես Բեզմէ մկրտուելու եմ, Դուն ի՞մ քով կուգաս :» Յիսուս պատասխանեց. «Թո՛յլ տուր, որովհետև այսպէս պէտք է կատարուի ամէն արդարութիւն», այսինքն դուն պէտք է մկրտես զիս :

Երբ Յիսուս մկրտուեցաւ, դուրս ելաւ ջրէն, երկինք բացուեցաւ ու Ս. Հոգին աղանուոյ կերպարանքով իջաւ Անոր վրայ : Երկինքէն ձայն մը լսուեցաւ : «Առիկա իմ սիրելի որդիս է, զոր ես ընտրեցի :»

Այդ տօնը Յունուար 6ին է : Բրիտոսի Մկրտութիւնն Աստուածայայտնութեան տօնին զլիսաւոր յիշատակներէն մէկն ըլլալով՝ միշտ զոյգ կ'ընթանայ Բրիտոսի Ծննդեան յիշատակին հետ բոլոր ութ օրերուն մէջ : Յստակ կերպով Բրիտոսի Մկրտութիւնը կը յիշատակուի Աստուածայայտնութեան օրը Զրօրհնէքի արարողութեամբ, և Ը. օրուան շարականներն ալ Մկրտութեան նուիրուած են :

Ծննդեան առտուն, Ս. Պատարագի աւարտման կը կատարուի Զրօրհնէքն որ Բրիտոսի Յորդանան գետի մէջ Մկրտութեան յիշատակութիւնն ու օրինակն է :

Տեղ տեղ սովորութիւն կայ Զրօրհնէքը գետի կամ լճի եզերք, կամ ծովու վրայ կատարել : Ասիկա աւելի Յունաց մէջ կը կատարուի : Մենք՝ Հայերս եկեղեցւոյ մէջ կը կատարենք Զրօրհնէքը :

### Երգ Զրօրհնեաց

Ո՛վ զարմանալի խորհուրդ այս մեծ յայտնեալ — Աւարարչն Աստուած ի Յորդանան եկեալ — Կամէր մկրտել ի ծառայէն իւրմէ, — Զառնոյր Կարապետ գմկրտելն ի յանձն :

Յորդանան լուեալ՝ փախտական դառնայր — Վտակ առ վտակ պատգամաւոր լինէր : — Գե՛տ, մի զարհուրի՛ր,

քո արարիչն եմ ես, — Եկեալ մկրտիմ և լուսնամ զմեզս :  
Թարգմ. — «Որքան զարմանալի է մեզի յայտնուած  
այս մեծ խորհուրդը — Արարիչ Աստուածը Յորդանան  
զալով՝ կ'ուզէր մկրտուիլ իր ծառայէն : Բայց Կարապետ  
Յովհաննէսը յանձն չէր առնել մկրտել զայն :

Յորդանան այս բանը լսելով՝ կը փախչէր : Վտակը  
= ալիքը վտակին պատգամաւոր կ'երթար (այս խոր-  
հուրդը յայտնելու համար : ) Գե'տ, մի՛ զարհուրիր, ես  
քու արարիչն եմ, եկած եմ որ մկրտուիմ ու լուսնամ  
(ուրիշներուն) մեղքերը :

Այսօր ձայնն հայրական — Յերկնից իջեալ հաճոյա-  
կան — Սիրեցելոյ որդւոյ վկայ — Ա՛յ յորդոր է, — Գետ  
յորդոր է, — Գետ Յորդանան — Յորդորական ձայնի-  
երգէր — Մեծ Կարապետն Յովհաննէս :

Թարգմ. Այսօր Հայր Աստուծոյ հաճութեան ձայնը  
կը լսուի երկինքէն ու կը վկայէ իր սիրելի Որդւոյն մա-  
սին : Ա՛յ յորդոր է գետ յորդոր է, գետ Յորդանան : Մեծ  
Կարապետ Յովհաննէսը յորդորական ձայնով կ'երգէր :

ԱՅԼԱԿԵՐՊՈՒԹԻՒՆ ՏԵԱՌՆ

Յիսուս ուղեց ցոյց տալ իր Աստուածային փառքն  
իր աշակերտներուն : Անիկա իր աշակերտներէն Պետ-  
րոսի, Յակոբոսի ու Յովհաննէսին հետ ելաւ Թարսը  
լեռն ու սկսաւ աղօթել : Աշակերտները յոգնած ըլլալով՝  
քնացան : Երբ արթնցան, տեսան որ իրենց Վարդապետը  
կերպարանափոխուած էր : Անոր երեսը կը փայլէր արեգ-  
ական պէս ու հանդերձները ձիւնի պէս սպիտակ եղած  
էին : Անոր հետ կը խօսէին Մովսէս ու Եղիա մարգարէ-  
ները : Պետրոս չիացած՝ բացազանչեց. «Վարդապետ,  
լաւ է հոս ըլլալ, երեք տաղաւար շինեսք, մէկը Քեզի,  
մէկը Մովսէսի ու միւսն՝ Եղիային :» Այն ատեն լուսաւոր  
ամպ մը եկաւ ու հովանի եղաւ անոնց : Ամպէն ձայն

մը եկաւ որ կ'ըսէր. «Ատիկա է իմ սիրելի որդիս, Ասոր  
մտիկ ըրէք» : Աշակերտներն այս ձայնէն սաստիկ վախցան  
և երեսի վրայ ինկան : Յիսուս անոնց մօտեցաւ, ար-  
թնցուց ու ըսաւ, «Ելէ՛ք, մի՛ վախնաք :» Աշակերտները  
գլուխնին վեր բարձրացուցին և տեսան միայն Յիսուս  
իր սովորական կերպարանքով :

Այս տօնը կը կոչուի Այլակերպութիւն = Պայծառա-  
կերպութիւն : Տօնախմբութիւնն երեք օր է, Կիրակի՝  
բուն տօնը, Բշ. օր դարձեալ Հրամայեալ տօն ու Մեծիկոց  
յիշատակ, Գշ. Լուր տէրունի մը : Յոյներն ու Լատինները  
կը տօնեն Օգոստոս Յին, իսկ մենք կը տօնենք Չատկէն  
98 օր ետքը :

Հեռեւապէս 35 օրուան շարժականութիւն կրնայ  
ունենալ Յունիս 28էն մինչև Օգոստոս 6 :

Ս. Թարգմանիչները մեր մէջ մտցուցին այս տօնը.  
Շնորհալին հաստատեց Բ. ու Գ. օրուան տօները :

Այլակերպութիւնը Վարդավառ ալ կը կոչուի որ հին  
հեթանոսական ժամանակէն մնացած մեծ տօնի մը ա-  
նունն է : Վարդավառ կը նշանակէ Ջրացանութիւն  
= Ջրցանք : Վարդավառն Ամսնորի = Նոր տարւոյ  
տօնն էր : Հայոց նոր տարին ամառը կ'սկսէր Նաւասարդի  
սկիզբը՝ Օգոստոս 11ին :

Շատ հեթանոսական տօներ նպատակնին ու յիշա-  
տակնին փոխելով՝ անունին պահեցին Հայոց Քրիստոնէ-  
ութեան մէջ, ինչպէս այս Վարդավառը, Տեսաւնընդ-  
առաջը, Ծաղկազարդը, ևլն. :

Հին Վարդավառի յիշատակներն են աղաւնի թոցնել,  
ջուր սրսկել որ հիմայ ալ Այլակերպութեան տօնին  
ատիւ կը գործադրուին :

Շարական Վարդավառի. — «Նման Մովսէսի Հե-  
ղիաս սպասէ յանուս նորա, ցնձան Թարսը և Հեքմն,  
նմա յաւերժ յանձն արա՛ զանձինս մեր :»

Ծ Ա Ղ Կ Ա Ջ Ա Ր Դ

Հրեայներն ամէն տարի կը կատարէին Եգիպտոսէ ելլելու տօնն որ կը կոչուէր Պասիֆ կամ Պասֆ = Չասիկ: Այդ տօնէն վեց օր առաջ Յիսուս եկաւ Բեթանիա գեղն ու այն տեղէն գնաց դէպ ի Երուսաղէմ: Երբ Անիկա հասաւ Ձիթենեաց լեռը, հրամայեց Իր աշակերտներէն երկուքին որ մօտակայ գեղէն աւանակ մը բերեն: Աշակերտները բերին աւանակը, անոր վրայ փռուեցին իրենց հանդերձները, ու Յիսուս նստաւ: Անոր հետեւեցաւ մեծ բազմութիւն մը: Ետեր հաւատացին որ Յիսուս Դաւթի ցեղէն խոստացուած Փրկիչն է և սկսան պատուել զԱյն:

Ոմանք արմաւենւոյ ճիւղեր կը կտրէին ու ճամբուն վրայ կը ձգէին, ուրիշներ ալ իրենց հանդերձներն աւանակի ոտքերուն տակ կը փռէին ու այս երգը կ'երգէին. «Ովսաննա՛ Դաւթի որդւոյն, օրհնեալ է Տիրոջ անունով եկող թագաւորը: Ովսաննա՛ բարձունքին մէջ:» Քաղաք մտնելու տուն, մեծ բազմութիւն մը դիմաւորեց Քրիստոսը, ու զԱյն չտեսնողները կը հարցնէին. Ո՞վ է ասիկա: Ժողովուրդը կը պատասխանէր. Ասիկա Յիսուսն է՝ Նազարէթ քաղաքի մարգարէն:

Քրիստոսի Երուսաղէմ գալստեան տօնը կը կոչենք Ծաղկազարդ որ Չատիկէն չաբաթ մը առաջ կը կատարուի: Ծաղկազարդը հին Հեթանոսական տօն մըն էր Հայոց մէջ, որ ժամանակներու և պարագայներու նմանութեամբ Երուսաղէմ գալստեան տօնին հետ խառնուեցաւ և մէկուն անունը միւսին տրուեցաւ:

Ժողովուրդին բերնին մէջ Ծաղկազարդը Ծառզարդար ալ կը կոչուի:

Ձիթենի. — Եկեղեցւոյ մէջ ձիթենւոյ ոստեր կը

գործածուին Ծաղկազարդի առտուն և կը բաշխուին թէ պաշտօնականերուն, դպիրներուն և թէ ժողովուրդին «Փառք ի բարձունս»ի տունն, և իւրաքանչիւրին ոստը կը մնայ իրեն նուիրական յիշատակ մը:

Ձիթենւոյ ոստերն օրհնութիւն չունին. ուր որ ձիթենի յառաջ չի գար, ուռենւոյ ճիւղեր կը փոխանակուին:

Արեւմտեան եկեղեցւոյ մէջ արմաւենւոյ ճիւղերով հիւսկէն ու զարդարուն ոստեր ալ կը գործածեն:

Դուրբացիք. — Ծաղկազարդի իրիկունը կը կատարուի «Իննբացէք»ի արարողութիւնը:

Ղազարու յարուքիւն. — Ղազարոս անունով հիւանդ մը կար Բեթանիա գիւղը: Անոր երկու քոյրերը Մարիամ, Մարթա մարդ զրկեցին Գալիլիա՝ Յիսուսի որ գայ Ղազարոսը բժշկէ: Երբ մարդիկը լուր կը բերէին, Ղազարոս մեռաւ:

Յիսուս երբ Բեթանիա եկաւ, Ղազարոս արդէն չորս օրէ ի վեր մեռած էր ու թաղած էին խեղճը: Ազգականներէն շատերն եկած էին որ Մարիամն ու Մարթան մխիթարեն: Յիսուս դերեզմանին մօտեցաւ ու ըսաւ. «Վերցուցէք գերեզմանին քարը:» Մարթան ըսաւ. «Տէր, արդէն հոտած է, որովհետեւ չորս օրուան թաղուած է:» Յիսուս ըսաւ. «Մարթա, չըսի՞ քեզի որ եթէ հաւատաս, Աստուծոյ փառքը կը տեսնես:»

Քարը վեր առին. Յիսուս աչքերն երկինք բարձրացուց ու ըսաւ. «Հայր, չնորհակալ եմ քեզմէ որ ինձի լսեցիր: Ու ես գիտէի որ ամէն տունն ինձի կը լսես. ու ինչդրեմ այս անգամ ալ մտիկ ըրէ որ այս ժողովուրդը հաւատայ թէ Դուն ես զիս զրկողը:» Այս ըսաւ ու բարձր ձայնով աղաղակեց. «Ղազարոս, արի՛, դուրս ել:» Մեռեալն իսկոյն դուրս ելաւ, ձեռքերն ու ոտքերը պատանքով պատած, իսկ երեսը վարչամակի մէջ փաթ-

թուած : Յիսուս ըսաւ , «Արձակեցէք կապերն ու թողէք որ երթայ : »

Մարիամի հետ եկած հրեայներէն շատերը տեսան Յիսուսի ըրածն ու հաւատացին անոր :

Տօնը . — Ղազարու Յարութիւնը Բրիստոսի նշանաւոր հրաշքին յիշատակութիւնն է որ կը կատարուի իբրև Տէրունի տօն և իբր փրկագործ Տէրունականներուն շարքին նախագուռը : Ծաղկազարդը յառաջող շաբաթ օրը Ա. Ղազարու տօնն չէ , Ղազարու Յարութիւնը Ծաղկազարդին նախընթաց օրը տեղի ունեցած չէ , որովհետև այդ հրաշքէն ետք Բրիստոս պահ մը Եփրայիմ քառուեցաւ ու նորէն Ջատիի առթիւ Բեթանիա եկաւ , և Նրուսաղէմ մտնելուն նախընթաց շաբաթ օրը Ղազարու տան մէջ պատուական ընթրիքի մը ներկայ գտնուեցաւ : Եկեղեցին այդ ընթրիքին օրուան հետ միացուցած է նոյն իսկ Ղազարու յարութեան յիշատակը :

Ղազարու յարութեան շարականը .

Կենդանութեանց բաշխող Բրիստոս — Ի Բեթանիա եկաւորեալ այսօր — Բարեկամին Ղազարու — Պարզեւէ զկենդանութիւն :

«Կեանք բաշխող Բրիստոսը Բեթանիա գալով այսօր (իբ) բարեկամ Ղազարոսին կեանք պարզեւեց :»

Շարական Ծաղկազարդի .

ԶԲրիստոս թագաւոր Որ էն յաթոռ փառաց — Տեսաք ի յերկրի՝ նստեալ ի նոր յաւանակի :

Այսօր ընդ հրակերպեան դասուցն օրհնաբանէին ձերքն ստուղք և տղայքն արմաւենեալք . Ովսաննա՛ օրհնեալ եկեալ ի յանուն Տեսան :

Թեւազուրիւններ . — Հրեայներն ինչ սովորութիւն ունէին — Օրինական զրհն ինչօ՛ւ կը մատուցանէին — Օրէնքն ինչ կը հրա-

մայեր : — Յետոյ ինչ բարեփոխութիւն կրեց : — Յիսուս ինչօ՛ւ տաճար բերին : — Ե՞րբ : — Ի՞նչ ընծայ տուին : — Նրուսաղէմի մէջ ս՛վ կար այն միջոցին : — Ա. Հոգին ինչ յայտնած էր : — Ինչ ըսաւ : — Ուրիշ ս՛վ կար : — Ի՞նչ ըսաւ : — Այդ տօնն ե՞րբ կը կատարէնք : — Ուրիշ ինչ անուն ունի : — Ժողովուրդն ինչ կ'ընէ այդ տօնին : — Ինչօ՛ւ : — Ո՞րն է Տեսանընդառաջը :



Յովհաննէս ս՛ւր կը ընակեր : — Ի՞նչ կը քարոզէր : — Յիսուս ե՞րբ եկաւ Յովհաննէսէն մկրտուեցաւ : — Յովհաննէս ի՞նչ ըսաւ : — Յիսուս ինչ պատասխանեց : — Երբ Յիսուս մկրտուեցաւ , ինչե՞ր եղաւ : — Այդ տօնն ե՞րբ է : — Ինչօ՛ւ այդ օրն կը կատարէնք : — Ե՞րբ կը կատարուի Զրօրհնէքը : — Ի՞նչ սովորութիւն կայ : — Ո՞րն է Զրօրհնէքի երգը :

Յիսուս ս՛ւր և որոնց յայտնեց Աստուածային փառքը : — Աշակերտներն ինչ եղան : — Ի՞նչ տեսան : — Քանի՞ օր կը տևէ տօնը : — Մենք ե՞րբ կը տօնենք : — Յոյներն ու Լատիններն ե՞րբ : — Ե՞րբ մեր մէջ մտաւ : — Ինչօ՛ւ Վարդավառ կը կոչուի : — Այդ տօնին ինչե՞ր կը կատարուին : — Ո՞րն է Վարդավառի շարականը :



Հրեայներն ինչը կը տօնէին : — Յիսուս ե՞րբ եկաւ Բեթանիա : — Ո՞վ և ինչ հրամայեց : — Ժողովուրդն ինչե՞ր ըրաւ : — Այդ տօն ինչ կը կոչուի : — Ծաղկազարդն ս՛ւրկէ մտացած է : — Ի՞նչ կ'ըսէ Ժողովուրդը : — Այդ օրը , եկեղեցւոյ մէջ ինչ սովորութիւն կար : — Ե՞րբ կը կատարուի Գոհրացէքը :



Ո՞վ էր Ղազարոս : — Յիսուսի ինչ ըսին : — Քանի՞ օրուան մեծած էր Ղազարոս : — Ե՞րբ Յիսուս Բեթանիա եկաւ : — Յիսուս ինչ ըրաւ : — Ղազարոս ինչ եղաւ : — Որո՞նք հաւատացին Յիսուսի : — Ղազարու Յարութիւնն ինչի՞ յիշատակութիւնն է : — Յիսուս ուրիշ ինչ հրաշքներ ըրաւ : — Տարբ. Գոտընթացքի մէջ ինչե՞ր սովորեցաք այս մտան : — Ո՞րն է Ղազարու յարութեան շարականը :

Դ. ՎԵՐԱՏԵՍՈՒԹԻՒՆ

Ամբողջացուցիք հետեւեալները.

Ուտիք օրերն են... — Սովորութիւն է... — Պաշք չի պահուիր...  
 — Պաշք կը նշանակէ... — Պաշքի խուճիւրն են... — Օրապահ էն  
 ... — Կորած պաշք են... — Տաղաւարի պաշքերն են... — Ե-  
 դանակի պաշքերն են... — Մեծ պաշքի յատկանիշներն են... —  
 Ծոթն է... — Աղուհացք կը նշանակէ... — Խորհրդանշան է... —  
 Միջինք կը նշանակէ... — Մեծ պաշք կիրակիները նուիրուած են...  
 Յիսնակ կը նշանակէ... — Ս. Յակոբայ պաշքն է... — Եղիական  
 պաշքն է... — Նաւակատիք կը նշանակէ... — Նաւակատիք օրերն  
 են... — Նաւակատիքի կերակուրներն են... — Բարեկենդան կը  
 նշանակէ... — Բարեկենդաններն են... — Արեղամոզ կը կոչուի...  
 — Բակլիտորան կը նշանակէ... — Բուն բարեկենդանի խորհուրդն է  
 ... — Մեւելոցի օրերն են... — Տօն կը նշանակէ... — Եկեղեցին  
 սահմանած է Տօն... — Տէրունի տօն կը կոչուին... — Լուր օրեր են  
 ... — Կիրակին կը կոչուի... — Անշարժ տօներն են... — Պաշքի  
 օրեր կը հանդիպին... — Տօները... — Տաղաւար կը կոչուին... —  
 Հրամայեալ հանգստեան օրերն են... — Տէրունի ի լուր կը նշանակէ  
 ... — Եօթնեկի օրերը նուիրուած են... — Նազարեթի բարեպաշտ-  
 ներն էին... — Ունեցան... — Ս. Աստուածածնի Ծնունդը կը կա-  
 տարենք... — Կաղօթէք սպայ... — Այս աղօթքին նշանակու-  
 թիւնն է... — Գարբիւշ հրեշտակապետն աւետեց... — Հայերը կը  
 կատարեն այս տօնը... — Յոյներն ու Լատինները... — Օգոստոս  
 կայսրն ուղեց... — Բեթղեմ գացին... — Իջան... — Քիշերը  
 ծնաւ... — Հովուները... — Մենք Ծնունդը կը կատարենք... —  
 Ուրիշ եկեղեցիներ... — Անուանակոչութիւնն է... — Ծննդեան  
 շարականն է... — Հրեայներն օրինական զօհը կը մատուցանեն... —  
 Օրէնքը կը հրամայէր... — Յիսուս տաճար բերին... — Ընծայ  
 տուին... — Սիմոն ծերունին կ'սպասէր... — Ըսաւ... — Այդ  
 տօնը կը կոչուի... — Եւ կը կատարենք... — Այդ տօնին կ'ընենք  
 ... — Յովհաննէս ըսաւ... — Յիսուս պատասխանեց... — Երբ Յի-  
 սուս մկրտուեցաւ... — Ջրօրհնք կը կատարենք... — Յիսուս  
 յայտնեց Աստուածային փառքը... — Աշակերտներն... — Մենք կը  
 կատարենք այդ տօնը... — Յոյներն ու Լատինները... — Այդ տօնը

կը կոչուի... — Եւ այդ օրը կը կատարեն... — Հրեայները Չատիկը կը  
 տօնեն... — Յիսուս եկաւ... — Այդ տօնը կը կոչուի... — Ծաղկ-  
 ազարդին սովորութիւնն է... — Դանբացեքք... — Յիսուսի ամենէն  
 մեծ հրաշքն է... — Ղազարոս... — Քոյրերը...

Ա Ի Ա Գ Շ Ա Ր Ա Յ

Ծաղկազարդէն մինչև Չատիկ եղող եօթնեակը կը  
 կոչուի Աւագ շաբաթ և շաբթուան իւրաքանչիւր օրն ալ  
 նոյն Աւագ անունը կը կրեն, Աւագ Բշ., Աւագ Գշ.,  
 Աւագ Դշ., Աւագ Եշ., Աւագ Ուր., Աւագ Շաբաթ :  
 Զատիկի շաբաթ ալ կը կոչուի Աւագ շաբաթը :

Աւագ շաբթուան վեց օրերն ալ նուիրուած են Քրիստոսի  
 վերջին օրերուն անօրինութեան :

Աւագ ԲՇ. — Թղենին անիծելուն և տաճարը մաք-  
 րելուն օրն է :

Եկեղեցին կը յիշէ նաև Որդուց Որոտման խնդիրը,  
 Արարչութեան ու Մարդկութեան սկիզբը :

Աւագ ԳՇ. — Քրիստոսի Փարիսեցիներուն յանդի-  
 մանութեան օրն է :

Եկեղեցին կը յիշէ Տասն Կուսանաց անակն և Վեր-  
 ջին դատաստանի բացատրութիւնը, նաև Զրհեղեղն ու  
 մարդոց կրկին սկզբնաւորութիւնը :

Եկեղեցին երեկոյին, Ս. Աւետարանի ընթերցման  
 ատեն, տասը փոքրիկ աղջիկներու կամ աղեկներու ձեռ-  
 քը մոմ կուտայ և Աւետարանին դիմաց կը կանգնեցնէ :  
 Ասիկա նորամուտ ու տեսարանական սովորութիւն մըն  
 է՞ և ոչ ծիսական պահանջ :

Աւագ ԳՇ. օՐՈՒԱՆ ՇԱՐԱԿԱՆԸ.

Իմաստուն կուսանքն պատրաստեալ իւր լապտերաց  
 — Ելին ընդ առաջ երկնաւոր Փետային — Վառնալ լապ-  
 տերօք :

«Իմաստունն կոյսերը լապտերններու համար իւր պատ-  
րաստելով՝ ելան դիմաւորելու Երկնաւոր Փեսայն:»

Աւագ ԴԵ. — Կը յիշատակուի Յուդայի մատնութիւնը:

Ա Ի Ա Գ Ն Ի Ն Գ Շ Ա Բ Յ Ի

Հրեից Պասեֆ. — Հրէական Պասէքի տօնը Չասիկ  
կը կոչուի որ յիշատակ է հրեայներուն Եգիպտոսէ ել-  
լելուն: Այդ տօնէն առաջ կը մաքրուին, կը պատրաստ-  
ուին ու յետոյ սեղան կը բազմին: Ընտանիքին հայրը  
կ'առնէ խազվուզի բաժակ մը, կ'օրհնէ Աստուածը խա-  
զովին համար, յետոյ ամենքը կը խմեն և վերջն ալ իրենց  
ձեռքը կը լուան: Այն ատեն զենուած զատկական զառը  
սեղան կը բերուի անխմոր շօթերով = բազարջով: Ասիկա  
կը կոչուի Չասկական Ընքրիխ: Պասէքը կը տեսէ Կօթ օր:  
Չասիկը զենելու և ուտելու էին միայն Երուսաղէմի մէջ:

Աւագ ԵԵ. — Չասկական Ընքրիխ. — Յիսուս ալ այդ  
տոլորութեան համեմատ պատուիրեց իր աշակերտներէն  
երկուքին որ Երուսաղէմ տան մը մէջ պատրաստութիւն  
տեսնեն Չասիկը տօնելու համար:

Աշակերտները պատրաստեցին ինչ որ Յիսուս հրա-  
մայեց:

Իրիկունը Յիսուս իր աշակերտներով մտաւ պատ-  
րաստուած վերնատունը: Ասիկա ընթրիքէն առաջ իր  
աշակերտներու ոտքերը լուաց՝ խոնարհութեան օրինակ  
տալով անոնց: Յետոյ սեղան նստաւ անոնց հետ և կե-  
րաւ Չատկական զառը: Խօսակցութեան ատեն Յիսուս  
ըսաւ «Չեզմէ մէկը պիտի մատնէ զիս:» Անոնք տարա-  
կուսած՝ իրարու նայեցան ու երկիւղով իրարու կը հար-  
ցնէին. «Միթէ՞ ես եմ Տէր:» Յուդան որ պիտի մատնէր,  
ըսաւ. «Միթէ՞ ես եմ:» Յիսուս պատասխանեց. «Դու  
կ'ըսես:» Յուդա իսկոյն դուրս ելաւ:

Ընթրիք ուտելու ատեն Յիսուս վերցուց հացը,  
օրհնեց, կտրեց ու տուաւ աշակետներուն. և ըսաւ,  
«Առէ՛ք, կերէ՛ք, այս է մարմինս: Ասիկա ըրէ՛ք իմ յի-  
շատակիս համար:» Յետոյ առաւ բաժակը, գոհացաւ և  
անոնց տուաւ, ըսելով. «Ասկէ խմեցէ՛ք, ամենքդ, այս  
է իմ՝ Նոր ուխտի արիւնն որ շատերուն թողութեան  
համար պիտի թափուի: Ամէն անգամ որ խմէ՛ք՝ զիս յի-  
շեցէ՛ք:» Այսպէս Յիսուս հաստատեց Հաղորդութեան  
Սուրբ Խորհուրդը:

Աւագ Հինգշաբթիի յիշատակները զանազան ժամա-  
նակներու բաժնուած ըլլալով՝ Ընթրիքին յիշատակու-  
թիւնը կը պատասխանէ Պատարագին որ յատուկ արա-  
քողութիւնով կը կատարուի նոյն օրը և նշանաւոր տեղը  
կը գրաւէ Վերաբերման սրբասացութեան հանդիսաւոր-  
ութիւնը: Վերաբերման սրբասացութիւնն է «Չերգս  
հոգեւորս:»

Լատինները Բրիստոսի մարմնոյ ու արեան խոր-  
հրդին ի պատիւ յատուկ տօն մը ունին, բայց ոչ Աւագ  
Եշ: Ատոր հաստատութիւնը հին չէ, այլ նոր:

Աւագ. ԵԵ: օՐՈՒԱՆ ԾԱՅՈՅ ԵԱՐԱԿԱՆ.

«Այսօր կանգնեցաւ աւագան Մկրտութեան ի թող-  
զութիւն մեղաց մերոց:»

Եւ սրբասացութիւնն է

Չերգս Հոգեւորս. Որ վերայ նստիս ի կառս հրա-  
նիւթս քառակերպեան, անճառելի բանդ Աստուած:  
Այսօր իջեալ ի յերկնայնոցն վասն քո արարածոցս յանձն  
առեր բազմել ընդ աշակերտսն: Եւ Սերովբէքն և Քե-  
րովբէքն հիացեալ՝ զարմանային և պետութիւնք վերին  
սքանչացեալ՝ աղաղակէին ասելով. Սուրբ, Սուրբ, Սուրբ,  
Տէր զօրութեանց:

Ոսնալուայ. — Քրիստոս իբր վերջին օրինակ խոնարհութեան և իբր ողջոյն «մնաք բարով» և իբր և նշանակ Ս. Հաղորդութեան խորհրդին պահանջած սրբութեան ու մաքրութեան՝ իր աշակերտներուն ոտքերը լուաց: Այս գործողութեան յիշատակութիւնը կը կատարուի իրօք ոտքեր լուալով, Աւագ Եջ. իրիկունը: Ըստ հին արարողութեան, ոչ թէ թուով ու չափով ոտքերը պիտի լուացուին, այլ եկեղեցւոյն մեծը քահանայներուն ոտքը լուալէն ետք, անոնք ալ պիտի նստին լուալու իրենց կարգին, և բոլոր ներկայ ժողովրդին ոտքերը պիտի լուան:

Ոտնալուայն խորհուրդ չէ, այլ խորհրդական կոչուած արարողութեան կարգէն է, և ըստ այնմ Ոտնալուային լուացողներն ալ նոյն բարեպաշտական զգացումներ ունին:

Լուացման ատեն սովորութիւն է միայն աջ ոտքը լուալ, թէև Քրիստոս առաքելոց երկու ոտքերն ալ լուացած ըլլայ: Լուացումէն ետք պարզ կարագ իւղով փոքրիկ օձուժ մըն ալ կ'աւելցուի որ թէև վերջին Ընթրիքին պատմութեան մէջ յիշուած չէ, բայց Աւետարանին մէջ քանի մը անգամ ոտքի լուացում կը պատմուի, ազնիւ իւղովը օձելն ալ կը յիշուի, և այդ հիմամբ ջրով լուացման ալ կ'աւելցնենք իւղով օձումը:

Ոսնալուայի երգերէն մեկն է

Սիրտ իմ սասանի, սարսափ զիս ունի վասն Յուդայի: Այսօր վերացաւ, վերնատուն նստաւ և գառն կերաւ: Որք որ փափաքին, ուտել զայն մարմին, որով սրբեսցին:

Թեկադրութիւններ. — Ո՞ր եօթնեակն Աւագ շաբաթ կը կոչուի. — Ուրիշ Բնչ կը կոչուի. — Վեցօրեքն ինչի՞ նուիրուած են. — ԲՉ. — ԴՉ. — ԻՉ. — Որո՞նք են ասոնց շարականները. — Հրէից ո՞ր

տօնը Պատեք կը կոչուի. — Ինչի՞ յիշատակ է. — Այդ տօնին Բնչ կ'ընեն. — Մեք ալ կ'ընե՞ք. — Այդ տօնը կատարելու համար Յիսուս Բնչ պատուիրեց. — Ընթրիքն ո՞ւր և ե՞րբ ըրաւ. — Ընթրիքէն առաջ Բնչ ըրաւ. — Ինչե՞ր պատուիրեց. — Ո՞րն է ասոր շարականը. — Ոտնալուայն ինչ ո՞ւր կատարեց. — Ատոր յիշատակն ինչպիսի աւարողութեամբ կը կատարուի. — Ոտնալուայն խորհուրդ է՞ թէ խորհրդական արարողութիւն. — Ի՞նչ տարբերութիւն կայ խորհուրդին և խորհրդական արարողութեան միջև. — Ո՞րն է Ոտնալուային երգը:

Ա Ի Ա Գ Ո Ի Ր Բ Ա Յ

Յիսուսի խաչելութիւնը. — Յիսուսի թշնամիները — հրեայ քահանայապետներ, դպիրներ ու ժողովրդին ծերերն անոր փառքը տեսնելով՝ խորհուրդ ըրին որ զԱյն սպաննեն: Յուդա գնաց Յիսուսը մասնեց Աւագ Ուր. լուանալիք զիչերը և փոխարէնը ստացաւ 30 արծաթ:

Յիսուսի թշնամիները բռնեցին զԱյն ու տարին Պոնտացի Պիղատոսի քով որ Հրէաստանի կառավարիչն էր և սկսան բամբասել և չարախօսել Անոր վրայօք թէ Անիկա կը քարոզէ ու կը մոլորեցնէ ժողովուրդը, Ինքզինք Աստուծոյ որդի կ'անուանէ ու կ'արգիլէ կայսեր տուրք տալ:

ԶԵԱՅՆԵՐԸ ՅՍՈՒՍԸ ԿԸ ԶԱՐԶԱՐԵՆ

Զինուորները Յիսուսը տարին Գողգոթա լեռը, հանեցին Անոր հանդերձներն և խաչեցին Աւագ Ուր. ցորեկին: Անոր աջ ու ձախ կողմը խաչեցին երկու աւագալիներ: Յիսուսի իրաչին վրայ գրուած էր. «Յիսուս Նազովրեցի Թագաւոր Հրէից» = Յ. Ն. Թ. Հ.:

Խաչուելէն երեք ժամ ետքը, երկրիս երեսը խաւար պատեց ու աստղերն երեւցան: Յիսուս աղաղակեց. «Աստուած իմ, Աստուած. ընդէ՞ր թողեր զիս.» և քիչ մը ետքը ըսաւ. «Մարաւ եմ:» Զինուորներէն մէկը սպունգը թաթխեց քացախի մէջ ու եղեգի ծայրով մօ-



անցուց Անոր բերնին: Յիսուս քացային ընդունեց ու ըսաւ. «Հայր, քու ձեռքը կ'աւանդեմ հոգիս:» Յետոյ գլուխը խոնարհեցուց և աւանդեց հոգին:

Այն ատեն արեգակը խաւարեցաւ, երկիրը շարժեցաւ ու տաճարին վարագոյրը պատռեցաւ: Երկայններէն հարիւրապետն ու ժողովուրդը տեսնելով՝ ըսին. Արդարև Սա՛ Աստուծոյ որդին էր:

Այս տօնը կը կատարուի Աւագ Ուր. օր:

Շարական խաչելութեան.

Խաչի քո, Գրիստոս, երկրպագեմք, զԽաչելութիւնդ քո մեծացուցանեմք, զԹաղումդ քո փառաւորեմք: Եկաք, հաւատացեալք, երկրպագեսցուք Քրիստոսի Աստուծոյ մերոյ, վասն զի եկն ի ձեռն Խաչին իւրոյ շնորհեաց պարգեւս աշխարհի: Փառք՝ սուրբ Խաչիդ. Ալելուիա:

Աղօթք Քրիստոսի խաչելութեան.

«Սուրբ Աստուած, Սուրբ և Հզօր Սուրբ և Անմահ որ խաչեցար վասն մեր, ողորմեա՛ մեզ:»

Յովսէփ Արեմաթացի այս աղօթքն ըսած է Քրիստոս Խաչէն իջեցնելու ատեն. ուստի կ'ըսուի ի դէմս Աստուծորդւոյն:

Սուրբ և Աստուած կ'անուանենք զԱյն, որովհետև Անիկա Աստուծոյ որդին է և Ինքն ալ Աստուած է, և Անոր մէջ մեզք մը չկայ:

Հզօր կ'անուանենք, զի ամենակարող է ու յաղթեց մահուան:

Անմահ կ'անուանենք, որովհետև անիկա յաւիտենական է, և թէև մարմնով մեռաւ, բայց Աստուածութեամբ անմահ է, և հզօր Աստուծոյ ու Ս. Հոգւոյն հետ էակից:

Այս աղօթքով կը խնդրենք Աստուծմէ որ 1. իր Խաչի ու Մահուան արդիւնքով ներէ մեր մեղքերը, մաքրէ մեր հոգին ու սրբէ մեր սիրտը: 2. կը խնդրենք որ իբրև Տէր Աստուած ողորմի և օգնէ մեզի:

ԱՒԱԳ ՇԱԲԱԹ

Յիսուսի քաղոււմը. — Յովսէփ Արեմաթացին որ Յիսուսի ծածուկ աշակերտած էր՝ եկաւ Պիղատոսին ու խնդրեց որ թոյլ տայ իրեն Յիսուսի մարմինը Խաչէն իջեցնել ու թաղել:

Գողգոթա եկած էր Նիկողիմոսն ալ որ նոյնպէս Յիսուսի ծածուկ աշակերտած էր: Յովսէփ պատրաստեց մաքուր կտաւ, իսկ Նիկողիմոսը բերաւ հարիւր լիարի չափ անուշահոտ եղ: Յովսէփի Գողգոթայի մօտ ունէր պարտէզ մը ու այդ պարտէզին մէջ կար գերեզման մը: Յովսէփ ու Նիկողիմոս Խաչէն իջեցուցին Յիսուսի մարմինը, օծեցին, պատեցին կտաւով ու դրին գերեզմանին մէջ, իսկ գերեզմանի դուռը ծածկեցին մեծ քարով ու մեկնեցան:

Հրեայներու քահանայապետներն եկան Պիղատոսի քով և խնդրեցին զինւորներ սպասցնել Յիսուսի գերեզմանին քով որ գերեզմանը պահպանեն՝ մի գուցէ Յիսուսի աշակերտները գողնան Անոր մարմինն ու ժողովրդին մէջ տարածայնեն թէ Անիկա Յարութիւն առաւ:

Պիղատոս հրամայեց որ ամէն զգուշութիւն ի գործ դնեն այս մասին: Անոնք գացին, կնքեցին Գերեզմանի քարն ու պահպաններ սպասցուցին:

Յիսուսի Թաղման Տօնը. — Քրիստոսի Թաղման տօնը կը կատարուի Աւագ ուրբաթ իրիկուն, Աւետարանին ցոյց տուած ժամերուն համեմատ: Մեր Տօնացոյցին մէջ միայն հանդիսաւոր Նախատօնակ մը նշանակուած է, չարականէն զատ Ս. Աւետարան ու Ս. Աստուած:

Իսկ այժմ սովորութիւն եղած է յոյներու հետեւող-  
ութեամբ թափոր դառնալ, և թաղում մըն ալ պորտ-  
ցնել աւելի կամ նուազ զարդարանքով :

**Յիսուսի Թաղման Շարականք .**

Պարզեւատուն ամենեցուն—Այսօր խնդրի պարզեւ  
ի Պիղատոսէ—Եւ Արկողն զլոյս որպէս զօթոց — հաւանի  
պատել ի Յովսէփայ :

«Ամենուն պարզեւատու (Քրիստոսը) այսօր ինքն  
իրբեւ պարզեւ կը խնդրուի Պիղատոսէն : Անիկա որ լոյսն  
իրբեւ հանդերձ կը հազնէր՝ յանձն կ'առնէ Յովսէփէն  
պատնուիլ :

**Թեղադրութիւններ .** — Յիսուսի թշնամիներն որո՞նք էին և  
քնն ըրին : — Ո՞վ մասնեց Յիսուսն և ե՞րբ : — Թշնամիներն ի՞նչ ըրին :  
— Յիսուսի մասին ի՞նչ ամբաստանութիւն ըրին : — Յիսուս ո՞ւր խաչ-  
ուեցաւ : — Ե՞րբ : — Խաչին վրայ ի՞նչ գրեցին : — Ինչե՞ր տեղի ու-  
նեցան : — Արեգակն ե՞րբ խաւարեցաւ : — Որո՞նք են Մատնութեան  
ու Խաչելութեան շարականները : — Ո՞րն է Խաչելութեան աղօթքը :  
— Այս աղօթքով ի՞նչ կը դաւանինք : — Ինչե՞ր կը խնդրենք : — Ո-  
րո՞նք թաղեցին Յիսուսը : — Ո՞վ էր Յովսէփ Արեմսթացին : — Նի-  
կողիմոսը : — Յիսուսն ի՞նչպէս պատեցին : — Ի՞նչ սովորութիւն կար :  
— Ո՞ւր էր գերեզմանը : — Քոյն ինչե՞ր գրին : — Ինչե՞ր : — Ե՞րբ և  
ի՞նչպէս կը կատարենք Թաղման տօնը : — Ո՞րն է Հայոց և օրն է  
յուճական սովորութիւնը : — Ո՞րն է թաղման շարականը :

**ՅԻՍՈՒՍԻ ՔՐԻՍՏՈՍԻ ՅԱՐՈՒԹԻՒՆՆԸ**

Կիրակի առտու կանուխ Քրիստոսի գերեզմանին  
քով մեծ շարժում մը եղաւ : Տիրոջ հրեշտակն երկնքէն  
խլաւ, գերեզմանին քարը մէկ կողմ գլորեց, նստաւ  
վրան : Անոր դէմքը փայլակի նման էր ու հանդերձները  
ձիւնի պէս սպիտակ : Այն ատեն Յիսուս Յարութիւն  
առաւ մեռեալներէն : Պահապանները զայս տեսնելով՝

պահուեցան և երեսի վրայ ինկան մեռածներու պէս :  
Երբ սթափեցան, գացին պատմեցին ինչ որ պատահած էր :

Այս միջոցին Գալիլեացի կիներ, — Մարիամ Մագ-  
թաղենացի, Մարիամ Յակոբեանը, Սողոմէն և ուրիշներ  
եկան Յիսուսի գերեզմանին քով որ օծեն Անոր մար-  
մինը : Անոնք մտան պարտէզ և տեսան որ քարը զլորած  
էր գերեզմանէն : Մարիամ Մագթաղենացի երկիւղէն  
քաղաք վաղեց ու պատմեց Յիսուսի աշակերտներուն :  
Միւս կիները մօտեցան այրին և տեսան երկու հրեշտակ-  
ներ որոնք աւետեցին թէ «Քրիստոս Յարեաւ ի մեռելոց» :

Ս. Յարութեան տօնը . — Ս. Չատիկը Քրիստոնէա-  
կան եկեղեցւոյ մեծ խորհրդաւոր ու ամէնէն փառաւոր  
տօնն է : Ասոր յիշատակը կապուած է հրէից Պասեքին  
հետ որ մեր մէջ ալ Հայոց Չատիկ անունով ճանչցուած  
է : Քրիստոսի Յարութեան տօնը Մարտ 24 էն մինչև  
Ապրիլ 25 կրնայ հանդիպիլ :

Քրիստոսի Յարութեան տօնը կ'սկսի Չատիկ նա-  
խընթաց իրիկուընէ և կը տևէ 49 օր շարունակ որուն  
վերջին օրը Հոգեգալուստն է : Տարուան մէջ ալ բոլոր  
52 կիրակիները Յարութեան տօն են և երբ ուրիշ տօն  
ալ հանդիպի, Յարութիւնը չի յիշուիր, այլ միւս Տէրու-  
նիներուն հետ կը խառնուի :

Հին Հայոց Չատիկը . — Հին հեթանոս հայոցմէ  
մնացած տօն մըն է Չատիկն որ եղանակներու դաս-  
ուելէն կամ գիշերահաւասարներու տարւոյն երկու մասե-  
րուն իրարմէ զատուելէն առնուած անուն մըն է : Այս  
տօնը միջոցներու համեմատութեամբ հրէական Պասեքին  
համահաւասար նկատուած է. և հրէական Պասեքը Քրիս-  
տոնէութեան մէջ Քրիստոսի յարութեան տօնին վերած-  
ուելով՝ այդ փառաւոր տօնն ալ Չատիկ Յարութեան  
կոչուած է մեր մէջ :

Կարմիր հաւկիթ . — Չատիկն սովորութիւն է կար-

միր հաւկիթ ուտել : Շատ տեղ հաւկիթը կը ներկեն անպատճառ Աւագ Եջ. օր :

Բուն բարեկենդանին սովորութիւն եղած է վերջին ուտիքին ընել խաշած հաւկիթը, կամ ինչպէս կ'ըսեն հաւկիթով կը կնքեն ուտիքի կերակուրներու շարքը և Չատկին կը քակեն կնիքը՝ կարմիր հաւկիթն ուտելով ձրագալոյցին :

Յինուցք=Յիսուցք . — Այս անունը կը տրուի Զատկէն մինչև Հոգեգալուստ 50 օրերուն միջոցին որ ամբողջովին Տէրունի տօներ են ի պատիւ Յարութեան ու վերջին տասը օրերը նաև ի պատիւ Համբարձման . իսկ վերջին յիսուներորդ օրն ալ Ս. Հոգւոյն դալստեան : Այս յիսուն օրերն ուտիք են, միայն Շնորհալիէն սկսեալ Համբարձմանէն ետք եկող ուրբաթներն ու մէկ չորեքշաբթին պահքի օր եղած են կերակուրի կողմէ, եկեղեցւոյ մէջ տէրունի տօնը ամփոփոխ մնալով :

Զատկի յաջորդ առաջին չորս կիրակիներն առանձին անուն ունին .

1. Կրկնագաթիկ որ ժողովրդական անուն մըն է և կը տրուի Զատկի Բ. կիրակին . «Նոր կիրակի» ալ կը կոչուի : Կրկնագաթիկ կը կոչուի՝ որովհետև արդէն Յարութիւն՝ Զատկի օր ըլլալով հանդերձ, Քրիստոնէութեան ալ Նոր կիրակիին յիշատակը կը տօնուի այդ օրը : Նոր կիրակի կը կոչուի, որովհետև Քրիստոսի Յարութենէն ետք առաջին նոր կիրակի մըն էր Քրիստոնէութեան համար :

2. Կանանչ կիրակի կամ Աօխարհամատարան կիրակի կը կոչուի Զատկի Գ. կիրակին : Աշխարհամատարան կոչուած է այդ կիրակին, որովհետև այդ օրն է որ կը տօնուի Քրիստոսի արեւելեական ու նոր կանաչցած եկեղեցւոյն հաստատութեան յիշատակը : Աշխարհամատարան բառը կը գործածուի իբրև աշխարհաժողով բազմութեան յատկացեալ եկեղեցի : Այդ անունը տրուած է Սիոնի

Վերնասան ուր Քրիստոս վերջին զատկական ընթրիքը կատարեց ու Հաղորդութեան խորհուրդը հաստատեց : Հոս սովորութիւն ըրին հաւաքուիլ առաքեալները Քրիստոսի Համբարձումէն ետք և նոր հաւատացեալներու հետ հաղորդութիւն ու աղօթք կը կատարէին առանձին : Այս վերնատունը հաւանաբար Յովհաննէս Մարկոսի տունն էր ուր աղօթքի կը ժողվուէին նոր հաւատացեալները :

Հայոց եկեղեցւոյ յատուկ է եկեղեցւոյ անունով տօներ կատարել . ասոնց գլխաւորն է «Աշխարհամատարան տօն»ը՝ այսինքն վերնատունին Քրիստոնէութեան առաջին եկեղեցին ըլլալու յիշատակը : Աշխարհամատուռը բոլոր Քրիստոնէայ եկեղեցիներու նախատիպն եղաւ և նշանակեկեղեցւոյ Նուիրականութեան :

Կանաչ կիրակի անունը ժողովրդական հանդէսէ մը աւնուած է իբրև դալարիքի տօն և կանաչներով զարդարուելու պարագայ մը՝ Մայիս 1ին պէս տօն մը : Կանաչ կիրակին հայացի է, իսկ Մայիս 1ին տօնը օտարամուտ : Հայոց Մայիսի տօնը Կանաչ կիրակին է :

Գ. Կարմիր կիրակի . — Յինանց Գ. կիրակին կը կոչուի Կարմիր կիրակի . աս ալ ժողովրդական հանդէս մըն է, որովհետև շատերը կանաչնալէն ետքը նախևառաջ կարմիր կակաչներով կը զարդարուին :

Թեւաղորդիւններ . — Կիրակի առտու կանուի ինչ պատահեցաւ — Այդ միջոցին արմըք դացած էին Յիսուսի գերեզմանը . — Ո՞ր վաղեց քաղաք : — Ս. Յարութիւնն ի՞նչ տօն կը կոչուի : — Ասոր յիշատակն ինչի՞ հետ կապուած է : — Ե՞րբ կրնաք կատարել Զատիկը : — Քանի՞ օր Զատիկ է : — Կիրակիներն ինչի՞ նուիրուած են : — Ինչ հրահանգներ կան : — Հին Հայոց Զատիկն ինչի՞ տօն էր : — Ս. Յարութիւնն ինչի՞ Զատիկ կոչուած է : — Զատկին ի՞նչ սովորութիւն կայ : — Կարմիր հաւկիթն ե՞րբ կը ներկեն : — Բուն բարեկենդանի : — Ո՞ր օրերը Յինունք կը կոչուին : — Այդ օրերն ուտիք են թէ պահք :

— Զատկին յաջորդող կերակներն ինչ անունով կը կոչուին: — Ինչու  
կ'ըսուի կրկնազատիկ: — Կանաչ կերակին ինչի՞ յիշատակ է: — Ո՞ր  
եկեղեցւոյ յատուկ է եկեղեցւոյ տօն կատարել: — Ինչու կը կոչուի  
Կանաչ կերակի: — Կարմիր կերակի:

Ք Ր Ի Ս Տ Ո Ս Ի Չ Ա Մ Բ Ա Ր Ձ Ո Ի Մ Ը

Քրիստոս իր յարութենէն ետք 40 օր ալ մնաց երկ-  
րիս երեսը, և յաճախ կ'երեւայ իր աշակերտներուն: Քրիստոս երբ վերջին անգամ երեւցաւ, անոնց ըսաւ: «Ինչք  
Երուսաղէմէն մի՛ հեռանաք, այլ սպասեցէք Ս.  
Հոգւոյն գալստեան: Անիկա քանի մը օրէն պիտի իջնէ  
ձեր վրայ և դուք պիտի ստանաք զօրութիւն Իմ մասիս  
վկայելու:» Այս ըսելով՝ տարաւ զանոնք Ձիթենեաց լեռը  
և հոն պատուիրեց երթալ քարոզել ժողովուրդին և մկրտել  
«Յանուն Հօր և Որդւոյ և Հոգւոյն Սրբոյ:» Յետոյ բարձ-  
րացնելով իր ձեռքերը՝ օրհնեց զանոնք ու իր յարուցեալ  
ու հոգեւոր մարմնով երկինք համբարձաւ: Աշակերտները  
երկրպագութիւն ըրին և ուրախութեամբ դարձան Երու-  
սաղէմ:

Տօնք. — Այդ խորհրդական տօնը կը կատարուի  
Զատկին քառասներորդ օրը, Հինգշաբթի, որ կրնայ  
հանդիպիլ Ապրիլ 30էն մինչև Յունիս 3: Համբարձման  
տօնը կ'երեւայ որ մեծ նշանակութիւն չունէր շաբթուան  
մէջ իյնալուն, թէև Միջին դարերուն գլխաւոր Տէրու-  
նիներու ձեւն առած էր, վասն զի Նախասօնակ անգամ  
չունէր: Խրիմեան Հայրիկ սահմանեց այս Նախատօնակը:  
Համբարձումէն Հոգեգալուտ տասը օրերը՝ առանց յատկ-  
ապէս Համբարձման տօն ըլլալու, Յարութեան շարա-  
կաններ ու սաղմոսներ կ'երգուին: Համբարձման նու-  
իրուած շարականներ ու սաղմոսներ ալ կան:

Համբարձման արտականք.

«Համբարձաւ Տէր մեր յերկինս՝

Ասելով աշակերտացն.

Նստարուք ի քաղաքիդ յերուսաղէմ,

Մինչև զգեկնուցուք զգօրութիւն ի բարձանց:»

Թարգմ. — «Մեր Տէրն երկինք համբարձաւ՝ ըսելով  
աշակերտներուն. Երուսաղէմ քաղաքին մէջ սպասեցէք  
մինչև որ երկինքէն (Ս. Հոգւոյն) զօրութիւնը — շնորհը  
ստանաք:»

«Միաբանեալ սուրբ առաքեալքն

Միախոհ և միակրօն՝

Միաբան նստէին ի սուրբ վերնատունն

Եւ ակն ունէին Գալստեան Ս. Հոգւոյն:»

Թարգմ. — «Ս. Առաքեալները մէկ սիրտ, մէկ հոգի  
դարձած ու վերնատունը նստած՝ կ'սպասէին Ս. Հոգւոյն  
գալստեանը:»

Վիճակ. — Համբարձման տօնը Վիճակ ալ կը կոչ-  
ուի, որովհետև Քրիստոսի Համբարձումէն ետք, առաք-  
եալներն ու աշակերտները ժողով ըրին՝ Յուդայի տեղ  
մէջն ընտրելու և տասներկու թիւը լեցնելու համար:  
Վերջնական կերպիւ մէկու մը վրայ չկրնալով որոշում  
տալ՝ երկու ընտրելիներ զատեցին — Յովսէփ Յուստոսն  
ու Մատթիան — և այս երկուքին վրայ վիճակ ձգեցին.  
Վիճակն ելաւ Մատթիայի:

Ասոր հետեւելով՝ այդ օրը ժողովուրդը վիճակ կը  
ձգէ իրենց բախտին՝ մասնաւոր երգերով, հանդէսով և  
ուրախութեամբ:

Զատկէն Համբարձում 40 օր ուտիք է բոլորովին՝  
աղուհացի փոխարէն և մասնաւոր Քրիստոսի այն խօս-  
քին համար թէ ցո՛րչափ Քրիստոս իր աշակերտներուն  
հետ է, անոնք չեն պահեր:

ՀՈԳԵԳԱԼՈՒՍ

Քրիստոսի խոստման համեմատ Զատիկին յիսունե-  
րորդ օրը, առտուան ժամն իննիս, յանկարծ լսուեցաւ  
հնչիւն մը սաստիկ հովի նման ու լեցուց բոլոր տունը՝  
Աշակերտներէն իւրաքանչիւրին գլխին վրայ հրեղէն  
լեզուներ երեւցան ու ամենքը լեցուեցան Ս. Հոգւով և  
սկսան խօսիլ զանազան լեզուներ: Այսպէս Ս. Հոգին  
իջաւ անոնց վրայ և տուաւ զօրութիւն ու շնորհք  
քարոզելու և բժշկելու:

Տօնը. — Այդ տօնը կը կոչուի Հոգեգալուստ որ  
Համարձուէն 10 օր ետք կը կատարուի: Հոգեգալ-  
ուստը Մայիս 10 էն Յունիս 13 կրնայ հանդիպիլ:

Հին դարերու մէջ մէկ օր միայն կը տօնէին Հոգե-  
գալուստն և Հոգեգալուստեան յաջորդ օրէն կ'սկսէր Եղի-  
ական պահքը: Ծնորձային կարգադրեց որ ամբողջ շա-  
բաթն ի պատիւ Ս. Հոգւոյն տօն կատարուի, յատուկ  
շարականներով ու ընթերցուածքներով զարդարեց և  
եկեղեցւոյ մէջ կատարած կարգը փոխեց, բայց կերտ-  
կուրի պահքը չվերցուց:

Պենտեկոստե. — Հոգեգալուստը Պենտեկոստե օր  
կը կոչուի որ յունարէն կը նշանակէ «Յիսներորդ», այ-  
սինքն յիսուն օրերու վերջինը, Հրեայները զայն կը հաշ-  
ուէին սկսեալ այն վերջին Զատիկէն զոր Եգիպտոսի մէջ  
ըրին ու անմիջական ճամբայ ելան: Այնուհետեւ Եգիպ-  
տոսի Զատիկին յիշատակը յաւերժացնելու համար՝ Պաւս-  
թին = Զասկիկն յիսներորդ օրը կը տօնէին զայն: Ս. Հո-  
գին այդ օրն իջաւ առաքեալներու վրայ:

Պենտեկոստէն հայացուցած են Յիևուևի բառով:

Հոգեգալստեան շարականը.

«Առաքելոյ Աղաւնոյ  
Իջանելով մեծածայն հնչմամբ ի բարձանց  
Ի նմանութիւն լուսոյ փայլման՝  
Հրաղինեաց զանկիղելի զաշակերտան,  
Մինչդեռ նստէին ի Ս. Վերնատան:»

Թարգմ. — «Ղրկուած Աղաւնին վերէն բարձրածայն  
հնչմամբ իջաւ լուսոյ փայլման պէս ու հրաղինեց ան-  
կիղելի աշակերտները, երբոր անոնք Վերնատունը  
նստած էին:»

Թեւադրութիւններ. Քրիստոս քանի՞ օր Ֆեաց երկրի երեսը,  
— Յիսուս վերջին անգամ ի՞նչ պատուիրեց. — Ո՞ր տարու աշա-  
կերտները. — Ի՞նչ ի՞նչ եղաւ. — Համարձման տօնն ե՞րբ կը կատա-  
րենք. — Նախատօնակ ունի՞. — Ո՞րն է Երազկանը. — Համարձման  
տօնն ի՞նչ ալ կը կոչուի. — Ինչո՞ւ. — Ժողովուրդն ի՞նչ սովորութիւն  
ունի. — Ինչո՞ւ ուսիք է Զատիկէն Համարձուած. — Ս. Հոգին ե՞րբ իջաւ  
առաքեալներուն վրայ. — Որպիտ՞ շնորհքներ ստացան. — Ի՞նչ կը  
կատարենք Հոգեգալուստը. — Քանի՞ օր կը տօնենք. — Ո՞վ կար-  
գադրեց. — Հոգեգալուստն ի՞նչ ալ կը կոչուի. — Ի՞նչի յիշատակ է.  
— Պենտեկոստէին հայերէնն ի՞նչ է. — Ո՞րն է Երազկանը:

ՎԵՐԱՓՈՒՍՈՒՄՆ Ա. ԱՍՏՈՒԱԾԱԾՆԻ

Յիսուս Խաչի վրայէն պատուիրեց Յովհաննէս ա-  
ռաքեալին որ իր մօրը խնամք տանի: Այն օրէն սկսեալ՝  
16 տարի Մարիամ Յովհաննէսի քով կ'ապրէր մինչև իր  
մահը:

Վախճանելէն առաջ փափաքեցաւ տեսնել բոլոր  
առաքեալներն որոնք Հոգեգալուստէն ետքը ցրուած  
էին զանազան երկիրներ քարոզելու համար: Բոլոր ա-  
ռաքեալները, բացի Հայաստան քարոզող Ս. Բար-

Թողիմէնս առաքեալէն, եկան Երուսաղէմ ու անոր վախճանը տեսան: Անոնք վառած լապտերով ու սաղմոսերգութեամբ Աստուածամօր մարմինը տարին ամփոփեցին Գեթսեմանի պարտէզին մէկ այրին մէջ: Թաղման Գօրն եկաւ Ս. Բարթողիմէոս՝ Հայոց առաքեալը: Ասոր խնդրանքով առաքեալները բացին այն այրն ուր Տիրամօր մարմինն ամփոփուած էր: Բայց ո՞րքան զարմացան, երբ տեսան թէ Յիսուս Քրիստոս հրեշտակներու ձեռքով Իր մօր մարմինն երկինք տարած էր = Վերափոխած էր: Ս. Բարթողիմէոս շատ ցաւեցաւ որ չկրցաւ Տիրամայրը տեսնել: Միւս առաքեալները Ս. Բարթողիմէոսը մխիթարելու համար՝ Ս. Աստուածածնի պատկերն անոր ընծայեցին: Ս. Բարթողիմէոս Հայաստան դառնալու առեն, Տիգրիսի ափը՝ Կանգուար բերդի մօտ Հոգեւոց վանքը շինեց ու այս պատկերը հոն դրաւ:

Տօճը. — Ս. Աստուածածնի վախճանման = վերափոխման յիշատակն է այդ տօնն որ Աստուածածին, Փոխումն, Ննջումն ալ կը կոչուի պարզապէս Որովհետեւ եկեղեցին կ'ընդունի թէ Քրիստոս ինքնին եկաւ իր մայրը փոխադրելու. տօնին յիշատակութիւնը կը կատարուի Գալուս ի փոխումն մօր բացատրութեամբ: Վերափոխումը հինգ տաղաւարներէն մէկն է. և կը կատարուի Օգոստոս 15ին մերձակայ, այսինքն Օգոստոս 12էն մինչեւ 18 հանդիպող կիրակին: Ունի շարքիմ պահք, նաւակատիք, մեռելոց՝ տաղաւար ըլլալուն համար: Աւելի հին դարերու մէջ երեք օր միայն կը կատարուէր, սակայն Շնորհալուոյն կարգադրութեամբ հիմայինն օր կը կատարուի կիրակիէն մինչեւ միւս երկուշաբթի:

Եւ որովհետեւ ամէն օր մեր աղօթքներու մէջ Ս. Աստուածածնի բարեխօսութիւնը կը խնդրենք, եկեղեցին կ'երգէ:

«Փառաւորեալ և օրհնեալ միշտ Ս. Կոյս Աստուածածին Մարիամ, Մայր Քրիստոսի, մատո՞ զաղաչանս մեր Որդւոյ քո և Աստուծոյ մերոյ:»

«Ո՛վ դու փառաւորեալ ու օրհնեալ միշտ Ս. Կոյս Քրիստոսի Մայր, Աստուածածին Մարիամ, մեր աղօթքը հասցո՛ւր քու Որդւոյդ և մեր Աստուծոյն:»

Խաղողօրհնէք. — Ամէն պողաբերութեան երախայրիքն օրհնութեամբ նուիրել Աստուծոյ թէ և ոչ օրէնք, զոնէ բարի սովորութիւն մըն է: Խաղողն իբր խորհրդանշան Հաղորդութեան՝ կ'օրհնուի եկեղեցւոյ մէջ հանապէս ու ծիսական կարգադրութեամբ Ս. Աստուածածնի օրը, ո՛չ այնչափ տօնին հետ ներքին կապեցութեամբ, որքան եղանակին յարմարութեան ու խաղողներուն հասունալուն պատճառաւ: Տեղ տեղ ուր խաղողն աւելի կանուխ կը հասնի, Վարդավառին կ'օրհնեն զայն:

Ս. ԱՍՏՈՒԱԾԱԾՆԻ ՄԻՒՍ ՏՕՆԵՐԸ

Տիրամօր յիշատակը փառաւորելու համար՝ եկեղեցին Աստուածածնի անուան եօթը տօներ հաստատած է այլ և այլ ժամանակներ: — Յղութիւն Ս. Աստուածածնի, Ծնունդ Ս. Աստուածածնի, Ընծայումն Ս. Աստուածածնի, Վերափոխումն, Գիւտ Տփոյ, Գիւտ Գօտոյ:

1. Գիւտ Տփոյ. — Ս. Աստուածածնի սնտուկին զիւան է Գիւտ Տփոյ, Կ'աւանդուի թէ երկու Պոլսեցի յոյն պալատական եղբայրներ՝ Գալբոս ու Կանդիդոս Երուսաղէմ ուխտի երթալով՝ զանազան տեղեր պտտած աւտեննին կը լսեն թէ Գալիլիոյ անուան անյայտ մէկ գիւղին մէջ հրեայ պառաւի մը տանը մէջ հրաշքներ կը գործուին: Հետաքրքրուելով՝ կը տեսնեն հոն փոքրիկ սնտուկ մը որուն մէջ պահուած էր Ս. Աստուածածնի գլխուն շա-

ջակը : Իրենք ալ ուխտի կ'երթան և վրան ծածկոց մը զնեղու պատրուակաւ լաջակին մատուկը կը վերցընեն , չիտակ Կ. Պոլիս կը բերեն Լեւոն կայսեր օրով (457—474) և մեծ թափօրով կը գետեղեն Ս. Աստուածածնի եկեղեցին : Յունաց մէջ Յունիս Չին կը կատարուի ատոր տօնը : Սիմէոն կաթողիկոսն էր որ 1774ին այդ տօնը մեր մէջ մտցուց :

2. Գիւլս Գօսլոյ . — Ե. դարուն սկիզբն Երուսաղէմի մէջ Ս. Աստուածածնի պատկանող դօսի մը երեւան կ'ելլէ ու Կ. Պոլիս բերուելով՝ Աստուածածնի եկեղեցւոյն մէջ կը պահուի և կ'ըլլայ բարեպաշտական առարկայ մը : Այդ Գիւլս Գօսլոյն կը տօնեն Օգոստոս 31ին : Այս տօնն ալ Սիմէոն կաթողիկոսի օրով մեր մէջ մտաւ և զայն կը տօնենք Աստուածածնի Գ. կիրակին :

**ԹԵՂԱՊՐՈՒՔԻՆԵՐ.** — Յիսուս Խաչին վրայէն ի՞նչ պատուի-րեց Յովհաննէսին . — Ս. Աստուածածին վախճանալէն առաջ ի՞նչ փափաքեցաւ . — Ո՞ր առքեալը չհասաւ . — Ի՞նչպէս թաղեցին . — Ս. Բարթողիմէոս ե՞րբ հասաւ . — Առքեալներն ի՞նչ տեսան . — Առքեալները Ս. Բարթողիմէոսի ի՞նչ ընծայ ըրին . — Ի՞նչու . — Վե-րափոխման տօնն ի՞նչի յիշատակ է . — Ուրիշ ի՞նչ կը կոչուի . — Ե՞րբ կը կատարենք . — Հիմոյ քանի՞ օր տաւջ է . — Ո՞վ կարգադրեց . — Ո՞րն է Ս. Աստուածածնի ազօթքը . — Ատով ի՞նչ կը խնդրենք . — Խաղաղօրհնէքն ե՞րբ կը կատարենք . — Ի՞նչու . — Ուրիշ տեղեր ի՞նչ կ'ընեն . — Յոյներն ե՞րբ կ'օրհնեն . — Ո՞րոնք են Ս. Աստուածածնի միւս տօները . — Ի՞նչ է Գիւս Տիոյ . — Ե՞րբ ու ի՞նչպէս գտնուեցաւ . — Տօնն ե՞րբ հաստատուեցաւ . — Ի՞նչ է Գիւս Գօսլոյն . — Ե՞րբ ու ի՞նչպէս գտնուեցաւ . — Տօնն ե՞րբ հաստատուեցաւ :

Խ Ա Զ Ի Տ Օ Ն

Ընդհանրապէս «Խաչ» ըսելով կ'իմանանք նոյն իսկ այն քառաթեւն որ ծառայած է Քրիստոսի խաչելութեան և կը կոչուի Խաչախաչ , Կենաց յիւս :

Խաչին պատին ու նոյն իսկ պաշտօնն ընդհանուր է ամէն եկեղեցիներու մէջ , ազօթքներ կ'ուղղուին Խաչին , կը բարձրացնեն Խաչին զօրութիւնը , Խաչին կը վերագրեն սյնպիսի ձիրքեր ու արդիւնքներ որ անձերու սեփական են և ոչ թէ իրերու , մինչև իսկ Խաչը կը նկատուի միջնորդ ու գործիչ :

Բայց բուն Խաչին վերաբերեալ ամէն պարագայները կ'ընծայենք ամէն արհեստակերտ խաչի ալ եթէ օծեալ ըլլայ , հոգ չէ թէ ի՞նչ նիւթ է ըլլայ : Խաչին վերագրած պատին ու պաշտօնը , գովեստն ու արդիւնք կ'ուղղինք Խաչեալ Փրկչին : Խաչը փրկութեան իբրև գործիք կ'անձնաւորէ իրեն մէջ նոյն Խաչեալ Փրկչին անձնաւոր-ութիւնը : Այդ տեսութեամբ եկեղեցւոյ մէջ հաստատուած են Խաչի տօներն որ կապակցութիւն ունին պատմական պարագայի մը հետ : Երբ խաչելութեան յիշատակով կը փառաւորենք Խաչը , Խաչեալ Փրկչին է որ կը պաշտուի :

Մեր եկեղեցին կը կատարէ սա՛ խաչի տօները : 1. Երեւման խաչ , 2. Խաչվերաց , 3. Վարազայ խաչ ու 4. Գիւլս խաչ :

Ե Ի Ե Ի Մ Ա Ն Խ Ա Զ

Կիրեղ Երուսաղէմի Հայրապետը պաշտօնի անցած ատեն տեղի ունեցաւ Խաչին երեւումն Երուսաղէմի մէջ : 351ին Հոգեգալստեան առտուան ժամը 3ին անաւոր մեծութեամբ լուսաւոր Խաչ մը երեւցաւ երկնքի վրայ , մէկ ծայրը Գողգոթայի և միւսը Զիթնեաց լեռան վրայ : Ասիկա շատ ժամեր տեւելով՝ Երուսաղէմի բոլոր ընակ-իչներէն տեսնուեցաւ որ զղջումով ու բարեպաշտու-թեամբ սկսան եկեղեցի դիմել : Այս երեւման պատմու-թիւնը զբուեցաւ նոյն իսկ Կիրեղէն որ զայն զրկեց Կ. Պոլիս կոստանդիանոս Բ. կայսեր : Ասիկա հիմայ մեր եկեղեցւոյ մէջ կը կատարուի իբր ընթերցուածք :

Յոյներն այդ Երեւման տօնը կը կատարեն Մայիս 7ին, թէև 351 Մայիս 19ին հանդիպեր է, իսկ մենք կը կատարենք զայն Յիւնանց ե. կիրակին, Չատկէն 28 օր ետքն որով այս տօնն ապրիլ 19էն մինչև Մայիս 23 կրնայ հանդիպիլ:

Խ Ա Ձ Վ Ե Ր Ա Յ

Խաչվերացն որ կը կոչուի նաև Վերացման խաչ ամէնէն հինն է Խաչի տօներէն: Իր պատմական սկզբնաւորութիւնն ալ մինչև Քրիստոնէութեան սկիզբը կը բարձրանայ, որովհետև Խաչը վերացնելու և փառաւորելու առաջին գործողութիւնը կ'ընծայուի Տեառն եղբայր Յակոբ առաքեալին որ Երուսաղէմի առաջին եպիսկոպոսն եղած է: Ասիկա Խաչը բարձրացնելով ի տես ժողովրդեան՝ «Խաչի քո, Քրիստոս, երկրպագեմք» օրհնութիւն — աղօթքն ըսած է: Խաչին փառաբանութեան երկրորդ պարագայն Գիւտ Խաչն, իսկ երրորդ պարագան ալ Խաչին վերադարձն է:

Տօնը. — Մեր եկեղեցին որ մեծ տօները կիրակի կը փոխադրէ, Խաչվերացի տօնն ալ կը կատարէ Սեպտ. 14էն ետքը կամ առաջ հանդիպող մերձաւորագոյն կիրակին, որ է Սեպտ. 11էն 17 օրերուն մէջ հանդիպող կիրակին: Տօնին յիշատակութիւնը կապ ունի թէ՛ Տեառնեղբոր, թէ՛ Գիւտ Խաչի և թէ՛ Խաչի վերադարձին, բայց գլխաւորը կը նկատուի Տեառնեղբայր Յակոբ առաքեալէն մնացած աւանդութիւնը:

Ս. Խաչին գերութիւնը Պարսկաստան. — Խոսքով Պարսից թագաւորն ուզեց վրէժը լուծել իրեն սիրելի բարեկամ Հայկազն Մօրիկ կայսեր մահուան զոր Խոսքով Փոկաս կայսրը սպաննել տուած էր 602ին: Ուստի Խոսքով յարձակեցաւ Յունաց սահմաններն և հասաւ մինչև

Քաղկեդոն և յետոյ դարձաւ Կարին: Եւ որովհետև Հայոց նախարար Մուշեղ Մամիկոնեանի դէմ թշնամութիւն կը տածէր, զօրք զրկեց Տարօն որ Մուշեղը գտնեն ու սպաննեն:

Այդ միջոցին Տարօնի Իննակնեան վանքի մօտ կը բնակէին «եօթն խոտածարակ» ճգնաւորներ որոնք նախատակուեցան 604ին Պարսից զօրքերէն:

Երբ 610ին Ա. փրիկէի իշխան Հերակլ սպաննելով Փոկասը՝ ինք գրաւեց կայսրութեան գահը, Խոսքով արշաւեց Պաղեստին, առաւ Երուսաղէմ քաղաքը, 30,000 հօգի ու Քրիստոսի Խաչափայտը գերի տարաւ Պարսկաստան. Խաչափայտը դրաւ իր բազինին մէջ ուր մնաց մինչև 629:

Հերակլ յարձակեցաւ Խոսքովի վրայ որ վախէն փախաւ Սելևկիա, յետոյ դարձաւ Տիգրսն: Խոսքովի որդին՝ Կառաւ հայրը սպաննեց ու ինք թագաւորեց: Ասոր յաջորդեց Արտաշէս մահուկը: Հերակլ երբ լսեց այս փոփոխութիւնը, Խոսքովի փեսայ Խոռէմի խոտացաւ օգնել ու թագաւոր կարգել, եթէ յանձն առնէ դարձնել Խաչափայտը: Խոռէմ յօժարակամ ընդունեց այս առաջարկութիւնն ու Խաչափայտը պատուով դարձուց Երուսաղէմ: Հերակլ ինք անձամբ եկաւ Երուսաղէմ և իր ուսին դրած Ս. Խաչը՝ տարաւ բարձրացուց խորանն և կարգեց Վերացման Խաչի տօն Սեպտ. 14ին:

Վ Ա Ր Ա Գ Ա Յ Խ Ա Ձ

Ս. Հռիփսիմէ իրեն հետ բերած էր բուն Խաչափայտէն մաս մը զոր ի վերջոյ պահած էր Վան քաղաքին մօտ Վարագ բարձրերան վրայ Գալիլիա կոչուած ժայռին մէջ: Այդ Խաչափայտի մասը լուսաւոր տաճարի տեսիլքով յայանեցաւ Թողիկ ու Յովէլ ճգնաւորներ:



ւորներուն 653ին և տեղէն ելլելով՝ եկաւ հանգչեցաւ վարագայ վանքին եկեղեցւոյն տեղը:

Վարագայ վանքին մէջ հանգչող Խաչատրայան աւելի ավորական կերպով կոչուեցաւ Ս. Նշան: Տօնը կը կատարուի Խաչվերացէն 15 օր ետք, այսինքն Սեպտ. 25էն մինչև Հոկտ. 1 հանդիպող կիրակին:

Վարագայ խաչը շարաթապահք ալ ունի որ Աշնանամուտի պահքն է:

Վարագայ խաչի շարականք.

«Նշանաւ ամենայաղթ խաչիւղ քո, Քրիստոս, պահպանեա՛ զմեզ, մարդասէր, յաներեւոյթ թշնամւոյն. զի դու մրայն ես թագաւոր փառաց, օրհնեա՛լ յաւիտեան:»

Գ Ի Ի Տ Խ Ա Ձ

Օրէնք էր որ մահապարտներու և մանաւանդ խաչաւաններու մարմինն ալ իրենց տեղը կը մնար: Քրիստոսի մարմինը Պիղատոսի հրամանաւ թաղում ունեցաւ. բայց Խաչը մնաց Գողգոթայի վրայ միւս խաչերուն հետ և հոն թաղուած մնաց, որովհետև իբր նախատինք Քրիստոնէութեան՝ Գողգոթեան աղբիւս գործածուեցաւ: Այսպէս շարունակեց երեք հարիւր տարի: Մեծն Կոստանդինոսի մայրը բարեպաշտ Հեղինէ թագուհին 326ին Երուսաղէմ գնաց ու այցելեց այն տեղերը, ուր Քրիստոս ծնած, քարոզած, չարչարուած ու խաչուած էր: Անիկա ուղեց գտնել այն խաչն որուն վրայ Յիսուս բարձրացած էր: Յուդա անուն բանգէտ հրեայ մը Գողգոթային տեղը յայտնեց: Թագուհւոյն հրամանաւ պեղեցին ու 20 թղաչափ խորութեան տակ գտնուեցան երեք խաչեր քովէ քով, բայց կարելի չեղաւ Քրիստոսի Խաչը միւս երկու աւաղակներու խաչերէն զատել: Նոյն պա-

հուն մեռած պատանւոյ մը դիակը հետզհետէ խաչերուն վրայ դրին՝ հրաշքի սպասելով: Ու երբ երրորդին վրայ ննջեցեալը յարութիւն առաւ, Քրիստոսի բուն Խաչը նանջողեցաւ: Յուդա հրեայն Քրիստոնէութիւնն ընդունեց որ յետոյ Կիւրեղ եպիսկոպոսն եղաւ ու իր մօրը Աննայի հետ նահատակուեցաւ: Երուսաղէմի այն ատենուան պատրիարքը Մակար Փրկչի Ս. Խաչը կանգնեց բարձր տեղ մը, ժողովուրդը ծունր դրաւ Խաչին առջև ու երկրպագեց: Յետոյ Խաչն Երուսաղէմի Մայրտաճարին մէջ գետեղուեցաւ ու հոն մնաց 400 տարի:

Մենք Գիւտ Խաչը կը տօնենք Խաչվերացի է. կիրակին որ կրնայ հանդիպել Հոկտեմբեր 23 էն 29:

Ե Կ Ե Ղ Ե Յ Ի Ո Յ Տ Օ Ն Ե Ի

Եկեղեցւոյ նշանակութիւնը. — Եկեղեցին Աստուածային հաստատութիւն մըն է ու Քրիստոսի փրկագործութեան արդիւնք: Եկեղեցիով ձշմարտութիւններ կ'աւանդուին մեզի, խորհուրդներ կը մատակարարուին, շնորհիքներ կը բաշխուին ու մեղքերու քողարքիւն կը տրուի: Եկեղեցին է մեզի համար Քրիստոնէական մարմնոյ ամբողջութիւնը, անոր գլխին՝ Քրիստոսի հետ միացման նշանն ու հաւատացեալներուն եղբայրութեան կապը: — Եկեղեցին կը ներկայացուի իբրև «տաճար», «տեղան», «խորան», «երկինք», «Աստուծոյ աթոռ», «Քրիստոսի հարս», «հաւատացեալներու մայր» ևլն., որով եկեղեցին կ'ըլլայ բոլոր փրկագործ անօրինութեանց արդիւնք: Այդ նկատողութեամբ արժանի էր որ տօնելի դառնար Եկեղեցին: Եկեղեցւոյ Տօն կը նկատուին 1. Նոր կիրակին, 2. Աշխարհաւստի կիրակին, 3. Էջմիածնի տօնը, 4. Տապաւնակի տօնը, 5. Շողակաքը, 6. Խաչի նաւակախիբը: Ասոնցմէ զատ «Տօն եկեղեցւոյ» կը նշանակեն Խաչ-

վերացի եօթնեակին Գշ., Դշ. ու Եշ. օրերը: Այդ երեք օրերը յիշատակութիւն են նաւակառիքին Հեղինէ Դշխոյի կողմէ Երուսաղէմի մէջ յինուած սա՛ չորս մեծ տաճարներուն. — 1. Ս. Յարութիւն (Գողգոթա), 2. Ս. Ծնունդ (Բեթղէմ), 3. Ս. Հաւքարձուլ (Զիթենեաց) ու 4. Ս. Աստուածածին (Գեթսեմանի):

Յկեղեցւոյ շարականը .

«Լուսով աստուածութեամբ քով, Բրիստո՛ս, լուսաւորեցեր Սուրբ զեկեղեցի, պահեա՛ զսա անշա՛րժ յաւիտեան»:

**Թեկադուրիւններ.** — Խաչին ի՞նչեր կ'ուղղենք. — Խաչն ի՞նչ կը նկատուի. — Խաչ բռելով՝ ի՞նչ կը հասկնանք. — Խաչին ուղղաւորներն որո՞նք կը մատուցանենք. — Ի՞նչաւ համար Խաչի տօն հաստատած են. — Խաչի քանի՞ տօն ունինք. — Ի՞նչ է Խաչվերացը. — Ի՞նչի տօն է. — Պարսիկներն ե՞րբ տան Երուսաղէմը. — Խաչափայտն ի՞նչ բրին. — Ո՞վ ետ դարձուց. — Ե՞րբ. — Ատոր տօնն ե՞րբ հաստատուեցաւ. — Ե՞րբ կրնանք տօնել. — Տօնին յիշատակութիւնն որ պարագայներու հետ կապակցութիւն ունի. — Հին տօնն ի՞նչ սովորութիւն կար. — Խաչն ո՞ւր մնաց. — Ի՞նչու. — Խաչն ե՞րբ գտնուեցաւ. — Ո՞վ էր թեղադրողը. — Ի՞նչպէս ճանչցուեցաւ Բրիստոսի Խաչափայտը. — Ո՞վ գրեց Գիււտ Խաչին պատմութիւնը. — Ե՞րբ կը տօնենք. — Ո՞րն է Գիււտ Խաչի շարականը. — Ուրիշ ե՞րբ կ'երգենք. — Խաչն ե՞րբ երեցաւ. — Ի՞նչպէս երեցաւ. — Ժողովուրդն ի՞նչ բրաւ. — Ո՞վ գրեց պատմութիւնը. Մեր եկեղեցին տարկա ի՞նչ կ'ընէ. — Ո՞րն է Երևմտն Խաչի շարականը. — Ո՞վ աւած էր Խաչափայտէն մաս մը. — Ո՞ւր պահեց. — Ո՞րոնք երեցաւ. — Վարապայ Ս. Խաչն ե՞րբ հաստատուեցաւ. — Ո՞վ հաստատեց. — Միւս եկեղեցիներն ունին. — Ի՞նչ կը կոչուի. — Ե՞րբ կը տօնենք. — Ո՞րն է շարականը. — Եկեղեցին ի՞նչ նշանակութիւն ունի. — Ի՞նչպէս կը ներկայացուի. — Ո՞րոնք են Եկեղեցւոյ տօները. — Ուրիշ եկեղեցիներն ունին այս տօները. — Ուրիշ որ տօներն Եկեղեցւոյ տօն կը նկատուին. — Ուրիշ ե՞րբ կը կատարուի Եկեղեցւոյ տօն. — Ո՞րն է Եկեղեցւոյ շարականը:

Ե. ՍՐԲՈՅ ՏՕՆԵՐ

Յկեղեցին կը տօնէ Հին ուխտէն ու Բրիստոնէութեան առաջին հինգ դարերէն առնուած սուրբերը: Իսկ Ե. դարէն ետք միայն Հայ եկեղեցւոյ սեպհական սաւակաւթիւ սուրբեր աւելցած են: Ատոր համար է որ կան սուրբեր զոր մենք չենք տօներ, այլ միայն կը յիշատակենք Յայսմաւուրքին մէջ, թէեւ կը տօնեն յոյներն ու շատիները:

Շարթուն մէջ միայն ուտիք օրերը՝ Բշ. Գշ. Եշ. ու Ծբ. օրերը սրբոց յիշատակներ կը կատարուին, բայց ոչ կիրակի և ոչ պահոց օրեր:

ԱՒԱԳ ՏՕՆԵՐ

Աւագ տօն կը կոչուին սրբոց չորս յատուկ տօներն որ Աստուածայայտնութեան պահքէն առաջ կը կատարուին հետզհետէ և կը նկատուին իբրև վկայ Բրիստոսի Ծննդեան: Այս չորս տօներն են, 1. Դաւիթ Մարգարէ և Յակոբ Տեառնեղբայր. 2. Ստեփանոս Լախալկայ, 3. Պետրոս ու Պողոս առաքեալներ, 4. Որդիք Որոսման՝ Յակոբոս Գլխադիր ու Յովնաննիս Աւեսարանից:

Աւագ տօներուն յատկանիշն եղած են Լախասօնակն ու Այսօր դասք երգը, որոնք վերջին կարգադրութեամբ Առաջին Լուսաւորչաց՝ Թաղէոս ու Բարթողիմէոս սրբազան առաքեալներուն և Գրիգոր Լուսաւորչի երեք տօներուն ալ կատարուելուն՝ կերպով մը Աւագ տօներուն պատուոյն բարձրացած կը համարուին անոնք:

ԴԱԻԻԹ ՄԱՐԳԱՐԷ ԵՒ ՅԱԿՈԲ ՏԵԱՌՆԵՂԲԱՅՐ

Դաւիթ իբրև թագաւոր օրինակ էր Աստուածորդւոյն համաշխարհային թագաւորութեան: Դաւթի թագաւորութեան ցեղը հոգեւորապէս կենդանացաւ Միածին Որդւոյն Աստուածային անձին մէջ, որովհետև Քրիստոս Դաւթի զաւակ էր մարմնաւոր տեսակէտով: Ուստի Քրիստոս կոչուած է «Որդի Դաւթի»:»

Յակոբայ Ալփեայ առաքեալն որ Քրիստոսի մերձաւոր զգաւորներէն մէկն էր՝ կոչուած է Տեառնեղբայր. կը կոչուի նաև Առդար: Ասիկա եղաւ Երուսաղէմի Առաջին եպիսկոպոսն որ քարկոծմամբ նահատակուեցաւ Քրիստոսի 62 թուականին:

Շարականք .

«Յաղթող գտաւ յօրհնաբանս երանելին Դաւիթ, որ զօրացաւ ի վերայ այլազգւոյն և հաւատով պարտեաց զանօրէն զԳողիաթ. զմարգարէն արասցուք բարեխօս առ Տէր վասն անձանց մերոց:»

ՍՏԵՓԱՆՈՍ ՆԱԽԱՎԿԱՅ

Ստեփանոս մէկն էր այն եօթն սարկաւագներէն զոր առաքեալները ձեռնադրութեամբ կարգեցին Ս. Սեղանին սպասաւոր, եկեղեցական գոյքերու և ստացուածքներու պահպան և կարօտեալներու խնամակալ: Արդի աղքատականներու պաշտօնը:

Ստեփանոս Քրիստոնէական հաւատքով, յուսով ու սիրով լի՝ Քրիստոնէութիւնն աներկիւղ քարոզեց և հրեայներուն խստաբարտութիւնը յանդիմանեց: Ասոր համար

քարկոծմամբ նահատակուեցաւ և եղաւ Քրիստոնէական հաւատքի առաջին մարտիրոսը:

Շարականք .

«Նահաաակ բարի Քրիստոսի եղեր այսօր ի միջի մերում և մտեր ի վերնատունն խորհրդոյ յաւիտեականի:»

ՊԵՏՐՈՍ ՈՒ ՊՕՂՈՍ ԱՌԱՔԵԱԼՔ

Պետրոս որ երբեմն կը կոչուէր Սիմոն՝ եռանդազին սրտով եղաւ ճշմարիտ վկայ Ս. Աւետարանի և իր բնատուր համարձակութեամբ Պենտեկոստէի օրը քարոզելով Քրիստոսի մահն ու յարութիւնը՝ շատերը Քրիստոնէութեան դարձուց: Եւ երբ իր առաքելութեան պաշտօնը կը կատարէր, Ներոն կայսեր յարուցած հալածանքի ատեն զլիսիվար խաչուեցաւ:

Պօղոս որ նախ կը կոչուէր Սօղոս՝ Քրիստոնէութեան սկիզբիմ թշնամին էր: Քրիստոս յայտնուեցաւ անոր, դարձի բերաւ, տուաւ անոր միտք, սիրտ, զօրութիւն ու կարողութիւն որ ըլլայ Քրիստոնէութեան պաշտպան ու Քրիստոնէական հաւատքի տարածման սատարող: Պօղոս Աւետարանական քարոզութեամբ ատելի եղաւ հրեայներուն և երկու անգամ բանտարկութենէ ետք՝ Ներոնի հրամանաւ նահատակուեցաւ:

Պօղոս եղաւ Քրիստոնէութեան Բ. հիմնադիրը:

Շարականք .

«Որ երկրորդումը ընտրելովք լուսաւորչօքն աշխարհի, հաստատեցիք զեկեղեցիք, Քրիստոս, մաղթանօք սոցա խնայեալ ի մեզ:»

ՈՐԴԻՔ ՈՐՈՏՄԱՆ

Չեղեթէոսի որդիները՝ Յակոբոս ու Յովհաննէս կոչուեցան «Որդիք Որոտման»։)

Յակոբոս Պետրոսի ու Յովհաննէսի հետ ականատես եղաւ Քրիստոսի Պայծառակերպութեան։ Պաղեստինի մէջ Քրիստոսը քարոզեց և Հերովդէսի հրամանաւ 44ին նահատակուեցաւ։ Առաքեալներու դասուն մէջ առաջին մարտիրոսն է Յակոբոս «Գլխաղիք»ը։

Յովհաննէս՝ իր անունով կոչուած Աւետարանին խմբագիրը՝ Քրիստոսի սիրելի աշակերտն էր որ Տիրամօր Վերափոխումէ ետք հաստատուեցաւ Եփեսոս—Այսաւորազ։ Քրիստոսի 9 թուականին աքսորուեցաւ Պատմոս կղզին ուր գրեց իր Յայտնութեան զիւրքը։

Շարականը.

«Որ էն յեռութեան որդի միշտ յէն, անեղանելի Ծնունդ հայրական, զոր ի վերուստ հնչեցին Որդիք Որոտման և յայտնեցին որդւոց մարդկան զծածկապէ՛ս խորհուրդ։»

Ս. ԹԱԴԷՈՍ ՈՒ Ս. ԲԱՐԹՈՒԼԻՄԵՆՍ

Քրիստոսի Համբարձումէն ետքը Ս. Թադէոս առաքեալն որ Յիսուսի աշակերտներէն մէկն էր՝ եկաւ Հայաստան, հետը բերաւ Փրկչին կողմուտ գեղարդն և քարոզեց Քրիստոնէութիւնը։ Հիմնեց Արտազու աթոռ և նահատակուեցաւ Սանատրուկ թագաւորէն։ Ս. Թադէոս քարոզեց Աղուանից ու Կապադովկիոյ, և նմանապէս հիմնեց Կեսարիոյ աթոռը։ Եղեսիոյ մէջ Քրիստոսի

հաւատաց Ուրհայաստանի գաւառապետ Ս. Աբգար Ուշամայի—Արշամի որդին որ փայլեցաւ բարեպաշտական Կեանքով։

Ս. Թադէոսէն ետքը Հայոց քարոզեց (65) Ս. Բարթողիմէոս որ Հոգեւոյ վանքը շինեց ու հոն դրաւ Ս. Կոյսին պատկերը։ Յետոյ մորթաղերծ մահով մարտիրոսացաւ Սանատրուկի հրամանաւ։

Ս. Թադէոս ու Բարթողիմէոս Հայերը լուսաւորեցին քրիստոնէական հաւատքով, ասոր համար կոչուեցան մեր Առաջին Լուսաւորիչները։ Հայ եկեղեցւոյ առաքելական քարոզութիւնը կ'սկսի Ս. Թադէոսէն ու Ս. Բարթողիմէոսէն։

Ս. Թադէոս Եղեսիոյ առաջնորդ ընտրեց Ադրիէ խոյրաբարն և բուն Հայաստանի առաջնորդ կարգեց Չաքարիա անունով եպիսկոպոսը։ Չաքարիա ժառանգեց Ս. Թադէոսի չիմնած Արտազու աթոռը։ Ս. Թադէոսի աշակերտն էին Ս. Սանդուխտ կոյսն ու Ս. Ոսկեանք։ Ս. Սանդուխտ կոյսն ու Ս. Ոսկեանք ալ նահատակուեցան։ Հայ եկեղեցին կը ածնէ ասոնց յիշատակը։ Ս. Սանդուխտ որ նահատակուեցաւ իր հօր Սանատրուկ թագաւորին հրամանաւ՝ բովանդակ Քրիստոնէութեան առաջին նահատակուհին է և Հայաստանեայց եկեղեցւոյ սրբածանք։

Ս. Թադէոսի ու Ս. Բարթողիմէոսի նահատակութենէն ետք, հակառակ Քրիստոնէութեան դէմ յարուցուած հալածանքին, Քրիստոնէութիւնը Հայաստանի մէջ տեղ տեղ ծածուկ կը սլաշտուէր մինչև Ս. Գրիգոր։

Սրբազան Առաքեալներուն շարականը.

«Հայրատունի այգւոյն հրեղէն սրբիսպք և բարձր աշտանակք, ոսկեղէն բաժակք և ժիր մատուակք, Հայաստանեայց հայր հոգեւոր Բարթողիմէոս ու Թադէոս։»

**ԹԵՂԻՆՆԵՐԻՆԵՐ.** — Եկեղեցին ի սկզբան ի՞նչ կը տօնէր. — Ե. գարէն ետք ի՞նչ ըրաւ. — Ի՞նչու համար Յոյներն ու Լատինները մեզէ աւելի սուրբեր կը տօնեն. — Ո՞ր օրերը միայն սրբոց տօն կը կատարուի. — Կիրակի օր. — Ո՞ր տօներն Աւագ կը կոչուին. — Ի՞նչու. — Աւագ տօներուն յատկանիշն զ՞ոնք են. — Ո՞րոնք են Աւագ տօները. — Ո՞վ էր Դաւիթ. — Ո՞րոնց վրայ թագաւորեց. — Ի՞նչէր ըրաւ. — Դաւիթ ի՞նչի օրինակ է. — Ո՞րուն հայրն է. — Ի՞նչու Աստուածասայր մարգարէ կոչուած է. — Քրիստոս զ՞ից կոչուած է. — Յակոբ Ալփեան ի՞նչ կոչուած է. — Ի՞նչու. — Ի՞նչպէս նահատակուեցաւ. — Ո՞րն է շարականը. — Ո՞վ էր Ս. Ստեփանոս. Ի՞նչու նահատակուեցաւ. — Ո՞րն է շարականը. — Ս. Ստեփանոսի օրն ի՞նչ սովորութիւն կայ. — Պետրոս առաքեալն ի՞նչ եղաւ. — Պետրոս ե՞րբ և ո՞րու հրամանաւ նահատակուեցաւ. — Առաջ ի՞նչ կը կոչուէր. — Պողոս նախկին անունն ի՞նչ էր. — Ե՞րբ Պօղոս կոչուեցաւ. — Առաջ ի՞նչ էր Քրիստոնէութեան, յետոյ ի՞նչ եղաւ. — Ո՞րն է շարականը. — Ո՞րոնք Որդիք Որտման կը կոչուին. — Յակոբոսի կեանքի պարագայներն զ՞ոնք են. — Առաքեալներուն մէջ ո՞րն է առաջին մարտիրոսը. — Ի՞նչ անունով ծանօթ է. — Ի՞նչ ըրաւ Յովհաննէս — Ո՞ր արարուեցաւ. — Ո՞րն է շարականը. — Որդւոց Որտման տօնին զ՞ից սաղմսը կ'երգեն. — Ուրիշ ե՞րբ այդ սղբատօն սաղմսը կ'երգեն. — Ո՞րոնք և ե՞րբ քարոզեցին Հայոց. — Ս. Թադէոս ուրիշ ո՞ր քարոզեց. — Ո՞ր ամուր հաստատեց. — Չ՞ով եպիսկոպոս դրաւ Եղեփայ. Հո՞յոյ. — Ի՞նչպէս նահատակուեցաւ. — Ո՞րոնք աշակերտեցան Ս. Թադէոսի. — Ե՞րբ և ի՞նչպէս նահատակուեցաւ Ս. Բարթողիմէոս. — Հայոց մէջ Քրիստոնէութիւնն ի՞նչ եղաւ. — Ո՞րն է Հայոց առաքեալներուն շարականը

**Ե. ՎԵՐԱՏԵՍՈՒԹԻՒՆ**

**Ամբողջացուցե՛ք հետեւեալները.**

Աւագ շարած կը կոչուի... — Վեցօրեքը նուիրուած է... : — Բշ... : — Գշ... : — Դշ... : — Պատէք կը կոչուի... : — Յիշատակ է... : — Հրեայները կը կատարեն... : — Ծաղկազարդին... : — Յիսուս Չատկական ընթրիքն ըրաւ... : — Պատուիրեց... : — Յիսուս Առնուայն կատարեց... : — Ասոր յիշատակը կը կատարենք սա՛ արարողութեամբ... : — Յիսուսի թ շնամիներն էին... : — Յուդան մատնեց... : — Յիսուսի թ շնամիները կ'ամբաստանէին... : — Յիսուս... : Խաչին վրայ քրուած էր... : Խաչելութեան աղօթքով կը դաւանինք... : — Պատեցին Յիսուսը... : — Հրեական սովորութիւնն էր... : — Քովը գրին... : — Մեք թագաւոր կը կատարենք... : — Եկած էին Յիսուսի գեթեզմանը... : — Քաղաք վաղեց... : — Չատկի կը կատարենք... : — Չատկի է մեղի... : Հին Հայոց Չատկին էր... : — Չատկին սովորութիւն է... : — Յիսուսը կը կոչուին... : — Չատկի յաջորդը կիրակիներն են... : — Կրկնազատիկը յիշատակ է... : — Կանաչ կիրակին... : — Եկեղեցւոյ յատուկ է... : — Կարմիր կիրակին... : — Քրիստոս Երկրին երեսը մնաց... : — Վերջին անգամ՝ պատուիրեց... : — Աշակերտները տարաւ... : — Յետոյ... : — Համբարձման տօնը կը կոչուի նաև... : — Սովորութիւն է... : — Չատկէն Համբարձում... : — Ս. Հոգին իջաւ... : — Առաքեալները ստացան... : — Հոգեգործութիւնը կը կոչուի նաև... և յիշատակ է... : — Յիսուս Խաչին վրայէն պատուիրած էր... : — Ս. Աստուածածին լախճանէք առաջ... : — Ս. Բարթողիմէոս... : — Առաքեալները Ս. Բարթողիմէոսի... : — Ս. Աստուածածինի աղօթքն է... : — Ասով կը խնդրենք... : Խաղաղ կ'օրհնուի... : — Ս. Աստուածածինի միւս տօներն են... : — Խաչին կ'ուղղենք... : — Խաչը կը նկատուի... : — Խաչ ըսելով կը հասկնանք... : — Խաչի ուղղուածներ... : — Խաչի տօները հաստատած են... : — Խաչվերացը յիշատակ է... : — Խաչը գանուեցաւ... : — Հին ատեն սովորութիւն էր... : — Քրիստոսի Խաչափայտը ճանչցուեցաւ... : — Երևման Խաչը յիշատակ է... : — Վարդապետ Խաչը յիշատակ է... : — Յատուկ է միայն... : — Եկեղեցին կը ներկայացուի... : — Եկեղեցւոյ տօներն են... և միայն յատուկ են :

Չ. Ս. ԳՐԻԳՈՐ ԼՈՒՍԱՒՈՐԻԶ ՈՒ ԻՐ ՀԵՏ ԿԱՊՈՒԱԾ ՏՕՆԵՐ

Հայոց Խոսրով թագաւորին սպաննիչ՝ Անակ Պահ-  
լաւունի նախարարին որդին էր Ս. Գրիգոր Լուսաւորիչ  
որ ծնաւ (257) Վաղարշապատ քաղաքը :

Անակ Պարսկաստանէն փախստական էր և կը վայե-  
լէր Խոսրովի սէրը : Օր մը արքունի որսի ատեն պատեհ  
առիթ գտնելով՝ սպաննեց թագաւորը և փախչելու միջոցին  
խեղդուեցաւ Երասխ գետը : Խոսրով ոգեւժարքի պահուն  
հրամայեց Անակի ընտանիքը բնաջինջ ընել , միայն աղա-  
տեցան երկու մանչ՝ Սուրէն ու Գրիգոր : Սուրէն փախ-  
ցուցին Պարսկաստան , իսկ Գրիգորի Սոփիա դայեակը  
տարաւ զայն Կեսարիա : Սոփիա քրիստոնեայ էր , մկրտել  
տուաւ Գրիգոր դբաւ անունը : Ասիկա քրիստոնէական  
կրթութիւն մը ստացաւ Կեսարիոյ մէջ , ամուսնացաւ  
Մարիամ անունով աղջկան մը հետ և ունեցաւ 2 զաւակ՝  
Վրդանէս ու Արիստակիս :

Ս. Գրիգոր երբ Կեսարիայէն դարձաւ , Տրդատ թա-  
գաւորը հրամայեց անոր որ Հայոց Անանիոս ղիցուհոյն  
արձանի գլուխը ծաղկեայ պսակ դնէ . Ս. Գրիգոր չկա-  
տարեց հրամանն և խոստովանեցաւ թէ ինք քրիստոնե-  
այ է : Տրդատ շատ բարկացաւ և շատ շարշարանքներ  
տուաւ , բայց Ս. Գրիգոր հաւատքը չուրացաւ : Հրա-  
մայուեցաւ որ մահապարաներու գուրը՝ զնտանը = Խոր՝  
Վիրապը նետուն (286)ին :

Ասոր յիշատակը կը տօնենք «Մուսն ի Վիրապ»  
անունով :

Ս. Գրիգոր հոն կենդանի մնաց 15 տարի :

Յետոյ Ատուծոյ հրամանաւ , հրաշափառ տեսիլքով  
Ս. Գրիգոր Խոր Վիրապէն հանեցին (301) որ աղօթքով

բժշկեց ախտաժէտները՝ Տրդատ թագաւոր և իր համա-  
խոհ մեղսակից նախարարները :

Ասոր յիշատակը կը տօնենք «Ելն ի Վիրապէն» ան-  
ունով :

Սյունհետեւ Ս. Գրիգոր քարոզեց Գրիստոնէութիւնն  
և բոլոր նախարարները , իշխաններն ու ժողովուրդը  
հաւատացին Յիսուսի :

Յետոյ Կեսարիա զրկուեցաւ բոլոր ժողովրդին փա-  
փաքին համաձայն Դեոնդիոս Պատրիարքէն Հայոց Հայ-  
րապէս ձեռնադրուելու և դարձին Արածանի գետին  
եղերքը մկրտեց Հայ ժողովուրդը : Եինեց շատ եկեղե-  
ցիներ , բացաւ ուսումնարաններ , սահմանեց եկեղեցա-  
կան տօներ ու Աստուածպաշտութեան կարգը :

Ս. Գրիգոր իր կեանքի վերջին տարիները վարեց  
ձգնաւորական կեանք ու վախճանեցաւ Եկեղեցայ  
(Երզնկայի) Սեպրուհ = Սիբնքոր լեռան Մանեայ այրը :  
Հովիւներ գտան անոր մարմինն և թաղեցին : Յետոյ  
անոր նշխարները տեղափոխեցին Ս. Էջմիածին :

Ասոր յիշատակը կը տօնենք «Գիւտ նշխարաց Ս.  
Լուսաւորչի» անունով :

Ս. Գրիգոր Հայերը քրիստոնէական հաւատքով լուս-  
աւորելուն համար՝ կոչուեցաւ Բ. Լուսաւորիչ , իսկ չար-  
չարանքներ կրելուն՝ Մեծ Խոսուպանոյ :

Այսպէս Հայ եկեղեցին Ս. Գրիգոր Լուսաւորչի ան-  
ունով երեք տօն կը կատարէ — «Մուսն ի Վիրապն» ,  
«Ելն ի Վիրապէն» ու «Գիւտ նշխարաց» :

Վերջինը շարաթապահք ունի :

Շարականք .

«Հովիւ քաջ բանաւոր հօտի՝ Տէր Ս. Գրիգոր , հաս-  
տատեցեր զհիմունս եկեղեցւոյ ի Հայաստան երկրի ի  
Վերայ հիման սուրբ առաքելոցն :»

1. ԱՌԱՋԱԻՈՐԱՅ ՊԱՇՔ

Բուն բարեկենդանէն երեք շաբաթ առաջ կիրակին կը կոչուի Առաջաւորաց Բարեկենդան ու կիրակին յաջորդող եօթնեակին հինգ օրերն ալ՝ Առաջաւորաց Պանի: Այս միջոցին սաստիկ պահք կը պահուի ծովով միասին, և նոյն իսկ Ս. Պատարագ չի մատուցուիր: Պահքին Ուր: օրը կը յիշատակուին Յովանու քարոզութիւնն ու Նինուէի աղաշխարութիւնը, ոչ թէ իբրեւ Ս. Յովնան Մարգարէի տօն, այլ պարզապէս իբրեւ մեծ աղաշխարութեան օրինակ մը: Առաջաւորք կը նշանակէ իբրեւ առաջին պահք որ Լուսաւորիչէն հրամայուած առաջին պահքին յիշատակութիւնն է: Որովհետեւ Լուսաւորիչը վերապէն ելլելէն ետքը, երբ սկսաւ աւետարանել, նախ հինգօրեայ շարունակ ու անուաղ պահքով պարաստեց Հայ ժողովուրդը, Տրդատ Թադաւորը արքայազուն իշխաններն ու նախարարներն ալ միասին բժշկութիւն ու լուսաւորութիւն ընդունելու Նինուէացւոց ապաշխարութեան նմանութեամբ:

Ուրիշ եկեղեցիներ չունին այս պահքը: Այդ պահոց շաբաթ օրը Ս. Մարգարի յիշատակը տօնուելուն՝ պահքն ու բարեկենդանն ալ Ս. Մարգարի անունով կը կոչենք, սակայն այդ պահքին ու բարեկենդանին հետ կապակցութիւն չունին ստոնք:

«Առաջաւորաց պահք»ը Հայոց առաջին աղաշխարութիւնն է:

2. Ս. ՀՈՒՓՍԻՄԵԱՆՔ ՈՒ Ս. ԳԱՅԻԱՆԵԱՆՔ

Ս. Լուսաւորչի հետ կապուած են նաև Ս. Էջմիածնի, Ս. Հոռիսիմեաց, Ս. Գայիսնեանց տօները և այլն: Ս.

Հռիփսիմեանք 40 կոյսեր էին որոնց վերակացուն էր Ս. Գայիսնե: Ս. Լուսաւորչի Խոր-Վերայ եղած ասուն, Տրդատ Թադաւորին հրամանաւ երբ Քրիստոնէութիւնը կը հալածուէր, 301ին նահատակուեցան նախ Ս. Հրո-իսիսիմե, յետոյ իր ընկերուհիները: Ինն օր նահատակներու մարմինը բացօթեայ մնաց: Ս. կոյսերէն Ս. Մանե ու Ս. Նունե միայն զերծ մնացին: Նունէ քարոզեց Վրաց ու Աղուանից:

Ս. Հռիփսիմէ վիզէն կախած էր Խաչափայտէն մաս մը զոր պահեց Վարազայ լերան վրայ հեթանոս հայոց ձեռքը չհիշալու համար և որուն գիւտը կը յիշատակենք «Վարազայ Խաչ» անունով:

Ս. Գրիգոր յետոյ ասոնց մարմինն ամփոփեց ու Ս. Հռիփսիմէի ու Ս. Գայիսնէի դերեղմաններուն վրայ չինց վկայարաններ Ս. Էջմիածնի մօտ:

Ս. ՀՈՒՓՍԻՄԵԱՆԵՆԸ ՇԱՐԱԿԱՆՐ.

«Անձինք նուիրեալք Սիրոյն Քրիստոսի, — Երկնաւոր նահատակք և կուսանք իմաստունք — Ի պարծանս ձեր բարձրացեալ՝ — Տօնէ Մայր Սիրոն դասերովք իւրովք:»

3. ՍՈՒՐԲ ՏՐԴԱՏ

Ս. Տրդատ մղեւանդ հեթանոս էր, սակայն Ս. Գրիգորի ձեռքով ընդունեց Քրիստոնէութիւնը. ջանաց տարածել Աւետարանի կրօնքը Հայաստանի մէջ և դորձակցեցաւ Ս. Լուսաւորչի՝ աղբային ու կղերական բուր ձեռնարկութեանց:

Ս. Տրդատի կինն էր Ս. Աշխէն ու քոյրն էր Ս. Խորովիդուխոս որոնք նմանապէս Ս. Գրիգոր Լուսաւորչի ձեռքով Քրիստոնեայ դարձան: Երեքն ալ նիւթական

ձեռնառութեամբ անկից եղան Հայոց կրօնական, կրթական ու վանական հաստատութեանց կառուցման ու անոնց բարոյական բարգաւաճման:

**ԹԵԼԿԱՂՈՒՅԻՆՆԵՐ.** — Որքան որդին էր Գրեգոր. — Ո՞րք ծնաւ. — Անակ կրօնով ի՞նչ էր. — Սոփիա ո՞ր տարաւ Ս. Գրեգորը. — Ի՞նչպէս կրթել տուաւ. — Ս. Գրեգորի Կեսարիայէն դարձին ի՞նչ հրամայուեցաւ. — Կատարե՞ց. — Տրդատ թագաւորն ի՞նչ բրաւ. — Ո՞րք նետեցին. — Ե՞րբ. — Որքն է տոոր տօնը. — Հոն քանի՞ տարի մնաց. — Ե՞րբ վերապէն հանեցին. — Ի՞նչու. — Ս. Գրեգոր ի՞նչ բրաւ. — Ո՞րք զրկուեցաւ. — Ի՞նչու. — Ս. Գրեգոր իր կեանքի վերջին տարիներն ի՞նչպէս անցուց. — Ս. Գրեգոր ի՞նչ կը կոչուի. — Ի՞նչու. — Հայ եկեղեցին քանի՞ տօն հաստատած է Ս. Գրեգորի. — Ե՞րբ կը տօնենք Գրեգորի անունը. — Ե՞րբ է Առաջաւորաց պահքը. — Ի՞նչ կ'ընեն այդ պահքին. — Ի՞նչի յիշատակ է. — Ո՞վ հաստատեց. — Ուրիշ եկեղեցիներ ունին. — Ատոնք ի՞նչեր կ'ըսեն. — Իրաւունք ունին. — Այդ պահքն Հայոց ի՞նչն է. — Ս. Գրեգոր Լուսաւորի՞ն հեռ ո՞ր տօները կապուած են. — Որքն է Ս. Հռիփսիմեանք ու Ս. Գայիանեանք. — Ո՞րքի է կիսն. — Ի՞նչու նահատակուեցան. — Ե՞րբ. — Ս. Հռիփսիմէ վիզէն ի՞նչ կախած էր. — Ո՞վ հաստատեց տօնը. — Ե՞րբ. — Ո՞րն է Ս. Գրեգորի շարականը. — Հռիփսիմեանցն ու Գայիանեանքը. — Ասանց անունով ո՞րտեղ վկայարաններ կան. — Ս. Տրդատ նախ կրօնով ի՞նչ էր. — Ո՞րու ձեռքով ի՞նչ եղաւ. — Ո՞վ էր Ս. Տրդատի կինը. — Քո՞յրը. — Ատոնք ի՞նչեր բրին:

4. ՍՈՒՐԲ ԷԶՄԻԱՍՆԻ ՏՕՆ

Ս. Լուսաւորիչը ի՞նչ վիրապէն ելլելէն ու Քրիստոսի հաւատքը Հայաստանի մէջ արքունիքին, նախարարներուն և ժողովրդին 65օր քարոզել սկսելէն ետքը տեսաւ այն նշանաւոր տեսիլքն ուր Միածինն երկինքէն իջնելով՝ ձեռքը բռնած ոսկի մուրճով բաղխեց այն տեղն որ էր հեթանոս Հայաստանի Սանդարակեսի գետնափոր մեհեանքը: Հիմա կը գտնուի Ս. Էջմիածնի տաճարը: Ս.

Լուսաւորիչ այսպէս հրաշալի կերպով նշանակեց Հայաստանեայց Ս. Եկեղեցւոյ երկնային հաստատութիւնը (302):

Տօնը. — Միածնի իջումն ու Հայ եկեղեցւոյ հաստատութիւնը թէ՛ ընդհանրապէս Քրիստոսի եկեղեցւոյ և թէ՛ մասնաւորապէս Հայ եկեղեցւոյ տօնն է որ կը կատարուի Հոգեգալստեան Բ. կիրակին և որ Մայիս 24 էն Յունիս 27 կրնայ հանդիպիլ:

Այս տօնը կը կոչուի նաև Տօն Կարողիկէ Էջմիածնի:

Տօն Կարողիկէ Էջմիածնի տարականը.

«Էջմիածինն ի Հօրէ և լոյս փառաց ընդ Նմա. — Ձսյնք հնչեցին սանդարամեաք անդնդոց: — Տեսեալ զլոյս մեծ Հայրապետին Գրեգորի՝ — Պատմէր ցնծութեամբ հաւատացեալ արքային: — Եկայք շինեսցուք սուրբ զկորսանն լուսոյ, — Քանզի իմա ծագեաց մեզ փրկութիւն ի Հայաստան աշխարհի:»

5. ՏԱՊԱՆԱԿԻ ՏՕՆ

Նուիրական արկղ մըն էր Տապանակ ուխտին ուր դրուած էին Տաննաբանեայ օրինաց աստուածադիր տախտակները: Տապանակը սատիմի փայտէ էր՝ ներսն ու դուրսն ոսկեպատ, չորս ոտք երկայն, երկու ոտք, երեք մատ լայն ու բարձր: Ուսի վրայ կրելու համար՝ տապանակն ունէր մէկ կողմն երկու օղակ ոսկիէ, միւս կողմը՝ երկու օղակ ոսկիէ որոնցմէ կ'անցնէին ոսկեպատ ձողեր: Տապանակին կափարիչը կը կոչուէր Քառուքիւն որուն երկու ծայրերը կային դէմ առ դէմ կեցած երկու Քեռովէներ: Այս Քերովէներն աչքերնին խոնարհած Քառութեան վրայ՝ զայն կը ծածկէին իրենց թեւերով: Հոս մանաւանդ կը բնակէր Աստուած ու կը սղաժողէր և հոս



քահանայապետը կը մատուցանէր Քաւութեան տարեկան մեծ զո՛ր: Տապանակի մէջ կը պահուէին Մանանայով լի սափորն ու Անարոնի ծաղկեալ զաւաղանը: Տապանակը կը պահուէր Տաճարին Սրբուքիւն Սրբոց կոչուած ներքին բաժնին մէջ ուր միայն քահանայապետը կրնար մտնել տարին անգամ մը: Վերջին անգամ Սողամոն դրաւ զայն նորաչէն տաճարին մէջ, ասկէ անցայտ եղաւ Նաբուգո՞՞դոնտորի ատեն Երուսաղէմի կործանման առթիւ: Բաբելոնի դերութեանէն ետք շինուած Երուսաղէմի տաճարը Տապանակ չունեցաւ:

Տօնը. — Վարդաւառի նախընթաց նաւակատիքի օրը կը կատարուի «Տապանակի տօն»ն որ յիշատակ է «Տապանակ Հնոյ և Նորոյս սուրբ եկեղեցոյ»: Տապանակի տօնը կը նշանակէ Հին ուխտին հաստատութիւնն որ նախընթացն ու օրինակն եղաւ Նոր ուխտին որ է Քրիստոսի եկեղեցին:

Տապանակի շաբաղանք.

«Տեղի ապաւենի և ժողովարան բանաւոր հօտի, բնակարան հրեշտակաց, նաւահանդիստ արդարոց և մեղաւորաց քաւարան՝ զարդարեալ առաքելովք և մարգալէիք:»

6. ՇՈՂԱԿԱԹ

Ս. Լուսաւորչի տեսիլքէն առնուած է Շողակաթ անունը, ինչպէս նաև Էջմիածնի անունը: Շողակաթ կը նշանակէ «Շող լուսոյ կաթեց» երկինքէն: Երկու տօներն ալ—Ս. Էջմիածնի տօնն ու Շողկաթը—Լուսաւորչի տեսիլքին հետ կապուած են, միայն թէ Էջմիածնի տօնն ուղղակի տեսիլքին համեմատ Էջմիածնի Մայր-Տաճարին նաւակատիքի տօնն է: Մայր Տաճարը Ս. Աստուածածնի

նուիրուած ըլլալով՝ Վերախոխման մեծ տօնին նախընթաց շաբաթ օրը Շողակաթի տօն կը կատարուի, այսինքն Մայր-Տաճարին նաւակատիքին տարեդարձը: Այս տաճարը օծուեցաւ 303ին:

Շաբաղանք.

«Ուրախ լի՛ր, Սուրբ Եկեղեցի, — քանզի Քրիստոս արքայն երկնից—այսօր պսակեաց զքեզ խաչուն իւրով — զարդարեաց զամուրձ քոյ — սքանչելի փառօք իւրովք:»

7. ԵՐԿՐՈՐԴ ԾԱՂԿԱԶԱՐԴ

Համբարձման յաջորդող կիրակին կը կոչուի Երկրորդ Ծաղկազարդ որ իր անունն առած է պարզապէս օրուան Աւետարանէն: Հայ եկեղեցին Նոր կիրակիէն սկսեալ՝ Չորս Աւետարանները կը կարդայ ամէն օր կարգաւ: Քրիստոսի Երուսաղէմ գալստեան կտորները Յինանց կիրակին ինկած են, ասկէ իր անունը: Ազգային յիշատակ մըն ալ աւելցած է. աւանդութեամբ հասած է թէ հրեշտակ մը ստէն օր Խորվիրազը Ս. Լուսաւորչին կ'այցելէր: Համբարձման Դ. օրն եկած ըլլալով՝ Լուսաւորչին բացատրած է թէ Քրիստոսի Համբարձումն տօնելու համար՝ հրեշտակներու դասերէն իւրաքանչիւրն օր մը հանդէս կը կատարէ, և ինք Դ. դասէն ըլլալով՝ Դ. օրը չէր ուզած իր դասին հանդէսներէն բացակայիլ: Երկրորդ Ծաղկազարդը Մայիս 3էն Յունիս 6 կըրնայ հանդիպիլ:

ԹԵՂԱՎՐՈՒՅԻՆՆԵՐ. Ս. Դրեգոր Լ՞րբ տեսաւ տեսիլքը. Ատով ի՞նչ նշանակեց. — Տօնն ի՞նչ նշանակա թիւն ունի. — Ե՞րբ կը կատարենք. — Ո՞րն է շաբաղանք. — Ի՞նչ էր Տապանակ ուխտին. — Ի՞նչ շինուած էր. — Կապորչն ի՞նչ կը կոչուէր. — Վրան որո՞նք:

նկարուած էին. — Մանաւանդ ո՞ւր կը բնակէր Աստուած. — Տապա-  
նակին մէջ ի՞նչեր կային. — Ե՞րբ ու ի՞նչ եղաւ Տապանակը. — Ե՞րբ  
և ի՞նչու կը տօնենք Տապանակը. — Ո՞րն է Տապանակի շարահանը.  
— Ի՞նչ կը նշանակէ Շողակաթ. — Ի՞նչի հետ կապուած է. — Ի՞նչի  
տօն է. — Ե՞րբ կը կատարենք. — Այդ տաճարն ե՞րբ օծուեցաւ. —  
Ո՞րն է շարահանը. — Ե՞րբ կը կոչուի Բ. Մաղկաղարք. — Ի՞նչու. —  
Ո՞վ և ի՞նչու հաստատեց այս տօնը. — Ե՞րբ կրնանք կատարել:

8. Ս. ԼՈՒՍԱԽՈՐԶԻ ՈՐԴԻՆԵՐՆ ՈՒ ՅՈՒՆԵՐԸ

Սուրբ Լուսաւորչէն ետք, Հայոց Հայրապետութիւնը մնաց իր ցեղին մէջ որմէ Հայոց կաթողիկոս եղան : աղ-  
հատէ՛ Ս. Արիսակես ու Ս. Վրբանես իր որդիները : Ս.  
Վրթանէսի որդին Ս. Գրիգորիս Վրաց ու Աղուանից կա-  
թողիկոս ձեռնադրուեցաւ և նահատակուեցաւ Ամարաս  
աւանը 342ին : Ս. Վրթանէսի յաջորդեց իր միւս որդին  
Ս. Յուսիկ որ նահատակուեցաւ 362ին Տիրան թագա-  
ւորին հրամանաւ Յուլիանոս Ուրացող կայսեր զրկած  
պատկերը Մոլիայ դաւառի Մայր եկեղեցւոյ մէջ չկայս-  
ելուն համար : Ս. Յուսիկ թաղուեցաւ Թորդան աւանը :

Ս. Յուսիկի թոռն էր Մեծն Ներսէս Պարբէր Ս.  
Հայրապետ : Մեծն Ներսէս շինեց դպրանոցներ, հիւանդ-  
անոցներ, աղքատանոցներ, հիւրանոցներ ու ամէն  
տեսակ բարեգործական հաստատութիւններ : Ասոնց տե-  
տուչ կարգեց իր Խաչ սարկաւազը ու 366ին Վաղար-  
շապատի մէջ Մեծն Ներսէս եկեղեցական ժողով դու-  
մարեց : Այդ ժողովին մէջ ուր ներկայ էին թագաւորը,  
նախարարները, իշխանները՝ վճռուեցաւ որ այնուհետեւ  
Հայոց կաթողիկոսները Ս. Էջմիածնի մեջ ձեռնադրուին  
չերթան Կեսարիա և իրենց վաւերացումը չստանան այն  
տեղի եպիսկոպոսէն :

9. Ս. ԹԱՐԳՄԱՆԻՉԲ

Մեծն Ներսէսի որդին Ս. Սահակ Պարբէր հայրա-  
պետական աթոռը բարձրանալով՝ պայծառացոյց եկեղե-  
ցիները, շինել տուաւ բարեգործական ու կրթական  
հաստատութիւններ, սահմանեց եկեղեցական կարգեր ու  
կանոններ :

Ս. Սահակի օժանդակն էր Ս. Մեսրոպ Մաշտոց Հա-  
ցեկացի (Տարօն=Մուշ) որ 404ին ձեւակերպեց փափաք-  
ուած Հայ նշանագիրները : Այնուհետև Ս. Սահակ ու Ս.  
Մեսրոպ թարգմանեցին իրենց Եղնիկ, Կորիւն, Ղեւոնդ-  
եայն աշակերաներու հետ՝ Ս. Գիրքը, յօրինեցին  
եկեղեցական ձայներն ու երգերը : Ս. Մեսրոպի գիրը  
դարերու ընթացքին մէջ զանազան եղանակաւորումներ  
կրեց, ինչպէս տեսանք «Հայոց Պատմութեան» Միջին  
Պատմութեան մէջ :

Հայ եկեղեցին ամէն տարի կը կատարէ մեր երանա-  
չնոր թարգմանչաց Սահակայ և Մեսրոպայ տօնը : Այդ-  
օրը Դպրոցական ու Գրական մեծ տօնն է : Մեր դրա-  
գէտները կը վարձատրուին «Յովսէփ Իզմիրեանցի հաս-  
տատած մրցանակով» : Ս. Սահակ թաղուեցաւ Աշտիշատ,  
իսկ Ս. Մեսրոպ՝ Օշական :

10. ՏՕՆ Ս. ՎԱՐԴԱՆԱՆՅ ԶՈՐԱՎԱՐԱՅ

Ս. Վարդան զօրավար իր ճշմարիտ կրօնասէր ու  
հայրենասէր 1016 ընկերներով, 451ին Հայաստանեայց  
եկեղեցւոյ պաշտպանութեան համար նահատակուեցաւ  
որով պահուեցաւ մեր Ս. եկեղեցւոյ գոյութիւնը :

Ս. Վարդանանց նահատակութիւնը խրախուսիչ  
օրինակ է որ հայ եկեղեցւոյ կզերն ու ժողովուրդը

համերաշխ ոգւով պահեն Հայ եկեղեցւոյ անկախութիւնը: Վարդանանց տօնի օրը յիշատակ է Մեռելոց և Ազգային Տօն:

Ս. Վարդանանց Շարականք.

«Նորահրաշ պսակաւոր և զօրազլուխ առաքինեաց, վառեցար զինու Հողւոյն արխարար ընդդէմ մահու, Վարդան քաջ նահատակ՝ որ վանեցեր զթշնամին, վարձագոյն արեամբդ քո պսակեցեր զեկեղեցի:»

11. Ս. ՂԵՒՈՆԴԵԱՆՔ

Ս. Սահակայ, Ս. Մեսրոպայ աշակերտներն էին «Ս. Ղեւոնդեանք» — քահանայներ ու եպիսկոպոսներ — որ Ս. Վարդանանց նահատակութենէն ետք շղթայակապ Պարսկաստանի Տիզրոն մայրաքաղաքը տարուեցան և յետոյ Նիւշտողուհ քաղաքն աքսորուելով՝ հոն նահատակուեցան:

Ս. Ղեւոնդեանց տօնը կը յիշեցնէ մեզի թէ Ս. Աւետարանի սրբասէր, հոգեւոր պաշտօնեայններն իրենց անձն օրինակ հանդիսացնելու ևն ժողովրդին որ ամէն պարագայի մէջ հաւատարիմ մնան իրենց Մայրենի եկեղեցւոյն և «նահատակութիւն Աշգին փրկութեան»:

Քրիստոնէութեան համար Ս. Վարդաններէն ու Ս. Ղեւոնդեաններէն առաջ նահատակուեցան Ս. Ստնեանի:

Ս. ՂԵՒՈՆԴԵԱՆԳ ԵԱՐԱԿԱՆԵՐ.

«Ղուսաւորիչն ամենեցուն՝ Ղեւոնդիէ սուրբ վարդապետն — խոնական մեծ խորհրդով խրատուալ լցոյց զաշակերտեալան, — ծաւալեալ զլոյս գիտութեան յոգիս արանց կատարելոց, — կամաւոր յօժարութեամբ, կատարեցան սրով զկեանս:»

12. Ս. ԱՏՈՄԵԱՆՔ

Երբ Պարսից Յազկերտ թագաւորը կը հալածէր Քրիստոնէութիւնը, Ճորայ Կապանը հրաւիրեց Հայոց զօրագունդն որուն առաջնորդն էին Ատմ Գևորգի ու Մանանինր Ռշտունի: Յազկերտ խստիւ հրամայեց որ կրակին երկրպագեն ու անողորմ տանջանքներով սկսաւ զանոնք չարչրկել: Բայց անոնք լաւ համարեցին մեռնիլ Քրիստոսի սիրոյն համար, քան թէ կրօնափոխ ըլլալ, և փախան Հայաստան:

Յազկերտ երբ որ իմացաւ, զօրք զրկեց անոնց ետեւէն: Ատմ ու Մանանի՛ր նախարարներն ապաւինած էին Անձեացեաց զաւառը: Պարսից զօրքերը զանոնք ձերբակալեցին ու նահատակեցին:

Հայ եկեղեցին Ատմեանց նահատակութեան յիշատակը կը կատարէ Բուն բարեկենդանէն երկու շաբաթ առաջ:

13. Ս. ՅՈՎՀԱՆՆԷՍ ՄԿՐՏԻՉ

Հերովդէս թագաւորի օրով կ'ապրէր Չափարիս անունով քահանայ մը. անոր կինն էր Եղիսաբէթ: Երկուքն ալ արդար էին և Աստուծոյ բոլոր պատուէրները ճշգրտութեամբ կը կատարէին: Անոնք ծեր էին ու զաւակ չունէին:

Երբ օր մը Չաքարիս պաշտօն կը կատարէր, հրեշտակ մը երեցաւ իրեն ու ըսաւ. «Մի՛ վախնար, Չաքարիս, որդի մը պիտի ունենաս, անոր անունը Յովհաննէս կը դնես: Անիկա Աստուծոյ առջև մեծ պիտի ըլլայ և շատերը պիտի դարձնէ ճշմարիտ Աստուծոյ:»

Չաքարիս թերահաւատելուն համար՝ պապանձեցաւ և նշանացի կը խօսէր ժողովրդին:

Երբ մանուկը ծնաւ Գրիստոսի ծննդէն 6 ամիս առաջ, ու Յ օր ետքը մանկան անունը դնելու համար՝ Զաքարիային հարցուցին, հայրը տախտակի վրայ գրեց «Յովհաննէս է անոր անունը») Իսկոյն լեզուն բացուեցաւ, խօսեցաւ և օրհնեց Աստուած: Ամենքն ալ զարմացան այս բանին վրայ:

Այս յիշատակը կը տօնենք «Ծնունդ Ա. Յովհաննու Կարապետի» անունով: Յովհաննէս մանուկը հոգևով զօրացաւ, և անապատը քաշուեցաւ, Յորդանանու կողմերը կը քարոզէր և կ'ըսէր. «Ապաշխարեցէք, Աստուծոյ արքայութիւնը մօտեցած է»)

Յովհաննէս Կարապետի հանդերձն ուղտի մազէ էր, դօտին կաշիէ, կերակուրը մարտիս ու վայրի մեղր: Յովհաննէսին քով կ'երթային Յորդանանու կողմերէն, կը խոստովանէին իրենց մեղքերը: Յովհաննէս զանոնք կը մկրտէր Յորդանան գետին մէջ. Յիսուս ալ, եկաւ Յովհաննէսէն մկրտուելու:

Ա. Յովհաննէս մարդարէներուն վերջինն է:

Հերովդէս բանտարկեց Յովհաննէսն ու գլխատել տուաւ: Աշակերտները թաղեցին Յովհաննէսն ու գացին պատմել Յիսուսի:

Եկեղեցին Ա. Յովհաննէսը կը տօնէ 1. «Ծնունդ Ա. Յովհաննու Կարապետի» և 2. «Գլխատումն Ա. Յովհաննու» անունով:

Թեղադուրբիւններ. — Որո՞նք յաջորդեցին Ա. Լուսաւորչի. — Ի՞նչեր կ'եցին. — Ի՞նչու. — Մեծն Ա. Ներսէս Պարթև Ի՞նչեր շինեց. — Ե՞րբ ժողով գումարեց. — Ուր. — Այդ ժողովին մէջ Ի՞նչ վճռուեցաւ. — Այնուհետև Ի՞նչ եղան չայ եպիսկոպոսները. — Ո՞վ էր Ս Սահակ Պարթև. — Ի՞նչեր բրաւ. — Ո՞վ էր Ա. Մերոպ Մաշտոց. — Ի՞նչ հնարեց. — Որո՞նք են անոնց աշակերտները. — Ի՞նչ բրին. — Չայ. Եկեղեցին ամէն տարի Ի՞նչ կ'ընէ. — Ուր թաղուած են. — Որն է շարականը. — Ո՞վ էր Ա. Վարդան. — Ի՞նչ բրաւ. —

Ա. Վարդանաց օրն Ի՞նչ է. — Որն է շարականը. — Որո՞նք են Ա. Ղեւոնդեանք. — Ի՞նչ բրին. — Որն է շարականը. — Ո՞վ էր Յովհաննէս Մկրտիչ. — Որո՞նք են ծնողքը — Հրեշտակն Ի՞նչ աւետեց. — Ե՞րբ. — Զաքարիա Ի՞նչ եղաւ. — Ե՞րբ լեզուն բացուեցաւ. — Այդ օրն Ի՞նչ տօն է. — Յովհաննէս Ի՞նչպիսի կեանք վարեց. — Յովհաննէս Փարզարէներուն Ի՞նչ է. — Ի՞նչպէս մեռաւ. — Եկեղեցին քանի՞ տօն հաստատած է Կարապետ Յովհաննէս Մկրտչին. — Ուրիշ Յովհաննէս կ'ա՞յ:

Է. ՀԱՅ ԵԿԵՂԵՑԻՈՅ ՄԻՒՍ ՏՕՆԵՐԸ

1. ԵՐԿՈՏԱՍԱՆ ԱՌԱՔԵԱԼՔ

Հայ եկեղեցին կը տօնէ Գրիստոսի ընտրած Իսրայէլի երկոտասան ցեղերուն թուին համեմատ 12 առաքեալները—Սիմոն Պետրոս, եղբայրն Անդրէաս, Զերեղեայ որդին Յակոբոս մեծ, անոր եղբայրը Յովհաննէս, Փիլիպոս, Բարթողիմէոս, Մատթէոս=Ղեւի, Թովմաս երկուրեակ, Սիմոն Կանանացի, Ղերէոս = Թադէոս, Ալփեայ որդին Յակոբոս կրտսեր «Գլխաղիր» ու Մատթէոս որ Իսկարիովտացի Յուդայի տեղ ընտրուեցաւ:

Գրիստոս զանոնք իր հոգևով լեցուց ու կրթեց իր վարդապետութեանց մէջ, և ընտրեց զանոնք ըլլալ իր Եկեղեցւոյն հիմնադիրները: Իսկ Սօղոս որ Յիսուսի հաւատալով եղաւ Պօղոս՝ կոչուեցաւ «Առաքեալ հեթանոսաց»):

Ասոնք աւետարանական լուսով լուսաւորեցին աշխարհը Յիսուսի պատգամին համաձայն. «Դուք էք լոյս աշխարհի»):

2. ԵՅՅԱՆԱՍՈՒՆ ԵՐԿՈՒ ԱՇԱԿԵՐՏՔ

Յիսուս բաց ի 12 առաքեալներէ 72 աշակերտ աը ունէր. անոնց պէտք եղած պատուէրներն ու հրահանգները տուաւ, և երկ երկու շրկեց քաղաքներն ու գիւղերն որ քարոզեն:

Հիմայ Քրիստոսի աշակերտ կրնայ կոչուիլ ո՛վ որ Անոր վարդապետութեան կը հաւատայ, Անոր ոգին կը կրէ, կը հետեւի Անոր օրինակին և կ'ապրի՝ Անոր գործն ընելու համար:

3. ՋՈՐՍ ԱՒԵՏԱՐԱՆԻՉՆԵՐ

Հայ եկեղեցին կը տօնէ մասնաւորապէս «Չորս Աւետարանիչներ»ն որոնք Յիսուսի Մննդեան, Անոր երկրաւոր կեանքի գործերուն, հրաշքներուն և քարոզութեանց պատմութիւնը, Անոր Չարչարանքներուն, Խաչելութեան, Մահուան, Թաղման, Յարութեան ու Համբարձման նկարագիրը խմբագրեցին Ս. Հոգւոյն առաջնորդութեամբ:

Չորս աւետարանիչներն են Մատթոս, Մարկոս, Լուկաս, Յովհաննէս:

4. ՀՐԵՇՏԱԿԱՊԵ Ք ԵՒ ԵՐԿՆԱՅԻՆ ՋՈՐՔ

Հայ եկեղեցին ի պատիւ հոգեղէն զուարթուններուն — Հրեշտակներուն կը կատարէ Հրեշտակապետաց՝ Գաբրիէլի և Միխայէլի և հրեշտակաց տօնը: Հրեշտակներք հոգեղէն զուարթուններ են որ միշտ Աստուծոյ առջև կը կենան, Անոր հրամանները կը կատարեն, անդադար զԱյն կը փառաբանեն երկինքի մէջ ու մեղի համար Տիրոջը կը բարեխօսեն:

Շարականք.

«Որ յանէից ստեղծեր զպաշտօնեայս քո ի հուր կիւզելոյ, Հայր անեղական, ընդ նոսին օրհնեմք զքեզ և մեք հողեղէնքս:»

5. ՍՈՒՐԲ ՅԱԿՈԲ ՄՄԲՆԱՅ

Ս. Գրիգոր Լուսաւորչի հօրաքեռորդին էր Ս. Յակոբ Մծբնայ: Հայ եկեղեցին կը կատարէ այս հայրապետին յիշատակը՝ ընդունելով բարեխօս ժանտամահի ու զանազան դժնդակ հիւանդութեանց:

Շարականք.

«Յաղթող և սուրբ Հայրապետ, — նման Մեծին Մովսէսի, — բարձող խաչին պարծանաց — ընդդիմաժարս հանդիսիւ. — զքեզ ունիմք բարեխօս — առ Հայր յերկինս վասն մեր»:

6. ՏԻԵՋԵՐԱԿԱՆ ԺՈՂՈՎՆԵՐ

Ա. Նիկիոյ ժողով

«Տիեզերական» առաջին ժողովն է Նիկիոյ ժողովն որ գումարուեցաւ 325ին Նիկիա = Իզնիկ: Ներկայ էին 318 հայրապետներ որոնք համաձայնութեամբ վճռեցին թէ «Որդին Աստուած համազօր ու համագոյ է Հօր», այսինքն «Որդին Աստուած նոյն ինքն ի բնութենէ Հօր»: Այս ժողովին մէջ դատապարտուեցաւ Արիոս Հերետիկոսն ու իր մոլորութիւնը հերքուեցաւ:

Նիկիոյ ժողովին մէջ խմբագրուեցաւ Հաւատոյ Հանգանակը:

**Բ. Կ. Պոլսոյ ժողով**

«Տիեզերական» Բ. ժողովը գումարուեցաւ Կ. Պոլիս 381ին՝ հերքելու համար Մակեդոնի ու բոլոր հոգեմարտ աղանդաւորներու հերետիկոսութիւնը:

Կ. Պոլսոյ ժողովը վճռեց թէ «Ս. Հոգին Տէր է կենդանարար, որ Հօրմէ կ'ելլէ և իսկակից ու էակից է Հօր և Որդւոյ:»

**Պ. Եփեսոսի ժողով**

«Եփեսոսի ժողով»ն որ գումարուեցաւ 431ին՝ դատապարտեց հերետիկոս Նեստորն ու անոր հնարած մոլոբուլիանները: Ժողովը յայտարարեց թէ «Քրիստոս երկուանձ ունի, Աստուածային ու Մարդկային», և Ս. կոյս Մարիամն ալ անուանեց Աստուածածին:

Եկեղեցին Երեք տիեզերական ժողովներուն, Պատարագէն առաջ, «Մանկութի» ատեն՝ Սեղանին վարագոյրք փակելով՝ կ'երգէ «Ո՛վ հրաշալի նախահարք» շարականը, կը նզովէ հերետիկոսները: Իսկ «Ի Սուրբ Երրորդութենէ ծնեալ» շարականաւ Բեմին վրայ խնկարկութիւն ընելով՝ կը հուշակէ իր ուղղափառ վարդապետութիւնը:

**Թեալադուքիւններ.** — Քանի՞ առաքեալ կոյ. — Որո՞նք են. — Ի՞նչու 12 են. — Քրիստոս ի՞նչ բրու զանոնք. — Ո՞րն է Հեթանոսաց առաքեալը. — Յիսուս քանի՞ աշակերտ ունէր. — Ի՞նչ բրու. — Հիմոյ ո՞վ կը կոչուի աշակերտ. — Արո՞նք են Չորս տւետարանիչները. — Իւրաքանչիւր Աւետարանի քով ի՞նչեր նկարուած են. — Ո՞րք կրնաք տեսնել Աւետարանին այս նկարները. — Ի՞նչ են Տրեւտակները. — Որո՞նք են պետերը. — Ի՞նչ կ'ընեն հրեշտակները. — Ո՞րն է շարականը. — Ո՞վ էր Ս. Յակոբ Մճբնոյ հոյրապետը. — Եկեղեցին ի՞նչ կ'ընդունի Ս. Յակոբը. — Ո՞րն է շարականը. — Քանի՞ Տիեզերական ժողով կայ. — Ի՞նչու և ե՞րբ գումարուեցաւ Նիկիոյ ժողովը. — Եփեսոսի՞նք. — Կ. Պոլսոյն. — Այդ Երեք ժողովներու օտին ի՞նչ տարաբոլորութիւն կը կատարուի. — Ե՞րբ. — Ի՞նչու:

**ՆԱԽԱՀԱՐՔ ԵՒ ՄԱՐԳԱՐԷՔ**

Եկեղեցին կը տօնէ Հին ուխտի բոլոր նախահայրերն ու մարգարէները: Մարգարէներն երկու կարգ են. Ա. Եսայի, Երեմիա, Եզեկիէլ ու Դանիէլ որ Եւմ մարգարե կը կոչուին, իսկ մնացեալ 12ը Փոփր մարգարեք—Յովնան, Յովել, Ամովս, Ովսէէ, Միքիա, Նաոււ, Սոփոնիա, Ամբակում, Աբդիու, Անդէ, Չաքարիա ու Մաղաքիա: Անոնց երկցութեան ժամանակագրական կարգը սա՛ է.

1. Յովնան Քրիստոսէ առաջ 825ին քարոզեց,
2. Յովել մարգարէացաւ 800ին,
3. Ամովս 787ին մարգարէացաւ,
4. Ովսէէ 785-787 մարգարէացաւ,
5. Եսայի 758-697,
6. Միքիա 858-697,
7. Նաոււ 710-700,
8. Սոփոնիա 630ին,
9. Երեմիա 628-588, Երուսաղէմի Բարեւացոյ ձեռքով կործանելը,
10. Ամբակում, 610,
11. Աբդիու 588,
12. Եզեկիէլ 598-590,
13. Դանիէլ 606-534,
14. Անդէ 536-520, Սոփոնիա,
15. Չաքարիա 520,
16. Մաղաքիա 416:

**Մ Ե Մ Մ Ա Ր Գ Ա Ր Է Ք**

**1. Եսայի**

Հրէից մարգարէներուն մէջ ամէնէն հուշակաւորն է Ամովսի որդին Եսայի—«Փրկութիւն Տեսուն» որ յիսուն տարի մարգարէացաւ: Եսայի մարգարէացաւ Մեսիայի Ծննդեան ժամանակն ու Մեսիային ձեռքով տրուելիք հոգեւոր փրկութիւնը:

Եսայի Երուսաղէմի մէջ մարգարէացաւ և Մանասէ Թագաւորին հրամանաւ ստոյգուեցաւ ողջ ողջ:

Եսայի կը կոչուի «Աւետարանիչ մարգարէ» ու մարգարէութիւնն ալ՝ «Աւետարան ըստ Եսայիայ»:

**2. Երեմիա**

Երեմիա ծնած էր Անաթոլիթ ու քահանայական ցեղէ էր և մարգարէացաւ Յովսիա բարի թագաւորին օրով : Յովակիմ անոր գիրքերը կրակը նետեց և կ'ուղէր դայն այրել : Երեմիա գուշակեց Բաբելոնի գերութիւնն և Նաբուգոդոնոսորի ձեռքով Երուսաղէմն առնուելէն ետք , 586ին մնացած հրեայներուն հետ Եգիպտոս գնաց : Երեմիա արտասուալի կերպով հրեայներուն թշուառութիւնը կը նկարագրէ իր ողբերուն մէջ :

**3. Եզեկիէլ**

Բուղեայ որդին էր Եզեկիէլ , քահանայական ցեղէ Երեմիայի պէս և Բաբելոն գերի տարուեցաւ : Եզեկիէլ կը նկարագրէ Աստուածային փառքը վսեմ տեսիլներով ու ահուոր գուշակութիւններով՝ հրեայներուն կրկիւք նեղութիւնները :

Եզեկիէլ մարգարէացաւ 20 տարի 595-575 :

**4. Դանիէլ**

Դաւթի թագաւորական ցեղէն էր Դանիէլ որ դեռ մանուկ՝ գերի տարուեցաւ Բաբելոն 606ին : Որոշուած էր որ Դանիէլ իր Անանիա , Ազարիա , Միսայէլ երեք ընկերներով բնակի Նաբուգոդոնոսորի արքունիքը : Ասոնք յետոյ բարձր պաշտօններու հասան : Դանիէլ Նաբուգոդոնոսորի երազը մեկնելով՝ Բաբելոն քաղաքին և գաւառակին վերակացու եղաւ : Անոր երեք ընկերները հոցը նետուեցան Աստուածապաշտութեան համար , բայց հրաշքով փրկուեցան :

Երբ պարսիկները Բաբելոն առին , Դանիէլ դարձեալ

մնաց իր պաշտօնին մէջ : Իր աչքով տեսաւ Գերութիւնէ դարձը : Անվահներ դաւանեցաւ Աստուծոյ անունը հեթանոս թագաւորներու առջև և մարտիրոս պիտի ըլլար , եթէ հրաշքով չազատուէր :

**Փ Ո Ք Ր Մ Ա Ր Գ Ա Ր Է Ք**

**1. Յովնան**

Յովնան = «Աղանի» Յերոբոամ Բ. ի ատեն հրաման ստացաւ Աստուծմէ երթալ քարոզել ու մարգարէանալ Նինուէացոց : Յովնան կարծելով խուսարիլ Աստուծոյ պատուէրէն՝ Յոպպէ = Եաֆա նաւարկեց , բայց ալեկոծութեան հանդիպելով՝ ծովը նետուեցաւ ու հրաշքով ազատուեցաւ : Վերջը Նինուէ գնաց ու քարոզեց :

**2. Ամովս**

Ամովս = «Ծանր» հովիւ էր որ մարգարէացաւ Յերոբոամ Բ. ի օրով , հետեւապէս ժամանակակից էր Ովսէ , Յովէլ ու Եսայի մարգարէներուն : Հեթանոսութեան յարած հրեայներուն քուրմերն աքսորեցին Ամովսը :

**3. Յովել**

Յովելի վրայ մանրամասն տեղեկութիւն չկայ , բայց մարգարէացաւ Ովիա թագաւորին օրով 800ին

**4. Ովսէ**

Ովսէ = «Փրկութիւն» մարգարէացաւ 785-725 , Ովիայէ մինչեւ Եզեկիա : Ովսէ հաւատաց Միսիայի գալստեան :

5. Միբիա

Միբիա մարգարէացաւ 750-698, ժամանակակից Եսայի մարգարէին: Մարգարէացաւ Իսրայէլի ու Յուդայի պատուհասը, Սամարիոյ ու Երուսաղէմի աւերումը, Մեսիայի գալուստն և գուշակեց Յիսուսի ծննդեան տեղը՝ Բեթղեհէմ:

6. Նաում

Նաումի = «Մխիթարութիւն» վրայ մանրամասն տեղեկութիւն չկայ, նախաձայնեց Նինուէի կործանումը, մարգարէացաւ հրեայներուն գերութիւն ու բոլոր աշխարհ ցրուիլը:

7. Ամբակոււմ

Ամբակոււմի վրայօք ալ մանրամասն տեղեկութիւն չկայ, ժամանակակից էր Երեմիայի, մարգարէացաւ 610ին: Ամբակոււմի Գ. գլուխը յաղթական երգ մըն է: Ասկէ աւելի վսեմ օրհնութիւն մը չկայ Եբրայական գրուածքներու մէջ:

8. Աբդիու

Աբդիու = «Ծառայ Տեառն» մարգարէացաւ 587ին: Ժամանակակից էր Եսայի ու Երեմիա մարգարէներուն: Եզոմացւոց պատուհասը մարգարէացաւ:

9. Անգէ

Անգէ = «Խնջոյք» որ Զաքարիայի հետ դարձաւ Բաբելոնի գերութենէն 536ին: Մարգարէացաւ քաջալեր-

ելու համար իր հայրենակիցները նորէն սկսիլ տաճարին շինութեան որ ընդհատուած էր: Մարգարէացաւ թէ Քրիստոս «Ամէն ազգերու ցանկալին» Նորաշէն տաճարը պիտի դար:

10. Սոփոնիա

Սոփոնիա Շմաւոնի ցեղէն էր, ու ժամանակակից Երեմիայի: Սոփոնիայի վրայօք մանրամասն տեղեկութիւն չկայ:

11. Զաքարիա

Զաքարիա «Տիրոջ հրեշտակ» Բարաքէի որդին էր, Ազով քահանայի թոռը, որ մեծ հօրը յաջորդեց: Զորաբաբելի հետ դարձաւ Գերութենէն ու քաջալերեց ժողովուրդը գլուխ հանել Տաճարին շինութիւնը: Զաքարիա մարգարէացաւ Մեսիայի գալուստը, յաղթանակը, Ա. Հոգւոյն հեղումն ու Երանաւէտ ազդեցութիւնը:

12. Մաղաֆիա

Մաղաֆիա «Մարգարէութիւն» վերջինը փոքր մարգարէներուն. ասոր վրայօք քիչ տեղեկութիւն կայ: Մեղադրեց քահանայները, յանդիմանեց ժողովուրդն իրենց անօրէն գործերուն համար: Եղիայի հոգւով ու զօրութեամբ մարգարէացաւ Յովհաննէս Մկրտչին գալուստն ու Քրիստոսի կրկին գալուստը:

Այսպէս Հին Կտակարանը կը գոցուի Մեսիայի մարգարէութեամբ ու Նոր Կտակարանը կը բացուի Մարգարէութեան կատարմամբ:



Ե Կ Ե Ղ Ե Յ Ի Ո Յ Ն Ա Ր Ք

Եկեղեցին կը տօնէ նաև Ա. — Ե. դար ապրած քրիստոնեայ հայրերն ու վարդապետներն որոնք իրենց գործերով ու գրուածքներով ծառայեցին Եկեղեցւոյ տարածման ու պայծառացման :

Թելադրութիւններ. — Եկեղեցին Հին ուխտէն որոնց յիշատակը կը կատարէ . — Ո՞ր նահապետներուն . — Չորրկէցա՞ք Տարր. Ընթացքին մէջ . — Կրկնել Տարր.ի (Նահապետք) գլխին թելադրութիւնները . — Բանի՞ կարգ են մարգարէները — Որո՞նք են մեծ մարգարէ . — Փոքր մարգարէնե՞րը . — Ժամանակագրական կարգն ի՞նչ պէս է . — Ո՞րն է ամէնէն հաշակաւոր մարգարէն . — Եսայի ի՞նչպէս մարգարէացաւ . — Ի՞նչպէս մեռաւ . — Եսայի ի՞նչ կը կոչուի . — Ո՞ր ցեղէն էր Երեմիա . — Գրքերն ի՞նչ եղան . — Ի՞նչ գուշակեց . — Ո՞ր գնաց . — Ի՞նչ նկարագրեց . — Ո՞ր ցեղէն էր Իսնիէլ . — Ո՞ր տարին . — Որո՞նք են ընկերները . — Իսնիէլ ի՞նչ պաշտօն վարեց . — Ի՞նչեր տեսաւ . — Իսնիէլի գիրքն ե՞րբ կը կարդան . — Որո՞նք են Փոքր մարգարէները . — Ի՞նչ կեանք վարեցին . — Հին Կտակարանն ի՞նչպէս կը գոցուի . — Նորն ի՞նչպէս կը բացուի . — Եկեղեցւոյ հայրերն ի՞նչու կը տօնենք . — Կրնո՞ք ըսել գլխաւորները :

Զ. ՎԵՐԱՏԵՍՈՒԹԻՒՆ

Ամբողջացուցիք հետեւեալները .

Ի սկզբան Եկեղեցին կը տօնէր... — Ե. դարէն ետք... — Սրբոց տօն կը կատարուի... : Աւագ տօն կը կոչուին... : — Աւագ տօներու յատկանիշն են... : — Դաւիթ օրինակ է... : — Աստուածահայր մարգարէ կը կոչուի... : — Յակոբ Ալփեան կը կոչուի... : և նահատակուեցաւ... : — Ս. Ստեփանոս Բրիտանեայ Եկեղեցւոյ... : Բարկոծուեցաւ... : — Պետրոս ու Պօղոս Առաքեալները... : Պօղոսի նախկին անունն էր... : — Նախ... Բրիտանեալիւն և յետոյ... : — Որքեք Որոտման կը կոչուին... : — Առաքեալներուն մէջ Ա. մարտիրոսն... : և ծանօթ է... : — Յովհաննէս Աւետարանիչ... : և արտուեցաւ... : — Որբաց Որոտման տօնին կ'երգեն... : — Հայոց քարտեցին... : և Հիմնեցին... : նահատակուեցան... : — Աշակերտեցան... : — Հայոց մէջ Բրիտանեալիւնը... : — Ս. Գրիգոր օրդի էր... : — Մնա... : Անակ... : — Սոփիա... : — Կեսարիոյէն դարձին... : — Տրդատ հրամայեց... : Մնաց... : Ելաւ... : — Չեռնադրուեցաւ... : — Լուսաւ ընէր կը տօնենք... : — Առաջաւորաց պահքը յիշատակ է... : Յատուկ է... : — Ս. Հափսիսեանք ու Ս. Գայեանեանք... : — Ս. Գրիգոր տեսաւ... : Ատով նշանակեց... : — Ս Էջմիածնի Տօնի նշանակութիւնն է... : Կը կատարենք... : — Տաղանակ Ուխտին... : — Շինուած էր... : Կափարիչը... : Աստուած կը ընակէր... : — Յետոյ... : — Տաղանակը կը տօնենք... : — Շողակաթը նշանակ է... : — Կապուած է... : — Շողակաթը նաւակատիք է... : — Մայր տաճարն օծուեցաւ... : — Բ Ծաղկադարձը յիշատակ է... : — Լուսուորչի յաջորդեցին... : Կրեցին... : — Մեծն Ներսէս շինեց... : Գուճարեց... : Որչուեցաւ... : — Ս. Սահակ Պարթև... : — Կատարած աղգային գործերն են... : — Ս. Մարտոյ Մաշտոց ձեակերպեց... : — Աշակերտներն են... : Թարգմանեցին... : — Հայ Եկեղեցին... : — Թաղուած են... : — Ս. Վարդանանք... : — Ատոնց տօնը... : — Ս. Ղեւոնդեանք... : — Յովհաննէս Մկրտիչ էր... : — Հրեշտակն աւետեց... : — Յովհաննէս Մկրտիչ կ'ապրէր... : Կը քարոզէր... : — Վախճանեցաւ... : — Առաքեալներն են... : — Բրիտանեալներն են... : — Յիսուսի աշակերտներն էին... : — Չորս աւետարանիչներն են... : — Իւրաքանչիւր Աւետարանի քով նշանակուած են... : և խորհրդանշան են... : Ս. Յակոբ Մժրնայ հայրապետ էր... :

ԸՆԴՀԱՆՈՒՐ ՎԵՐԱՏԵՍՈՒԹԻՒՆ

Որոշեցէ՛ք ու սահմանեցէ՛ք թէ ի՞նչ են հետեւեալ-ները :

Օրինակ . — Աղաւնիին եկեղեցւոյ սպաս է և կը գործածուի Ս. Միւռնոն պահելու , իսկ Բագիլուրարն եկեղեցւոյ ղգեստ է և կը կրէ կիսասարկաւազք :

Աղաւնի , աշտանակ , ասա , արտախուրակներ , արծուեգորգ , աւետարան : — Բազկուրար , բազպան , բաժակաման , բուրվառ : — Գաւազան , գրակալ , գօտի : — Դպիր , դռնապան : — Եմբիտրոն , եպիսկոպոս : — Ընթերցող : — Թագ , թաշկինակ : — Ժամագիրք : — Խաչ , խաչվառ , խնկաման , խոյր , խորհրդատետար : — Կանոնագիրք , կերոն , կիսասարկաւազ , կոնք , կոնքեռն : — Հայրապետ , հողաթափ : — Ղենջակ : — Ճաշոց գիրք : — Մաղղմայ , մաշտոց , մասնատուփ , մասանի , մոմ : — Յայսմաւուրք : — Նափորտ : Շապիկ , շարական , շուրջառ : — Ուրար : — Պատկեր : — Զահ , ջահընկալ : — Սաղաւարտ , սարկաւազ , սկիւն , սրբատուփ , սքեմ : — Վակաս , վարդապետ , վեղար : — Տապանակ , տօնացոյց : — Փիլոն , փորուրար : — Քահանայ . քշոց :

ԿՐԿՆԵԼ ՏԱԼ

Ա. Բ. Գ. Դ. Ե. Լալլն վերատեսուքիւնները :



ՅԱԻԵԼՈՒԱԾԱԿԱՆ ՏԵՂԵԿՈՒԹԻՒՆՆԵՐ

Ա. Ս. ԳՐՈՑ ԶԱՓԵՐՆ ՈՒ ԿՇԻՌՆԵՐԸ

1 Երկայնութեան չափեր

Թիւ 0.46 մեղր  
Կանգուռն 1.85 մեղր  
Ասպարէզ 184.94 մեղր  
Մղոն 1.479.50 մեղր

2. Հեղանիւքեայ չափեր

Մար 20.12 լիտր  
Գոռ 201.22 լիտր

3. Արմսիքի չափեր

Տասանորդ 2.30 լիտր  
Գրիւ 7 լիտր  
Արդու 20.13 լիտր

4. Հրէական դրամներ

Արծար  
Մնաս 1.260.16 դրուշ  
Միկ 12 դրուշ  
Տաղանդ 37.812.20 դրուշ  
Ոսկի  
Մնաս 20.166.27 դրուշ  
Տաղանդ 605.000 դրուշ


Ծ. Հոռմէական դրամներ

- Լումայ 1 բարա
- Նաքարակիտ 3 բարա
- Դանկ 12 բարա
- Դանեկան 3.06 դրուչ
- Երկդրամեան 6.12 դրուչ
- Սատեր 12.24 դրուչ
- Մնաս 315.00 դրուչ

Բ. ԺԱՄԱՆԱԿԱԳՐԱԿԱՆ ՅՈՒՅԱԿ ՈՒ ՅԱՆԿ

Հ Ս Տ Ս. Գ Ր Ո Ց

- Ն. Բ.
- 4004 Արարչութիւն.
  - 4003—2 Ծնունդ Կայէնի ու Աբէլի.
  - 3875 Աբէլի զոհը, Կայէն կ'սպաննէ Աբէլը.
  - 3074 Մահ Ադամայ.
  - 2468 Աստուած կ'որոշէ ջնջել աշխարհը, Նոյի քարոզութիւնը.
  - 2348 Զրհեղեղ՝ Աշխարհի ստեղծագործութեան 1656 տարին.
  - 2347 Նոյ տապանէն դուրս կ'ելլէ.
  - 2247 Բաբելոնի խառնակութիւնը.
  - 1998 Նոյի մահը.
  - 1996 Աբրահամ կը ծնի.
  - 1921 Աբրահամ կ'ելլէ Խառանէն.
  - 1912 Աստուծոյ ուխտն Աբրահամու հետ.
  - 1896 Իսահակի ծնունդը.



- 1856 Իսահակի ամուսնութիւնը.
- 1836 Եսաւ ու Յակոբ կը ծնին.
- 1821 Աբրահամ կը մեռնի.
- 1804 Եսաւ անդրանկութիւնը կը ծախէ.
- 1760 Յակոբ կը փախչի Եսաւի երեսէն.
- 1753 Յակոբ կ'ամուսնանայ Ռաքելի հետ.
- 1728 Յովսէփի երկու երազները, Յովսէփ կը ծախուի Իսրայելացիներուն.
- 1719 Յովսէփ Եգիպտոսի մէջ կը հասնի պատիւներու.
- 1716 Իսահակի մահը.
- 1708 Եօթնամեայ սովին սկիզբը.
- 1707 Յովսէփի եղբայրներն Եգիպտոս կ'երթան ցորեն գնելու.
- 1706 Յակոբ ու իր տունն Եգիպտոս կ'երթան.
- 1689 Յակոբ կը մեռնի.
- 1635 Յովսէփ կը մեռնի.
- 1573 Փարաւոն կը հրամայէ Նեղոս գետը ձգել հրեայ արու մասուկները.
- 1571-1532 Մովսէսի ծնունդը, ընկեցիկ կ'ըլլայ, կ'ազատուի, մանկութիւնը:
- 1491 Աստուած Գորէք լեռան վրայ կ'երեւայ Մովսէսի. «Ջատիկ»ը կը հաստատուի.
- 1490 Անապատին մէջ Խորանը կը կանգնուի. Տասը պատուիրանք.
- 1490-1459 Իսրայելացիք Անապատին մէջ.
- 1451 Մովսէսի մահն ու Յեսու.
- 1450-1445 Հրէական յաղթութիւններ.
- 1444 Աւետեաց երկիրը կը բաժնուի.
- 1425 Իսրայելի հեթանոսութեան սկիզբը.
- 1256 հռութ.
- 1249 Գեղէնն դատաւոր.
- 1156 Սամիսոն կը ծնի.

- 1155 Սամուէլի ծնունդը .
- 1143 Սամուէլի կոչումը .
- 1136-1117 Սամիսոնի քաջագործութիւնները .
- 1116 Սամիսոնի մահը . Տապանակը գերի կ'իջնայ .
- 1112 Սամուէլ զատաւոր .
- 1096 Սամուէլ Սաւուղը թագաւոր կ'օծէ .
- 1094-1080 Սաւուղի պատերազմները .
- 1064 Սամուէլ Դաւիթը թագաւոր կ'օծէ , Դաւիթ կը յաղթէ Դողիաթին .
- 1063 Դաւթի միւս յաղթութիւնները .
- 1062 Դաւթի ամուսնութիւնը .
- 1059 Սամուէլի մահը .
- 1056 Դաւիթ՝ Յուդայի թագաւոր . Սաւուղի մահը .
- 1049 Դաւիթ կը թագաւորէ բոլոր Իսրայէլի վրայ .
- 1033 Ծնունդ Սողոմոնի .
- 1024 Աբիսողոմ կ'սպաննուի .
- 1016 Դաւիթ կը պատրաստուի շինել Տաճարը , Դաւիթ կը հաստատէ քահանայներուն կարգը , Սողոմոն թագաւոր կ'օծուի . Դաւթի մահն ու Դաւթի սողոմոնները . Սասուած Սողոմոնի իմաստութիւն կուտայ .
- 1015 Սողոմոնի դատաստանը .
- 1012-1005 Տաճարին շինութիւնը .
- 1005 Տաճարին նաւակատիքը .
- 1001 Սողոմոնի երգերը .
- 993 Սաբա թագուհին կ'այցելէ Սողոմոնի .
- 977 Աքէա կը մարգարէանայ . Սողոմոն կը գրէ իր «Ժողովող»ը .
- 976 Սողոմոնի մահը , Թագաւորութիւնը կը բաժնուի .
- 955 Յերոբոամ կը մեռնի .
- 910 Եղիա մարգարէ .
- 897 Մարգարէից դպրոցները=Նաւաս ուր կը կրթ-

- ուէին կրօնագէտ ուսուցիչները . Եղիա երկինք կը վերանայ .
- 896-890 Եղիսէի հրաշքները .
- 850 Յովնան մարգարէ .
- 838 Մահ Եղիսէի .
- 801-793 Ովսէ մարգարէ .
- 757-699 Եսայի տեսիլքով մարգարէ կը կարգուի .
- 753 Միքիա մարգարէ .
- 723 Սաղմանասար կը պաշարէ Սամարիան .
- 721 Տասը ցեղերը գերի կը տարուին Ասորեստան .
- 628 Երեմիա մարգարէ .
- 623 Սոփոնիա կը քարոզէ .
- 612 Ամբակում կը մարգարէանայ .
- 608 Երեմիա կը բանտարկուի .
- 606 Նաբուգոդոնոսոր Երուսաղէմը կ'առնէ առաջին անգամ .
- 603 Դանիէլ կը մեկնէ Նաբուգոդոնոսորի երազը .
- 588 Նաբուգոդոնոսոր Բ. անգամ կ'առնէ Երուսաղէմը .
- 570 Ազարիա հնոցը կը ձգուի :
- 556 Բաբելոն կ'առնուի Պարսիկներէն :
- 536 Հրէից դարձն ու Տաճարին վերստին շինութիւնը .
- 516 Վերաշէն Տաճարին նաւակատիքը .
- 437 Զաքարիա մարգարէ .
- 433 Մաղաքիա մարգարէ .
- 397 Հին կտակարանի վերջին մարգարէութիւնը .
- 285 Եօթանամանից թարգմանութիւնը .
- 165-161 Մակաբայեցիք .
- 135 Փարիսեցիք .
- 110 Եսէնեանք .
- 55 Հռոմայեցիք կը տիրեն Հրէաստանի ու կուսակալ կը գնեն .

- 40—17 Հերովդէս թագաւոր.  
 6 Ծնունդ Յովհաննէս Մկրտչին ու Նոր Կտակա-  
 բանը կ'սկսի:
- Յ. Ք.**
- 1 Ծնունդ Քրիստոսի.  
 12 Յիսուս կ'այցելէ Երուսաղէմ.  
 26 Պիղատոս կուսակալ.  
 29 Յովհաննէս Մկրտիչ կ'սկսի քարոզել.  
 30 Յիսուս կը մկրտուի Յովհաննէսէն:  
 33 Յիսուս կը խաչուի, յարութիւն կ'առնէ.  
 35 Ստեփանոս կը քարկոծուի, Եկեղեցին կը հա-  
 լածուի, Ս. Թագէոս կը քարոզէ Հայոց.  
 36 Սողոսի դարձը.  
 38 Հեթանոսներու դարձը.  
 40 Յակոբոս կը գլխատուի Հերովդէսէն.  
 43 Ս. Թագէոս առաքեալ կը նահատակուի.  
 44 Ս. Բարթողիմէոս առաքեալ կը քարոզէ Հայոց.  
 60 Ս. Բարթողիմէոս առաքեալ կը նահատակուի.  
 63 Պօղոս կը նահատակուի.  
 70 Տիտոս Վեսպասիանոս կ'առնէ Երուսաղէմը՝  
 Հրեայները կը ցրուին.  
 71 Երուսաղէմի տաճարը կը քանդուի.  
 93 Յովհաննէս առաքեալ կ'աքսորուի Պատմոս  
 կղզին.  
 96 Յովհաննէս առաքեալ կը գրէ «Յայտնութեան  
 գիրք»ը.  
 97 Յովհաննէս առաքեալ կ'արձակուի քսորէն.  
 100 Յովհաննէս՝ վերջին կենդանի առաքեալը կը  
 վախճանի հարիւրամեայ.  
 301 Ս. Գրիգոր Խոր Վիրապէն կ'ելլէ.  
 303 Էջմիածնի Մայր Եկեղեցին կը հիմնուի.  
 326 Ս. Գրիգոր կը վախճանի.

- 325 Ս. Արիստակէս կը յաջորդէ.  
 333 Ս. Արիստակէս կը վախճանի, Ս. Վրթանէս կը  
 յաջորդէ.  
 341 Ս. Վրթանէս կը վախճանի.  
 337-347 Ս. Յուսիկ.  
 353-373 Ս. Ներսէս Պարթև.  
 387-439 Ս. Սահակ Պարթև.  
 404 Հայոց գիրը կը գտնուի.  
 451 Ս. Վարդանանց նահատակութիւնը:

Գ. Բ Ա Ռ Գ Ի Ք Ո Ի Կ

Աբրահամու զոզը. Արքայութեան երանաւէտ կայան  
 ուր էր հաւատացեալներուն հայրը:  
 Ազգաբանուրիւն. Ազգահամար:  
 Ալելուիա. Գովեցէք Տէրը՝ Ենովան, Ալելուիա  
 Վերգուէր Հին ուխտին ու կը գործածուի Նոր ուխտին  
 սաղմոսներու սկիզբն ու վերջը:  
 Ալիքաս. Յակոբ կրտսերին հօրն յունարէն անունը,  
 եբրայեցեան կ'ըսուէր Կլէովոս:  
 Աղանդ. Հերեաիկոսութիւն:  
 Աղաւնի. Նշանակ միամտութեան, անմեղութեան  
 ու հաւատարմութեան:  
 Աղեփանդրիա. Ստորին Եգիպտոսի մէջ, Միջերկ-  
 րականի եզերքը նաւահանգիստ. շինուեցաւ 332ին Ն.Ք.:  
 Աղբասի ցուեք. Արտերու, ձիթաստաններու, այգի-  
 ներու ճռաքաղն ազգամաներուն թողուլ հրամայուած էր.  
 ազգաասիրութիւնը մեծ առաքինութիւն էր:

Ամեց. Երբայեցերէն կը նշանակէ ճշմարտապէս :

Ամլուքիւն. Դժբախտութիւն կը համարուէր ամլուքիւնը, մանաւանդ հրեայ կիներուն որ կը հաւատային խոստացուած Մեսիային և կը փափաքէին Մեսիայի մայր ըլլալ :

Անդամալուծութիւն. Մարմնոյն զգալու, շարժելու անկարողութիւն. քիչ անգամ բուժելի հիւանդութիւն մըն էր :

Անդրանիկ. Հրեայներն իրենց անդրանիկներն Աստուծոյ նուիրելու սովորութիւն ունէին : Անոնց փրկանքն էր 5 սիկզ : «Սուրբ անասուն»ներուն անդրանիկն ալ կը նուիրէին :

Անդրանկուքիւն. Առանձնաշնորհում է : Միայն անդրանիկ որդին կ'օրհնուէր հօրմէն : Քահանային անդրանիկ որդին կը յաջորդէր հօրը քահանայութեան մէջ :

Առակ. Նոր կտակարանի մէջ «Առակ» բառը կը նշանակէ երբեմն ճշմարիտ պատմութիւն կամ բնութեանէն առնուած օրինակ ու նմանութիւն, երբեմն ալ կը նշանակէ «առած» :

Առակներով, այլաբանական ու խորհրդաւոր կերպով խօսիլ սովորական լեզուն էր Արեւելեան իմաստուններու և գիտուններու : Մարգարէներն առակներով կը քարոզէին :

Ասորեստան. Երկիր, ինքնակալութիւն որ կործանեցաւ 625ին (Ն. Ք.). մայրաքաղաքն էր Նինուէ, արդի Մուսուլի մօտ :

Ասիանգետու երգ. ձի. — ձի. սաղմոսներուն վերնագիրը. Հրեայներն Երուսաղէմ ուխտի գացած ատեն կ'երգէին այս սաղմոսները :

Ասուած. Աստուծոյ բուն Երբայեցերէն անունն է Եանվի=Եհովա որ կը նշանակէ Որեւ. հրեայները կ'ըսէին նաև Ադոնայի=Տէր, Ադոնայի Եանուէ=Տէր Եանուէ, Ադոնայի Երոնիմ=Տէր Աստուած :

Բուն Աստուած նշանակող անունն է « Ելոնիմ » որ յօգնակի է և կը գործածուի Աստուծոյ բազմապատիկ կատարելութիւնները նշանակելու, և Աստուածութեան մէջ Երբորդութիւն յայտնելու համար :

Արեմաքիա. Երուսաղէմէն 24 մղոն դէպ ի հիւսիս արեւմուտք, հիմակուան Ռամլէի տեղ :

Բաբելոն. Քաղաքաստանի մայրաքաղաքն Եփրատ գետին եզերքը, արդի Հիլէ քաղաքին մօտերը :

Բեքանիա. Ձիթենեաց լեռան արեւելեան զառիվերին վրայ գիւղ. 2 մղոն հեռու Երուսաղէմէն դէպ ի հարաւ արեւելք :

Բեքղեհեմ. Քաղաք Երուսաղէմէն 6 մղոն հեռու դէպ ի հարաւ. արեւմուտք :

Բեքիագե. «Թուզի տուն» փոքր գիւղ Ձիթենեաց լեռան արեւելեան ստորտը Բեթանիայի մօտ :

Բորոս. Հիւանդութիւն մը, մորթին վրայ թեփ թեփ կեղը : Անբուժելի հիւանդութիւն մըն էր : Հրեայները կը գարչէին բորոտէն ու այդ հիւանդութիւնը կը համարէին Ենովայէն զրկուած պատիժ :

Գողգոթա. Երբայեցերէն կը նշանակէ Տեղի գանկի, Երուսաղէմի մօտ պարսպէն դուրս : Հիմայ այս լեռան վրայ է Ս. Գերեզման եկեղեցին՝ շինուած 335ին :

Գեքսեմանի=Մամուլ ձիթոյ. Գարտէզ Ձիթենեաց լեռան ստորտը, Կեղրոնեան հեղեղաափն միւս կողմը :

Գեսեմ. Քաղաք ու երկիր Սաորին Եգիպտոսի մէջ, Նեղոսի մէկ բազկին մօտերը :

Գերեզման. Թաղման տեղ : Երբայեցիք մեծ խնամք կը տանին իրենց մեռեալներուն թաղման : Անոնց գերեզմաններէն շատերը ժայռերու մէջ վիճափոր էին, ինչպէս Քրիստոսինը :

Գերուքիւն. Աստուած շատ անգամ կը պատժէր հրեայները՝ գերի զրկելով : Երեք գերութիւն կայ, 1.

Յովակիմի օրով 606ին, երբ Դանիէլ և ուրիշներ տարուեցան Բաբելոն: 2. Յովակիմի վերջին տարին 598ին երբ Նաբուգոդոնոսոր հրեայները Բաբելոն տարաւ: 3. 588ին Սեղեկիայի օրով, երբ Երուսաղէմի տաճարը քանդուեցաւ: Գերութեան 70րդ տարին իբր 50,000 հրեայ դարձան Պաղեստին:

Հրեայներու վերջին գերութիւնն եղաւ մեր թուականի 71ին, 100,000 հրեայներ գերի տարուեցան Հռոմէական գաւառները:

Գողիաք. Նշանաւոր հսկայ մը Գետացի = հայացի: Դպիր. Հին Եբրայեցոց մէջ գրելու և հաշուելու վարժ անձերը: Թագաւորին հրամանները ժողովրդին կը հաղորդէին: Հմուտ էին հրէական օրէնքի, ու վարդապետ կամ մեկնիչ էին օրէնքին:

Եբրայեցիք. Աբրահամու սերունդը:

Եգիպտոս. Ափրիկէի հիւս. արեւելեան կողմը նշանաւոր երկիր, այժմ Օսմ. գերիշխանութեան տակ Խտիվութիւն: Եբրայեցիք զայն կը կոչէին Մեւրայիւս = Մաւր. Եգիպտ. Դրախտի երկիրն ուրկէ կը բղխին Եփրատ, Տիգրիս, Ճորոխ = Փիսոն ու Գեհոն = Երասխ գետերը:

Եզրաս. Բահանայ ու առաջնորդ Հրէից որ Պարսից կիւրոս թագաւորէն հրաման ստացաւ 457ին հրեայներն Երուսաղէմ դարձնելու:

Երուսաղէմ. Ս. Երկրին գլխաւոր քաղաքն ու Բրիստոնեայներուն նուիրական քաղաքը: Իր Եաֆա նաւահանգստին հետ կը հաղորդակցի երկաթուղիով: Աստուած Աբրահամու հաւատքն Երուսաղէմի մէջ փորձեց: Դաւթի մայրաքաղաք ըլլալով՝ քաղաքական ու կրօնական կեդրոն դարձաւ: Բայց Երուսաղէմի գլխաւոր փառքը սա՛ էր որ անոր հոյակապ տաճարին մէջ կը բնակէր «Միսիայն կենդանի և ճշմարիտ Աստուած», և հոն կը յայտնէր զինք, և Բրիստոսի տնօրէնութիւններն այս քաղաքին մէջ կատարուեցան:

Զմուսել. Եգիպտացիք մեռեալները կը պատէին = կը զմուսէին սապէս. դիպապտիկներն որ իբր նուիրական պաշտօնեայ կը համարուէին՝ մեռեալին ուղեղը կոր երկաթով մը կը հանէին ռոնդեբրէն, զանկը կը լեցնէին պնդիչ դեղերով: Կը հանէին նաև փորոտիքը, բաց ի արտէն ու երկկամունքէն և ծակ մըն ալ բանալով՝ մեռեալին ձախ կողմէն՝ կը լուային այդ մասերն արմաւի գինիով, պնդիչ ու նիխելէ պահող դեղերով ալ կը լեցնէին: Մարմինը կ'օծէին այլ և այլ խնկեղէն իւղերով 30 օր և յետոյ բորակի մէջ կը դնէին 210 օր:

Հրեայներն այսչափ խնամքով չէին պատեր իրենց մեռեալները. մեռեալը կը դնէին կրկին կտաւներու մէջ՝ այլեւայլ համեմային նիւթեր քսելով, ինչպէս զմուսս, հալուէ և ին: Այսպէս Յովսէփ ու Նիկողիմոս պատեցին Յիսուսի մարմինը: Մարիամեանք չգիտնալով թէ այս գործողութիւնը կատարուած է, իրենք ալ նոյն պատիւն ուղեցին մատուցանել Յիսուսի:

Եղիսէ. Աշակերտ ու յաջորդ Եղիայի, մարգարէացաւ 903-838:

Ենովա. Ագամի թուր:

Ենովք. Մաթուսաղայի հայրն որ հաւատաց Փրկչի գալստեան, ու Եղիայի օրինակին պէս սառնց մեռնելու երկինք փոխուեցաւ:

Երագ. Աստուած շատ անգամ երազներով = տեսիլքով կը յայտնէր իր կամքը, ու կարողութիւն կուտար իր ծառայներուն մեկնել երազները:

Երախայրիք. Առջի բերան հնձուած բերքերու մէկ մասն Աստուծոյ մատուցուած ընծայն կը կոչուէ «երախայրիք»: Տրուած մասը բոլորին տեղն էր ցուցնելու համար թէ բոլորն ալ Աստուծոյ է:

Երիփով. Երուսաղէմէ դէպ ի հիւսիս արեւելք 18 մղոն հեռու, ու Յորդանանէն 7 մղոն հեռու: Երիփովի



մէջ կար «Մարգարէից դպրոց», և հոս կը նստէր Եղիա : Հիմայ կը կոչուի Ռիհան : Երբքովէ Երուսաղէմ երթալու ճամբան նեղ ու քարուա զառիվեր անցք մըն է, ձորերու և վախերու մէջէն : Շատ դժուարին ու վտանգաւոր էր այս ճամբայն, և միշտ աւաղակոյտ, ինչպէս էր Սամա-րացոց ատեն :

Երկինք. 1. Կը նշանակէ օդին, ամպերուն, մոլոր-րակներուն, աստղերուն սահմանը : 2. Երանեղեաց աշ-խարհ որ կը կոչուի նաև Երկինք երկնից. հոս պիտի բնակին սուրբերը :

Չոհ. Քահանային ձեռքով Աստուծոյ մատուցուած նուէր Անոր սեղանին վրայ : Հրեայներն ունէին երեք տեսակ զոհ :

1. Քաւորքեան ողջակեզ. Մորթը հանելով՝ անա-սունն ողջ ողջ կ'այրէին, աւանց թողելու մնացորդ մը՝ բաց ի մորթէն զոր կ'առնէր քահանայն : Ողջակէզը նշանակէր «Քաւութեան» : Անասունին ամբողջովին այրիւր կը նշանակէր զոհողին անձին բոլորովին նուիրումն Աս-տուծոյ :

2. Մեղիի հաւնար. Այսինքն մասնաւոր պատարագ : Որդեծնութենէ կաք կատարուած զոհն ալ այս կարգէն էր :

3. Խաղաղութեան. Ուխտ մը կատարելու, գոհու-թիւնը մատուցանելու համար :

Էջ. Պաղեստինի աղնուականներն էշով՝ մանաւանդ մատակ էշով կը պտտէին. Յիսուս ալ աւանակի վրայ նստած՝ Երուսաղէմ մտաւ :

Թաբո. Գալիլիոյ մէջ անջատ լեռ մը, Յեզրայէլի դաշտին հիւսիս արեւելեան կողմը : Լեռն անտառուա է և ընծայած տեսարանը՝ գեղեցիկ : Յեզրայէլի դաշտին մէջ է Նային գիւղը :

Լաբան. Միջագետքի մէջ հարուստ իշխան մը, Բա-թուէլի որդին, Աբրահամու եղբայր Նաքովրի թոռն է Ասոր աղջիկն էր Ռեբեկա :

Խոզ. Հրեայներուն արգիլուած էր խոզուտել : Հրեայ-ները զանոնք կը բուծանէին հեթանոսներուն ծախելու համար : Խոզարածութիւնն անարգ ու գարշելի գործ մըն էր : Իրենց հայրենի ժառանգութիւնն անառակութեամբ վատնող թշուառներուն վերջին ապաւէնն էր այս զբա-ղումը :

Կայիափա. Հրէից քահանայապետ 27-36 : Սատու-կեցի էր ու ռիսերիմ թշնամի Քրիստոսի : Ղապարու յար-ութենէն կաք ասոր ատենը ժողովեցան քահանաները նիւթելու Քրիստոսի մահը : Աննա ալ որ նախկին քա-հանայապետ էր, Կայիափայի խորհուրդ տուաւ Յիսուսը սպաննելու : Աննա՝ քահանայապետին փեսայն էր :

Կանա. Նազարէթէն 7 մղոն դէպ ի հիւսիս, հիմայ կը կոչուի Գանա-էլ-ձելիլ :

Կապադովկիա. Փոքր Ասիոյ հին գաւառներէն մե-ծագոյնը. հոս շատ հրեայներ կային : Հիմայ Եողկատ, Չորում ու Գայսերի սանձագնները :

Կափառնայում. — Գալիլիոյ գլխաւոր քաղաքը, Յորդանանէն 5 մղոն հեռու Գալիլիոյ ծովուն հիւսիս-ային արեւմտեան եզերքը : Արդի Խան Մինեէհի մօտերը :

Կեդրոն. Երուսաղէմի արեւելեան կողմը ձմեռնային հեղեղ ու ձոր, ուրկէ կը հոսի այս հեղեղը :

Կեսարիա. 1. Արդի Գայսերին, 2. Պաղեստինու Կեսարիա, Եաֆայի ու Տիւրոսի մէջտեղը, Միջերկրա-կանի եզերքը, 3. Կեսարիա Փիլիպեանց, Յորդանանու ակներուն մօտ :

Հաց. Առաջաւորաց շաբաթ օրերն Աստուծոյ նուիր-ած հացն ոսկեղէն սեղանի վրայ կը կենար Սրբու-թիւն կոչուած տեղը : 12 բազարջ շօթ էին ազով ու կնտրկով : Միայն քահանայները կ'ուտէին այս հացէն :

Հեքանոս. Հրեայներն այս անունը կուտային այն-ամենուն որ Մովսէսի օրէնքը չէին ընդունած :

Հեթանոսաց գաւիթ. Տաճարին արտաքին դաւիթը՝ ուր կը կենային հեթանոսները: Գաւիթին մէջ կար միջնորմ կամ վանդակապատ մը. հոս յունարէն ու լատիններէն արձանագրութիւն կ'արգելէր սեղանին մօտ երթալ:

Հուռք. Մովաբցի կին մը որ ամուսնացաւ իր նոյեմի կեսրոջ ազգական Բոոսի հետ: Այս ամուսնութենէն Ֆուա Դաւիթ, և Դաւթէ՝ մեր Փրկիչը Յիսուս: Հուռթի զիրքը «Դաւթի ազգաբանութիւն»ն է:

Հրեասան=Պաղեստին, հիմախուան Գուսս-Շերիֆ ուրոյն սանձագն որ Յակոբայ 12 որդւոց մէջ բաժնուեցաւ: «Աւետեաց երկիր» ալ կը կոչուի. հոս նախ Բանասացիք կը բնակէին, ապէ «Բանանու երկիր» անունը:

Չիքենեաց լեռ. Երուսաղէմի արեւելեան կողմը լեռ մը որ քաղաքէն կը բաժնուի Կեղրոնեան հեղեղատով: Վերան արեւմտեան կողերուն վրայ կան շատ վիմափոր դերեղմաններ: Գեթսեմանի այս լեռան ստորոտն էր:

Մանանա. Հրաշալի կերակուր՝ զոր Իսրայելացւոց տուաւ Աստուած անապատին մէջ: Եղիամի պէս սպիտակ, բոլորակ գինձի չափ մանր սերմ: Կը սեղար ամէն առտու ցօղին հետ: Այս մանանայէն մաս մը ոսկեղէն ամանի մէջ դրուելով՝ իբր վկայութիւն պահուեցաւ «Ուխտի տապանակ»ին մէջ:

Մարախ. Միջտա է թեւաւոր, շատակեր: Մարախը մաքուր կերակուր էր Հրէից համար, ուստի ուտելիք: Աղքատներուն կերակուր էր:

Մարգարից դպրոց. Գաբաա, Նուաթ, Բեթէլ, Գաղգազա ու Երիքով կային «Մարգարէից դպրոց» ուր պատանիները կը կրթուէին կրօնական գիտելիքներով և կը պատրաստուէին առաջնորդ ըլլալ կրօնական պաշտամունքի մէջ: Մարգարէներու որդիներէն շատերը կըրթուելով այդ դպրոցներուն մէջ՝ եղան ո՛չ միայն կրօնի

վարդապետներ, այլև ներշնչեալ անձեր: Կը յիշուին նաև մարգարէ կիներ, ինչպէս Մարիամ, Դեբուլրա, Ողտա, Աննա, Եղիսարէթ ու Մարիամ:

Մարիամ. 1. Մայր Քրիստոսի, 2. Մարկոս Աւետարանչի մայրը, 3. Կղէոպասի կինն ու Յակոբոս Կրտսերին մայրն որ կեցաւ Խալին քով Աստուածածնի հետ, 4. Ղազարու քոյրը, 5. Մագդաղենացի, 6. Քոյր Մովսէսի ու Անարոնի որ իբրև մարգարէ առաջնորդեց Իսրայելացի կիներուն՝ Աստուծոյ օրհնութիւն երգելու:

Մախաւուր. Հարկահան պաշտօնեայ. հրեայները կատէին մաքսաւորները, որովհետև մեծ դժկամակութիւն կ'զգային Հոռմէացւոց կողմէ դրուած տուրքը վճարելու: Հարկահանի պաշտօն վարող հրեայն իբրև հեթանոս կը նկատուէր:

Միշագեսֆ. Եփրատի ու Տիգրիսի միջև երկիր որ հիմայ կը կոչուի էլ ձեզիրա=Տիարպեքիր. էլ Զօր ու Հալէպի Ուրֆա սանձագը:

Մոզ. Մարաց ու Պարսից քուրմերու, գիտուններու ու փիլիսոփայներու արուած անունը: Հրէից դերութեամբ ճշմարիտ Աստուծոյ ծանօթութիւնը յայտնուեցաւ Արեւելքի մէջ: Երեք մոզերը—Մելքոն, Գասպար, Պաղտասար—ալ հաւատացած էին Մեսիայի Գալստեան ու Աստղէն առաջնորդելով՝ եկան Բեթղեհէմ:

Յուպյե=Նաճա. Միջերկրականի եզերքը նաւահանգիստ:

Յովնանէս. 1. Կարապետ Մկրտիչ, Զաքարիայի ու Եղիսարէթի որդին, 2. Յովնանէս առաքեալ ու Աւետարանիչ Զերեքէոսի որդին, 3. Մարկոս Աւետարանչին անունը:

Յովսէփ. 1. Յակոբի որդին, 2. Յուդայի ցեղէն Մարիամի այրը, 3. Արեմաթացի, 4. Քրիստոսի աշակերտ որ կը կոչուի նաև Յուստոս=Բարսաբա:

Յորդանան. Ս. երկրին գլխ. գետն որ 3 ձիւղ ունի: Յուդա. 1. Յակոբի Դ. որդին որուն սերնդէն էր Դաւիթ և ասոր թագաւորական յեղէն ծնաւ Փրկիչը, 2. Իսկարովտացի, 3. Առաքեալներէն մէկն որ կը կոչուի Զերէոս=Թադէոս՝ Բրիտանի մօրաքեռորդին:

Նազաւեթ. Երուսաղէմէն դէպ ի Հիւսիս 70 մղոն, բլրի մը կողմն և Թափոր լեռին հիւսիսային արեւմտեան կողմը, հիմայ կը կոչուի Նազարա: Նայիւն, Թափոր լեռին հարաւային արեւմտեան կողմը: Հիմայ կը կոչուի Նեիւն: Նեղոս. Եգիպտոսի անուանի գետը:

Նիկողիմոս. Հրէից ազգ. Ժողովին անդամ. ի սիղբան փարիսեցի ու յետոյ աշակերտ Բրիտանի:

Նիւուէ. Ասորեստանի մայրաքաղաքը՝ արդի Մուսուլի մօտ Գոռլունճըղ ու Գորսայլուս:

Ուլուս. Սովորաբար «ուխտ» կը նշանակէ երկու կողմէ կնքուած դաշինք կամ խոստում առ Աստուած բարի գործ մը կատարելու, բայց Հին ուխտ ու Նոր ուխտ ըսելով՝ կ'իմանանք Աստուծոյ հին ու նոր խոստումները մարդոց: Հին ուխտն է հրեայնեան յայտնուածը, իսկ Նոր ուխտն է Բրիտանիէութիւնը:

Ուր. Աբրահամ նահապետին ծննդավայրը, արդի Ուրֆա:

Պաղմոս. Արքիպեղազոսի մէջ կղզի Սամոսի ու Նաքսոսի միջեւ:

Պանսացի Պիղաոսոս. Հռոմայեցի Ե. կառավարիչ (26—36) որ ընդհանրապէս կը նստէր Կեսարիա: Ատելի եղաւ հրէից՝ իր խիստ ու անազորոյն վարչութեան համար:

Սաբա. Կարմիր ծովու եզերքը, հարաւային Արաբիա, մայրաքաղաք Մարէթ երկրին:

Սաղուկեցի. Ազանդ մը, Բրիտանի հակառակորդ:

Սամարիա. Իսրայէլի թագաւորութեան մայրաքաղաք. հիմայ աննշան գիւղ մըն է և կը կոչուի Սեպուռայիէ:

Սիդոն. Արդի Սայտա քաղաքը:

Սիմոն. 1. Սիմէոն ձերունի, 2. Պետրոս առաքեալին անունը, 3. Սիմոն Կանանացի, 4. Սիմոն Կիւրեւնացի՝ Յիսուսի Սաչափայտը կրողը, 5. Սիմոն փարիսեցի որուն տունը հրաւիրած էր Յիսուս Կափառնայում, 6. Սիմէոն Բորոտ որուն հետ Յիսուս Բեթանիոյ մէջ ընթրեց, 7. Յուդա Իսկարիովտացւոյն հայրը:

Սիւնա. Համանուն թերակղզւոյն մէջ լեռ մը:

Սիոն. Երուսաղէմի բարձրագոյն ու հարաւային լեռակը:

Սուգ ընել. Հրեայնեան ազգականներու և բարեկամներու մահուան ատեն մեծ սուգ ու կոծ կ'ընէին, կանգնելու, կը պատուաւէին հանգերձին, կուրծքերնին կը բաղխէին, և հող կը ցանէին գլուխնին, գետինը կը նստէին, բոկոտն կ'երթային, կը փետաւէին մազերնին ու մօրութիւն: Եօթն օր կը տուէր սուգը, Տունէն դուրս չէին բարեւեր:

Սլեղար. Աշխարհուրացման ու ինքնամոռացման արտաքին նշանն է. պատուար մըն է որ աշխարհէն ու հաճոյքէն կը բաժնէ նուիրեալ անձը:

Տասանորդ. Հրեայնեան եկամուտին կամ շահուն տասներորդ մասը կուտային կրօնական նպատակներու: Այս տասանորդը սահմանուած էր Ղեւտացւոց որ իրենց տասանորդին տասներորդ մասը կուտային քահանայներուն:

Տասրակ. Կը մատուցուէր Մաքրութեան զոհերուն համար:

Տիբերիա. Գալիլիոյ քաղաք, Գենեսարէթի արեւմտեան ծովափը:

Տիւրոս. Արդի Սուր քաղաքը:

Տօն հրեական. 1. Շաբաթ՝ յիշատակ Արարչութեան հանգստեան, 2. Պասխօ=Չասիկ՝ կը յիշեցնէ Եգիպտոսէ ելքը, 3. Պենտեկոստէն՝ Սինա լեռան վրայ տրուած օրհնութիւնը:

բէնքը, 4. Տաղաւարահարց՝ Բառամնամեայ պանդխտութիւն անապատին մէջ, 5. Փորիս=Շէֆեր պայրաւը՝ Համանի դաւածանութենէ ազատուիլը, 6. Կրօնական սարեգրախ, 7. Աւերուձ Տանարին, 8. Բիփուր՝ Ողջակէզներու տօնը, 9. Խանուկա՝ Նաւակառիք տաճարին փարաւոն. Հին եգիպտացւոց թագաւորներուն տիտղոսը:

Փարիսեցի. Ալանդ, ձեւապաշտ հրեայներ, 2. Կեղծաւոր:

Փիլիպպոս. 1. Չորրորդապետ Մեծն Հերովդէսի աստն, 2. Բեթսայիթացի Փիլիպպոս առաքեալ՝ որ նախ Յովհաննէս Մկրտչի աշակերտ էր:

Փիւնիւկի. Արդի Պէյրութ կուսակալութիւնը:

Փղօցացիք. Բանանու հարաւային ծովեզերքի բնակիչները. ասանց անունով երկիրը կոչուեցաւ «Պաղեստին» Բարկոծել. Սովորական պատիժ էր Հրէից մէջ: Մասնափորտը քաղաքէն դուրս կը հանէին և կը քարկոծէին կամ մեծ քար մը գլորէին մարմնին վրայ:

Քրիստոնեայ. Անտիոքի մէջ 42 թուականէն ի վեր Քրիստոսի հաւատացեալներուն արուած անունը: Հաւատացեալները զիրար կը կոչէին Եղբայր: Հեթանոսներն ալ զանոնք կ'անուանէին Նազովրեցի:

Օրինական. Այս անունը կը արուի այն հրեայներուն որ իրենք զիրենք նուիրած էին սորվելու և մեկնելու Հրէից օրէնքը. բնդհանրապէս փարիսեցի էին օրինականները:

Վ Ե Ր Զ



2(075)  
Խ-29

« Ազգային գրադարան



NL0151319

